

**IOANNIS MORINI
BLESENSIS ...
DIATRIBE
ELENCTICA DE
SINCERITATE...**

Jean Morin





XVI Pg 112

Mihi Bon Filomeni Amalia
dono Radice ab autore

26. A



IOANNIS MORINI BLESENSIS
CONGREGATIONIS ORATORII
IESV CHRISTI Presbyteri

DIATRIBE ELENCTICA
DE SINCERITATE HEBRÆI
Græcique textus dignoscenda, aduersus in-
fanas quorundam Hæreticorum calumnias.

ACCEDUNT

*Appendix, in qua nonnulla Diuinitatis & Incarna-
tionis IESV CHRISTI D. N. illustrissima
testimonia in Hebræo textu nunc corrupta Talmu-
dis & Rabbinorum antiquorum autoritate resti-
tuuntur :*

ET ANIMADVERSIONES
IN CENSVRAM EXERCITATIONVM
ad Samaritanorum Pentateuchum.



PARISIIS,
Excudebat ANTONIVS VITRAY, Regius
& Cleri Gallicani Typographus.

M. DC. XXXIX.

Cum licentia Superiorum.

NOs subsignati Doctores sacrae Facultatis Theologiae Parisiensis legimus Tractatum Polemicum, & Apologeticum R. P. Morini de Sacri Textus Hebraei, & Graeci sinceritate, quem pugnaci stilo aduersus conatus Scribarum hebraisantium, & Ecclesiae segregum scripsit, in quo certè nil peccatum est contra Canones Fidei. Et si quid in Opusculo hoc, vir aliàs modestissimus acerbius in heterodoxos Scribas dixit, id potiùs zelo defendendae veritatis quàm animo priuatæ iniuriæ regerendae tribuendum duximus. Datum Parisiis die 28. Aprilis, an. 1639.

I. CHASTELLAIN.
HALLIER.

CHAPELAS.



ILLVSTRISS. ET REVERENDISS.

ANTISTITI

ACHILLI HARLÆO
MACLOVIENSI EPISCOPO

IOANNES MORINVS Congregationis
Oratorij IESV CHRISTI
Presbyter.

NON parum meâ interest,
Illustrissime Præsul, publice
testatum relinquere te non indi-
gnum me existimauisse quem beneuolentiâ,
& amicitia tuâ prosequerêris. Quid enim
honorificentius literarum amâti contingere
potest, quàm viro animi virtutibus vndique
maximo charum esse & familiarem? Ado-
lescens studiorum Theologicorum ea speci-
mina edidisti, quæ Galliam vniuersam tui
admiratione compleuerunt. Te enim ado-

ã ij

lescentem natalium splendor, Parentisque
egregia in Regem Patriamque merita late-
re non sinebant: Iuuenis septennij legatio-
nem in Oriente obiisti; quo tempore nullas
horas subcesivas tibi perire passus es, sed
omnia scientiarum genera, potissimum au-
tem literas Hebraicas & Chaldaicas la-
bore improbo, & diligentia incredibili ex-
coluisti; ita ut in Galliam reuersus ordina-
riam omnium hominum de exactissima ista-
rum linguarum cognitione opinionem, fi-
demque longè superares. Ætate postea pro-
uectior, Deo te, tuaque deuouisti, Congre-
gationemque nostram in qua sacris initia-
rêris, votique compos fieres, elegisti, è
qua te Dei providentia, Ecclesiæ suæ ne-
cessitati, honori, majestati consultura, ad
Sacerdotij summum apicem euexit.

Multa alia sunt, quæ licet priuatim
meâ non intersint, persuadent tamen ut
beneficiorum communiter acceptorum non
immemor, hoc opusculum tuo nomini

nuncupem. Congregationem nostram inopem opibus tuis sustentasti, beneficijs dotasti, donis & muneribus cumulaſti. Bibliothecam eius ingenti librorum præſertim Hebraicorum, Chaldaicorum, & omnis generis Rabbinicorum, excuſorum & manuſcriptorum ſupelleſtile, maximo ſtudio & maximis impenſis in Oriente comparata, auxiſti & ditasti. Sed hoc nobis charius & amabilius : Congregatio noſtra te Collegâ ſodalique annis quatuordecim decorata eſt, fratremque tuum vnicum, perpetuæ tuæ amicitiae & benevolentiae pignus poſidet, qui poſt multa militiae, domi foriſque præclarè geſtæ teſtimonia, innumeraſque fortitudinis laureas reportatas ſecularis militia cingulum exuit, ut Chriſtiana indueret, fallacibuſque rerum humanarum curis exemptus, ſoli Ieſu Chriſto militaret.

Si verò rem ipſam conſidero de qua hac Diatribe diſſeritur, ambit illa nomi-

ã iij

nis tui auspiciū , asylumque. Ecclesiam enim Dei viui multis argumentis & exemplis contendo columnam esse & firmamentum veritatis , & quā doctrinæ , & quā codicum deificorum , vt in Africa loquebantur antiqui Christiani , sinceritas attenditur. Hebraeis Græcisque textibus concedatur vtilitas maxima , laus maxima , exemptio de malignis corruptelis absolutissima : id vehementer approbo. Verūm ijs ne vtantur heretici in Ecclesiæ Catholicæ contemptum , codicum eius lacerationem , & antiquorum Patrum qui ex iis Sacrosancta religionis Christianæ mysteria expresserunt , opprobrium & vellicationem.

Is autem es , Eruditissime Præsul , qui hac de re æquissimum iudiciū ferre potes. Literas enim sacras ab ineunte ætate edoctus es , quarum studium nunquam intermisisti; Archetypos codices , eorumque interpretes , Græcos , Hebraeos , Chaldaeos , nullo negotio per teipsum enoluis ,

comparas, dispungis. Tot igitur nomini-
bus, & priuatis & publicis tibi deuin-
ctus, hanc opellam grati animi mei qua-
lecunque futurum monumentum tibi addi-
co & consecro. Leue quidem munus, tue
tamen amicitiae securus illud tibi proba-
tum & acceptum iri confido. Deus te,
Illustrissime & Doctissime Præful,
Ecclesie suæ, literis, & Congregationi
nostræ quàm diutissimè seruet incolumem.



INDEX CAPITVM, QVÆ huius Diatribes parte priorē continentur.

P R Æ F A T I O.



Duersariorum imperitia, malignitas, conuitia, sycophantia, ἀσυνλογία, strophæ, ἀποχία, aliaque id genus peccata per uniuersum libellum extantia describuntur. 1

Cap. I. *Calumniatorum τὸ ἀναδὲς, Calumniatorum verbis demonstratur, & iniquitas notatur. Eorum conuitia, phrenitis, χακοήθεια, cassus & ridiculus labor* 12

Cap. II. *Conciliationis textus Græci cum Hebræo varij modi enarrantur. Prima calumnia stoliditas φιλονεικία, impudentia.* 20

Cap. III. *De multiplici variarum interpretationum conciliatione cum textu Hebræo nulla ipsius iactura: eandem interpretandi textus Hebræi viam Iudæos & Hereticos nonnunquam inire.* 27

Cap. IV. *De ÷s varietatibus interpretationum quæ unius literæ in textu Hebræo mutatione aut traiectione conciliantur. Aduersariorum imperitia, sinistra studia, ἀλογισία.* 32

Cap. v. *Hæreticorum doctissimi quique Hebraum textum, & Græcum noui Testamenti mendis plurimis scatere fatentur. Aduersar. stoliditas, peruicacia, conuitia, paralogismi suis maxime noxi, ὡς τε μαχία.* 37

Cap. vi. *Validam esse hanc consequentiam, etiam ex Hæreticorum sententia, si menda irrepserunt in Græcum noui Testamenti textum, multo magis in Hebraum veteris Testamenti.* 53

Cap. vii. *Ex versionis comparatione cum dato codice Archetypo rectè nonnunquam colligi Archetyporum varietatem, Hæreticorum sic colligentium exemplis demonstratur. Aduersariorum stupor, ἀνεξία, mens furcata, cecitas.* 62

Cap. viii. *Eadem veritas Iudeorum sic colligentium testimoniis demonstratur. Antiquæ versiones saepe exhibent varietates Lectionum à Masorethis postea animaduersas. Idem quod nos de Hebræo textu collegit ex citationibus noui Testam. R. Azarias.* 85

Cap. ix. *Multas illas variarum Lectionum centurias à Masorethis adnotatas tot mendas esse in Hebraum textum illapsas asscunt Iudæi antiquiores & recentiores. Aduersariorum vanitas, inscitia, audacia, procacitas.* 99

Cap. x. *Dua alia Iudaorum opiniones de his varijs Lectionibus breuiter enarrantur & refelluntur, breuiterque hinc demonstratur Hebraum textum corrigendarum versionum antiquarum regulam adequatam esse non posse.* I 16

Cap. xi. *Qua ratione ex nonnullis testimonijs qua de veteri Testamento referunt Apostoli necessario colligitur mendas in textum Hebraum irrepsisse. Aduersariorum vrinum μῶν τευμα, insanum conuitiandi Cacoëthes.* I 22

Cap. xii. *Variarum calumniarum abstersio. Editio Romana 70 Interpretum quàm sit sincera, & quanta autoritatis. Hebrai textus menda tanti non sunt, ut dici possit corruptus. Aduersar. in fingendis sycophantijs ἀναστροφία, perpetua ἀσυχία, elumbis sophisticè.* I 38

INDEX ELENCHORVM PARTIS POSTERIORIS.

DE Hebraeo textu nihil scripsit autor quod antea Iudaei & Haretici complures non scripserint. Calumniarum lerna, argumenta ἀντιμωφία. I 51

Tituli Elenchus

Aduersar. ἀγνοήσια, barbaries, fallacia. I 52

*Calumniæ in libelli dedicatione assertæ
Elenchus.* 153

Sectionis primæ Elenchus.

*De umbra sua triumphant Aduersarij, eo-
rum impostura.* 155

Sectionis secundæ Elenchus.

*Nulli textui originario nedum verso post tot
secula tribui debet, παντοδαπὴ ἀκρίβεια.
Aduersar. duplex impostura, latuata pu-
gna libido.* 156

Sectionis 3. 4. 5. 6. Elenchus.

*Magno molimine probandum suscipiunt
aduersum nos quod negare fatuum esse sapius
scripsimus. Eorum fæda orationis inconse-
quentia, in Apostolos blasphemia, inscitia
ἀκροαία.* 159

Elenchi Sectionis 7. Pars Prior.

*Græcam interpretationem Hebræo textui
preferendam esse, ex eo quòd eam ab Hebræo
deflectentem Apostoli secuti sunt nunquam di-
xit Morinus. Quid verbum קשׁוֹן significet,
Græca versio contra Aduersariorum imperi-
tam temeritatem asserta: eorum μικρολογία,
audax & nefaria correctio, rationum ἀνα-
κολούθια.* 164

Elenchi Sectionis 7. Pars posterior.

*LXX. Interpretes scelestissimè sacrorum co-
dicum falsationis accusari. Prophetia de Chri-*

sto quas Aduersarij dicunt 70 Seniores per-
uertisse asseruntur. Critica Masorethica τοῦ
מאור ומאור exempla. 70. & S. Hieron.
Interpretat. illustrata, Quid significet קדם.
quid אכזר. Aduersar. arrogantia gygantea,
κορυφατισμός, ignorantia impudens & sa-
crilega, prapostera & insulsa versus Gracicum
Hebræo comparatio. 177

Sectionis 8. Elenchus.

Loci in Hebræo à nobis corruptela notati
longè plurium specimina sunt. Ex his rectè
colligi non potest textum Hebraum esse cor-
ruptum, sed rectè ad Hebraum textum solum
versiones antiquas non esse exigendas: asser-
tio sinceritatis loci famosi in Ps. 59: confuta-
tur. Aduersar. strophæ perpetua, blasphemia
in 70 Interp. mens lingua ἐλεγκτική, catalo-
gorum iocularis ᾠερμία. 197

Sectionis 9. Elenchus.

Putida sycophantia, labor insanus. 218

Sectionis 10. Elenchus.

Irritus conatus, λεπτολογήματα, ineptia. 220

Sectionum 11. 12. 13. 14. Elenchus.

His sectionibus ut & precedentibus magno
conatu probant quod ipsis conceditur. Vbique
cupressum simulant, Asini in paleis. 222

Sectionis 14. Elenchus.

Insularum calumniarum nimbus. Catalogis

omnia expediunt: Catalogorum ludicra versationes, καὶ γελοιοσχίαι. 224

Elenchi Sectionis 15. Pars prior.

Eliduntur calumniarum portenta repetita. Maledicentiarum noua seges exurgens suffocatur. Disputatur quæ textus sinceritas ad ἀνθεντίας requiratur. Aduersariorum fatuitas, dementia, Iudaismus, calumnia ἀνἀθεια; Cadmea pugna, ἑρατιολογία multiplex. 227

Elenchi Sect. 15. Pars posterior.

Exemplis & Hæreticorum testimoniis docetur quæ textus sinceritas ad ἀνθεντίας necessaria sit. Restitutio v. 19. Psal. 67. vindicata. S. Hieronymo sua coniectura reddita. Aduersarij desipiunt, umbris territant, inconditè & rusticè loquaces, φιλόμαυροι, diobolares scioli. 240

INDEX

ANIMADVERSIONVM in Censuram Exercitationum Ecclesiasticarum ad Pentateuchum Samaritanum, Pars prior.

<i>In qua Censoris calumnia absterguntur.</i>	321
<i>Cap. I. Prima calumnia abstersio.</i>	323
<i>Cap. II. Secunda calumnia abstersio.</i>	327
<i>Cap. III. Tertia calumnia abstersio.</i>	330
<i>Cap. IV. Quarta calumnia abstersio.</i>	332

Cap. v. <i>Quinta calumnia abstersio, in qua de traditionibus aduersus Karaitas ex libro Cozri differitur.</i>	333
Cap. vi. <i>Sexta calumnia abstersio.</i>	342
Cap. vii. <i>Septima calumnia abstersio.</i>	344

I N D E X

A N I M A D V E R S I O N V M in Censuram Exercitationum Ecclesiasticarum ad Pentateuchum Samaritanum, Pars posterior.

In qua Censoris nota expunguntur.

Animaduersionis

<i>In Censuram capitis primi Exercitationis tertiae, in qua de antiquis Patribus qui Samaritanum codicem citauerunt.</i>	348
--	-----

Animaduersionis

<i>In Censuram cap. primi & secundi Exercitationis quarta, in qua de utilitate Samaritani codicis & autoritate illi tribuenda.</i>	354
--	-----

Animaduersionis

<i>In Censuram capitis 3. Exercitationis quarta, in qua de locis à Censore perperam allegatis, deque ratione colligendi è varijs translationibus codicum originariorum varietatem.</i>	358
--	-----

Animaduersionis

<i>In Censuram cap. 5. Exercitationis quarta, in qua de</i>	
---	--

Iudaorum erga codices sacros religione. 364
Animaduersionis

*In Censuram cap. septimi Exercit. quarta, in
qua de Masora utilitate & obscuritate.* 367
Animaduersionis

*In Censuram cap. octavi Exercit. quarta pars
prima, in qua varietatum in Hebraeo textu
allegatarum scopus explicatur.* 372
Animaduersionis

*In Censuram cap. octavi Exercit. IV. Pars
secunda, in qua docetur quantam praeceteris
linguis unius literae mutatio sensus varieta-
tem in linguam Hebraeam inferat.* 375
Animaduersionis

*In Censuram cap. octavi Exercit. quarta, Pars
tertia, in qua de mendis textus Hebraei quae
solæcismum continent.* 378
Animaduersionis

*In Censuram cap. 8. Exercit. IV. Pars quarta,
in qua exemplis docetur in quem finem va-
ria ista lectiones enarrentur.* 388
Animaduersionis

*In Censuram cap. 8. Exercit. quarta, pars
quinta, in qua de differentia quam insti-
tuerant Masoretha inter varias lectiones,
sive Keri Vchetib, & dictiones plenas defi-
cientesque; atque an litera punctis permu-
tentur.* 395

Animaduersionis

In Censuram cap. 8. Exercitat. quarta pars sexta, in qua traduntur intimæ rationes defectus & plenitudinis dictionum quæ à Masorethis singulis paginis creberrimè adnotantur.

399

Animaduersionis

In Censuram cap. 8. Exercit. quarta pars septima, in qua docetur exemplis quàm multa textus Hebraei varietates è Masora eruantur, quàmque sit periculosum ex ea textum Hebraum corrigere.

406

Animaduersionis

In cap. 9. Exercit. quarta, in qua de modo in correctione Ecclesiast. translationum adhibendo iuxta Censoris sententiam, deque variarum lectionum quæ in Hebraeo textu occurrunt gravitate & leuitate differitur.

409

Animaduersionis

In cap. decimum Exercit. quarta, Pars prior, in qua de temporum breuiario à Samaritis ad Iosephum Scaligerum misso, eiusque cum Pentateucho Samarit. conciliatione.

414

Animaduersionis

In cap. decimum Exercit. quarta, Pars posterior, in qua de sententia S. Hieronymi quæ spectat epilogismum annorum Mathusale secundum Samaritas.

420

FINIS.



DIATRIBES ELENCTICÆ

De Sacri textus, Hebræi & Græci
finceritate dignoscenda.

P A R S P R I O R.

AUTORIS PRÆFATIO,

Qua

*Aduersariorum imperitia, malignitas, con-
uitia, sycophantia, ἀσολογισμοί, Strophæ,
σκιαμαχίαι, aliaque id genus peccata per
vniuersum libellum extantia describuntur.*



Amdudum est cum incer-
to rumore nuntiatur mihi,
nunc Anglos quosdā,
nunc Hollandos in opus-
cula mea stylum stringere.

Liber qui hyeme proximè exactā in ma-
nus meas peruenit, rumorem non omni-
no vanum fuisse confirmauit. Homines
duo quorum vnus vt audio, Angelus est,

A

alter Hollandus Ultraiectēsis, coniunctis operis illum composuerunt. De his atque eiusmodi scriptis sic apud me statutum est: Aut animaduersiones nostras carpunt, qua studium & diligentiam nostram spectant, aut qua Ecclesiæ Catholicæ doctrinam stabiliunt. Sanè si prius non insana detrahendi & obtrectandi libidine faciunt, non modò patienter fero, verum etiam laudo. Memini enim me esse hominem; quacunque in causa falli potuisse & decipi, nedum in hac quæ eruditorum paucissimorum oculis obuersatur, quæque à tot autorum Iudaicorum, antiquorum & recentium abditissimis testimoniis arcessitur. At si posterius, ausum est non ferendum. Tum silere præuaricari est, & furentibus cedere, veritatem prodere.

Istorum hominum libellum cum primum legi statim animaduerti non tantum ab ijs vtrumque peccatum esse commissum, sed etiam alia plura quæ vix vnquam viris modestis contingunt. Ab ijs frustra modestiam & eruditionem expectes: ignorantiam enim, stoliditatem, conuitia, furorem vbique spirant. Mihi diligentius insolita ista peccata perpendenti visum est ad quatuor capita generatim ea

reuocari posse, quæ antequam rem ipsam aggrediamur breuiter enarramus. Quàm graua sint, lector æquus iudicet: Non enim speramus desperatissimæ spei homines erroris admonitione, aut etiam conuictione commoturi posse.

Οὐ ποτε ποιεῖς τὸν χάρκινον ὁρθῶς βεβήκειν.

Primum peccatum est eiusmodi quale committi posse ab homine mentis compote vir prudens nunquam suspicaretur. Opinionum monstra de quibus asserendis ne cogitauì quidem, nedum scripsi, imò in quæ persæpe datâ opera in illa ipsa præfatione imperum feci, mihi imputant; deinde in ea atque in me excandescunt, debacchantur, insaniunt, furunt. In tota illa disputatione præter nomen meum nihil meum agnosco. Animi sui figmenta telis suis nunquam non petunt; animi nostri sententiam nunquam vel leuissimè attingunt: Ne libri quidem titulus, si nomen meum expungas, sententiam meam ferit. Itaq; licet eam planissimè in scriptis meis exposuerim; Nunc tamen multo magis est mihi in ea iterum explicanda laborandum quàm in refellendis Aduersariorum argumentis.

Secundum istorum hominùm pecca-

A ij

tum non est præcedente minus insanum. Spectra mormonésque sibi debellandos proposuerunt, non sententiam nostram. Facile igitur ijs erat sententiæ nostræ argumēta cum spectris & mormonibus suis comparando eorum aciem effugere, aut plumbeam demonstrare. Quis enim quas chimæras fixit, non facilè refixerit? Quis animi sui ægritudine laborantis insomnia sanus factus non lubens riserit? At ambo cum larvis suis digladiaturi, sententiæ meæ argumenta quæ plurima sunt vnico excepto, omnia prætereunt, atque in nescio quas diuisiones testimoniorum quæ de veteri testamento citantur in nouo, & in diuisionum istarum annotamenta quædam quæ nemo negauerit, diuagantur: Itaque cum illorum liber titulo præferat, *Examen Præfationis Morini in Biblia Græca de textus Hebraici corruptione, & Græci auctoritate*, nihil minus agunt quàm quod lectori pollicentur.

Multa & diuersa complectitur Præfatio nostra. In ea differimus de antiquis Hebraicorum codicum interpretationibus, de auctoritate 70 Interpretum iuxta antiquorum Patrum, atque etiam Rabbiorum sententiam, de causis discriminis

quod inter Græcum & Hebræum textum tam ingens deprehenditur. Plurimæ eius discriminis causæ enarrantur, & vnaquæque exemplis illustratur. Denique de variis textus Hebraici lectionibus ex Iudæorum mente disputamus, ex quibus colligimus Hebræo textui ὁλόκληρον integritatem non esse vindicandam. Quid ad hæc Aduersarij nostri? Clausis oculis omnia prætereunt non secus ac si numquam scripta fuissent. Vnicum tantum argumentum ex cap. 10. Epistolæ ad Hebræos desumptum sibi leuissimè exagitandum proponunt. Libri tamen titulus pollicetur Præfationis meæ examen. Quis vnquam quia libro suo titulum refutationis apposuit, se refutasse credidit? An existimant Locutulei isti se adeo acutos & versipelles, vt cornicum oculos configere possint? Quid igitur, inquires, agunt toto illo libro? Iam diximus, spectra sibi fingunt; Deinde testimonia ab Apostolis citata in varias classes minutissimè dissecant, hæcque sola & nuda dissectione, nullo eruditionis *τεκμηρίω* condita vt Andabatae in cimmeriis tenebris aduersus spectra & insomnia sua luctantur. Sed de his postea *κατὰ μέρος.*

Tertium peccatum est supina istorum hominum ignorantia, in quorum libro nullum extat vnquam tantillæ eruditunculæ specimen vel leuissimum. Lege, perlege, relege libellum, quid aliud ex eo colliges, quàm quod ait Comicus?

Επιφυλίδες αὐτ' ἐστὶ, καὶ σωμύλματα
 χελιδόνας μουσεῖα, λαβήται τέχνης.

nihil præterea. O maledicentissima pecora, miseras chartas qua fronte maculare & perdere audetis, aliorumque otio tam turpiter abuti? ô loquaces talpæ, num remorder animum vestrum stupidissimæ ignorantia conscientia? Bipedes asini qua impudentia perciti libellum exanguem, exuccum, insulsum, omni eruditione & literatura cassum edidistis, cum occasione præfationis nostræ examinandæ, si mens vobis ficulnea non esset, obseruationibus eruditis nec obuiis disputationem vestram passim aspergere, & illustrare potuissetis? Crediderunt forsan belli isti homines lucubrationiculâ suâ sese virum docta per ora volituros. Volitabunt sanè, sed vt noctuæ inter cornices, picæ inter lusciniæ.

Quæret forsan aliquis quamobrem indignante vulgatissimo prouerbio, ne Her-

eules quidem contra duos, aduersum me scripturi mutuas operas tradiderunt. Quamobrem Franciscus ille Taylor qui prior inscribitur, ætatis an ignorantie prerogatiua nescio, virum aliquem doctrinâ conspicuum sibi non coniunxit? Mirari desine Lector, ratio est in promptu: Asinus asino pulcher videtur, & bestia bestiam nouit. Ideo stolidissimus Taylor sodalis sui exquisitissimam stoliditatem peramanter amplexus, & admiratus est, vt fricans refricantem nancisceretur, &

----- *Alter*

Alterius sermone meros audiret honores.

Istorum hominum stupidam ignorantiam, candide Lector, tragicè non exaggero: Rem proprio nomine appello, fucato equidem non coloro. Quisquis in libellum istum oculos coniecerit, nihil me hyperbolicè efferre fatebitur. Iactant se aduersus Exercitationes meas Samariticas scripsisse. An in lucem editus sit liber, hætenus nescio: nondum est hûc allatus, nec à quoquam hûc visus. At si ex libello qui nobis est præ manibus, reliqua eorum scripta iudicentur, nihil prorsus sani & eruditi ab iis sperandum est. Quid enim in controuersis, abditissimis quæ Rabbi-

A iij

norum & Talmudistarum lectione potissimum deciduntur, ab iis speres, qui de rebus hebraicis sic scribunt, quasi Iudæorum libri nusquam terrarum reperirentur? Bruta ista animantia ignarissimæ stupiditatis à nobis admonita & castigata forsan aliquantulum sapient. Sin minus, posthac saltem tam immaniter rudere desinent, & auriculas demittere cogentur

--- ut iniqua mentis aselli

Quum grauius dorso subiit onus

Postremum peccatum quod nunc notamus, insanum est istorum hominum maledicendi cacoethes. Nunquam de me loquuntur, quin in atrocissima statim conuitia, verbaque furentium erumpant. Execrandum monstrum passim me vocant, rabiosam belluam, impurum latratorem, canem, fatuum, insanum, sacrilegum, sceleratum, hominem infinitæ stoliditatis & desperatissimæ vecordix. Plura eiusmodi conuitia deblaterant è triuio, plebisque debacchantis furore desumpta, ita vt vel ex ipsis conuitiis facilè iudices istorum hominum ingenium nulla fuisse vnquam eruditione politum. Sanè cum amborum ora intemperantia, infræna, furentia considero, mentem subeunt hæc Homeri

Ἐπὶ γὰρ ἀμφοτέροισιν ὁνειδέα μὴ θήσεσθαι
Πολλὰ μάλ' οὐδ' ἀνθρώπος ἔχων ζυγὸς ἄχθος
ἀροίτω.

Videnturque mihi societatem iniuisse,
non tantum, ut dictum est, quod animo-
rum, & morum similitudo mutuam inter
eos amicitiam conciliauerit, verum etiam
ut tragicis clamoribus succenturiatis in-
natum sibi conuitiandi furorem inflam-
marent, aspisque, ut ait Tertullianus, à
vipera venenum mutuaretur. Senserunt
quod canit Poeta,

Συμφε, τῇ δ' ἀρετῇ πέλει αἰδρωῶν καὶ μάλ'
λυγρῶν.

Qua alia ratione ad tam atras & spurcas
iniurias euomendas commoueri potue-
runt? Cuiusquam famæ nunquam de-
traxi: Hostium fidei Catholicæ inge-
nium, scientiam, diligentiam quum de
iis verba me facere contigit, agnoui &
prædicaui: Naturæ dona quæ Deus iis
infudit, studiumq; quo excoluerunt ea, à
religionis causâ, eorumque in religionem
debauchationibus semper distinxî:

Hunc seruare modum nostri nouere libelli

Parcere personis, dicere de vitiis.

Innata igitur malignitas per summam im-
peritiam audacior facta eos ad me homi-

nem illis incognitum tam atrocibus conuitiis & horrendis sycophantiis appetendum impulit. Sed ista nauci facio. Ut enim neminem probum aut sapientem laudes efficiunt, sic nec improbum aut insipientem conuitia & calumniæ.

Verum hac in causa id me malè habet, quod eos etsi maximè velim, laudare non possim. Nulla enim sunt in iis eximia naturæ dona, nullum studium, nulla scientia. Meipsum igitur viris doctis deridendum propinarem si laudarem in iis virtutes quæ nullæ sunt, vitia verò quæ plurima insunt, præterirem. Deinde ipsorum liber totus quantus est, nihil aliud est quàm perpetua & evidentissima calumnia. Eas opiniones mihi semper imputant quas non modò negavi, sed etiam abhorruì, & sæpius fatuitatis condemnavi. Itaque aut mihi est omnino silendum, aut si iusta mihi competit defensio, illos calumniarum & sycophantiarum non possum non accusare. Cum igitur nostri defensio necessario coniuncta sit cum perpetua querimonia de Aduersariorum imperitia & calumniis, ab ea libenter abstinuissem, nisi graues aliæ causæ ad eam suscipiendam me commouissent.

Nonnullas, optime Lector, ob oculos tuos proponere visum est : Ne scilicet cum Hæretici sint, silentio meo aliquid simplicioribus Catholicis quod doctrinæ Catholicæ præiudicet, imponatur. Præterea ne quis libelli istius lectione seductus existimet tam fœda opinionum monstra mentem meam aliquando insedisse : fieri enim facilè potest, ut in eorum manus incidat libellus ille qui præfationem meam in 70 Interpretum editionem vel non legerunt, vel de ea nihil aliud unquam quàm quod illi mentiuntur, audierunt. Itaque mea plurimùm interest, lectores semel saltem prodigiøsæ impostorum istorum malignitatis esse admonitos. Denique ut in libris quos aduersum me scripturiunt (minantur enim Atlantes homunculi) *σκιμαχίῃν* tandem aliquando desuescant. Cum igitur tot legitimis rationibus adaçti, nec præfationis nostræ defensionem deferere debeamus, nec Aduersariorum imperitiam & calumnias dissimulare possimus, non ferent grauitè, si superest illis æquitatis scintillula, labem vnā aut alterā ex innumeris à nobis adnotari ; nec conuitium existimabunt Lectorem de tam tetrīs calum-

niis, & crassissima sua ignorantia nonnunquam admoneri: Æquum sanè est, vt qui alterum maledictis incesse- rit iniquissimè, audiat tandem

---- πολλά καὶ οὐ ψευδῆ καὶ κατὰ.

Quidquid autem facturi sint, ampliori admonitione supersedebo. Timeo enim ne operam meam in illis erudiendis infelicitè perdam

---- vt si quis asellos

In campum doceat parentes currere franis.

Rem ipsam aggrediamur.

*Calumniarum τὸ αἰσχυρὸν Calumniatorum
verbis demonstratur, & iniquitas notatur,
eorum conuitia, phrenitis, κακὸν θεῖον, cas-
sus & ridiculus labor.*

C A P V T I.

VNiuerſæ diſputationis ſuæ aduerſus eam præſationem quam editioni Sixtinæ 70 Interpretum Pariſiis repetitæ præmiſi, fundamentum iaciunt Francis- cus Taylor, & Arnoldus Bootius horren- dum opinionis monſtrum de quo nemo mentis compos, nedum prudens, cogita- uit vnquam, Morinum videlicet ſcribere,

omnia testimonia quæ ex veteri Testamento referuntur in nouum, ad vnguem & verbo tenus legi debere in veteri Testamento, vt ab Apostolis in nouo Test. citantur: Si quid tantillæ varietatis deprehendatur, id in hebraico textu corruptionis argumentum portendere. Hoc iacto fundamento, inquiunt, Morinus hæc duo Theoremata demonstrari posse putat: Primum, Græcam versionem quæ editione Romana repræsentatur, genuinam esse & authenticam, atque ex omni parte incorruptam, qualis ab ipsis Interpretibus profecta est. Secundum, Hebræum textum mendosissimum esse, deprauatissimum, & omnium pedibus conculcandum. Hinc velut data porta, disruptisque carceribus in clamores ruunt, furiasque plusquam tragicas

Vipereumque vomunt, nostro sub nomine virus.

Assertionum istarum quas Morino affingunt, ex illius scriptis testimonia nulla proferunt. Ipsorum affirmationi stari volunt. At negat ille hæc opinionum portenta sibi vnquam in mentem venisse; illa auersatur, horret, refugit. Negat in scriptis suis vel leuissimam sententiolam re-

periri posse ex qua tam insanarum propositionum colligendarum vlla præbeatur occasio. Negat stolidissima, & maledicentissima pecora ista, Taylorum & Bootium testes esse hac in causa omni exceptione maiores, actionemque calumniæ, licet duo sint, illi tamen vni iure in eos competere, ambosque reprobari, & legitima exceptione submoueri posse contendit.

Non expressa non nocent, aiunt Iurisperiti. Cum nullo indicio tam absurdas propositiones me vulgasse doceant, cur nocebunt mihi tam absurdæ furentium hominum calumniæ. Si fauendum alterutri, sanè Reo potius quàm Actori. Negat Reus, affirmant Actores, nec probant, cui credes Lector? In obscuris, aiunt Iurisperiti, inspiciendum quod vero similis est, aut quod plerumque fieri solet. Fingamus insanis istis propositionibus contrarias luce meridiana clariùs me non docuisse, sed nonnullis obscuris dictis & sententiis innuisse hanc insaniam mihi fuisse cordi. Quum igitur hac data positione sit obscurum, an adeo insaniuerim necne, Quid aliud inde par erat eos colligere, si rectam rationem in eorum

mentibus rabies non extinxisset, quàm quod plerumque fieri solet? An credunt eos ut plurimum insanire, qui de grauissimis rebus sententiam suam posteritati commendant?

Paucis his verbis, Lector, vniuerso istorum operi responsum est, eorumque calumniæ refutata; vixque habemus præterea quæ nobis regerere necessarium sit. Varias enim illas testimoniorum veteris Testamenti in nouo citatorum comparationes quas toto libro instituunt cum textu Hebræo & Græco septuaginta Interpretum, non modò in eundem finem generatim admittimus, sed etiam aliter sentire quàm ipsi de ea re sentiunt, ridiculum plerumque existimamus. At illis placuit ea multis adnotare, ut admodum recondita, & scitu dignissima quæ ignorat nemo; ea verò nobis imputare quæ nemo sanus sibi finxerit. Generatim dico; multa enim testimonia in classes heterogeneas distribuunt, & longè pluribus vnamquamque classem inferciunt, ex quibus nihil eorum colligi potest quæ sibi proponunt, licet æqua sibi proponant. Verùm ipsi viderint; Vtimur enim curru, de asinis parum curamus.

Quanquam tam pauculis verbis eorum procacitas sit reuicta, sitque innocens probatus, qui nocens probari non potuit, demonstrabo tamen doctrinæ cuius tam proteruè me insimulant contrariam euidentissimè sepius, & scripsisse me, & docuisse. Nec causam comperendinatam cupio; iam iam agetur, si prius tria illa opinionum monstra *κακῶν κατὰ κακῶν κατὰ ὧν* pudentes istos homines mihi tribuere probauero. Adeo enim à sensu communi abhorret ista calumnia, ut non nihil reformidem ne mihi de ea conquerenti Lector diffidat. Vnamquamque ergo propositionem, Lector, ipsorum verbis exprimemus, ut earum absurditatem me referendo minuisse, eademque opera quam præclaris elogiis ab ipsis decorer, quàmque humaniter & amanter mecum agant, non ignores. A prima ordiemur.

In limine libri Lectorem sic alloquuntur, *Præcipuum autem sua contra illam (Hebraicam veritatem) insania prætextum querit ex aliquot noui Testamenti locis, in quibus testimonia ex veteri fœdere citantur, ita ut cum Græca versione concordent non cum hebraica veritate. Hinc enim probari putat, & Græcum textum esse sincerum atque*
authen-

authenticum, & hebraicum vitiosum atque corruptum tanquam pro concessa sumens illam hypothēsin, quod veteris T. loci omnes qui in nouo fœdere citantur, ita se habere debeant, quomodo ab Apostolis & Euangelistis citantur. Et pagina 17. Namque si illud semel admittamus quod ille scelerata contra hebraicam veritatem rabie percitus statuit, Quidquid cum allegationibus in nouo Testamento factis non ad verbum congruit adulteratum esse & corruptum, actum est, &c. Et pagina 63. Vnde tantò magis apparebit Morini infinita stoliditas ac dementia, exigentis absolutissimam omnium hebraica veritatis verborum concordiam cum iisdem citationibus; & immensa atque sacrilega audacia eam de vitio ac corruptela infamantis, quia hoc non ubique fiat. Et pagina 106. 107. Ex hisce unusquisque qui noluerit sponte cacutire aut insanire, liquidò percipere potest desperatissimam Morini vecordiam, exigentis ut hebraica veritas in omnibus dictionibus ad unguem congruat cum allegationibus N. T. & ubicumque id non fit eam pro corrupta condemnantis, atque sacrilegas manus ei adferentis. Pagina 115. Eadem calumnia repetita colligunt, Quare euersum funditus est Morini argumentum, quod tan-

to apparatu in sacrilega ista præfatione in scenam produxit. Hæc de primo imposturæ monstro quod per totum libellum grassatur, probata sufficiant.

Secundum calumniæ monstrum mihi non minus euidenter imponunt, & velut concessum & exploratum passim insinuant. In testimonio primo, *Hinc enim probari putat, & Græcum textum esse sincerum atque authenticum, &c.* Cuius sæculi Græcum textum intelligant, & quem sinceritatis gradum aliis locis non obscure explicant, ut pagina 19. *Quandoquidem enixissime contendit Morinus versionem Græcam veram ac genuinam qualis ab ipsis Interpretibus profecta fuit, editione Romana & Parisina representari, nos de istius rei veritate alibi dispiciemus, interea autem hinc rem ita se habere supponimus, ut nulla prorsus cauillandi materia impuro isti latratori relinquatur.* Et pagina 108. *Non parvus catalogus restat; quo amplius etiamnum confirmatur id ipsum, saltem aduersus Morinum qui solam illam versionem quæ est in editione Romana agnoscit pro Authentica & ab Apostolis usurpata.* Pagina 117. *Hunc sceleratum ipsius animum sicut alibi indicijs non paucis deteximus, ita noua ad eandem rem*

testimonia desumere licet ex flagitiosissima ista in Gracam versionem præfatione, in qua cum videatur omnes nervos contendisse, ut sacrosanctam ac planè irrefragabilem huic versioni auctoritatem circumdaret, &c.

Tertiam propositionem, ut præcedentes, & monstrosam, & sycophanticam in ipsa dedicatoria Epistola submotis omnibus ambagibus proponunt: Nos luctamur, inquit, cum eiusmodi monstro quale ipsi quoque Iudæi execrentur: quippe quod purissima atque incorruptissima divinorum oraculorum archetypa tam rabiosè insectatur, ut per ipsum non stet, quin pro depravatissimis, atque omni mendarum genere plenissimis abijciantur planè, atque omnium pedibus proculcentur. Pagina 115. 116. Quanquam facile est illic quoque animadvertere quod nos toties etiam testati sumus, belluæ istius rabiem non contra hebraica duntaxat archiva, sed contra sacra in uniuersum oracula directam fuisse; & paulò post, reiecta ac damnata non hebraica duntaxat versione (veritate volunt dicere) sed & Latina editione, &c. Cui tamen (editioni Græcæ) illam (vulgatam) ita ignominiosè ex sua ipsius priuata auctoritate posthabendam censuit. Sycophantiæ virus aliud scriptis

nostris aspergunt, Vulgatam versionem non secus ac textum Hebraicum nos susque deque habere. Quibus calumniis & conuitiis nos incessant modestissimi homines, iam liquere arbitror. Sed ipsis condonandum: Quum enim nobis obloqui eorum animis fixum & immotum federet, rabiesque circum præcordia feruesceret, nec eloqui possent, ut viros literatos decet, latrare maluerunt, & rudere, quàm filere.

Conciliationis textus Græci cum Hebræo varij modi breuiter enarrantur. Prima calumnia stoliditas, φιλονεικία, impudentia.

CAPVT II.

NVnc de portentosis illis propositionibus agamus, & quam bellè & candidè illas nobis allinant, examinemus. Primæ & capitalis calumnia cui totus libellus innititur, est, ut capite præcedente dictum, Morinum hanc hypothesin vniuersæ suæ præfationi substrauisse, absolutissimam esse debere, etiam iuxta verba omnia textus Hebraici cum citationibus noui Testamenti concordiam, minimamque alterius ab altero varietatem esse cor-

ruptelæ textus Hebraici argumentum.
Quàm immeritò & sycophanticè hæc nobis calumnia infligatur, paucis accipe Lector. Nihil enim Bardos istos & planè ἀμούσις vitilitigatores moror,

Καὶ χρονικῶς γνώμῃς λημῶντας τὰς φρένας
ἄμφο.

Annus iam vertitur sextus cum Exercitationes Biblicas de Hebræi Græcique textus sinceritate in lucem edidimus. Ibi inter cætera multis capitibus docuimus Exercitatione sexta varios modos conciliandi versionem Græcam cum Vulgata, siue quod ferè idem est hac in causa cum textu Hebræo : Nam passim vbi differt 70 Interpretum editio ab Hebræo textu, eodem modo differt à Vulgata. Decem conciliationis vias iniuimus, & variis capitibus non obscurè explicauimus. Primas quatuor ex antiquorum Patrum sententiis eruimus. 1. Nonnulla 70 Seniores interpretatos esse aliter quam ferat Hebræus textus, nonnulla omisisse, nonnulla addidisse dictante Spiritu sancto qui Gentes sic voluit institui, sicut nos alia docuit per hunc Prophetam aut Euangelistam, alia per illum & illum, magno doctrinæ compendio, nullò veritatis dis-

B iiij



pendio. 2. Propter linguæ Græcæ genium, quasdam dictiones omisisse, ne scilicet barbarè nimis efferrent Græcè quod Hebraicè scriptum erat eleganter; quasdam verò addidisse, ne Græcè obscura esset aut manca sententia quæ Hebraicè limpida fluebat & integra. 3. Multa quæ aduentum Christi prænuntiabant, & Trinitatis mysterium adstruebant reticuisse, ne sanctum canibus & margaritas porcis obtruderent. Denique vt populo suo parcerent nonnulla quæ in illius dedecus & infamiam vergebant, prætermisisse. Hæc capite primo istius Exercitationis multis Patrum testimoniis demonstramus. O sycophantas, sed κρονίους & βερκεσελίους. Num qui hæc conciliationis principia docet, textuum varietates vel leuiculas alterutrius corruptioni acceptas refert?

Cæteros conciliationis modos Marte nostro edisserimus: Quintum ab Hebraica scribendi ratione petimus quæ consonantibus nullas fere adiungit literas vocales; vnde puro & integro textu manente, frequentissima exoritur dictionum ambiguitas quæ sæpe ex antecedentibus & consequentibus non potest ita exactè

constringi, quin variis interpretationibus obnoxia sit. Scribendi modum istum multis exemplis illustro: & quum scriptio Hebraica fieri aliter posset, quamobrem tam ambiguam & ancipitem Deus elegerit, nonnullis rationibus notum facio. Hunc conciliationis modum latissimè admodum patere doceo; nec tantum Græcum textum 70. Seniorum ubi sæpe ab Hebræo textu neotericis punctis affecto plurimum differre videtur, verum etiam pugnantes aliorum Interpretum translationes illius ope & secum & cum Hebræo textu facillimè conciliari; sæpissime quoque S. Hieronymum hanc conciliationis rationem amplexum esse, nosque eam præfatione in 70 Interpretes plurimis novis exemplis confirmasse, quibus linguæ Hebraicæ peritus non admodum operoso negotio nova quotidie superaddere possit; sæpe quoque Talmudistas textus Hebraici varios sensus eadem ratione eruisse & enarrasse. Hæc multis toto capite secundo.

Sextum conciliationis modum à dictionum homonymia siue fœcunditate petimus positum etiam & affixis punctis siue vocalibus notulis. Hæc non modo spe-

dat dictionem ipsam, sed etiam ipsius
 originationem quæ aliquando ab Hebrææ
 linguæ perito multiplex assignari potest.
 Itaque nonnunquam contingit ut dictio
 in se considerata non modo homonyma
 sit, variaque significata complectatur,
 quod omnibus linguis accidit, sed etiam
 variarum originationum habita ratione
 varios iterum complectatur sensus; ita ut
 licet textus Hebraicus punctatus & di-
 ligenter consideratus nullomodo videatur
 cum Græca interpretatione consentire
 posse, diligentius tamen examinatus cum
 ea nulla sibi labe illata in gratiam redire
 possit. v. g. Quantum differt Vulgata in-
 terpretatio à Græca Esaiæ c. 19. v. 10! Sic
 S. Hieronymus, *Eterunt irrigua eius flac-*
centia, omnes qui faciebant lacunas ad ca-
piendos pisces. 70. Interpretes, Eterunt ope-
rantes ea in dolore, & omnes qui faciunt zy-
thum mærebunt, & animis laborabunt. Non
 ideo statim colligendum, mendam esse in
 Hebræo textu, aliterque legisse 70. Inter-
 pretes quàm S. Hieronymum, aut quàm
 nunc Hebraicè legamus. Licet enim di-
 uersissimæ sint interpretationes, utraque
 tamen ex eodem textu iisdem punctis no-
 tato colligi potest, ut cap. 3. collegimus,

& Rabinorum testimoniis multis comprobauimus.

Septimus conciliationis modus ad res quinque magnopere diuersas extenditur: Versatur enim circa nomina Plantarum animalium, mensurarum, lapillorum, & ornamentorum muliebrium, quorum omnium varia interpretatio textus originarij varietatem necessariò non inducit, cum voces illæ fœcunditate à priori diuersa multiplices significationes complectantur, hoc est, non sequitur 70. Interpretes aliter in Hebræo legisse quàm S. Hieronymus, eo quod, verbi gratia, 70. verterunt onocentauros Esaïæ 13. 22. vbi Vulgata, Vlulas; Et ceruos vbi Vulgata, Miluos. Esaïæ 34. 15. &c. De hac conciliationis specie multa cap. 9. & sequent. Duæ aliæ enarrantur species, sed materiae quam tractamus non conueniunt. Tandem cap. 11. demonstramus ad mendas in Hebræum textum illapsas necessariò nonnunquam esse confugiendum, & ad hoc asylum per sepe S. Hieronymus confugisse. Cum igitur tam variis cautionibus vtendum censeam, omnesque conciliationis vias tentandas moneam antequam aliquid in textu Hebræo corruptum

iudicetur, qua fronte bacchantium thyrsos tam insanè aduersum nos intentant? Notabit tamen Lector his cautionibus opus non esse cum præsto sunt antiqui codices linguæ originariæ qui versionem cōfirmant. Tūc enim idē etiam de re minimā colligitur, vt omnibus notum est. Quidni verò id accedente versione colligeretur, cum mende, omni versione posthabita, nihil aliud sint, quàm variæ Lectiones in antiquis codicibus deprehensæ.

Objicient forsan ita quidem nos scripsisse in Exercitationibus nostris Biblicis, sed in præfatione nostra quæ annis quinque ante Exercitationes illas edita est, quamque suo libello oppugnant, multò aliter. Fingamus rem ita se habere. Saltem igitur ipsis non monentibus errorem nostrum deposueramus, tacitèque palinodiam, vt dicitur, cecineramus. Quamobrem igitur tenebriones isti qui scripta mea legerunt palinodiæ meæ nulla mentione facta, quasi errori peruicaciam addidissim *ὡς πειρηδαίμονες ἐξ ἀμάξης παρρησιάζονται*, & ambabus inflatis buccis in me terribilissimas conuictorum sordes expuunt? Sed videamus tantisper quid Præfatio nostra ferat. Vtroque loco cum

nondum exarsisset querela ista securè & confidenter potuimus de hac re verba facere , ac proinde potuit nobis animum ad hæc non aduertentibus durius aliquid excidere. Quis enim diuinasset sententiâ à sensu communi atque ab omni probabilitatis specie tam abhorrentem aliquando nobis iniustum iri ? Mihi tamen legenti & animo reuoluenti quæ in illa præfatione scripsi, non secus quàm in Exercitationibus meis nihil occurrit eiusmodi ; imò sententia mea disertissimè exprimitur ex diametro ei quam mihi imponunt, opposita. Paucis rem habe Lector.

De multiplici variarum interpretationum conciliatione cum textu Hebræo nulla ipsius iactura. Eandem interpretandi textus Hebræi viam Iudæos & hæreticos nunquam inire.

CAPVT III.

PRæ cæteris de quibus in Præfatione nostra differimus, discriminis textus Græci ab Hebræo causas inquirimus. Omnes autem ad tria genera reuocari poterunt. Primum amplectitur eas differentias quæ nulla textus variatione, sed sola le-

Etione siue punctorum diuersa inscriptio-
 ne conciliantur. Secundum ea quorum
 differentiam probabile est ab vnus lite-
 rula in textu Hebræo mutatione aut per-
 mutatione ortam esse, cum restituta aut
 traiecta illa facile textus Hebræus cum
 Græco in gratiam redeat. Postremum
 genus, ea quæ Hebræi textus necessariam
 corruptelam demonstrare videntur. De
 vnoquoque genere breuiter. Primum va-
 rias species amplexatur: Vnamquamque
 paucis exemplis illustrabimus. Aliquan-
 do sola lectionis varietas id efficit, vt
 Osee 11. 10. Hebraicè legitur, *formida-*
bunt filij à mari. 70. *filij aquarū.* Hebraicè
 nunc, præcedente dictione forsan constru-
 ctè lecta מים, 70. מים Ps. 39. v. 5. *est nomen*
Domini spes eius. Rabbini, *posuit Dominum*
spem suam. 70. legerunt שם Schem, nomen.
 Rabbini שם Sam. Ps. 14. v. 5. *Qui iurat*
proximo suo. Rabbini, *Qui iurat ad male-*
faciendum seu affligendum, hanc dictionem
 להרע Septuaginta legerunt להרע lehareah,
 Rab. להרע leharah. Esai. 9. 8. Rabbini
 cum S. Hieronymo, *verbum misit Domi-*
nus. 70. *mortem misit Dominus* hanc dictio-
 nem דבר Septuaginta pronuntiarunt דבר
 deber, Rabbini דבר dabar. Plura in præ,

fatione, & istius speciei innumera sunt exempla.

Aliquando idem facit varia thematis originationis. Genes. 15. 11. 70. & *confedit illis*. Rabbinum nunc cum S. Hieronymo, & *abigebat illas*. 70. pronuntiarunt וישב אתם nunc legitur, וישב אתם priorem dictionem deriuantes à נשב, 70. verò jod existimant esse radicalem. Sic Ezechielis 27. 32. 70. & *assument filij eorum*. Hebræi nunc, & *assument in lamentationibus*. Ratio hæc est, in dictione בנייהם, 70. existimarunt beth esse radicalem, Iudæi nunc esse propositionem. Aliquando huius discriminis causa est vnius dictionis in duas diuisione, vt Ezech. 27. 5. *Abietibus de Sanir extruxerunt te cum omnibus tabulatis maris*, à textu Hebræo nunc abest dictio, *maris*. Vnde verò S. Hieronymus illam accepit? dictu facile est, dictionem לחתים quæ geminas tabulas significat, in duas dispunxit ים לחתים, *tabulas maris*. Aliquando causa contraria fuit, vt Amos 4. 13. Nunc Hebraicè, *annuntians homini quid meditatio eius*. 70. *Annuntians in homines Christum eius*, Septuaginta legerunt משיח: Iudæi nunc hæc vocem suppleta, ה, in duas dispescunt. Aliquando nomina propria appellatiuè

sumuntur, vel è contra, vt Esaia 13. v. 21.
 אוֹחִים; *ochim*, 70. interpretantur *sonitum*,
 Vulgata, *dracones*. Rabbini, animalia ter-
 ribilia, alij aliter. Sæpe quoque verba he-
 braica etiam immutatis punctis, sum-
 motaque homonymia qua dictio vno
 modo sumpta in hebræa lingua vt in cæ-
 teris varia significat, ratione diuerforum
 thematum à quibus deriuari possunt, di-
 uersè admodum explicantur. Huius di-
 uersitatis in dictionariis & Grammaticis
 tam Iudæorum quàm Christianorum ob-
 uia sunt exempla. De prima illa causa va-
 rietatis interpretationum hæc exempla
 sufficiant; alioquin præfationis nostræ
 maxima pars nobis esset exscribenda.

Agitè nunc ô lepida capita! in toto hoc
 sermone quid furiosum, quid rabiosum,
 quid insanum vobis videtur? En antiquæ
 interpretationes nec secum nec cum no-
 uis sæpe conueniunt, docet præfatio mea
 illæso textu hebræo nonnunquam his mo-
 dis sibi inuicem conciliari posse. Eandem
 conciliationis viam persæpe iniuit S. Hie-
 ronymus, ex cuius libris satis magnum
 catalogum texuimus Exercitationis 6. Bi-
 blicæ c. 2. ibique docuimus admirandam
 hac in causa linguæ sanctæ fœcunditatem,

supraque alias prærogatiuam. Eandem sæpe antiqui Talmudistæ periclitabantur, cum inter se disputantes sic mutuò sibi opponebāt, Est mater lectionis, est mater masoræ, vel ne legas sic, quibus axiomatis ex textus varia lectione sensus eruebant. Eadem aliquando vsus est ipse Calvinus, eamque approbavit Lutherus cum anno 1543. iam senex factus punctorum inscriptionem Rabbiorum inuētum esse publicauit. Schindlerus Lutheranus linguæ hebraicæ & eius dialectorum egregiè peritus in dictionario suo pentaglotto eiusmodi conciliationes sapius adnotat; quod & alij plures hæretici tam Lutherani quàm Calviniani non approbare non possunt, qui puncta hebraica Masoretharum recens esse artificium sibi persuadent. Sanè Iosephus Scaliger maximi apud eos nominis stolidissimæ rerum hebraicarum ignorantia notam iis inurebat qui hoc negare audebant. Sed his autoritatibus præteritis quid monstruosum, quid rabiosum præ se fert istud conciliandæ variæ interpretationis principium?

*De iis varietatibus interpretationum quæ
vnius litera in textu Hebræo mutatione aut
traiectione conciliantur. Aduersariorum
imperitia, sinistra studia, ἀλογισία.*

CAPVT IV.

SECUNDUM differentiarum genus nunc
sexcutiamus. Eas continet quæ non
amplius sola pronuntiatione, seu puncto-
rum varietate conciliantur, sed aliqualem
literularum mutationem, permutatio-
nem, aut traiectionem ob sui conciliatio-
nem postulant. Quid hoc sit, & cuiusmodi
criminis reus dici debeat qui interpreta-
tionum dissidentium conciliationem sic
inire tentauerit, Lector istarum rerum
non omnino ignarus iudicabit. Paucula
exempla vt de cæteris iudicium fiat, refe-
remus. Qui plura desiderauerit, præfatio-
nem nostram consulat: Eam enim inte-
gram hûc transferre non est animus. No-
tabit autem Lector in hoc genere expli-
cando ea sepe me elegisse interpretationis
Græcæ testimonia quæ ab Apostolis &
Euangelistis referuntur, vt ampliori ma-
iestate ornata maiorem quoque cum tex-
tu Hebræo comparata nanciscerentur au-
toritatem.

Exempla

Exempla igitur hæc sunt, S. Paulus Actor. 13. v. 14. refert ex Habacuc c. 1. v. 5. *Videte contemptores*, &c. Hebraicè nunc legitur, *Videte in gentibus*. Variæ translationis dico causam esse literæ vnus mutationem; daleth ך in ן vau, & legisse 70. בָּנִים, nunc autem scribi בָּנִים. Epistolæ ad Ephesios c. 4. 8. citatur ex Ps. 67. 19. *Dedit dona hominibus*. Literæ vnus de situ suo traiectione litem dirimit. Nunc legitur, חָלַקְתָּ; accepisti; Apostolus, חָלַקְתָּ, *diuisti*, & eleganter, *dedisti*; vt Deuter. 4. v. 19. etiam cum præpositione, בְּ, in, vt Iobi 39. 17. Esaia c. 44. v. 28. *Qui dico Cyro pastor meus es*. 70. *Qui dico Cyro vt sapiat*. In Hebræo nunc legitur רִעַה per resch, 70. legerunt רִעַה per daleth. Scribæ aberratio in exemplaribus propter literarum similitudinem commissa est. Sic Genes. 49. v. 14. Hebraicè nunc, *Issachar asinus fortis seu offensus*. Septuaginta, *Issachar bonum desiderauit*, vnde hoc? facile dictu. Septuaginta legerunt חֲמֹר per daleth, quod rem pretiosam & desiderabilem significat; hebraicè nunc legitur חֲמֹר *asinus* per Resch. Deinde גָּרַם per Samech *desiderauit, bono incubuit*, significationem verbi Chaldaicam, siue sibi vernaculam amplexi sunt.

Hebraicè verò nunc per Mem legitur, מִן
os ossis.

Agite nunc ignauum pecus, arcadicum
germen.

Οὐς ἐδιδάξαν ἀριστερὰ γράμματα μοῦσαι.

Quid fatuum, quid insanum, quid scele-
ratum vt obstrepitis, in hac sententia vo-
bis videtur? Num probabile non est in-
terpretes his locis & innumeris aliis in
textu Hebræo aliter atque aliter legisse.
Vt quid cum fungis tamdiu sermocina-
mur, asinorumque istorum capita nitro
lauamus? ad nasturtium mittamus eos
donec eo sufficienter pasti innata stolidi-
tatis aliquid deposuerint. Interim, can-
dide Lector, quicunque sis tecum paucis
agam. Nunc in textu Hebræo cap. i. Ha-
bacuc v. 5. legitur, בְּנִיִּים *in gentibus*. Si Se-
ptuaginta Interpretes eodem modo lege-
runt, Quamobrem verterunt, *Contempto-
res*. Num vt sensus clarior fieret? Num ad
magnum aliquod mysterium innuendū?
Lege textum, & vtrumque frustra dici
evidentissimè percipies. Imò si S. Pauli
scopum spectes, multò exactius quadrat,
Contemptores, quàm *in Gentibus*. Monet
Iudæos Paulus Act. 13. ne Iudæi Euange-
lium quod illis prædicabat, vilipenderent,

eosque terret verborum Habacuc citatione, *Videte contemptores, & admiramini, & disperdimini.* Deinde considera, Lector, vno apiculo addito literæ, ו, vau, fit, ד daleth, quo in textu Hebræo componitur dictio quæ ad vnguem 70. versionem exhibet, בנרים, *Contemptores, perfidi, perfide agentes.* Collige nunc an sit improbabile in 70. Interpretum exemplaribus בנרים scriptum fuisse non autem vt nunc בנרים.

Sic Genes. 49. 14. Verterunt 70. *Issachar bonum desiderauit.* Nunc iuxta textum Hebræum, *Issachar asinus fortis.* Si fingas 70. Interpretes eodem modo legisse quo nunc legitur, Quæro quamobrem verba illa non sunt eodem modo interpretati? Non dices istorum verborum vim & significationem eos ignorasse: Sunt enim vulgarissima, & vbicumque alibi reperiuntur, ea rectè sunt interpretati. Deinde, si nesciuerunt 70. illi seniores verborum aliquorum genuinam significationem, quis eam post tot barbarorum incursiones Iudæos docuit? Nec dices cæcutiuisse, & cum litera vna scriberetur in textu aliam legisse. Nam vt concedam hoc illis ter, quater, quinquiesve contigisse, cum toties occurrant eiusmodi varietates, quis co-

rūm oculos perpetua lippitudine aut *μω-
πία* laborasse credet? Propter igitur ma-
gnū aliquod mysterium aliter interpre-
tati sunt quam ferret textus quem prae
oculis habebant. At Lector inspicere tex-
tum, inspicere versionem; tum si post my-
steriorum initiationem ἐποπτεία donatus
es, nobis edissere quamobrem cum in
textu suo scriberetur, *Issachar asinus for-
tis*, interpretati sunt, *Issachar bonum desi-
deravit*. Sed ista mysteriorum inuesti-
gatio nonnullis Iudæis gratissima, nullis
mihi videtur hæreticis probari, nisi for-
san vni Amando Polano. Quis sit peco-
rum nostrorum in hac re gustus nondum
perspexi. Verū, Lector, si sententiam
meam audis, vno verbo expeditur nodus:
Aliter legerunt 70. quā nunc legatur,
duarumque literarum similitudine alter-
utri scribæ aberrauerunt. Legerunt Lxx.
חמר גרים, nunc legitur, חמר גרם. Si tantilla
restitutione lis componitur, quid opus
animum anxium huc illuc fusque deque
per varia versare mysteria?

His addam in textu Hebræo-Samari-
tano legi חמר גרים, *Asinus peregrinorū*, per
additionem literulæ ך, od lectioni Hebrai-
cæ. Interpres vertit חמר גרים אשׁוּרֵי אֲרָם

quod idem est: Lectio ista sensui optimè cohæret. In versione nostra istud jod non fatis attendentes, fortem malè vertimus. Chaldaei paraphrastæ non verba, sed quem sibi finxerunt sensum secuti sunt, ut & Saadiae interpretatio Arabica. At Syrus Interpres qui hîc in magnis Bibliis cusus est, aliter legisse videtur: vertit enim pro, *Asinus fortis*, גבול גבול vir Gygas. In illius exemplar, pro חמר, alia dictio irrepsit.

Hæreticorum doctissimi quique, Hebraum textum & Gracum novi Testamenti mendis plurimis scatere fatentur. Aduersariorum, stoliditas, peruicacia, conuitia, paralogismi suis maximè noxij, συκοφαντια.

CAPVT V.

ANtequam tertium & postremum differentiarum genus quod neotericum textum Hebræum inter & 70. Interpretum translationem deprehenditur, ex quo textus Hebraici necessariam quibusdam in locis corruptionem collegimus, explicare aggrediamur, paucis asinorum nostrorum bigam interrogemus quid criminis in varietatis causa capite præce-

dente explicata commiserimus. Licet enim eos stramenta malle sciam quàm aurum, non ita tamen fungos, Blennos, & Buccones existimo, vt quæstionem facti euidentissimam, quam nullo negotio dignoscat quicumque oculos aperit, aut aures arrigit, non aliquando intelligant.

Agite igitur, Taylor & Booti, auriculas tantisper arrigite, paucis vos volo; eas breui, si libuerit, demitteretis. Quid criminis hac in causa commisit Morinus? Quid fecit ille quod ratione duce non faciant, quum sese præbet occasio, quicumque translationem aliquam cum originario textu aut alia translatione comparant? Scripsit 70. Interpretes, S. quoque Hieronymum nonnullis in locis aliter legisse in textu Hebræo quàm nunc legatur, & consequenter omnibus omnino locis textum Hebræum non esse nunc eundem qui tunc erat. An propter eiusmodi assertionem vobis meritò videtur Morinus, belluarabiosa, canis & impurus latrator, monstrum ipsis Iudæis execrabile, &c.

Tria mihi videntur animo fingi posse, quæ omnia, aut horum quædam stomachum vestrum adeo commouerunt, vt cholæræ intemperiem continere non po-

tuerit. Primum, quod dixerimus in codices sacræ scripturæ originarios mendas irrepsisse. Secundum, forsan hoc conceditis de Græco noui Testamenti textu, sed bilem vobis acriter mouet quod idem de Hebræo pronunciauerim. Denique argumentationis meæ qua primum illud demonstro, consequentiam ita horruitis, scilicet ex interpretationum varietate, originarij textus varietatem colligere, vt ad eiusmodi conuictorum vomitionem vos prouocauerit. Tribus his erumpentis cholæræ vestræ causis earum demonstratione mederi conabor, vt eâ sedatâ mentis vestræ in posterum compotes esse possitis. A prima tempestatis animi vestri causa exordium faciam. Non opponam vobis viros Catholicos istius assertionis testes & vindices: Non nihil enim timeo, ne pro modestia vestra eos iisdem aut similibus elogiis excipiat, sed symystas vestros, atque in vno plures & vestrates nonnullos. An igitur vobis sunt canes impuri, & execranda monstra, Sixtinus Amama, Frandkeræ literarum Hebraicarum professor, Erpennius Lugduni Batauorum ante paucos annos linguæ Arabicæ professor, Drusius qui Frädkeræ

quoque diu literas Hebraicas docuit, Bertramus qui Geneuæ, ni fallor, eodem munere functus est, Piscator, Page-tius, Capellus, Weigammeierus, & alij qui textum Hebræum multis locis mendosum esse & corruptum scripserunt, En Sixtini Amamæ verba in dissertatione de variis Iudæorum lectionibus.

Hanc lectionis varietatem in quibusdam peperit Iudæorum quadam ילד'ג'ע'א & religio; in quibusdam verò codicum discrepantia, & mendosa descriptio. Prioris generis sex tantum sunt aut septem quas Iudæi obscœnitatis opinione ducti pronuntiare non audent, Reliquæ variæ lectiones (si excipias נָעַר & יְרוּשָׁלַם) ex mendosa codicum descriptione & varietate nata sunt. Cui ut remedium adhiberent viri eruditi voces in contextum diu receptas prout eas inuenerunt reliquerunt integras, sed emendationem earum in margine posuerunt nudis consonis, quarum vocales consonis in textu positis addidere. Restitutio illa lectionis versatur vel circa voces integras, vel circa vocum partes. Circa voces integras versatur quadrupliciter. Aliquando enim dictio integra in contextu redundat, quam proinde punctis non vestiuere. Tales autem voces redundantes à Masorethis nu-

meranturocto. Aliquando vox integra deficit, &c. aliquando una in duas finditur, aliquando contra duæ in unam coalescunt. Circa vocum partes, id est, consonas versatur quinque modis, vel enim consona una pro alia posita est, vel redundat, vel deficit, vel transponitur, vel à voce sua auulsa alteri adiungitur. Deinde plerarumque numerum speciali pegmate repræsentat. In vniuersum autem scribit numerari solere 848. Quæ summa ab Elia Leuita subducta est. Plures ait Buxtorfius sese deprehendisse, ego ultra 1300. indicato capite & versu collegi, atque plus quàm quingentas ex Iudæorum animaduersionibus aliis quàm Masorethicis.

Pergit Amama, Harum variarum lectionum alie huiusmodi sunt, ut sensum non mutant, dubitesque meritò utrâ præferenda sit. Alie verò tales sunt, uti nonnisi altera, quæ secundum vocales est, & in margine exprimitur, loco conuenire possit. Illa auctoritate bonæ notæ codicum, hæc necessitate etiam cum iudicio, à viris magnis videntur constitutæ. Addit Amama, atque hæc ferè ex Cl. viro D. Erpenio. Vobis igitur si credere fas est, execranda monstra sunt, rabiosæque belluæ Sixtinus Amama, & Erpenius. Quid

enim magis execrandum cogitavit unquam Morinus?

Sed in hanc diris deuotorum capitum classem vestrorum & vestratium longè maior numerus est detrudendus. Postquam enim de ea varietate quæ honestorum vocabulorum causa fit, differuit, citat in sententiæ suæ de codicum Hebraicorum mendosa descriptione confirmationem, Iudæos Kimchium, Ephodæum, & Abenesdram, de quibus postea; suos verò, Mercerum & Bertramum passim ad thesaurum Pagnini, sed specialiter in themate 117. Drusium in adnotat. magnis ad Leuit. 11. 21. adhuc ineditis (fuit autem Amama Drusij discipulus, illique in professione linguæ Hebraicæ successit) Pagetium in lib. Anglic. an arrou against the Brownists, Erpenium in Grammat. p. 256. Capellum in Chronol. Weigamejerium in tabulis l. 2. c. 10. Piscatorem passim in Scholiis. Vide 2. Reg. 22. 48. autorem tractatus de antiquitate vocabulorum l. 1. c. 7. 11. Buxtorfium addit l. 1. c. 28. Grammat. sed postremus hic, sententiam mutauit, & si pecoribus nostris creditur, ex monstro, bellua, & canetandem factus est homo. Postea subjicit

Amama, Nec aliter sentiet, quisquis omni præiudicio seposito hæc & similia loca bene considerauerit, Iudic. 16. 18. & 19. 3. Ruth. 4. 5. 2. Sam. 20. 14. 2. Sam. 24. 18. Psal. 139. 6. Prou. 19. 19. & 20. 20. & 23. 26. & 31. Item 8. 35. & Psal. 18. cum 2. Samuël 22. & libros Chronic. cum libris Samuëlis & Regum contulerit. Qui hic contra eunt, & utrâquelectionem diuinæ autoritatis esse contendunt, multis in locis, (verba D. Pagetij) ex Deo Ianum aliquem bifrontem faciunt, spectantem $\pi\rho\acute{o}\varsigma\omega\chi\grave{\iota}\ \acute{o}\pi\iota\sigma\tau\omega$, &c. quæ multis differit.

Postea fusè satis suorum obiectiones refellit, eaque scribit, quibus nos, vt sententia nostra dilucidè explicetur, nihil addendum habemus. Si scire velis Lector, quæ sit, quæue fuerit de codicum Hebræorum integritate sententia nostra, quæ scribit tota illa dissertatione Amama, lege & perpende. Nusquam in præfatione nostra de istis mendis & corruptelis tam seuerè vt ille decernit, pronuntiauiimus. Eandem sententiam non in illa tantum dissertatione docet Amama, sed alibi passim vt Antibarbari lib. 2. vbi de $\kappa\iota\tau$ Genes. 3. v. 15. Multis hanc quæstionem agitat cap. 1. & 2. libri 1. sed vbique admittit

textum Hebraum mendas inuasisse, negat tantum à Iudæis malignè fuisse corruptum. *Dixi studiosè & odio Christianismi. Haud enim negare ausim, & iniuria temporum, & descriptorum incuria errata quædam & sphalmata in textum Hebraum irrepisse.* In eandem sententiam citat & Riuictum Ministrum & professorem apud eos celebrem pag. 106. Isagoges. Paulò post, *Atque hîc illud quoque non possum dissimulare me haud grauatim adduci ut credam, fieri etiam potuisse ut ex prauo affectu & odio in Christum, addo vel in Christianos, ea lectio interdum ipsis magis probata sit, quæ minus Christianis fauebat.* Sententiam suam magna ex parte verbis effert Cardinalis Bellarmini cuius vestigiis quàm pressissimè adhæret. Istud autem posterius quod ipso Bellarmino durius aduersus Iudæos pronuntiat Amama nūquam scripsimus. Quàm horrendum igitur vobis monstrum est, quàm immanis bellua Sixtinus Amama. Sed redeat vnde digressa est oratio.

Præterea suorum quintæ obiectioni, qua colligebant Masorethicas illas varietates à codicum mendositate non fluere, eo quod ab eo tempore earum numerus

non accréuerat, tandem respondet, *Nec omnino verum est, post Masoretharum labores nullas varietates repertas. Quid enim sibi volunt illa nota in Venetis magnis, Buxtorf. & Interlin. Jerem. 14. 14. Item 22. & alibi. Vbi variam lectionem non per פ, id est, Keri, sed per כ"י, id est, codex alius, notarunt. Vide in explic. specialium anomal. Nunquid D. Iunius in suis annotationibus discrepantes lectiones alias à Masorethicis ex antiquissimo cod. Heidelberg. notauit, 2. Chron. 26. 5. & 35. 3. An non inter varias Editiones magna & varia discrepantia in vocalibus & accentibus, quam nos suis quoq; locis annotauimus. Quo referes dissensum Orientalium & Occidentalium quem Biblia Veneta in fine Masoræ & ex ea Cl. Drusus in libro de recta lectione exhibent. Huiusmodi post Masorethas varietatum maximum numerum ex Iudæorum libris collegimus. Interim autem dum in lucem prodibunt obseruationes nostræ, istarum varietatum in libris sacris post Masorethas Iudæis deprehensarum specimina 12. ex libro Genesis collecta, lege si lubet in quarta Exercitatione nostra Samaritica c. 8. & quæ capite 9. referimus de duorum versuum apud Iosua in plerisque*

codicibus omissione, & decem antiquorum manuscriptorum hac de causa inspectione. Si verò animum tuum hisce rebus pascere cupias, & mendas à Iudæis non animaduersas præcedentibus coniungere, lege eiusdem Exercit. c. 3. Ibi enim è Genesi loca tredecim exhibemus in quibus Septuaginta Interpretes, versio Syra, & Hebræus Samaritanorum codex cum Vulgata consentiunt aduersus neotericos Iudæorum codices. Quod mendæ in Iudaicis codicibus est euidentissimum signum. *Quod apud multos unum inuenitur, non est erratum sed traditum.* vt scribit Tertull. de præscript. c. 28. Hæc de Amamæ & aliorum quos refert sententia, cui ne verbulum vnum ad nostræ expressionem addere vel detrahere necesse est.

Sed ô viros speratissimæ spei, exquisitissimæ sapientiæ, & infinitæ perspicaciæ, tantisper iterum aures arrigite, & considerate, quales habeat Morinus sententiæ suæ adstipulatores, sententiæ vestro iudicio desperatissimæ, fatuæ, atque infinitæ stoliditatis. Non erit opinor vobis Heinsius testis, ἀδύνατος, ἀλλὰ ὑπερδυνατός τῶς ἀνθρ. qui literas Græcas Lugduni Batavorum ab annis triginta & aliquot magno

cum applausu proficetur, quique senescēs Latinis, Græcisque literis Hebraicas seriō miscuit. Audite igitur quid scribat de Sixtino Amama in fine longi sui Prolegomeni in Aristarchum sacrum, & qua in causa scribat. Postquam Buxtorfij opus de crisi Hebræorum laudauit, statim subiicit, *Cuius instituto magna eruditionis, summæ expectationis vir Sixtinus Amama succedit: A quo multa sibi orbis spondet, quia plurimam habet.* Hoc autem in lucem edebat Heinſius annis duobus post Amamæ dissertationem editam, & vno ante præfationem meam. Non est igitur Heinſio vt vobis delicatissimis & meticulosissimis hominibus canis, bellua, monstrum horrendum, &c. qui Amamæ & sodalium sententiam amplectitur. Imò Heinſius ipse de sacro noui Testamenti textu (ad Euangelium enim Ioannis spectant ipsius animaduersiones) idem faretur in eodem Prolegomeno quod Amama de veteri. Longior locus est quàm vt hîc describatur; id quod Aristarchi cap. 29. scribit hîc retulisse satis esto, *Non est, inquit, metuendum ne qui S. Hieronymum, ceterosque antiquos Criticos legit, ea sit impudentia vel imperitia vt in Sacris aliquid per negligen-*

tiam à scribis vel omissum vel neglectum vel corruptum, in vocibus præsertim, & quæ rem præcipuam non trahunt, admiretur. Ex Hein-
sij igitur sententia qui antiquos Ecclesiæ Criticos legit, & aliquid admiratur in textu sacro à Scribis per negligentiam aut omissum esse, aut corruptum, impudens est, aut imperitus. Vtrum eligitis? Si enim pronuntiat Heinsius impudẽtem aut imperitum qui omissiones aut corruptelas in sacro textu factas esse miratur, quid de eo pronuntiasset qui non modo factas negat, sed fieri posse negat, sed phreneticè furit in eum qui aliquas factas esse asserit.

Qui sensus vester, quæ mens ô egregij sacrorum codicum hyperaspistæ de Drusio Frandkeræ cum viueret literarum Hebraicarum Doctore. Sic ille in notis ad parallela Matt. 2. 6. *Video expulsam vocem Ephrata, in eiusque locum successisse יְמִי לְיֹדָא, &c. sed fortasse Librarij crimen est יְמִי pro יְהִי. Aut legendum תְּיִי לְיֹדָא, ut φυλῆς subintelligatur, Betlehem tribu Iuda. Sententia huic firmanda est Interpes Syrus apud quem יְדִיהוּרָה, &c. suspicari libet glossematio autem locum, quo sine esset βεθλεὲμ Ἰουδα. & in versum 18. Ἰησοῦς, vox hæc addita videtur*

detur ex editione 70. Nam abest à priscis Interpretibus Latino & Syro, & in Dialogo πρὸς τὸν Πάπαν p 87. & apud Hieronymum in Comment. Jerem. 51 15. In initium Evangelij secundum Marcum scribit versiculum ex Malachia à textu olim abfuisse, & postea additum. Idem conjicit Marci 12. v. 30. de hoc hemistichio; ἐξ ὅλης τῆς ἀγαπᾶς σου. Suspicor ex albo ut sit, in contextum irrepisse, &c. Nihil ergo sententia accessit hoc membro siue id Evangelista adjecerit, siue alius quispiam Deorum hominumve. Et in Luc. c. 4. sic conjicit de pericope ista, dimittere confractos in remissionem, Hinc colligo fuisse tempus, cum abesset etiam Evangelio Luca. Vt ut sit, glossema est meo animo vetustius, quàm ut sumptum videri possit ex Aquila, Symmacho, aut Theodotione, &c. Quare eò adducor ut credam in albo marginis primum notatum fuisse à studioso quopiam, indeque, ut sit, per incuriam Scribarum in contextum dimanasse. In Act. 7. v. 42. adhuc verba, ἐπέκεινα βαβυλωνίος, An est μνημονικὸν ἀμαρτημα ipsius Evangelista? An quod magis suspicor, Librarij manus aberravit perscribens pro δαμασκοῦ, βαβυλωνίος? Immemor historia Lucas, si ita scripsit. Librario autem imponere potuit, quod

putaret hic agi de *Babylonica deportatione*. Eadem Drusius velut axiomata, & regulas generales initio operis sui proponit, canonibus 5. 6. & 11. quos consule.

- Quid de Ludouico de Dieu, in Academia Leidenfi, ni fallor, Professoris animaduersionibus in quatuor Euangelia, atque in Acta Apostolorum. Frequentissima, & perpetua fere est variarum lectionum in sacro noui Testamenti textu enarratio, sibi que proponit ceteros libros eo modo enarrandos. Num stupiditatis, num vecordiae, num rabiei & sacrilegae audaciae eum insimulare audebitis, quod sacrum textum de vitio ac corruptela ut de me scribitis, infamare audet? Paucissimos locos in veteri Testamento praefatio nostra notauit, innumeros ipsius commentarij. Videte ad Matt. c. 9. v. 8. 13. 32. 35. Cap. 10. v. 2. 4. 8. 12. 25. ad Act. c. 1. v. 4. 9. 14. c. 2. v. 2. 4. 26. 30. 31. 41. 43. Quid singula loca percurrā cū ex iis liber non modicus confici posset, iamque alias & plures ex eodem autore adnotauerimus Exercit. 2. Biblica c. 4. Quae de hac codicum varietate in praefatione Lectorem monet, huc referemus. *Nec est quod quemquam turbet, ea codicum lectionumque varietas, qua in hac*

translationum collatione passim conspicitur, quasi nihil certi haberet fides Christiana, cui inniteretur. Scribit enim nihil se deprehendisse quod fidei substantiam læderet. Postea, tantum abest itaque ut Erasmus, Camerarium, Beza, viros pietate & eruditione conspicuos culpae audeam, quod in suis ad sacros libros notis varias etiam lectiones obseruauerint, ut contra eos utilem operam nauasse credam.

De Beza verò quid dicetis? quæ iniuriarum, & contumeliarum plaustra in ipsum exonerabitis? quale vobis erit monstrum, qualis bellua, quàm impurus canis, qui infinitas N. T. mendas ex antiquis codicibus quos plurimos habebat, in adnotationes suas retulit, mendas non modo dictionis vnius, sed plurium, sed hemistichiorum, sed versuum: qui tam sæpe codicem vnum viginti consentientibus præfert, illiusque sensum cæteris præteritis in versionem suam infert; qui nonnunquam coniecturam suam omnibus codicibus posthabitis in textum intrudit? Quas furoris vestri notas inuretis Erasino qui Bezae similia pleraque & frequenter admodum in vniuersum nouum Testamentum adnotauit, qui adeo sæpe

aut vno codice, aut vno Interprete, aut etiam sola sua coniectura fretus, sacrum textum mendæ accusat, aliterque reponendum affirmat, imò reponat? Quas Roberto Stephano qui in præclara illa, & miranda noui Testamenti Græci editione lectionum varietates ex antiquis manuscriptis ultra bis mille collegit? Quas Casaubono qui notulis ad quatuor Evangelia, & Actus Apostolorum tot lectionis varietates adscripsit, qui sæpe Græcis codicibus Vulgatæ translationis textum præfert? Quas Iosepho Scaligero qui in Elencho chronologico & Epistolis idem de libris Hebræis confidenter asserit? Quas denique tot antiquis Patribus Græcis & Latinis qui textum sacrum Græcum & Hebræum mendarum passim accusant, illum ab hæreticis, hunc à Iudæis deprauatum conqueruntur? Hæc plurimis exemplis, & prædictorum Nouatorum testimoniis planissimum fecimus in Exercitationibus nostris Biblicis, sed potissimum Exercit. 2. cap. 12. & sequentibus. Hinc hauriet curiosus Lector quæ desiderio suo satisfacere possint. Andabatæ nostri hæc omnia prætereunt, & quasi surdis fabulas canerent, aut cæcis scriberent,

velut ἐν νυκτομαχίᾳ μηδεμίαν φίλων καὶ πολε-
μίων ἀλάλῃσιν ἔχοντες sententiam iam ab
aliquo tempore hæreticis sodalibus suis;
ἐὼς θάδεκτον, vt impiam & blasphemam
diris omnibus deuouent. τείρον ἀγρόν ἀπεί-
ρειν prohibet in legibus Plato: Quum ta-
men de re euidentissima nobis sit sermo
quæ oculos aperiens latere non potest,
non omnino desperamus contra vulga-
tum prouerbium ab istis asinis lanæ ali-
quid nos carpere posse.

*Validam esse hanc consequentiam, etiam
ex hæreticorum sententia, si menda irre-
pserunt in Græcum noui Testamenti tex-
tum, multo magis in Hebraum veteris
Testamenti.*

CAPVT VI.

FOrsan admittent mendas illas & cor-
ruptelas in noui Testamenti Græcum
textum irreperere potuisse; Quis enim Hæ-
reticus post tot Hæreticorum non modo
hac de re testimonia, sed etiam multipli-
ces catalogos, adeo sui, modestiæque im-
memor erit, vt id inficietur? At veteris
nouique Testamenti, quod est nobis se-
cundò probandum, negabunt parem esse

D iiij

causam. Neque nos fallit coniectura nostra : Nam sect. 18. in nouo Testamento mendas agnoscunt, *Quanquam enim*, inquiunt, *in quibusdam codicibus legatur, ὡς γὰρ ἐκ τῶν αἰώνιων προφητῶν, aliis tamen codicibus in quibus scribitur, ὡς ἡτοίμα τῶν προφητῶν, fidem potius habendam esse, testatur consensus Veterum Interpretum.* Itaque ipsis non est inuisa ista propositio de nouo Testamento duntaxat intellecta, sed eadem de Hebræo textu asserta bilem illis mouet. Nam vt docent sectione 16. *Sicuti certissimum est Hebraicam veritatem ad manus nostras peruenisse sinceram, & planè sicut à principio fuit, incorruptam, &c. ita ex diuerso aequè indubitatum est, quidquid ab illis (Apostolis & Euangelistis) in literas relatum est, verissimum esse, & sacrosanctæ autoritatis, non aliter quam si immediatè profectum esset ab ipso Deo.* Prius illis est æquè certum & sacrosanctum ac istud posterius ; neque alia de causa tam improbè & impotenter aduersum nos debacchati sunt, quàm quod in prius, hoc est, in absolutam Hebræi textus integritatem scripsimus. Absurdissima sanè assertio. Quid enim Christiano fingi potest dictu absurdius, quàm in nouum Testamentum mendas irreperere

posse, in vetus non posse? Sed qui à stolidissimis nostris pecoribus aliud sperat, inani spe lactatur, & quàm primum in eorum libellum oculos conjicit.

--- ferre videt sua gaudia ventos.

Respondeo igitur non modò ex omnium Catholicorum, sed etiam ex omnium Hæreticorum Lutheranorum & Calvinianorum sententia, æquam esse vtriusque Testamenti autoritatem. Itaque si scelus est mendas in veteri fœdere agnoscere. Par scelus est eas de nouo confiteri. In nouum si plurimæ irreperunt, Quid prohibet quo minus in vetus æquè multæ irreperint? Vestrane sententia soli omnium hominum Iudæi in exscribendis suis codicibus erunt ἀναμάρτητοι? Quidquid tetigerint, velut si Midæ fabulosa manus ipsorum brachiis inserta essent, in aurum conuerteretur? Cæteri verò mortales, etiam summorum Pontificum delegatione agentes sæpius hallucinabuntur, aberrabunt, cespitabunt? Si Ecclesiæ Christianæ omnino interest, vt alterutrius fœderis libri ab omni prorsus labe & menda puri conseruentur, longè præstat libris noui quàm veteris fœderis hoc priuilegium asserere. Fidei enim Christianæ

D iiii

myſteria multò clarius & euidentius in nouo Testamento explicantur quàm in vetere : imò præcipua fidei fundamenta è veteri niſi nouum accederet, erui non poſſent. Quapropter qui præteritis Græcis N. T. codicibus illibatam & virgineam integritatem ſolis Iudaicis it tam animoſè vindicatum, Iudaismus promouet, non Chriſtianismus. Huic objectioni reſpondet Amama eadem diſſertatione, *Si ex paucis illis lectionum varietatibus (dico paucis pro tanta librorum iſtorum antiquitate, & gentis Iudaica variis & aſperſis calamitatibus & diſperſionibus) diſputabimus textum Hebraum eſſe corruptum, quid fiet nouo? in cuius libros & mole & numero, & antiquitate cum V. Testamento neſiquam comparandos, tam paucis annis varietates longè plures, eaque non ſolum circa ſingulares literas, ſed & voces integras, kerniſtickia, verſus, irreſſeie. Credemusne vetus Testamentum Deo magis cura fuiſſe quàm nouum? &c.*

Secundò reſpondeo, omnes illos autores, ſi Erafmum, Robertum Stephanum, Bezam, Caſaubonum, & Ludouicum de Dieu excipias, de ſolis Hebraicis libris verba facere. Sed, vt vidisti, hæc exceptio

nihil ad rem facit, imò rationem nostram confirmat : si tot mendis scatet nouum Testamentum, multò magis verus. Prætereatamen Erasimum audiamus ad Matt. c. 5. ad hæc verba, *iota vnum aut apex, Mihi videtur sermo* *ἰὸς ἢ ὑπερβολὴν* dictus. Neque enim laboratur de literarum apiculis cum cōstet non pauca etiam volumina veteris instrumenti intercidisse, quorum nomeclaturā adhuc videmus in canonicis voluminibus veluti libros bellorū domini, qui citatur Num. 21. & librum iustorū qui citatur Ios. c. 10. &c. Non igitur laboratur de apicibus, sed asseneratur nihil omnino promissum aut proditum in lege Mosaica, quod Euangelium non absoluat. Id quod dicit Erasmus de litera comparatè ad libros deperditos, pari ratione de cæteris literis, atque etiamnum de dictionibus, si sese tunc dedisset occasio, affirmasset. Per apices autem literam jod Erasimum intellexisse ex eodem loco manifestum est, cum apiculorum quæ puncta dicuntur, antiquitatem non admittat. De Ludouico autem de Dieu quomodo lubens hanc assertionem non amplecteretur, qui in N. T. Græco, Latino, Hebraico duplici, Syro, Arabico, Æthiopico tot varietates adnotauit.

Verùm ad quæstionis decisionem plurimùm proderit Bezæ de mendis Hebraicis testimonia hûc referre. Scribit ad cap. 13. Act. v. 41. vbi citatur locus ex Habacuc, *Videte contemptores, in Hebraeo legitur בניוים*, *bagoym*, pro quo videntur Græci legisse בניורים, *boghedim*. En Bezæ valde probabile est, 70. Interpretum codicem aliter legisse quàm nunc in Hebræo legitur. Idem in cap. 10. Epist. ad Romanos v. 18. *In Hebraeo, inquit, legitur קום*, *Kauam*, id est, *regula seu amussus eorum: quo vocabulo significatur compositam illam, & ad amussim fabrefactam cælorum molem, velut predicare infinitam artificis præstantiam. Græci verò vel קולם*, *Kolam* legerunt, pro קום *Kauam*, vel locutionem studuerunt emollire. In eiusdem Epistolæ c. 10. v. 11. Omnis qui credit in illum non confundetur. *Hebræa veritas habet לא ירוש*, *Lo-jachisch*, non festinabit, sensu vel eodem, vel non multum diuerso, &c. Suspicio tamen Græcum Interpretem legisse יבוש *jabusch*. Posterius istud rectè significat, *confundetur*. Et iterùm ibid. ad cap. 11. v. 26. *Hebræa veritas habet, ולשביו פסע ביעקב*, *vleschabe pesah bejahakob*, 1. & ad eos qui resipuerint à peccato in Iacob. vbi Græci legerunt עלשוב

valeschub , sed eadem manente sententia Epist. ad Hebr. cap. 10. v. 38. Quia Deum loquentem inducunt, tertiam personam in primam mutarunt, nisi malimus eos נפשי naphschi, pro נפשו naphscho legisse, quasi ad verbum conuertas. Non erit recta anima mea erga eum, & eiusdem Epist. c. 11. v. 21. Ego verò fateor Græcos unum idemq; vocabulum aliis punctis vocalibus expressisse, utpotè qui מטה match, legerint, non מיתא mitah, ut scriptum habemus.

Drusius Frandkeræ in Frisia linguæ Hebraicæ Professor & multis libris editis in eo doctrinæ genere celebris in notis ad parallela easdem ex textu Apostolorum, & 70. Interpretum textus restitutiones conjicit, pag. 107. בנרים restituit בנרים, pag. 112. קלם reponit קלם, & p. 121. pro mitah ait 70. legisse match, pag. 114. v. 26. Rom. 11. vbi ὁ ἀποστόλος. Quid est cur ita verterint 70. לשכני? conyicio eos legisse inuersis literis להשיב, quod plenè esset להשיב, vel certè לשוב joth in van conuersa, &c. simile hos. 12. 3. ולפקוד על יעקב, & animaduertet in Iacobum, pag. 121. de versu 4. cap. 10. Epist. ad Hebræos. Scriptum in Hebræo נפשי per van, atque ita Hieronymus legit olim dum verteret, Ecce qui incredulus est, non

erit recta anima eius in semetipso. At Aquila tamen videtur legisse **וַיִּשָּׁן** *per Ioth. Sic enim edidit referente Eusebio, οὐκ ἐνθεῖα ἡ ψυχὴ μου ἐν αὐτῷ, quod stabilit prorsus editio Græca Vulgata quam Apostolus expressit. p. 122. ad v. 6. c. 12. eiusdem Epistolæ, flagellat autem, &c. Ita 70. An legerunt* **כָּאֵי** *in quo significatio doloris qui* **כָּאֵי** *dicitur? An potius scholion est hoc* **μαστιγοῖ**? *Nam huiusmodi quid deesse videtur. Plura capite sequenti ex Schindlero Lutherano referemus quæ nobis cum eo communia sunt.*

ὦ φίλῃ κεφαλῇ, ἀλλ' ὅκ' ἔγκειραλαι, an de impudētia vestra cōquerar, an imperitiam vestram ridebo? de impudentia, qui me vobis incognitum tam atrocibus iniuriis laceSSIUISTIS, eo quod eam sententiam in præfatione mea amplexus fuerim, quæ à tot vestræ sectæ hominibus publicis scriptis docetur, quam Beza tot exemplis, & ipsissimis quæ in illius confirmationem protuli, explicauit. Si flagitiosissima præfatio mea, flagitiosissimi ergo Beza & Druſius qui iisdem exemplis eademq; textus restitutione freti, idem quod nos toties colligunt, 70. scilicet Interpretes eosque secutos Apostolos in textu Hebræo aliter legisse, quàm nunc legatur. An imperi-

tiam vestram ridebo, qui homines vestros id quod tanta cum execratione abominimini publicè docentes, ignoratis? Quibus specillis longè dissita cognosceretis, qui ad ea quæ oculis vestris quotidie obuersantur, cæcutitis? Sed impudentiam imperitiamque vestram missas faciamus: simplici enim eorum quæ sequuntur narratione animus vester, ni vehementer fallar, licet atra malevolentia suffusus, pudore suffunderetur.

Antequam tamen eos dimittam, proferam adhuc vnum ex Beza testimonium quod nunc occurrit, & alibi ex parte tetigimus, in Epist. I. ad Corinth. c. 15. v. 55. *Vbi est mors victoria tua? וְיֵי עֵלְיָא מִיֵּי מוֹתָא? Hunc versum ex 70. Interpretibus citatum sic cum Hebræo textu neoterico conciliat. Apud Oseam sic legitur hic locus unde petatum est posterius membrum, אֶרֶץ מוֹת, דְּבָרִיךָ מוֹת, Ehi debarecha maueth. Ero pestes tua mors. Itaque Græca editio quam secutus est Paulus, legit אֶרֶץ, aye, ubi pro, אֶרֶץ, Ehi, ero, per Metathesin, quam notant eo loco quidam etiam ex Hebræis interpretibus. Deinde דְּבָרִיךָ, debarecha, Græci interpretes deduxerunt non à דָּבָר, deber, quod pestem declarat, sed à דָּבָר, dabar quod significat*

verbum, idque translaticie acceperunt pro quo vernaculo sermone dicimus, *unplaid, &c.* Ideo in Græca editione qua nunc utimur scriptum est *ἄν*, pro quo Paulus fortassis scripsit *non ἄν*, ut nunc legimus, sed *ἄν*, id est, contentio. Sic etiam hunc locum citante Augu-
stino in *Ioan. tract. 12. &c.* & Paulo post, ad aliud versus membrum. Itaque hic rur-
sum Græca editio, quam secutus est Paulus, legit, sine ulla tamen sensus iniuria, & non repugnantibus quibusdam Hebrais Interpre-
tibus *אֵיךְ*, *Ajē*, ubi, pro, *אֵיךְ*, *ehi*, ero, ut in precedente membro. Hæc ex Beza nobis oc-
currunt, sed ex Drusio capite sequenti multò plura.

*Ex versionis comparatione cum dato codice Archetypo rectè nonnunquam colligi Archetyporum varietatem, Hereticorum sic colligentium autoritate demonstratur. Ad-
uersariorum stupor, ἀρεσκία, mens furiata, cecitas.*

CAPVT VII.

Tertia causa nobis superest edifferen-
da, quæ homines istos stomachosos in furorem præcipites egit, quòd scilicet ex variante ab Hebræo textu 72. Senio-

rum interpretatione textus Hebræi variationem collegerimus. Illius demonstrationem ab ipsa thesi arcessemus, eamque in duas partes distribuemus. Prior Hæreticorum, posterior Iudæorum testimoniis constabit. Ante omnia notandum est nos vniuersè nunquam dixisse, ex variante ab Hebræo textu Græca interpretatione varietatem in Hebræo textu esse colligendam, nisi Græcam interpretationem confirmarent antiqui codices Hebræi illis locis à vulgo excusis variantes, sed cautiones septem adhibuisse, quas reperere superuacaneum est, cum supra relatæ sint. Harum autem nulla locis in quos mendas irrepsisse scripsimus, conuenire potest. Itaque necessario aut ad mendas in textum illapsas confugiendum est, aut perpetuò asserendum S Hieronymum & 70. Interpretes cum sacrum textum Græcè, Latinèque verterent, modo verba præposterè vel præcipitanter legendo transiisse: modo malè pronuntiando ה pro ו, ו pro ח; ק pro י; &c. accepisse: modo excutientes ח pro ו; ב pro ו; ס pro ד; &c. legisse; modo animum non aduertentes literas negligenter permutasse, aliaque permulta supinæ indiligentiæ peccata.

commisisse. Quis hoc de 76 Interpretibus credet, quos vniversa antiquitas *ἑβδομήκοντες* credidit, quos solos Apostoli Ecclesiæ legendos tradiderunt? Quis hoc de S. Hieronymo credet, qui tanto cum labore vetus Testamentum transtulit, qui que adeo sæpe prouocat ad Iudæos diligentia & fidei suæ testes? Sed nihil speciale 76. aut S. Hieronymo tribuamus. Cum varietates illæ adeo sæpe contingant, quis nisi furore excæcatus aut mente captus, ea translatorum negligentia semper imputabit, Scribarum verò incuria & *παροράματι* nunquam? Ita sit, si quis peruiaciter contendat, hallucinati fuerint Septuaginta Interpretes, S. Hieronymus. Nunquam ne hallucinati sunt Iudæorum Scribæ? Num *ὁρθογραφῶν καὶ χαλαρογραφῶν*, ita sunt doctæ eorum manus, ut *ὁρθογραφῶν καὶ ἁυδογραφῶν* nunquam possint? Hæc planè ridicula.

Argumentatio nostra plana est, naturalis, omnibus pari data occasione consueta qui versiones cum archetypo textu conferunt, siue rei sacræ, siue prophanæ sint interpretationes. Sic sæpe id facere solitus est S. Hieronymus, ut in Epist. ad Galatas c. 3. *Ex quo mihi videtur*, inquit, *aut*
veteres

veteres Hebraeorum libros aliter habuisse quam nunc habent, aut Apostolum, ut antea dixi, sensum scripturarum posuisse non verba: aut quod magis est estimandum post passionem Christi; & in Hebrais & in nostris codicibus Dei nomen appositum, &c. Ita omnino ut S. Hieronymus in eiusmodi negotio est disjunctiue colligendum; sed tertia disjunctionis pars quam precedentibus longè præfert Sanctus de Iudæis non mihi fit satis probabilis; licet eodem capite illam iterum amplectatur. Itaque hac in causa duarum priorum alterutri adhærendum. Sæpe autem multæ circumstantiæ faciunt, ut secunda locum habere non possit; aut ut saltē id probabiliter dici nequeat. Ergo sæpe ad primam confugiendum, ut bis eo capite facit S. Hieronymus, & alibi sæpissimè, cuius rei exempla multa congeessimus Exercit. Biblicæ, 6. cap. II. Sed dimisso S. Hieronymo, cui Nouatores parum tribuunt, Hæreticos testes proferamus. Sic vidimus capite præcedente Beza ex 70. interpretatione à textu neoterico Hebræo diuersa, aliud ab iis in textu Hebræo lectum quam nunc scriptum sit, collegisse. Millies id facit Beza adnotationibus in nouum

Testamentum: Experientia doctus Vulgatam versionem cum à Græco textu neoterico aut nonnullis Græcis exemplaribus dissentit cum aliis consentire. Ideo Erasmus acriter increpat quod temere nimis veterem Interpretem reprehendat velut à Græcis dissentientem. *Fateor, inquit, dissentiebat ab iis exemplaribus quæ ille nactus erat. Sed non uno in loco comperimus aliorum codicum, & quidem vetustissimorum autoritate eam interpretationem nitè quam ille reprehendit. Quinetiam aliquos locis animadvertimus veteris Interpretis lectionem, quamvis cum nostris exemplaribus Græcis non conveniat interdum, tamen multò melius quadrare, nempe quod emendatius aliquod exemplar secutus esse videatur.* Et in c. 8. Lucæ v. 54. *Eiectis foras omnibus, vetus Interpres hac non legit; reperimus tamen, ut extant etiam apud Syrum interpretem, in omnibus nostris vetustis codicibus, si duos excipias, quorum mirificus est cum vulgata editione consensus. Sic passim apud eum videas & Robertum Stephanum (si Græcum textum adiunctis illius variis lectionibus cum Vulgata conferas) Vulgatam ubi à Græco excuso textu dissentit, à duobus, tribus, quinque, decem, &c. manu-*

scriptis Græcis codicibus, imò nonnunquam ab omnibus confirmari. Itaque fere semper valida est hæc argumentatio, Vulgata N. T. interpretatio à Græco excuso diuersa est, ergo Græcus textus hoc loco variè legitur. Dixi fere semper: Mendæ enim nonnullæ à tanto tempore in Vulgatam irrepserunt. Huius rei apud Bezam innumera sunt exempla vbique per ipsius adnotationes dispersa. In Exercitatione nostra Biblica 2. ultra quadringentos locos ex duobus antiquissimis exemplaribus Græcis collegimus in quibus Vulgata noui Testamenti interpretatio à Græco vulgato dissentit, & cum duobus illis exemplaribus consentit; quibus passim alios codices antiquos consentientes ex Beza, Roberto Stephano, Erasmo, nonnunquam ex Patrum commentariis composuimus. Hinc ista textus sacri curiosus Lector arcessere poterit. Sufficiet maioris explicationis gratia ex adnotationibus Bezae ad cap. 8. Lucæ iam citatum, & ad e. 9. exempla promere. Cap. 8. v. 9. *Interrogabant eum discipuli eius, quæ esset hæc parabola.* Græcè additur, λέγοντες, *dicentes quæ esset, &c.* qua dictione Vulgata caret. Versu 29. *Et nuntiatum est illi, mater*

tua, &c. Græcè additur, λεγόντων, *dicentibus mater tua, &c.* Versu 54. *Ipse autem tenens manum eius.* Græcè additur, ἐκβαλὼν ἔξω πάντας, *eiciens foras omnes.* Num dices ideo in Vulgatam irrepsisse triplicem mendam, eo quod cum Vulgato Græco textu tribus his locis non consentit. Caue ne ita temere pronunties. Imo tres illæ à Græco textu varietates tot sunt mendarum in Græcum textum illapsarum argumenta. Græcus enim codex è quo vertit Interpres, dictiones illas in textu suo non representabat, à quo postmodum neotericus excusus degeneravit. Audi quid de vnoquoque Beza sentiat. Sic ad vers. 9. *Hoc participium neque in veteribus codicibus duobus neque apud Syrum Interpretem, neque in vulgata editione reperitur; nec potest convenire nisi pro εἰς legas ἐν, ut sit recta oratio.* Ad versum 20. *Non legimus hoc participium neque in vulgata editione, neque in nonnullis codicibus, imò nec apud Syrum Interpretem. Et certè rarum est. Quid ad versum 54. scribat, iam retulimus.*

Quæ à Beza adnotantur cap. nono partim sunt eiusdem generis, partim alterius: Non enim aliquid tantum omittunt, sed etiam diuersum efferunt, sed varietates il-

1æ, vt omissions Beza teste & antiquis codicibus & recta ratione nituntur. v. 1. Vulgata, *conuocatis autem duodecim Apostolis*. Græcè, μαθητὰς αὐτοῦ. v. 3. Vulgata, *neque virgam*, Græcè, μήτε ῥάβδον, *neque virgas*. Vulg. versu 52, *in ciuitatem Samaritanorum*. Græcè, εἰς κώμην Σαμαρειτῶν, in vicum Samar. Vulgata vers. 54 *D mine vis dicimus, ut ignis descendat de celo. & consumat illos?* Græcè additur, ὡς Ηλίας ἐποίησε, vt Elias fecit, Vulg. v. 56. *Filius hominis non venit animas perdere*. Græcè additur ψυχὰς ἀνθρώπων, animas hominum. An inde menda colligetur in Vulgatam irreplisse? Hinc tantum colligitur archetypi textus varietas, Interpretem scilicet codicem Græcum nactum esse, ab eo qui nunc manibus versatur variantem. Bezam audiamus. Ad v. 1. *In octauo codice legitur τοὺς δώδεκα ἀποστόλους, id est, duodecim Apostolis, sensu nihil variato. Placuit tamen hoc annotare, nequis temere veterem Interpretem reprehendat.* Ad versum 3. *Virgas ῥάβδον, sic scriptum inuenimus in omnibus vetustis exemplaribus prater unum quod cum vetere editione legit ῥάβδον, id est, virgam, quod etiam est in Syra interpretatione.* Ad versum 52. *In vicum, εἰς κώμην. Sic habet*

etiam Syrus Interpres. In quibusdam tamen codicibus legitur, εἰς πόλιν in urbem, quod secutus est vetus Interpres. Sed illud praefero.

Ad versum 54. Haec non legimus in quodam codice, nec in vulgata editione. Ad vers. 56.

primum notat hanc periodum quae versum 55. 56. maximam partem componit,

in quinque manuscriptis codicibus deesse, καὶ εἶπεν ὁκ οἶδα τε οἷου πνεύματος ἐστὶ ὑμεῖς. ὁ

γὰρ υἱὸς τοῦ αἰθρώπου ὁκ ἦλθε ψυχὰς αἰθρώπων σπολέσαι, ἀλλὰ σῶσαι. Deinde subdit.

Rursum in quibusdam annotat Erasmus non addi αἰθρώπων, quod etiam omittitur in vetere editione, nec legitur apud Syrum Interpretem.

Quid verò? An vulgatam interpretationem à Græco dissentientem propugnare non licebit, nisi nobis præsto sint manuscripti aliqui codices? Minimè gentium. Quis enim codices omnes manuscriptos recuperare potuit? Quasi verò mendosissima erit si nulli adsint codices; moxque cum adfuerint, eadem illa immutata permanente, erit purissima? Sed ex manuscriptis codicibus qui illam à Græco dissentientem confirmant, validè colligitur etiam cum desunt manuscripti, non esse temerè damnandam aut carpendam, cum

plerumque ex ipsa Græcus textus meri-
 tissimè castigetur ; aut si vtraque lectio ad-
 mittatur, colligi necessariò debeat *πρωτό-
 τυποι* varietates inuasisse. Bezam illo ipso
 capite argumentantem audiamus. Ad ver-
 sum 44. Vulgata, *& erat velatum ante eos.*
 Græcè, καὶ ὡς ὑπεκκαλυμμένον ἀπ' αὐτῶν,
 & erat absconditum ab illis. *Vulgata legisse
 videtur, ἔμπροσθεν αὐτῶν.* Ad versum 48.
 Vulgata, *hic maior est,* Græcè οὗτος ἑταί-
 μέναι. Vulgata legit, *ἔστι, est, in presenti:*
quam lectionem magis sinceram esse puto.
Sed & pro τοῦτο τὸ παῖδιον, hunc puerulum,
fortassis legendum est, τοῦτο παῖδιον huiusmo-
di puerulum. Ad versum 53. Vulg. *Quia fa-*
cies eius erat euntis in Ierusalem. Græcè, ὅτι
 τὸ πρόσωπον αὐτοῦ ὡς πορευόμενον, &c. *Quia*
facies eius erat vadens, &c. Mihi durum &
insolens videtur hoc dicendi genus. Itaque et si
nihil in Græco emendare sum ausus contra co-
dicum fidem, tamen cum vetere Latino In-
terprete existimò scribendum πορευόμενον,
quoniam Christum tendere viderunt Ierosoly-
mam versus, ipsius scilicet vultu illuc obuerso.
 Singulis capitibus apud Bezam similia de-
 prehendes ; fortuitò tantum aperiendus
 liber. Tribus his postremis locis nullus
 cum adiuuat manuscriptus codex : Ex

vulgata tamen affirmat Græcum textum esse corrigendum. Quod in Græco textu per Bezam licet, in Hebræo quidni licebit? An Deo curæ est solus textus Hebræus, aut insignialiquo dignitatis priuilegio donatus, quo Græcus frui non meretur?

Nolim tamen insanè more vestro colligatis, Ergo vbicunque differt interpretatio aliqua ab archetypo, mendæ est accusandus archetypus. Nam præter cautiones septem quæ in hoc negotio dictæ sunt observari debere cum agitur de comparatione interpretationis 70. Interpretum cum archetypo textu, tres aliæ in omnibus interpretationibus naturâ duce sunt considerandæ. 1. vt Interpres verba phrasimque auctoris intellexerit: Periculum ab huius cautionis incuria non est in 70. & S. Hieronymo reformidandum. 2. vt nulla sit in versionis loco comparando corruptelæ suspicio, 3. vt in vtroque aut alterutrius textu varietatis ratio compareat. Sed cautio hæc cum manuscriptis codicibus interpretationis textus nititur, ad mendæ in textum archetypum irreptionem demonstrandam, minimè est necessaria. Cum autem textum archetypum aut ori-

ginarium dicimus non intelligimus codicem illum ex quo immediatè vertit Interpretes, multò minus Apostolica aut prophetica manu exaratum. Fatemur enim, nec quis sanæ mentis negare potest, textus sacri versiones omnes ad eiusmodi codicem, præsertim si ipsissimus esset Apostolicus aut propheticus, esse exigendas, de qua re multa & sæpius scripsimus in Exercitationibus nostris Biblicis, sed archetypum aut originarium vocamus, eo quod lingua archetypa aut originaria descriptus sit, licet forsan, ab archetypo seu πρωτότυπῳ sit centesimum ἐκτύπων. Quid quæso prohibet, ne in ἐκτύπων istorum de πρωτότυπῳ exscriptione mendæ irrepsérint? Nisi mihi vobiscum res esset, qui mente furiosa densissimis ignorantiae tenebris excæcata præcipites acti quid blateretis nihil pensi habetis; non erat hîc opus istorum vos admonere, cum solus naturalis rationis ductus, & perpetua literatorum consuetudo vnumquemque mentis compotem hæc nullo monente satis doceant. Sed quid asinis cum vnguento, & vobis cum literatis? Alios tamen eiusdem argumentationis testes vobis, vt opinor, acceptissimos producemus.

Ludouicus de Dieu ad cap. Matt. 24. v. 28. ex eo quod Vulgata vertit, *ubicunque fuerit corpus, &c.* colligit in Græco textu Interpretem legisse σωμα, non πῶμα. Licet omnes codices Beza, πῶμα scriptum habuerint. Vulgatæ Syrum consentire rectè notat aduersus Drusium & Beza; nam מָרְדֵּן Syrè corpus est non cadauer, vt significatione hebraica decepti sunt Drusius & Beza. Ad Marci c. 1. v. 2. Syrus non legit ἐμπροσθεν σου, quod tamen in Græcis codicibus extat, & à Vulgato atque Arabe lectum fuit. Et ad versum 5. colligit Syrum legisse in textu è quo vertebat, καὶ πάντες οἱ ἱεροσολυμίται, vt Vulgatus, Arabs, & antiquissimus Bezae codex, non autem καὶ οἱ ἱεροσολυμίται, vt habet vulgata lectio Græca. Ad Lucae c. 6. v. 26. colligit Syrum Interpretem non legisse πάντες, licet Vulgata Latina, textus Græcus & Arabs illam dictionem exhibeant. Non ideo existimat in Syrum textum mendam irrepsisse, sed Syrum Interpretem cum verteret codicem Græcum nactū fuisse à vulgato Græco hoc loco variantem. Vide ad cap. 9. v. 3. & 15. ad Acta Apost. c. 1. 4. 14. cap. 2. v. 1. 2. 26. 30. 31. 45. cap. 3. 11. cap. 7. 44. c. 8. 13. cap. 9. 6. 7. 28. 29. &c. Ex istis animad-

uersionibus innumera eiusmodi colligi possunt. Ludouico addam Eduardum Anglum Oxoniensem in notis ad Epistolas Syriacas primam Petri, tertiam Ioānis, & Iudæ quas Latinè reddidit, quæque Ludouici animaduersionibus in Euangelia subiectæ sunt. Ad 2. Petr. cap. 2. 13. מְכַהֲמָא וּמְלִי מוֹנָא, *inquinati & pleni maculis, male puto, nisi aliter legerit, substantiuè hæc verba effert Etzelius, & eodem versu. Videtur Interpres pro ἀπαταις, legisse ἀγᾶταις, quæ uoce loco citato utitur Iudas. ad v. 17. חַיִּל מִן* *desuper, Etzelius à turbine magis ut opinor hic Græcum textum qui habet ὑπὸ λαίλαπος respiciens, quam Syriacum, nisi exemplar quo usus est, à nostro discrepauerit. Et ad v. 18. Vterque interpres, Arabs, & Syrus, ea uidetur exemplaria secutus quæ ὀλίγον, seu ὀλίγως legunt, non ὄντως. Istiusmodi animaduersiones viris doctis solemnes sunt, nec aliter sentirent Literatores nostri si solidæ & reconditæ literaturæ gustum haberent.*

Ioannes Drusius eodem argumento passim colligit Interpretes modo aliter legisse in textu Hebræo, modo aliter in Græco, nec ideo belluinæ rabiei à quocumque se postulari reformidat. In frag-

mentis veterum Interpretum ad cap. Genes. 26. v. 20. *Legerunt*, (scilicet, 70. Vulgatus, & Scholiales) קשׁי cum puncto in dextro cornu literæ, ו, &c. nunc legunt קשׁי cum puncto in cornu siue dente sinistro: id reddunt iurgium. Tres ibidem alios locos refert in quibus idem affirmat contigisse. Ad Ieremiæ cap. 1. v. 11. de S. Hieronymo scribit, *Mirum autem cum dicat Saced nucem significare, cur verterit, Virgam vigilantem, id est, seced.* An legit aliter quam nunc est in codicibus Hebrais, videtur: Nam etiam Aquila & Symmachus ita legerunt. In Psal. 31. v. 22. בעיר כצור, Symmachus ὡς ἐν πόλει περιεσφραγμένη, ut in vrbe circumuallata. Videtur legisse, בעיר, per Caph. In Ierem. c. 2. v. 2. *Vade & clama in auribus Ierusalem dicens, λέγω.* Hæc verba habentur in editione Complut. Olim teste Hieronymo addita erant sub Asteriscis de Theodotionis editione, qui verbum Hebraicum קראת interpretatus est, lege, &c. Vnde colligas lectum olim in Theodotione αἰζυρωθῆναι. Vide ad Iob. c. 3. v. 18. ad Psal. 10. v. 1. ad Psal. 111. v. 5. & alibi sæpius.

In adnotationibus ad parallela sacra eadem collectione frequentissime vtitur. pag. 81. *Ex Ægypto vocavi filium meum.*

Prius erat in LXX. τὰ τέκνα αὐτῆς, ut dici possit Interpretes illos legisse לבנו : nam procliuis atque adeo frequens error de joth in uau. & pagina 85. Hic desideratur Vehaacharon hichbid, cuius declaratio in LXX. καὶ οἱ λοιποὶ οἱ τῶν ὁσίων. Iudico eos legisse, Vehaachirim hacchibiad, & alij qui velut in latere, id est iuxta. Quam ἐν στήθῳ hîc coniiciat, non disputo, Nunc Hebraicè, ואחרון הכביר, דרך הים, locus est Isaia 9. 1. Pagninus vertit, ultimò fecit aggrauari viam maris. Pag. 92. Quòd si constaret Matthæum Hebraicè scripsisse, dicerem aliud, quod nemo ante me; Nam per Prophetam, id est, הנביא ביד versa daleth in Res (quod procliue nec minus frequens propter similitudinem) emergit, ביר, id cum nota compendij valet, אֶת־לֵפְטִי, siue in Jeremia. Sed hoc pono, non statuo. Pag. 109. Consideranti autem attentius verba Hebraica videntur mihi Interpretes illi quos secutus est Euangelista noster, legisse hoc modo למען ירשו את שארית אדם, ut requirant reliquiæ hominum, id est, reliqui homines. Locus habetur Amos 9. 12. sicque nunc legitur, למען יירשו את שארית אדום, ut possideant reliquiæ Edom. Pagina 113. Interpres Syrus nos admonet de alia lectione quam ipse secutus ita vertit, fiat mensa ipso-

rum eis in laqueum, & pœna siue talio ipsorum in offendiculum, id est, γενεθήτα ἡ τεράπειζα αὐτῶν εἰς σκαῖδαλον. En vt ex versione Syra restituit textum Græcum vt Syrum Interpretem existimat legisse. Non erat hic locus omittendus. Agitur de loco 1. Cor. 15. 55. Vbi est mors stimulus tuus? mirum ni legit דברנך pro joth nun. Tanta enim similitudo harum literarum in caractere minuto, quo credibile est olim vsos exscriptores, librariosque vt discriminari non nisi ægrè admodum queant. Atque hinc factum puto quod in tertio futuri Chaldaici, quanquam rarius, nun vicem joth obeat. Certè enim נשרוף legitur in libris pro ושרוף comburet, quæ forma verbi magistri etiam videntur. Iam verò notum est vt litera aliquando in dictionibus transponantur. Nam עולה, & אלה dicimus & עלה Alua, &c. Sic forte Apost. (nisi libro vsus in quo דרבנך) existimauit, דרבנך idem esse atque דרבנך, stimulus tuus, &c. In textu Hebræo nunc legitur אהי דברך מות, vbi pestis tua, & mors. Vult igitur Drusius Apostolum pro דברך legisse jod in nun mutata, & beth in locum Res trajecta דרבנך, stimulus tuus, vel sola מות joth in nun mutatione, & existimasse דרבנך idem esse quod דבר, &c.

quod דבר, significet duco, ago. Sed illa significatio טו דבר Chaldaica est, non Hebraica. Verùm quidem est 70. Interpretes dictiones Hebraicas Chaldaicè nonnumquam interpretari, imò posteriores Prophetas quasdam etiam Chaldaica significatione usurpare. Hæc ex Drusio. Nonnulla alia capite præcedente retulimus ex eodem in quibus contigit nos in præfatione idem cum ipso animaduvertere.

Idem etiam data occasione colligit, vel collectum laudat Sixtinus Amama, ut Antibarbari lib. 2. ubi de cap. 6. Geneseos. *Quid spectarint illi (Septuaginta) dum sic hoc loco verterunt, non male Leo Castrinus diuinavit, ut videlicet pro ידון legerint ילון. Quomodo saepe ל pro ר & pro ר ut Psalm. 56. גומר pro גומר legisse eos post alios Drusius in Coniectaneis ad versionem Græcam Prophetarum minorum observauit passim. Et eodem libro ad cap. 23. Num. v. 19. LXX. οὐχ' ὡς ἀνθρώπος ὁ Θεὸς Ἀγαθὸν εἶναι, Qua sic versa reperio in editione Basileensi. Non ut homo Deus ad mentiendum. Crediderim Interpretem eum quisquis fuit, legisse οὐχ' ὡς ἀνθρώπος ὁ Θεὸς Ἀγαθὸν εἶναι, ut habet editio Complutensis: hoc enim est ad mentiendum, &c. Antibarbari lib. 3. ad Psalm. 92.*

v. 11. *Vulg.* Senectus mea in misericordia
 uberi. *Hebr.* בשמן רענן, *LXX.* ἐν ἐλαίῳ πύονι,
 in oleo pingui. Non dubium quin *vulgata* le-
 gerit ἐλαίῳ; Nec refragantur *Bellarmin.* & *Ge-*
nebrardus. Paulo post in hæc verba *Ps.* 119.
 Dormitavit anima mea præ tectio, *Hebrai-*
cè שָׁנַן stillavit. At quid commune est dor-
 mitationi cum stillatione? 70. scripserant ἐσα-
 ξε distillavit, atque ita legerunt & *Ambrosius*
 & *Origenes*: at imperita manus illud in ἐύ-
 σαξε deformavit. Hæc est *Bellarmini* resti-
 tutio quam approbat. ad *Psalmum* 132. 15.
 Benedicam escæ eius, *LXX.* θήραν, vena-
 tionem *Vulgata*, viduæ; *Calvinus*, inquit, in
comment. existimabat primitus scriptum fuisse
 victum, hinc vidum, hinc denique viduam
 factum. Ita, inquit, *Melchior Canis de locis*
Theologicis. 2. 15. Denique in *Cantic.* c. 2.
 v. 4. ordinavit in me charitatem, *LXX.* le-
 gerunt יָגַד, reddunt enim τάχατε, & *Sym-*
machus ὁπισσωρεύσατε.

Idem data occasione supponit & docet
Sculterus prædicationibus & varia doctri-
 na suis famosus cap. 13. Observationum in
 i. ad *Timoth.* sic scribit in v. 6. cap. 2. Nisi
 ego vehementer fallor, locus iste omnino est
 corruptus. Nam pro μαρτυρίου *Beza* scribit,
 se in uno codice legisse μωτηρίου, quæ lectio ipsi
 magis

magis placet quam vulgata: siquidem crebro
eiusmodi formula apud Paulum reperitur, &c.
Præterea veterem Interpretem non arbitror
tam audaculum fuisse, ut de suo adderet, Cu-
ius, nisi id in suo codice expresse additum in-
uenisset. Utinam sic semper in hac causa
argumentarentur Hæretici: hæc lis bre-
uissimè componeretur. Item cap. ii. Ob-
seruat. in 2. ad Timoth. Nec aliter legit Sy-
rus quam ἐν ποτε, si quo modo. Ideo Tremellius
vertit ex Syriaco, si forte, textus Græcus vul-
gatus habet μὴ ποτε.

Idem frequentissimè ex 70. Interpre-
tum & S. Hieronymi translationibus colli-
git Schindlerus in dictionario Pentaglot-
to: Ea seligemus in quibus nobiscum con-
uenit, quorum nonnulla ab ipso accepera-
mus. Ad dictionem קו, sonus eorum, 70. &
φθόγγος αὐτῶν. legerunt קולם, quod est in
versu precedente ob ל & י similitudinem, aut
olim sic scriptum fuit. In radice כלם, Ps. 4.
Fily hominum usquequo gloriam meam in
ignominiam. Septuaginta, ut quid graui
corde; legerunt, כבדו לב למה, graues
corde quare, ob literarum ב & ב similitudi-
nem, & unam dictionem pro duabus ac-
ceperunt. In radice לוה, Ezech. 27. 5. Ex
abietibus de Sanir edificauerunt tibi omnes

tabulas, לחותים, &c. Hieronymus, *tabularum maris*, legit לחותים, duas dictiones. LXX. ταῖναι σαρίδων, *corona tabularum*, pro כל, omnes legerunt כלל *corona*. In radice, כרור, Esa. 29 3. Et castrametabor, sicut כרור sphaera contra te. LXX. ὡς δαδίδ, legerunt כרור ob *literarum*, כ, &, כ, similitudinem. In radice שלה, Hieronymus, qui mittendus est, legit שילוח à שלה. misit, ob *literarum* ה & ח similitudinem. In radice יום, Thren. 2. Magna est, כים, sicut mare contritio tua. LXX. magnum est ποτήριον, poculum contritionis tuae, legerunt כים, poculum ob *literarum*, י &, י, quoque & ח similitudinem. In radice נשק, Ps. 1. נשקו בר, osculamini filium. LXX. ἀρξάμεθε παιδείας, apprehendite disciplinam. acceperunt נשנו, apprehendite propter *literarum* ש & ש, ק, נ, similem sonum: & בר pro puritate, doctrina pura. Legit etiam eodem modo paraphrasis Chaldaica, quæ vertit קבלו אלפנא, accipite doctrinam.

Plerisque aliis in locis similia obseruat, sed nos ea selegimus in quibus nobiscum conuenit. Quid ad hæc εὐφημαὶ γλῶσσαι? Quæ nos 70. Interpretum interpretationem cum Hebræo textu comparantes obseruauimus, adnotauimus, illa ipsissima

obseruarunt, adnotarunt Beza & Schindlerus, imò eorum pleraque S. Hieronymus, vt in præfatione nostra ex ipso retulimus. Si igitur Morini fatua est assertio, si infinita stoliditatis ac dementiæ, si desperatissimæ vecordiæ quibus probris S. Hieronymum incessetis, quibus Bezam, & Schindlerum? An audebitis βλάσφημαι γλώσσαι καὶ ὡς τοῦτων ἐπιγλωττειῶσαι? Schindlerum forsitan regerent errores istos Lxx. Interpretum & S. Hieronymi cæcipientiæ aut conniuentiæ imputare, non autem Scribarum hallucinationi: Nihil enim est præter hoc quod obmurmurari possit. O ficulneum auxilium! S. Hieronymi & Lxx. Interpretum oculi caligarunt semper, aut lippierunt cucurbitas; sed mercenarij Scribæ, auroque redempti nunquam non oculatissimi fuerunt, & lyncibus perspicaciores? Credidit Schindlerus doctissimos & diligentissimos Interpretes literas Hebraicas passim non dignouisse, dictiones à se inuicem non discreuisse; Amanuenses verò ignarissimos, lucro tantum inhiantes conniuere non posse, nec transuersum intueri? Sed ipse Schindlerus hoc negat cum disertè scribit aliter olim in textu Hebraico quàm nunc

scriptum. Deinde nonnulla ^{παρορμητικὰ} refert quæ Interpres nisi planè oculis & mente cæcus committere non potuit, quæ verò Scriba etiam lynceus facillimè, quum lucri cupiditate festinans iam peruersè scripta peruersius describit. Hæc re-
 cta ratio neminem ea vtentem latere finit, & qui versant manuscriptos codices id experiētia quotidiana discunt. Denique qua coniectura colligetur Schindlerum Iudæorum scribis tantum tribuisse, qui eorum Doctores credidit in sacrum textum licet bono forsan zelo inuolasse, eique sceleratas manus attulisse. Ad dictionem זמורה, crepitus ventris. Ezech. 8. 17. sic notat, *Olim scriptum erat אפי, nasum meum, sicut præcedit להכעיסני, ad irritandum me. Sed Scriba mutarunt in Dei reuerentiam, quia indignum Dei maiestate videbatur, ad ipsius nasum mitti fætorem. Et in radice תקן, Correctio Scribarum sunt duodecim & octo dictiones in textu Hebræo; quas ita Scriba ordinarunt legendas ut Ezech. 8. Et ipsi mittunt crepitum ad אפי, nasum suum, cum olim scriberetur אפי, nasum meum.* Hæc de Hæreticorum sententia & argumentandi consuetudine ad reprimendam Anglo-
 tauorum nostrorum procaciam, & con-

tundendam stupidissimam ignorantiam
sufficere mihi videntur.

*Eadem veritas Iudæorum sic colligentium te-
stimoniis demonstratur. Antiquæ versiones
sepe exhibent varietates lectionum à Ma-
sorethis postea animaduersas. Idem quod
nos de Hebræo textu collegit ex citationibus
noui Testam. R. Azarias.*

CAPVT IIX.

IDem nobis superest Iudæorum sic ar-
gumentantium testimoniis demon-
strandum. Hæc nunc occurrunt. Elias
Leuita licet Hebræi textus fuerit super-
stitiosissimus cultor sæpe tamen de He-
bræo textu idem fert iudicium ex colla-
tione paraphrasis Chaldaicæ cum textu
Hebræo. Colligit enim nonnunquam ali-
ter ab Interprete lectum fuisse quàm nunc
in Hebræo legatur. Exempli causa, In
Methurgemam radice רבא , citat ex 1.
Sam. c. 15. v. 32. hæc verba, אכן סר מר
המות, *Certè receßit amaritudo mortis.* Chal-
dæus inquit, interpretatus est, בכעור יבוני
מריר מותא, *Obsecro Domine mi amaritudo
mortis, &c.* Et 1. Sam. 22. 14. וסר אל משמעך
& receßit siue perrexit ad obedientiam

tuam. Chaldaus ורב על משמעתך, & Dominus siue Princeps super obedientiam tuam, &c. Addit Elias, חרנם אותם כמו שר, *per Schin*, id est, veluti scriptum esset שר, Princeps, res est manifestissima. Si Paraphraustes legisset סר, nunquam Dominum aut Principem vertisset. Item Psal. 78. v. 69. in radice ויבן כמו רמים מקדשו ראם, & *adificauit sicut excelsa Sactuarium suum*, Chaldaus sic interpretatur, ובנא היך קרנא, & *adificauit sicut cornua monocerotis*, &c. Elias, נראה שקרא רמים כמו רמים בלי אלף, *videtur quod legerit רמים quasi scriptum esset רמים siue Aleph*. Præterea Ieremiæ 4. 16. in radice קטף, scribitur, ויצרים באים, *Custodes venientes*. Chaldaus יאב עממין חטפין, *florem populorum demetentes*. Notat Elias נראה שקרא בוצרים כבית. *videtur quod legerit בוצרים per beth*. בצר, enim amputare & vindemiare significat. Denique in radice צדה, Psal. 50. v. ultimo, נשם דרך, & *ponenti viam ostendam salutem Dei*. Vertit Paraphraustes Chald. ומאן דיצרי אורחא בישא אחמי יתיה בפורקן אלהא, & *qui vastauerit viam malam ostendam illi redemptionem Domini*. Elias sic notat, נראה שקרא ושם כשין ימין ובפתח.

על משקל ותם לריק בחכם לשון שממה
 אבל מה שאמרו רזל אל תקרי ושם אלא
 ושם וכול עשו בופירושאחר. *Videtur quod*
legerit ושם per Schin cum puncto dextro, &
patach ad formam ותם, &c. significatione
desolationis. Sed quid est quod dixerunt M.
N. F. M. Ne legas ושם, sed ושם, &c. Aliter
hoc interpretati sunt. 70. & S. Hieronymus
ab utrisque differunt, legerunt enim שם
illic. Consimiliter in radice נגד, Prou. 25.
10. כסף במשכיות, in figuris argenti. Ver-
tit Chaldaeus בנגודי סימא, in ductilibus ar-
genti. Elias, נראה שהוא מזה ענין או היה,
קורא אותו ממשכיות בשק ימין מלשון מ
משיכה ממש. Videtur quod ex ista signifi-
catione derinetur (figuræ) aut legit Interpres
dictionem ממשכיות, per schin cum puncto
dextro in simplici significatione, protractionis
& extensionis.

Quæ sequuntur ex comparatione anti-
 quarum versionum cum Masorethicis
 textus varietatibus excerpta sunt, qua do-
 cetur ipso facto verum esse quod viri docti
 ex versionum coniectura assequuntur. Ea
 Lector, velim diligenter consideres: spe-
 cimina sunt paucula quæ ex innumeris
 primùm occurrerunt. Exodi 21. 8. dicitur
 de serua Israëlitica iuxta S. Hieronymi in-

terpretationem, *Si displicuerit oculis Domini sui cui tradita fuerat, dimittet eam.* Similiter 70. Interp. ἡ αὐτῷ χαρισμολογήσατο, quæ ipsi pacta siue desponsa fuerat. At nunc in Hebræo contrario modo legitur אשר לא יערה, *qui non desponsauit eam*, sic vertunt, Pagninus, Arias Montanus, Iunius & Tremellius. Hebraico Iudaico consentit Hebraicum Samaritanum, & Interpres Samaritanus, necnon Interpres Syrus. Cum consentiant S. Hieronymus & 70. Interp. Num mihi licebit dicere aliter in suo codice legisse S. Hieron. & 70. Interp. quam nunc in Iudæorum codicibus legatur? Chaldæi Interpretes versionibus Ecclesiasticis consentiunt: Onkelos אם בישא בעיני רבנא דיקיימה ליה ויפרוק יתה, *Si displicet oculis Domini qui eam sibi pacto stabilivit, tum redimet eam.* Jonathan Vzielis אין לא השכחת חינא קדם רבנא דזמין יתה ויפרוק יתה, *Si non inuenierit gratiam coram domino suo qui illi cōdixerat, & redimet eam.* Euidens est nullam ambos legisse negationem, cur enim eam non expressissent. Quidni licebit argumentari, Ergo codices quibus vsi sunt 70. Interp. S. Hieronymus, Onkelos, & Jonathan negationem illam non exhibe-

bant? sed litem dirimunt Masorethæ. Notant enim se in antiquis codicibus eam lectionis varietatem deprehendisse quam ex illis versionibus colligimus.

Iterum Leuit. II. v. 21. 70. vertunt, *quæ habent crura desuper pedes suos*, sic S. Hieronymus; sic Onkelos & Jonathan, sic Syra versio, sic denique Samaritana interpretatio. Quid? num licebit colligere, ergo illi Interpretes in codicibus suis non legébant negationem quæ nunc legitur in codice Hebræo, aut saltem tum variabant codices Hebræi, lectionemque negatione carentem alteri prætulerunt? Hanc litem dirimant Masorethæ. Notant hoc loco lectionem variare, nonnullosque codices legere וְהָיָה, quam lectionem omnes illi Interpretes secuti sunt, quàmque adhuc nobis repræsentat textus Hebræus Samaritanorum. Iunius & Tremellius textum Hebræum secuti sunt, *quod nō habet crura, &c.*

Iosux 15. v. 47. S. Hieronymus & 70. Interp. *Et mare magnum*, sic Chaldæus. Num licet colligere, ergo legerunt in codicibus suis וְהָיָה הַיָּם הַגָּדוֹל, non autem ut nunc legitur וְהָיָה הַיָּם הַנִּכְבֹּד, & *mare termini*. Argumentum falsum non esse docent Masorethæ qui hoc loco variantem lectio-

nem adnotarunt eandem quam ex Interpretibus collegimus. Sic Isaia 65. v. 4. 70. *ius hostiarum*, S. Hieron. *ius prophanum*. Ius quoque vertit Chaldaeus. Colligo inde eos legisse in textu Hebræo מרק, non, פרק. Argumentum confirmant Masorethæ qui notant in margine מרק, legendum. Eodem modo recte colligo, Arias & Pagninus vertūt ius, ergo lectionem marginalē secuti sunt. Contra, Iunius & Tremellius vertūt, *fragmen*, ergo legerūt פרק lectionem textualem. Eadem de cæteris, quæ sunt innumera, argumentandi ratio.

Hæc ex S. Hieronymo non videntur prætereunda. Isaia 49. v. 5. *Et Israel non congregabitur*, Aquilam reprehendit quod verterit, *ei congregabitur*. Excusari facile potest, legit in codice suo לל, S. Hieronymus לאל. Vtramque lectionem notant Masorethæ. Septuaginta hanc dictionem non legerunt. Item cap. 63. 9. vertit, *in omni tribulatione eorum non est tribulatus*, scribit verti posse, *ipse est tribulatus*, quia legi potest לאל vel לל. Hanc eandem varietatem Masorethæ notarunt. Chaldaus hoc loco legit לאל, sed in præcedente לל. Septuaginta quoque legerunt hîc לאל, sed pro, צר *tribulatus*, צר. Denique Isaia 9. 2.

Multiplicasti gentem & non magnificasti lætitiā. Chaldaeus Interpres, *Multiplicasti populum domus Israel ipsius.* legit וְלֹא מִגְּדִילָהּ, ut & 70. utramque lectionem Masorethæ notant. Pagninus in primo & tertio vertit, *ei*, in secundo, *non*, Iunius & Tremellius ubique vertunt, *non*, dictionem quæ est in textu mordicus retinentes. Genes. 30. v. 11. vertit S. Hieronymus, *feliciter*, 70. וְלֹא מִגְּדִילָהּ. Hinc sanè recte colligitur eos legisse eodem versu, בְּנֵי בְּנֵי vna dictione, Aquila verò, *venit accinctio*, ut testatur S. Hieronymus quæst. in Genesim, אֲתָמָה, venit turma, siue etiam accinctio; alij duo Thargumim, *venit bona fortuna*. Hinc quoque manifestum est Aquilam & tres Paraphrastas in textu suo legisse non, בְּנֵי, sed duas dictiones, בְּנֵי אֲנִי. Quod ad, וְ, utramque significationem amplectitur, ut hoc loco testatur Aben Ezra, sed hoc nihil ad rem. Hanc litem dirimant Masorethæ; testantur duplicem esse lectionem. LXX. & S. Hieronymus eam sequuntur quam in textu reliquerunt; Cæteri Interpretes eam quam ad marginem seposuerunt. Vides igitur, Lector, ipsa experientia de Hebræis codicibus id testante, validam esse cōsequentiam ab in-

terpretatione variante ad textus Archetypi variationem. Hæc paucula de multis quæ Masorethæ adnotarunt, nunc sufficiant. Si Biblia antiquissima nobis superessent S. Hieronymi ætatem superantia, ut eius ætatis supersunt noui Testamenti codices Græci, variarum lectionum seges longè amplior ea quam Masorethæ collegerunt, nobis suppeteret. Ipsi enim quæ libuit refecarunt, quæ libuit adnotarunt, librosque omnes suis non similes ut prophanos condemnarunt. Quæ sententia factum est ut vno aut altero seculo omnes libri antiqui ludibrio habiti perirent, Iudæis omnibus certatim ad Masorethicos ut castigatiores concurrentibus, atque ab eorum exemplaribus sua describentibus. Sed de his aliàs.

Non erit à proposito nostro alienum R. Azariæ viri docti rerumque non modo Iudaicarum sed etiam Christianarum periti argumenrationem huc referre. Sententia ipsius est libros sacros post captiuitatem Babylonicam duplices fuisse correctos, & incorrectos; correctos in manibus sanhedrin & sacerdotum fuisse, incorrectos in manibus populi Iudaici & Samaritani. Cuius rei, inquit, ratio fuit quod

libri sacri in captiuitate Babylonica corrupti fuerunt; eorum autem vnum Esdras correxit, & in pristinum statum restituit, quem Sanhedrin & Sacerdotibus conseruandum tradidit, è quo Sacerdotes & populi principes suos describebant: reliquos autem libros plebi legendos reliquit, qui postea Chaldaicè longè ante Onkelon translati sunt, eo quod dialectus illa post captiuitatem Babylonicam Iudæis esset vernacula. Sententiam istam retulimus & refutauimus in Exercitationibus nostris Biblicis Exercit. 8. cap. 4. & 5.

Ille verò pergit, scribitque 70. Interpretes plebeios illos libros Græcè vertisse, non autem illos correctos & Sacerdotales. Quo verò argumento? id est nobis expendendum. Illud afferimus quod ad rem nostrā facit. Sic ille colligit lib. I. אמרי בינה, capite 9. אני הנני מביא לך עוד מן הספרים המפורסמים לנצרים ראיה ברורה שהוקנים לא העתיקו מן הנוסח אשר הגיה עזרא בלשון הקדש רק מן הארמי המפורסם אז להמוני הארץ וזה כי הלא שלוחיהם ומבשריהם אשר היו יהודים ובארץ ישראל בזכרם איזה פסוק אין ספק שאמרוהו בלשון הרגיל או אצלם אשר היה ארמי לא בלשון יוני מכח העתקת השבעים לעם יון כי מה להם ולה

אם בחינת המדברים אם בחינת השומעים
 מהמה ואף לדברם בשני מן הפעולות כי
 מושיעם חנן את שלוחיו כל לשונות העמים
 אשר עדיהם באו הלא מן הדין יודו פי אל
 היהודים היו מדברים בלשונם הנהוג לא
 בלשון נכר הארץ ועם כל זה כי הבקש את
 פסוקים הנמצאים להם משונים מכתבי
 הקדש אשר על נקלה תמצאם בלוח הנדפס
 אחרי הביבליאה ועומיית תראה כי השתנותם
 בעצם והנוכח בפתרון היוני וזה אם כן לך
 האות כי השבעים העתיקו מן הארמית עצמה
En ego afferro tibi adhuc ex libris publicis
Christianorum argumentum evidens quo de-
monstratur 70. non vertisse ex exemplari
quod correxit Esdras in lingua sancta, sed
tantum ex Chaldaico publicato tunc & visita-
to promiscua plebecula. Est autem istud, Cum
eorum Apostoli & Evangelista qui Iudaei erant
& in terra Israelis vivebant commemorant
aliquem versum, non est dubium quin illum
efferant lingua tunc apud eos consueta, quae
erat Chaldaica, non autem lingua Graeca
propter versionem 70. Graecis factam. Quid
enim iis & ipsi siue consideres loquentes, siue
eos qui audiebant. Praeterea quod attinet ad
id quod dicitur Actuum 2. quod Saluator eo-
rum Apostolis suis concessit gratiam intelli-

gendi omnes linguas populorum ad quos proficiscerentur ; ex eo confitentur quod Iudæis loquebantur lingua ipsis usitata, non autem lingua extranea. Insuper si inquiras in versus qui differunt à libris sacris quos facile reperies in indice excuso post Biblia, atque etiam è regione videbis varietatem eorum eandem omnino esse quæ deprehenditur in interpretatione Græca. Quod si ita est, tibi argumento est 70. veruisse ex ipsissimis Chaldaicis.

Idem postea exemplis probat, deinde aliis exemplis Apostolorum dialectum fuisse Chaldaicam. Sed ista mittimus cum aliunde sint notissima. Vides eum naturali quodam rationis ductu ex Græco siue Latino novi Testamenti textu ad originarium textum quem citarunt Apostoli argumentum colligere. Est autem firmissima ipsius ratio. Disputantes Apostoli cum Iudæis non citabant versionem Græcam. Quid enim Scribis & Pharisæis Hierosolymis disputantibus cum versione 70. Interpretum ? depromebant igitur Apostoli testimonia sua è libris sacris apud Iudæos in Iudæa usitatis. Sed Apostolorum testimonia aduersus Iudæos Græcè in nouo Testamento allata, eadem omnino sunt quæ in 70. interpretatione deprehen-

duntur. Ergo libri illi Hebræi è quibus Apostoli illa testimonia citabant, exhibebant tunc eadem testimonia eodem modo quo 70. Interpretum translatio. Firmissimum quidem argumentum, sed multo firmitus illud quo ratione specia-
 lium quorundam testimoniorum vñ sumus, scilicet, Valida argumenta aduersus Iudæos desumpserunt Apostoli, vt ex eorum verbis in nouo Testamento eu-
 dens est, nec de hoc Christianis dubitare licet. Sed nunc ex illis locis in Hebræo textu valida desumi non possunt argu-
 menta; Ab illo igitur tempore corruptus est illis locis textus Hebræus, & vt in nouo Testamento refertur, restituendus.

Huic Azariæ argumentationi opponi possunt nonnulla loca ab Apostolis citata quæ nec cum 70. nec cum Hebræo textu conueniunt. Sed duplex est, legitimaque & facilis responsio. Prior, loca illa è libris desumpta esse qui non extant amplius, vt non modo fatentur Catholici, sed etiam hæretici & Iudæi, licet ineptuli nostri homines sęct. 25. repugnent, Drusioq; & Beza hac de causa obloquantur: Quod etiam necessariò de multis locis est asse-
 rendum, aut ad ineptas & ridiculas, &

δις Ἀγ. πασῶν Ἀγ. Δερόντων similitudines, & ταυτότητας confugiendum. Posterior, mendas ab eo tempore in textum Hebræum iis locis irrepsisse, aut in textum Græcum, aut si maius in vtrumque. Sed de his sigillatim differendi non est locus. Antequam dicendi finem faciam, notabit Lector, alterum consequens, cui stabiliendo prius deduxit, nulla niti consequentia, imò validissimè ex ipsius verbis prorsus elidi. Iterum igitur colligit libros de quibus Apostoli argumentabātur, sacros quidem fuisse sed plebeios & impuros, non sacerdotales, ne confiteri cogatur in libros sacros & sacerdotales mendas irrepsisse. Sed huic argumento nec ipse, nec alius vnquam respondebit: Iesus Christus Dominus noster, & eius Apostoli præsertim in Euangelis, cum Scribis, Phariseis, legumque Doctoribus disputabant. Ergo è libris sinceris & sacerdotalibus argumenta sua promebant, non è plebeiis & corruptis, si tales vlli fuerunt. Aliàs Scribarum, Phariseorum, &c. ora disputando non obturassent, vt tam sæpe obturarunt, sed ab iis risu & cachinnis excepti fuissent. Alia prætereo quæ in hanc rem dici possunt.

Sic igitur licet, & licuit semper omnibus recta ratione vrentibus ex Interpretis translatione de dictionibus quas legit in primigenio textu iudicare; idque probabiliter aut necessariò pro textus & interpretationis circumstantiis. Nec ideo belluæ, canes, & monstra audiunt, nisi forsani vestri similibus asinis & βαλανοφάρις Arcadibus, quibus artes omnes liberales aut risum mouent, aut horrorem incutiunt. Criminis igitur hætenus inauditi nos postulastis, quod scilicet cum 70. verterint, *anima mea*, nuncque scriptum sit Hebraicè נַפְשִׁי *naphso animæ eius*, dixerimus Interpretes נַפְשִׁי, *naphsi*, legisse in codicibus suis non נַפְשִׁי *naphso*, jod postea in vau mutato: Quod cum 70. verterint, *dedisti dona hominibus*, nuncque ex Hebræo vertendum sit, *accepisti dona in hominibus*, dixerimus Interpretes, הִלַּחְתָּ, *halaktha*, in codicibus legisse non הִלַּחְתָּ, *lahaktha*, litera lamed postea in locum cheth traiecta; aut saltem duplicem lectionem cum viuerent illi Interpretes in codicibus viguisse, quarum vnam amplexi fuerint, &c. Sicque antiquos Interpretes cum textu Hebræo qualis nunc est conciliauerimus. Sed considerate, quaeso, quos ha-

beam vestrae sectae homines, ut Masorethas, aliosque Iudaeos omittam, tam horrendi criminis conscios & participes, ut eorum autoritate repressi conuictiari tandem desinatis. *Quis in his, inquit Amama loco citato de varietatibus quas Masorethae adnotarunt, non videt fontes variantis lectionis, videlicet, vel literarum transpositionem, vel similitudinem soni, figurave, vel omissionem literae, vel partis eius? &c.* En Amama, Taylor & Bootius inuenti sunt, qui non modo haec non vident, sed qui videntes ut belluas & monstra execrantur.

Multas illas variarum lectionum centurias à Masorethis adnotatas tot errores esse, & mendas in Hebraeorum textum illapsas afferunt Iudaei antiquiores & recentiores. Adversariorum vanitas, inscitia, audacia, procacitas.

CAPVT IX.

Quomodo verò consequentiam istam naturali rationis dictamine eductam non lubentes admitterent Iudaei, cum consequens, videlicet sacros suos libros mendis plurimis aspersos esse, in cuius assertione tota difficultas haeret, ma-

gno concursu approbent? Hoc est quod
 ad antecedentium coronidem hoc capite
 probandum suscepimus, ut potissimum
 Iudæorum confessione veritas illustrior
 fiat, necnon etiam ut conuitij Aduersa-
 riorum effrænis impudentia, eorumq; au-
 dacissima ignorantia supputare si possunt,
 reprimatur. Ante causæ exordium in ipsa
 libri nuncupatione ostentant prælia, la-
 boresque suos: Ob præclara certamina,
 reportatosque triumphos ipsis appenda-
 tur in Hæreticorum Olympia, *ἡρώσιος εἰ-
 κών, καὶ ἰσομέτερος*. Istud nobis curæ non est.
 Addunt in eadem nuncupatione fortissi-
 mi Athletæ: *Nos luçtamur cum eiusmodi*
monstro quale ipsi quoque Iudæi execrentur.
 Quid igitur execrentur, paucis videamus,
 Perditissimi enim isti sycophantæ hoc ve-
 lut è tripode pronuntiant. Mentiri, ca-
 lumniari, contumeliam facere ipsis so-
 lemne est. Sed causam agere, rationibus
 confirmare, testium autoritate illustra-
 re, quasi ipsi essent *ἀντιπράτορες καὶ ἀπαι-
 τήματα*, augustissimæ suæ dignitati parum
 existimant conuenire. Præfationē meam
 refellunt, quia se refellere dicunt: Ex
 sexcentis tamen argumentis vix vnum le-
 uissimè attingunt. Opinionum monstra

mihi affingunt : illis affirmasse sufficit, alios probatio manet. Me execrantur Iudæi. Parum mihi curæ an me an alios Iudæi execrentur. Si de Iudæorum opinione sermo est, Quid Iudæi doceant, quî scire possunt homines nulla Hebraismi scientia tincti, in quorum toto libello ne minima quidem Græcæ aut Hebraicæ eruditionis, aut alterius cuiuslibet artis scintillula micat? Iudæorum libri euoluendierant, eorum sententia ex ipsorum penetralibus eruenda : seges erat non infrugifera. Sed oleum è pumice felicius speres, quàm ab istis hominibus aliquod Iudaicæ literaturæ specimen. Iudæorum sententiam hoc capite, Lector, te docere volumus, vt oculis tuis conspicias quale monstrum illis haberi hac in causa possimus. Ex præcedentibus atque hinc erit tibi euidentissimum nos in hoc negotio nihil vnquam pronuntiasse, quàm quod non modo Catholici omnes asserunt, & Hæreticorum in hoc scientiæ genere doctissimi, sed etiam Iudæi antiqui fere omnes, & recentiorum pars magna; actoresque nostros consequenter, non nobiscum, sed cum laruis & vmbra sua luctari. At dicam iterum quid Iudæi sentiant quo-

modo scire possent deliri isti, ἄνθρωποι βέλονται, qui suorum sensum non capiunt? qui Rabbinorum libros ne pictos quidem conspexisse videntur?

Antequam Iudæorum sententiæ referantur, Controversiæ status explicandus est & definiendus. Innumeræ in textu hebræo varietates à Masorethis deprehensæ & adnotatæ sūt. Quæritur vnde procedāt variæ illæ lectiones: Triplex est Iudæorum hac de re sententia. Prima & vulgatissima Iudæis antiquis & recentioribus communissima ea est quam nos in præfatione nostra & aliis in scriptis sæpe docuimus. Varias illas lectiones à librorum Biblicorum mendis, corruptelis & perturbationibus fluxisse. Quum autem Iudæorum libri multi Masorethicam criticam antecedant, aliasque varietates notent quàm quæ à Masorethis animaduersæ sunt, idem de illis varietatibus antiqui illi auctores pronuntiarunt, quod de Masorethicis posteriores. Quum denique post Masorethas multæ mendæ irrepsérint, de illis Iudæorum nemo qui ad ea mentem aduerterit, à Scribarum depravatione negat originem duxisse. De his iam nonnulla scripsimus Exercitat. quarta Samaritana

quæ Lectorem iuuare poterunt. Nunc ea tantum hac de re trademus quæ ad sententiæ Iudaicæ explicationem ex ipsorum verbis conducunt. Nam non est huius loci materiæ istius tractationem ab ipsa origine arcessere, nec earum varietatum numerum inire, aut paucorum quorundam Iudæorum sententias contrarias refellere.

R. D. Kimhi testimonium primò referam, quia Christianis Grammaticis auctor est notissimus; sic censet præfatione Commentar. in priores Prophetas, גם

אכתוב טעם בתוב וקרי ובתוב ולא קרי וקרי
ולא כתוב כאשר אוכל לתת טעם לשניהם
כל אחד ואחד במקומו ונדאה כי המלות
האלה נמצאו כן לפי שבגלות ראשונה אכרו
הספרים ונטלטלו והחבמים ידעי התורה מתו
ואנשי בגסת הגדולה שהחזירו התורה לישנה
מצאו מחלוקת בספרים והלכו בהם אחר
הרוב לפי דעתם ובמקום שלא השיגה דעתם
על הבירור כתבו האחד ולא נקדו או כתבו
מבחוץ ולא כתבו מבפנים וכן כתבו בדרך

*Scribam
etiã rationē scripti & lecti, scripti & non lecti,
lecti quoq; & nō scripti, ut sigillatim utriusq;
rationem reddere potero propriis in locis. Viden-
tur autem mihi quod dictiones ista sic reperta*

sunt, eo quod in captiuitate priore perditī sunt libri & confusi : Sapientes quoque legis periti mortui sunt ; viri verò Synagoga magna qui legem nobis in pristinum statum restituerunt, inuenerunt differentias in libris, & secuti sunt multitudinem ut expedire iudicauerunt. In locis verò quorum claram cognitionem assecuti non sunt, vnum scripserunt in textu, & & non punctauerunt ; aut ad marginem & textui non inseruerunt, sicque alia ratione freti harum dictionum quasdam textui inscripserunt, alia verò margini.

Similia quoque adnotat in 1. Reg. c. 17. v. 15. quæ hîc inserta præcedentibus lucem afferet. כתוב בנון כמו שם לתת ונקרא. תת ושניהם נכונים ובבר כתבנו דעתנו בכתוב וקרי כי בגלות נשתבשו הנסחאות והיו מוציאים בנסחא אחת כך ובנסחא אחרת כך ולא עמדו על בירור וכתבוהאחר מבפנים. Scripta est dictio תת cum nun veluti esset לתת nomen. Et legitur תת sine nun, utrumque rectum est. Iam autem sententiam nostrā scripsimus de variis lectionibus : Quod scilicet in captiuitate deprauata fuerint exemplaria, deprehensumq; fuerit in vno sic, & in alio sic, nec constitit ipsis harum variarum lectionum elucidatio, atque ideo

scripserunt unum in textu, & alterum in margine. Idem præterea non minus euidenter docet Kimhi in 2. Sam. c. 15. v. 21. Vide præterea eundem in cap. 21. Iosu. v. 7. vbi duos versus ab antiquis libris abesse scribit, & quæ hac de causa commentatur. Ea nos retulimus, & Latinè reddidimus c. 9. Exercit. 4. Samaritanæ. Præterea duos illos versus in decem antiquis manuscriptis inquisiuius, & quid inquisitione facta retulerimus, ibidem adnotamus.

R. Ephodæus non tantum Grammaticus, sed etiam Philosophus qui librum More Nebuchim commentatus est, sic Grammaticæ suæ cap. 7. de hac quæstione differit, השלם ראש הסופרים עזרא הכהן הסופר נער הצנו ושם כל מאמצי כחו לתקן המעוות וכן עשו כל הסופרים הבאים אחריו ותקנו הספרים ההם בתכלית מה שאיפשר עד שהיה זה סבה להשאירה שלמים במנות הפרשיות והפסוקים והתיבות והאותיות והמלא וההסר והזר והנוהג מנהג הלשון וזולת זה ולזה נקראו סופרים ועשו בזה חבורים והם ספרי המסורה ובמקומות אשר השיגם ההפסד והבלבול עשו הקרי ובתיב *Perfectus Scribarum Princeps Esdras Sacerdos & Scriba*

excussit lacertos suos, adhibuitque omne robur virtutis suae, ut dirigeret peruersa & contorta. Idemque fecerunt omnes Scribae qui eum secuti sunt, librosque illos quantum possibile fuit, perfecte correxerunt, donec illos nobis relinquerent perfectos per enumerationem Parascharum, versuum, dictionum, literarum, & vocum plenarum, defectiuarum, extranearum, & lingua genio conuenientium, &c. Et ideo Scribae vocati sunt composueruntque de his libros, qui libri Masora vocantur. In locis autem quos corruptio & perturbatio inuaserant, posuerunt varias lectiones, eo quod dubium erat id quod reperiatur.

Vno testimonio testes duos apud Iudeos insignes exhibebimus. Ioseph Karo commentario in Arbah Turim, in secundum ordinem qui dicitur יורה דעה, ad numerum 275. haec verba ex Responsionibus Rishæ, siue Salomonis Ben Adrat in suæ sententiæ confirmationem & illustrationem refert, וכתב עור בתשובת שאלה שנמצא בספרים כלות משה שלם ודבותינו אמרו דכלת כתיב תשובה דע כי כמו שנחלקו בן אשר ובן גפתלי בכמ' מקומות מצאתי שנחלקו במלות חלוקות מערבאי ומדנחאי שכן אמרו בגמ' פילגשה

כתיב ובספרינו כתוב מלא וכן בהרבה
מקומות: עוד תדע שבכל מקום שאנו
מוציאים מחלוק' בספרים אמרו במס'
שהולכים אחרי הרוב עכל *Scribit adhuc*
in responsione questionis, qua quaritur cur
inuenitur in libris eorum כלות משה, *cum*
Magistri nostri dicant כלה *scriptum esse.* Res-
ponsio, scito quoniam sicut differunt & contem-
dunt Ben Aser & Ben Nephtali aliquot in lo-
cis, sic inueni quod differunt & contendunt de
dictionibus differetibus Occidentales & Orien-
tales. Sic quoque dicitur in Ghemara פלגשה
scribendum, sed in libris nostris plenè scribitur,
& sic multis alijs in locis. Iterum scies quod
omnibus in locis quibus inueniuntur differen-
tia in libris dicitur in tractatu Scribaru' quod
sequenda est librorum multitudo. Locus in
quo dictio כלות de qua agitur, deprehen-
ditur est Numer. cap. 7. v. i. ad quam Ma-
fora notat 'מל' וכל' ליש' מל' במא' הס' *hoc est, non extat amplius*
& plena est. & omnis ista significatio plenè
scribitur præter unum deficiens Deut. 20. 9.
Notat igitur Masora contra Talmud ple-
nam esse dictionem illam. Afferit Masora
non amplius reperiri. At illam eandem
vocem כלות in infinitiuo reperies Ruth. 2.

23. & 2. Paralip. 29. 34. forsan de lege id intelligit. Sed hoc mera est cōjectura propter errorem manifestum ficta, cum nihil eiusmodi innuat Masora. Verum dimissa Masora notabit Lector celebres istos Rabbinos ut rem exploratam docere varietates dictionum in sacro suo textu & nunc & olim extitisse; atque in earum correctione & antiquos Rabbinos librorum multitudinem esse secutos, & in pari casu sequendam.

R. Iacob in libro celebri qui vocatur **בית ישראל**, ad tractatum Talmudicum Hauoda Zara f. 158. col. 3. commentatur ea verba Mischnæ eiusdem tractatus c. 2. n. 6. quibus Ismaël Akibam percontatur quomodo legat Cant 1. 2. **כי טובים דדיך**. Respondet verò Akiba **מִיִּין**, *Quoniam meliora sunt ubera tua vino*. Sed respondet Ismaël rem ita se non habere, & ex textu manifestum esse legendum **וְדִיךְ**, *amores tui*, ut etiam punctarunt Masorethæ. Non erit inutile verba textus referre ut intelligat Lector nullas Talmudistis punctorum notas fuisse; Si enim illis præsto fuissent, illas sane tum vsurpassent, aut nunquam, **אמר לו ישמעאל אחי היאך**, **אתה קורא כי טובים דדיך מִיִּין** **אבר לו כי**

טובים דדיך מיין אמר לו אין הרבר כן שהרי
חבירו כוכיה עליו לריח שמניך טיבים.
Plurima passim apud Talmudistas, & S.
Hieronymum occurrunt eiusmodi. Sed
ad R. Iacob redeamus.

Commentans igitur hunc locum ob-
icit sibi, quomodo errare potuit R. Akiba
in huius dictionis lectione quam pueri
non ignorant? Respondet primò, libros
tum punctatos non fuisse, & ideo nihil
mirum si vir tam insignis legendo halluci-
natus fuerit. In huius rei confirmationem
exemplum vulgo notum affert præcepto-
ris Ioab qui זָכַר pro זָכַר legebat. Posthæc
hanc solutionem subjicit, אַף אִם הַסְפָּרִים
שֶׁלָּהֶם הָיוּ נִקְוִיִּים אֵינוֹ קֶשֶׁה אִי טַעֵי רַבִּי
עֲקִיבָא בִּקְרִיאַת אוֹתוֹ פֶּסוּק שֶׁהָרִי אִיפְשָׁר
שֶׁהִיא מַחְלֻקֶּת בְּזֹאת הַמֶּלֶךְ בַּסְפָּרִים כִּמוֹ
שֶׁישׁ הַיּוֹם בַּהֲרַבָּה מְלוֹת בֵּין מַעֲרַבָאִי
לְמַדִּינַחָאִי וּבֵין בֶּן אֲשֶׁר וּבֶן נִפְתָּלִי וְהֵלֵא
בַּחֲלוּף הַתִּיבוֹת הִיא מַחְלֻקֶּת בַּסְפָּרִים וְהִיא
סֶפֶק לַחֲכָמִים וְהוֹצֵרָכּוֹ לִלְכַת אַחֵר חֲרוּב
כִּמוֹ שֶׁשְׁנֵינוּ בַּמַּסַּכָּת סוֹפְרִים. *Sed hoc etiam*
concesso, libros eorum fuisse punctatos, diffi-
cultatem non habet si errauerit R. Akiba in
lectione istius versus. Quia possibile fuit quod
varietas fuerit in ista dictione in libris eorum,

sicut hodie reperitur in multis dictionibus inter Occidentales & Orientales, & inter Ben Aser, & Ben Nephtali. Numquid in dictionū mutatione differentia non fuerūt in libris, & ideo sapientibus orta sunt dubia adeo dyudicatu difficilia, ut necesse habuerint librorum multitudinem sequi, ut explicatur in tractatu Scribarum?

Ghedalias Catene Cabbalisticæ fol. 37. p. 2. suam & duorum insignium & antiquorum Rabbinorum sententiam prodit. Refert se legisse in decisionibus de mactatione, & animalis mactati inspectione, ciues Alkiroæ in Barbaria Mar Tsemach Gheonem Academia Soranæ consuluisse de quibusdam capitibus quæ mactationem illam spectabant; Consilij autem rationem fuisse quod ciues Alkiroenses incidissent in librum quendam R. Aldad de tribu Dan in quo multa de hac re præcipiebantur, à reliquorum Iudeorum consuetudine diuersa. Alkiroensibus responderet Mar Tsemach primū se accepisse à Gheone R. Isaac visum istum Aldad Babylone annū circiter 4640. Christi 880. & verba eius admirationi fuisse, eo quod partim similia erant verbis sapientum, partim dissimilia; deinde in decisio-

nibus illis sic Mar Tsemach respondens
inducitur , ואל תתמהו על השנוי וחלוף ,
ששמעתם בדבריו שהרי חכמי בבל וחכמי
ארץ ישראל שונים משנה א' ויש שנוי בתלמוד
ואפילו במקראות כנראה בהסרות ויתרות
פתוהות וסתומות ובמסורת וחתוך הפסוקים
וכל שכן במשנה שהיה סתומה ועמוקה וכו' .
*Nolite mirari differentias & varietates quas
in verbis eius audiistis. Quia etiam Sapien-
tes Babel, & Sapientes terræ Israël variant
in explicatione Mischnae, suntque dissensiones
inter discipulos eorum : quod etiam contingit
in textu scripturæ, ut videre est in dictionibus
defectivis & abundantibus, sectionibus aper-
tis & clausis, & in observationibus Masore-
thicis, atque in sectione versuum. Multò sa-
nè magis in Mischna cuius sensus obscurus est,
& profundus, &c. Vides insignes Rabbi-
nos, decisionum illarum autorem, Mar
Tsemach Soranæ Academiæ in Babylo-
nia Præfectum qui anno Christi 960. vi-
uebat, & Ghedaliæ historicum apud
eos celebrem, hoc principio & funda-
mento niti, Varietates in textum sacrum
& in vniuersas illius distinctiones irrepsis-
se; atque hoc principio ut notissimo & ab
omnibus concesso fretos librorum alio-*

rum & traditionum varietates excusare.

Hæc de recentioribus Iudæis, quibus si cupis addere potes autorē celeberrimum libri Cozri qui huiusmodi textus sacri varietates, ait tam multas esse ut illas numerare non possit. Hoc testimonium retulimus Exercitatione nostra Samaritana, initio cap. 9. unde illud arcessere potes. Primum testimonium quod ex Kimhio retulimus à multis notatum legi, & à quibusdam Latinè reddi, sed nonnullis in locis perperam. Illud etiam indicat Amama, sicut & testimonium ex Ephodæo apud R. Iacob Chijam præfatione in Biblia Veneta. Primum etiam ex Kimhi hinc indicavit: utrumque enim refert Ephodæus eodem loco & continuò, ut & Elias Leuita tertia præfatione in librum Masoreth Hammasoreth. Hebræum adhuc autorem unum indicat Amama, Abenefdram scilicet in Exod. c. 21. v. 8. Sed in hanc rem eo loco nihil prorsus habet Abenefdra. Ex libris eius Grammaticis multa collegimus in hanc sententiam, sicut & ex aliis Rabbinis. Verum proposito nostro qui ista hîc tantum obiter tractamus multò plus quam par erat, satisfecimus: Aliàs erit pluribus de his dicendi locus. Insuper tamen idem duplici

duplici antiquissimorum librorum testi-
monio demonstrabimus.

Eadem autores qui Masorethas præce-
ferunt de varietatibus suo tempore depre-
hensis pronuntiarunt quæ ij qui Masore-
thas subsecuti sunt de mendis quas illi ad-
notauerant, deque illis quæ post illorū cri-
sin irrepserunt. Huius rei fidem facit Tal-
mud Hierosolymitanum quod Babylonio
longè antiquius est, tractatus Thaa-
nioth, siue Ieiuniorum c. 4. Sidræ מועד
fol. 68. col. i. rem sic explicat שלשה ספרים

מצאו בעזרא ספר מעוני וספר זעטוני וספר
היא : באחד מצאו כתוב מען אלהי קדם
ובשנים כתוב מענה אלהי קדם וקיימו שנים
וביטלו אחד : באחד מצאו כתוב וישלח את
זעטוני בני ישראל ובשנים כתוב וישלח את
נערי בני ישראל וקיימו שנים וביטלו אחד :
באחד מצאו כתוב תשע היא ובשנים כתוב
אחת עשרה היא וקיימו שנים וביטלו אחד.

Libros tres inuenerunt apud Esdram, unus
habebat מעוני, alter זעטוני, tertius היא.
In unoprehenderunt scriptum מען &c.
Deut. 37. 27. in duobus. vero scriptum מענה
&c. Duos ratos habuerant, quod verò erat in
unico scriptum expunxerunt. In uno depre-
henderunt scriptum, & misit זעטוני mini-
H

mos filiorum Israel, Exod. 24. 5. in duobus
verò scriptum, & misit Iuvenes נערי filiorum
Israel. Ideo duos ratos habuerunt, quod au-
tem erat in unico scriptum expunxerunt. In
unoprehenderunt scriptum, תשע היא, no-
nem illa, Genes. 32. 22. in duobus verò, unde-
cim illa, אחת עשרה היא. Ideo ratos habue-
runt duos, & quod erat in unico scriptum ex-
punxerunt.

Eadem narratio iisdem verbis refertur
in tractatu Sophrim siue Scribarum cap. 6.
qui locus sæpius supra à Rabbiniis citatus
est עטוש, tantum in illo tractatu scribitur
per Aleph loco Ain : potior differentia est
in tertia lectione; nam in tractatu non le-
gitur אחד עשר הוא, verum, אחד עשר הוא.
Quolibet tamen modo legas, siue vt Tal-
mud, siue vt tractatus ille; siue vt vnus li-
ber, siue vt duo, cum textu neoterico Iu-
dæorum ista non conueniunt. Sed hoc
non semel deprehendes loca scripturæ à
Talmudistis longè aliter referri quàm
nunc in textu Hebræo legantur, de qua
varietate non est huius loci verba facere.
Cum igitur eadem utrobique sit res, ea-
dem verba & in Talmude Hierosolymita-
no & in illo tractatu, vna & eadem opera
vterque textus est exhibitus. Antiquissima

est igitur Iudæorum doctrina & traditio sacros suos libros sæpius mendas, varietates, & perturbationes passos, & in iis corrigendis librorum consentientium multitudinē eos esse secutos; vbi verò dubia res fuit, & anceps, vt non facile quænam lectio esset eligenda definire possent, vtramque lectionem adscripsisse, vnā textui alteram margini. Hoc etiam nunc in eorum Bibliis factum videmus non modo in iis lectionibus quas Masorethæ adnotarunt, sed etiam in plerisque quibus Iudæi Orientales ab Occidentalibus differunt, aut quas Neoterici Rabbini recens ex variorum codicum comparatione obseruarunt. Vides, Lector, quo iure Blaterones isti me monstrum Iudæis execrandum scripserint, eo quod in eorum textum mendas irrepsisse asseruerim. Rectè Thucydides ἀμαθία ἐνὶ θράσος, λογισμὸς δὲ ὄγκον φέρει; nihil est enim stupidis hominibus & ignaris inuerecundius & procacius. Quid illi de Iudæorum placitis statuunt, quibus Iudæorum libri tenebræ sunt. plusquam cimmeriæ, Ἡ εἰς τὰ τεφέλη κεχθλυμένοι;

Due alie Iudæorum opiniones de his varijs lectionibus breuiter enarrantur & refelluntur, breuiterque hinc demonstratur Hebraeum textum corrigendarum versionum antiquarum regulam adequatam esse non posse.

CAPUT X.

Vulgatissimam istam Iudæorum antiquorum & recentiorum de textus Hebræi mendis & corruptelis sententiam pauci recentiores in hanc rem animum aduertentes deseruerunt, & refellere conati sunt. Illi autem bifariam diuisi sunt. Secunda igitur sententia est Abarbinelis quam explicat in proœmio Commentariorum in Ieremiam; Est autem adeo impia vt eam Iudæorum nemo, quod hætenus sciam, amplectatur. Attribuit enim lectionis illas varietates Prophetarum barbariei, & linguæ Hebraicæ ignorantia. Licet varietatum istarum nonnullæ hac impietate excusari possint, earum tamen maxima pars ad barbariem & sollicitissimos pertinere non potest. Horrenda est istius Rabbinum vel stultitia, vel infania, qui mauult Prophetas barbarismorum &

solœcismorum accusare, quàm Amanuen-
ses imperitiæ, *ὡς ἀγεγραμμένων, καὶ παρο-*
γραμμένων.

Tertia sententia est Eliæ Leuitæ in ter-
tia præfatione super Masoreth hammaso-
reth, & R. Iacob Chijam Masoræ instau-
ratoris in præfatione ad Biblia Veneta,
quam recentissimi Iudæi admodum a-
mant. Existimant illi hæc omnia tradi-
tiones esse, aut Mosis è monte Sinai, aut
aliorum Prophetarum qui librorum sa-
cerorum autores fuerunt: Mosen scilicet
& Prophetas dupliciter scripsisse, vno
modo in textu, altero in margine, atque
ex duplici illa scriptione ortas esse illas va-
rietates. Qui primam sententiam non ad-
miserit, istarum duarum alterutram neces-
se est admittat, Res est enim facti de qua
apud omnes constat, ad quam periclitan-
dam oculis tantum opus est, & mediocri
linguæ Hebraicæ cognitione. Quamplu-
rimæ sunt varietates à Masorethis adno-
tatae, eas prætereo quæ in antiquis libris
reperiuntur, quas omiserunt. Aut pro-
cesserunt varietates illæ à mendis quas
Scribarum præceps manus commisit, aut
duobus modis scripserunt Prophetæ. Ni-
hil tertium dici, fingive potest, nisi forsan

Abarbinelis impietas, sed ea mendarum maximæ parti non satisfacit. Itaque semque de reliquis mendis quæ maximo superfunt numero quæstio vertetur, unde originem ducant an à Scribarum præposita scriptione, an Prophetarum duplicata. Eodem recidet si Iudæos malignæ depravationis reos agas: hoc enim tantum probabiliter coniicietur de paucis quibusdam locis; de cæteris vigebit integra quæstio. Quapropter quicumque omnibus his in locis textus corruptelam fateri refugit, omnino necesse est ut utramque lectionem à Spiritu sancto propter magna aliqua mysteria procedere fateatur.

Istius sententiæ absurditatem aduersus Christianos demonstrare supersedeo: Absurditas enim illa notior mihi videtur quàm quæ argumentis egeat ut explodatur, & exhibetur. Neque etiam multis aduersus duos illos Iudæos agā; Cum nec propositum nostrū, nec operis breuitas id patiantur. Hoc vnum vtrisque opponam; Si textui sacro periculum aliquod creatur ex eo quod varietates illæ mendis postmodum subortis tribuantur, quidni æquale periculum creabitur ex varietatibus.

lectionum quas illi ipsi duo Rabbini notant deprehendi in codicibus Orientalium & Occidentalium, & quarum catalogum Bibliis Venetis attexuit R. Iacob? Varietates enim illæ punctorum non sunt, sed literarum & dictionum integrarum, ut notat Elias Leuita, & in ipso catalogo videre est. Quid? oportuitne Moſen & Prophetas myſterij cauſa vno modo ſcripſiſſe propter Orientales Iudæos, & alio modo propter Occidentales?

Pluribus argumentis cuiusmodi conſtringi poſſunt, præſertim Iacob Chijam. Præter enim varietates illas Orientalium ab Occidentalibus Iudæis ſæpius in interioribus marginibus Bibliorum Veneto- rum adnotat codices antiquos manuſcriptos & correctos aliter ſcribere & legere quàm Maſorethicus textus', cuius rei exempla duodecim è ſola Genſi in Exerci- tationes noſtras Samaritanas retulimus. Multa alia paſſim ipſe in aliis libris adnotavit. Deinde in diſpoſitione Maſoræ nonnunquam adnotat aliter Maſoræ libros omnes textum ſacrum legere quam nunc libri ſacri repræſentant: Et non modo hoc, ſed Maſorethas diſertè admonere ſic hoc verſu legendum, aliasque

ditiones nunc in omnibus libris deprehendi. Quod igitur post Masorethas in libris Iudaicis ipso fatente & admonente factum est, ante Masorethas quidni fieri potuit? Hæc de secunda & tertia Iudæorum sententia dicta sunt. Hinc manifestum est aut nobiscum hac de re esse sentiendum, hoc est, cum omnibus Catholicis, cum Hæreticorum posteriorum doctissimis, & cum Iudæorum antiquorum & recentiorum maxima parte; aut necessario cum Abarbinele impium esse; aut denique cum nonnullis aliis Iudæis mysticè ridiculum.

Antiquiores huius temporis hæretici libros Iudaicos ab omni labe immunes esse crediderunt, stultæ istius sententiæ causa fuit vñica, insana versiones antiquas carpendi libido; ut iis neglectis novas conderent, quibus hæreses suas facilius stabilirent, & Ecclesia Catholica ludibrio haberetur, quæ tot annorum centuriis, ab ipsis Apostolis ad eos usque puro Dei verbo caruerit. Sed difficultatem à varietatibus Masorethicis orientem ignorauerunt. Erat enim illis prorsus incognita Masorethica Critica, nec illius quidem umbram viderant. Verum cum ista

Criticæ pars posterioribus hæreticis innotuisset eorum sententiam bifariam diuifit. Qui enim in his rebus doctissimi fuerunt, sententiam veram, vt iam demonstrauius, amplexi sunt; alij stolidam & ridiculam illam paucorum Iudæorum, seu potius fanaticam veræ & sanæ prætulerunt. Validas aduersus eos rationes affert Sixtinus Amama in dissertatione de Keri Vketib, quem si vis consule, quanquam opinio ista phrenesis magis dici debeat, quàm sani cerebri sententia, vt vel ex solis rationibus quas aduersus Eliam Leuitam & R. Iacob iam attulimus. Non tamen sine ratione in phrenesin istam abrepti sunt. Nam concessio hoc principio antiquas versiones ad Hebræum textum velut ad Lydium lapidem esse exigendas, necessariò consequitur textum illum omnis mendæ & labis esse purum. Dato enim varietates illas Masorethicas mendas esse textus, & Scribarum *ῥηγάμματα*, non sancti Spiritus dictamina, cum dissidet versio ab Originario textu, quo argumento demonstrabit versionis castigato co loco Interpretem errasse, mendam autem non irrepsisse? In mille alios locos irrepsert mendæ, quidni &

in hunc? sed de isto argumento hoc loco
fatis.

*Qua ratione ex nonnullis testimoniis quæ de
veteri Testamento referunt Apostoli neces-
sariò colligitur mendas in textum Hebræum
irrepsisse. Aduersariorum vrinum μαρτυ-
ρια, insanum conuitiandi cacoethes.*

CAPVT XI.

Tertium & postremum genus diffe-
rentiarum inter textum Hebræum
& Græcum quas in præfatione illa expli-
cauimus eas spectat, quæ in textum He-
bræum mendas irrepsisse necessariò de-
monstrant. Eæ sunt quæ argumentationis
Apostolicæ vim vel penitus euertunt, vel
nonnihil luxant, vel ab Apostolicis verbis
separatim sumpta sensu commodo desti-
tuuntur. Cum igitur indicauimus textum
Hebræum cum Christi aut Apostoli ratio-
cinatione consistere non posse, aut eam
plurimum debilitare, vel nullum commo-
dum sensum habere, atque insuper cum
70 Interpretum translatione non conue-
nire, tum liberius pronuntiauius eo in
loco textum Hebræum esse corruptum.

Quis adeo perfriatæ frontis est ut hoc negare possit? In Iudæos Iudæorumque Doctores disputant Christus & Apostoli, citantque ad suæ sententiæ confirmationem Prophetarum testimonia. Ea sanè aduersus Iudæos citauerunt ut in Hebræis codicibus legebantur, alioquin in argumento nullum fuisset robur. Quid enim facilius Iudæo quàm excipere, ita quidem Lxx verterunt, sed aberrauerunt? Quid Moses & Prophetæ scripserint, attendendum. Tantùm abest, ut argumenta de textu Græco petita vim aliquam habuissent, ut potius ludibrio fuissent nisi idem argumenti robur ex textu Hebræo collectum fuisset. Quid verò de iis argumentis dicendum quæ Ierosolymis & in Iudæa aduersus Scribas & Pharisæos à Christo & Apostolis facta sunt, ut sunt Euangelistarum omnia, & Actuum Apostolorum nonnulla? Num Christus & Apostoli ex Lxx Interpretum textu Hierosolymis argumentabantur.

Hanc argumentationis vim, quæ sanè genuina est, & nullo fūco subornata, confessus est, suæque disputationi supposuit R. Azarias, ut capite nono relatum est. Eandem confirmat, sed verbis energicis

Iunius Biturix quidem, sed in Academia Leidenſi famoſus Caluinianæ Theologiæ Profeſſor Parallelorum l. 1. vbi de loco citato Act. 13. diſputat, in hæc verba, *Et poſtea annis quaſi quadringentis quinquaginta dedit Iudices Deus, &c.* vbi eorum ſententiam refellit qui hanc ſupputationem non approbantes aiunt S. Paulum 70 Interpretum editioni ſeſe conformaſſe. *Mihi non videtur veriſimile Paulum hoc in loco agere de hoc argumento ex 70. Interpretum auctoritate duabus de cauſis. Vna eſt, quod ineptum illud fuiſſet futurum, ſi Paulus ingreſſus Iudeorum Synagogam die Sabbati, poſt lectionem legis & Prophetarum apud Hebræos dicere voluiſſet de rebus ad fidem pertinentibus ſecundum 70. Interpretationem, non autem ſecundum Hebræi textus fidem: qua quidem ratione magis de fide Chriſti, & auctoritate Euangelij fuiſſet derogaturus, quàm conciliaturus gratiam.* Alia cauſa ad rem noſtram non facit. Idem ſcribit Paralellorum l. 3. vbi de loco citato cap. 10. Epiſt. ad Hebræos, cuius conciliationem ex 70 Interpretum textu refellit, *Sed hanc deſenſionis viam ego quidem non poſſum inſiſtere: illud pro certo habens ſi omnino aliena eſſet interpretatio, non fuiſſe hunc autorem noſtrum*

eam in argumento tam graui secuturum, & multò minus propterea secuturum, quod non cum Græcis aut alijs exteris, sed cum Hebrais instituisset agere, apud quos inanis fuisset futura Græca illius interpretationis à Septuaginta prolatio. Certissima proculdubio propositio, cuius contraria, verbo absit inuidia, planè videtur stulta & ridicula, præsertim cum Græca Interpretatio ab Hebræo textu differt. Numquid ridiculum est aliquem aduersus Iudæos de fide in Iudæa contendentem ex Græca Interpretatione argumentum vrgeri, quod iuxta Hebræum textum, aut planè nullum est, aut debilissimum.

Nunc autem multis in locis manifestum est argumenta Christi & Apostolorum si iuxta Hebræum textum vt nunc legitur, examinentur, nulla planè vi pollere, aut admodum debili; si verò iuxta Græcum textum, & 70. & noui Testamenti maximam & integram conseruare. Quis, modò Christianus, dubitabit hac in causa corruptelam irrepsisse in locum textus Hebræi citatum, & aliter ibidem non modo Lxx Interpretes, sed etiam Christum, & Apostolos legisse quàm nunc Iudæi illum nobis repræsentent? Exemplis res fiet

illustrior; quanquam naturali ratione sola duce satis eluceat. Act. 2. S. Petrus, & Act. 13. S. Paulus resurrectionem Christi aduersus Iudæos probant ex Psal. 15. versu quo dicitur *Non derelinques animam meam in inferno, nec dabis sanctum tuum videre corruptionem.* Vrgent Apostoli potissimum, hæc verba. Ait Petrus hoc Dauidi competere non posse quia derelictus est in sepulchro; sepulchrum enim eius huc vsque inquirunt apud nos ostenditur, & consequenter non secus ac cæteri homines corruptionem passus est. Et Paulus, *David, &c. dormiuit & appositus est ad Patres suos, & vidit corruptionem. Quem verò Deus suscitauit à mortuis, non vidit corruptionem.* Lege nunc textum Hebræum elumbe prorsus est, imò irritum Apostolorum argumentum. Sic nunc scribitur לא תתן הסידך לראות שהת *Non dabis sanctos tuos videre foueam.* Num vides argumentum Apostolicum prorsus cadere triplici ratione? Prima, quia in textu Hebræo corruptionis, cui dictioni potissimum incumbunt Apostoli, nulla fit mentio. 2. Quia textus ut scribitur, nec de Dauid, nec de Christo peculiariter intelligi potest, sed de omnibus Sanctis in vniuersum. Denique thesim

Apostolicæ contrariam euidenter probat : foueam enim Christus vidit¹, & in ea tribus diebus quieuit.

Duplicem obiectionem fieri posse video. Prior **חָחָה** corruptionem significare posse, cum deduci possit à radice **חָחָה** quæ centies cum deriuatis in Scriptura corrumpere significat. In promptu est & peremptoria duplex responsio. Prior, hoc concessio si non sit irritum argumentum, prorsus est clumbe. Statim enim regerere potuit Iudæus **חָחָה** non corruptionem, sed foueam significare, & obijcere istud Psal 7. *incidit in foueam quam fecit*; & Psal. 93. 13. *donec fodiatur peccatori fouea*. Et Ezech. 19. 4. Itaque nihil eo loco probari. Posterior priorem confirmat : nam **חָחָה** semper foueam significat, nusquam corruptionem. Cur igitur hoc loco corruptionem : Locus vel vnus afferatur ubi **חָחָה** corruptionem significet. Ideo Kimhi **חָחָה** deriuat non à **חָחָה** *corruptit*, sed à **חָחָה** quod humiliationem significat & depressionem. Vides igitur testimonium istud quod Apostoli adeo vrgent vt nullum acrius vrserint, si legatur vt nunc in textu Iudaico scribitur, non modo ad rem non facere, sed sententiam Apostolicæ oppositam conficere.

Obiectio secunda alteram dictionem spectat **הַסִּדִּיק** dicetur enim Iod postremum à Masorethis nec legi nec punctari: Fateor, sed tamen sic in textu scribitur pluraliter *Sancti tui*, si textum ducem sequaris sic te oportet necessario interpretari. Si verò Masorethas duces, redundat jod illud. Concesso igitur nihil esse in textu mutatum, ij quibuscum Apostoli disputabant, quibus proculdubio critica Masorethica erat ignota, falsi eos accusare potuerunt, quod singulari numero efferebant dictionem quæ pluraliter in textu efferebatur. Manifestum est igitur locum istum quem tantopere vrgent Apostoli iuxta Iudæos lectum eorum causæ obesse magis quàm prodesse. Quid igitur impij aut scelerati commisit ille qui corruptum esse dixit & antiquæ puritati restituere tentavit?

S. Paulus Epistolæ ad Hebræos cap. 7. multum sermonem habet de Melchisedeci sacerdotio, atque ex Psalmo 110. *Tu es sacerdos in æternum secundum ordinem Melchisedek*, probat Iesum Christum Dominum nostrum Sacerdotem fuisse secundum ordinem Melchisedek Aaronitico sacerdotio longè sublimiorem. Verum
textum

textum Hebræum si sequaris mordicè,
ratiocinatio hæc tota peruertitur; scribi-
tur enim, & à Masorethis in textu puncta-
tum est, דְּבָרַי *ordinem meum*. Itaque hic
sensus efficitur, *Tu es Sacerdos in æternum
secundum ordinem meum Melchisedec*. Quasi
verba illa de Melchisedeco intelligeren-
tur. Corruptela autem illa vnius literulæ
jod additione contingit. Quid à Masore-
this ita punctatum esse dico? Evidenter
affirmant דְּבָרַי esse legendum & *secundum
ordinem meum* explicandum. Comparant
enim istam dictionem cum eadem Job. 5. 8.
repetita in qua jod est primæ personæ affi-
xum: scribunt enim bis reperiri & loca
enumerantur Job. 5. 8. in Masora magna
textuali, scilicet Job 5. & Ps. 110. Deinde
Masorethæ huic dictioni apposuerunt ac-
centum Rebiah qui pausat & virgulæ lo-
co est. Itaque ex eorum sententia ibi tan-
tis per pausandum, nec est ista dictio cum
sequente immediatè iungenda. Verùm
quidem est nonnullos Iudæos ita illam di-
ctionem interpretari quasi jod non adef-
set, & R. Salomonem scribere illam abun-
dare. Sed aliud est nihil periculi ab Ad-
uersario timentem commentari locum ali-
quem, aliud illum cum Aduersario con-

tendente examinare. Quidquid sit certum est si textui ut nunc scribitur peruiacaciter inhereas, ut contendendum mos est, argumentationem Apostolicam funditus euer-
ti. Iudica, Lector, an crimen atrox com-
misit qui tanto fundamento nixus scripsit
literam illam esse irreptitiam, cum Beza,
Robertus Stephanus, Camerarius, Pisca-
tor, aliique Hæretici variis Græcis codi-
cibus instructi variarum Lectionum in
nouo Testamento myriadas, quarum plu-
rimæ non literas tantum, non dictiones,
sed hemistichia, sed versus integros spe-
ctant, adnotarint.

His addam exemplum aliud quo sola fe-
re punctationis mutatione non modo sen-
sus plurimum obscuratur, sed etiam dictio
magni momenti in ratiocinatione Domi-
ni nostri Iesu Christi eliditur. Cap. 15.
Matthæi Christus arguit Phariseos quod
mandata Dei traditionibus suis irrita fa-
ciant. Idem facit Marci 7. Inreparationem
autem suam confirmat Isaïæ c. 29. v. 13.
*In vanum colunt me docentes doctrinas & præ-
cepta hominum.* Manifestum est argumen-
ti vim potissimum niti his dictionibus, *in va-
num*, aut ut vertitur apud Matthæum *sine
causa, μάτην*. Tolle enim illas à versu, tum

debile est argumentum, & fere nullum, vt cuique legenti planum est. Ideo vterque Euangelista istam dictionem retinuit. Sed à textu Hebræo vt nunc legitur abest dictio, quæ *μᾶλλον*, siue *in vanum* significet. Præterea ita punctatur tota pericope, vt nullus videatur sensus, sic enim textus legitur, וְתָהוּ יִרְאֶתֶם אֹתִי מִצֻּת אֲנָשִׁים מִלְמַדָּה, *Et erit timor eorum me, præceptum hominum edoctrum*. Si verò pronunties aliter, iodque in *vau* mutes hoc modo וְתָהוּ יִרְאֶתֶם אֹתִי מִצֻּת אֲנָשִׁים מִלְמַדָּה hic erit sensus, *Et in vanum timuistis me mandatis hominum & doctrina*. cui consentiunt verba Christi & omnis istius loci argumentatio: timere enim, vt notum est, colere significat.

Sed duplex nobis fit obiectio, primùm, Barbarismi nos Censor quidam accusat, qui restituimus וְתָהוּ יִרְאֶתֶם אֹתִי, *in vanum timuistis me*. In barbarismum incidisse non sanè credebamus, qui prorsus eandem phrasim eodem capite sciebamus Isaiam bis vsurpasse. Isaia c. 45. v. 18. de terra dicitur, *Ipse plastes eius, non in vanum creauit eam*, Lector, quomodo putas Isaiam Hebraicè posteriorem pericopen efferre? לֹא תָהוּ בְּרָאָה, & hæc verba versu sequente, *frustra quarite me* תָּהוּ בְּקִשּׁוֹנִי
I 1)

An ouum ouo, lac lacti similius? utrobique nomen תָּהוּ aduerbiascit, & verbum præcedit, significatque *frustra*. Quid magis αὐτόπατος fingi potest? Sed ita sit, Barbarus fuerim Grammaticis Hebræis, linguæ Hebraicæ imperitus, barbarè restituerim: id non quæritur, linguæ Hebraicè peritus eleganter restituere poterit; euicisse mihi satis est hoc loco mendam irrepisse.

Secundò obijcitur nobis elegantia Hebraicæ ignorantia qui nesciebamus *timor eorum me*, eleganter Hebraicè dici pro, *timor quo timuerunt me*. Nam substantiua verbalia eleganter regunt casum suorum verborum, ut Esaia c. 13. v. 19. כְּמַהפֶּכֶת סֹדֶם אֱלֹהִים אֶת סֹדֶם *secundum subuersionem Dei Sodomam*, id est, sicut subuertit Dominus Sodomam. ita 2. Sam. 3. 11. מִירֵאָתוֹ אֶתוֹ, *propter timorem eius ipsam*, id est, quia metuebat illum. Non nesciebamus hanc elegantia speciem, & hæc duo exempla cum aliis nonnullis à Buxtorfio adnotari l. 2. Grammat. c. 3. in regula tertia. Ideo non diximus verba ista dare sine mente sonum, nihil est in verbis meis quod hoc innuat sed totum hemistichium dare sine mente sonum, *timor eorum me preceptum hominum edoctum*, ut legens tute vides. Ut hoc cla-

rius intelligatur, docendum quod notat Buxtorfius ex R. Kimhi hæc & similia concisè dici, omisso pronomine & verbo nominis, ut, propter subuersionem Dei אשר הפך qua subuertit, אשר ירא, qua timuit, &c. Nunc autem quid sibi vult, *præceptum hominum edoctum*? nihil aliud significare potest edoctum, quam eruditum bene & cum diligentia institutum. Iungamus verba Christi antecedentia, ut ab eo citantur, & de his iudica Lector, *Hypocrite bene prophetauit de vobis Isaias dicens, Populus hic labijs me honorat; cor autem eorum longè est à me. & est timor eorum me mandatum hominum edoctum, vel si mauis, & est timor quo me timent mandatum hominum eruditum & diligenter institutum.* Istius pericopes etiam sic intellectæ in hoc Evangelij loco nullus est sensus, vel est omnino priori contrarius; nam hominum præcepta laudat quæ Christus improbat. Deinde licet, phrasis illa, *timor eorum me*, sit elegans sola & separata, ut in duobus exemplis allatis, tamen quia concisa est, pronomenque & verbum omittuntur, si obscura alia & concisa phrasis ipsi in vnum sensum & incisum coniungatur, tum totius hemistichij sensus est obscurus & perplexus. Iste

autem adeo est obscurus & perplexus ut, licet prior pars expendatur, & suppleantur quæ subaudiuntur, nullus tamen commodus sensus hinc elici possit, si cum antecedentibus comparetur. At si puncta legas, ut nos legimus, jod quoque in vau mutes, hoc est, in, non modo facillima sententia, sed etiam ipsissima colligetur quam 70. Interpretes, Iesus Christus & Apostoli nobis exhibent.

Præterea licet legeremus יראתם אתי, *timor eorum me*, semper תהו, frustra legendum esset, pro תהי, ne dictio illa cui Christi argumentatio incumbit nobis pereat. Eleganter autem dicitur תהו יראתם, *vanitas timor eorum*, sic idem Isaias c. 41. v. 29. רוח ותהו נטביתם, *ventus & inane constatione eorum*. 1. Sam. 12. 21. כי תהו המה, *quia vanitas ipsa sunt*. Isa. 40. 17. ותהו נחשכולו, *& inane reputata sunt ei*, &c. Triplicitamen ratione legendum potius videtur יראתם *Timuistis*. 1. Quid opus duas dictiones subaudire si aliter & Grammaticè punctando nulla prorsus subauditione opus est. 2. Substantivum verbale regit quidem aliquando nomen in casu quo verbum suum regeret; sed hoc non reperitur cum nomini regenti adduntur affixa, ut hîc

factum est. In quibusdam quidem adduntur affixa, sed, ut ait Kimhi, infinitiua sunt ut Genes. 29. 20. בִּאהַבְתּוּ אֹתָהּ, *in diligendo se eam*, id est, eo quod eam diligeret. 2. Sam. 3. 11. מִירֵאתוֹ אֹתוֹ, *à timendo eo eum*, id est, eo quod eum timeret. Infinitiua sunt quæ cum literis כְּלָם Gerundiorum naturam induunt. 3. Lectioni 70. & Apostolorum hîc verbû legere magis conuenit quàm nomen. Obijcere Christum tertia persona uti, nos autem in Hebræo secundam restituere planè puerile est, cum nihil sit in textuum ad scopum suum accommodatione, casuum & personarum enallage frequentius: Ideo ut minor appareret in restitutione textus corruptela enallagen conseruauimus: aliàs יֵרָא restituendum fuisset, sed sine codicis ope non satis firma fuisset, propter enallages frequentiam. Denique, exprobrare תְּהִי, *verendum esse, fuit*. Linguae Hebraicæ tyrunculi, qui alteram septimanam etiam aliud agentes linguae Hebraicæ operam nauauerunt, hoc cantillant תְּהִי, *erit*, significare, sed pro antecedentium ratione, modo *est*, ut hîc vertût Iunius & Tremellius, modo *fuit*, verti debere. Verùm quid par erat nos vertere qui pericopen ab an-

tecedentibus mente auulsam examinabamus, quique ibi de industria notauimus, *quod verbo tenus sonat*. Verum à nobis apagate vrina ista *μαντεύματα*, nāniasque plusquam pueriles.

Tantis argumentis freti, Lector, literulæ vnius mendam aut traiectionem in Hebræo textu collegimus; Est forsan vbi diætiunculæ elisionem aut permutationem. Indica quid æquius erat eum qui eiusmodi argumentis mouebatur, pronuntiare, aut Christum & Apostolos insulse argumentatos esse, aut 70. Interpretum & N. Testamenti Græcum, Latinumque textum his locis corruptelam passum, aut sane id corruptelæ Hebræo textui tribuendum. Quid? scelusne implacabile, & inexpiabile quale Platonici vocant, *ἀνία πρὸς ἀνθρώπων*, perpetravit qui Amanuenssem Iudæum ab annis bis mille semel hallucinatum esse scripserit? Iudæi ipsi Scribarum suorum alliterationes in nescio quot Centurias distribuunt, sed ne semel quidem alliterationem ab iis esse commissam pronuntiare audebit Christianus? Hæretici adnotant passim per vniuersum nouum Testamentum varias codicum lectiones; Eum verò diris deuouent, qui vel

vnam in textu Hebræo notarit. Perpende, Lector, qua modestia in præfatione nostra vñsueramus. Triplex differentiarum genus, vt vidisti, adnotaueramus. Primum conciliauimus sine vlla, vel tantilla Hebræi textus iactura. Secundum, cum vnius literulæ iactura aut decussatione, quam tamen admodum probabilem non necessariam iudicauimus, licet in plerisque istis locis eandem mendam, eandemque istius mendæ repositionem Hæreticorum doctissimi adnotarint, resque ipsa ab Hebræicè intelligentibus id postulare videatur. In postremo denique tantis rationibus coacti mendam necessariò irrepsisse pronuntiauius. Sed brutis his animalibus quibus alabaster vnguenti plenus putere semper videtur, quibus cæcum odium est tota contradicendi ratio, furor sapientia, insanum conuitiandi cacoethes sermonis lepos, illa plurimùm displicent quæ doctis omnibus etiam hæreticis maximè placuerunt.

Variarum calumniarum absterfio. Editio Romana 70 Interpretum quàm sit sincera, & quanta autoritatis. Hebraei textus mendæ tanti non sunt, ut dici possit corruptus. Adversariorum in fingendis sycophantijs αἰσχρολογία, perpetua ἀστοχία, elumbis sophistice.

CAPVT XII.

PAUCIS hoc capite de duabus aliis calumniis putidissimis, quas nobis imputant, agemus. Secunda igitur calumnia cui post primam totus libellus nititur hæc est, nos asserere Græcam 70 Interpretum translationem qualis editione Romana repræsentatur, authenticam esse, & ex omni parte incorruptam, qualis ab ipsis Interpretibus profecta est. Quo loco id diximus, non notant, nec vnquam notare poterunt. More suo calumnias impudentissimè vomunt, & quasi apud omnes constaret eas esse αὐτοπίτους, de probatione nunquam solliciti audacissimè mentiuntur. Itaque vno verbo cum iis agere sufficeret, mentimini stolidissimi sycophantæ. Contrarium tamen nos non modo sæpius disertè scripsisse, sed etiam vniuerso nostro sermoni

perpetuò subtrauisse demonstrabimus. Sed antea quid nos hac de re sentiamus, perpetuoque senserimus, explicandum. Primum, contra codicum sibi inuicem comparatorum experientiam est, asserere, siue Septuaginta Interpretum translationem, siue Vulgatam S. Hieronymi versionem, siue Iudæorum codices, multo minus quoscunque alios antiquos manuscriptos nunc post tot exscriptiones, sine vlla menda esse, atque ex quacunque vel minima sui parte puros, & omnino quales ab ipsis autoribus primùm emanarunt. Hoc asserere non modo temerarium, sed fatuum existimamus. Huius temporis hæresiarchæ insano furore in Ecclesiam acti id scripserunt de codicibus Hebræis & Græcis noui Testamenti, vt hinc in interpretationem Ecclesiasticam debacchandi & nouas interpretationes in Ecclesiasticæ opprobrium condendi ansam arriperent. Sed qui iis successerunt Græcos noui Testamenti codices replicantes tam variam multiplicemque eorum varietatemprehenderunt, vt à Maiorum suorum decretis hac in causa sibi recedendum esse publicè testarentur. In Hebræis codicibus tardius id animaduertunt: cuius rei mul-

tæ sunt causæ, sed hæ potissimum: quod nulli apud Iudæos Europæos manuscripti reperiantur, qui annos quingentos excedant; quod ætatis istius rarissimi sint, plurimoque auro redimantur; quod post Masorethas in exscribendis suis libris diligentiores fuerint; quod codices eiusmodi sine Græcis multò minus tractabiles; quod Hæreticorum paucissimi linguam Hebræam adeò familiarem habuerint, ut quacunque data occasione illos euoluere & inuicem comparare potuerint. Quod denique eorum nemo ad Buxtorfium usque in Masorethica critica quidquam intellexerit. Tandem tamen experientia docti Hæreticorum multi istarum rerum periti plurimas esse in textu Hebræo mendas, ut supra ex ipsorum verbis demonstrauimus, confessi sunt. Quid enim fatuum magis fingi potest de Iudæorum Scribis id negare, quod de Christianorum, & omnium populorum Scribis experientia fateri cogit?

Secundum, 70 Interpretum interpretationem, qualis editione Romana nobis repræsentatur, nunquam scripsimus authenticam esse, imò ea de re ne quidem cogitauimus. 70 Interpretum translatio-

nem authenticam sæpius quidem scripsimus, sed hoc non de Romana diximus, verùm de ijs Exemplaribus quibus Ecclesia vſa eſt primis ſaltem quatuor ſæculis. Aut enim tum authentica erant exemplaria illa, aut eo tempore nullam ſcripturam authenticam habuit Eccleſia. Conſtat enim nullam aliam in Eccleſia publicè lectam fuiſſe, imò, vt ait S. Auguſtinus, multos populos an alia eſſet verſio, ignoraffe. Deinde conſtans eſt apud omnes ſententia, cæteras verſiones ab Apoſtatis & Iudæis conditas fuiſſe: Num Patres aliqui, relicta 70 translatione quam diuinam & cum ingenti miraculo editam credebant, apoſtaticam amplexi fuiſſent? Primus Origenes verſiones illas omnes in Tetrapla, & Hexapla collegit, vt ea quæ Iudæi textui addebant Chriſtianis non eſſet incognita, aliisſque de cauſis quas ex ipſius & SS. Patrum mēte explicamus Exercit. Biblica 4. c. 1. & alibi. Denique Patrum ne vnus quidem eſt, qui verſionem illam diuinam & authenticam non affirmet. Quod ad Romanam editionem attinet, eam omnium editionum quæ nunc extant, ſcripsimus eſſe maximè ſinceram, atque à mendis & perturbationibus ex-

purgatissimam; & consequenter ad primigeniam illam omnium proximè accedere.

Sententiam nostram in præfatione illa aliisque scriptis tam euidenter expressimus, ut ingenium quantumlibuerit bardum, stolidum & asininum nonnisi per maximum calumniandi scelus, aliud nobis affingere non possit. En quæ in præfatione nostra de Romana editione scripsimus, licet scopus noster, ut est omnium qui in librorum editionem præfantur, potissimum esset hanc præclaram editionem laudare, & maximi facere, n. 13. *Comparisonem istam instituerunt viri docti qui huic operi instaurando operam suam collocauerunt, & si quid diuersum deprehenderunt, quod librorum incuriâ, codicum lacunis, Patrum σφάλματα μνημονευτικῶν contingere potuit, in scholia sua retulerunt, &c. in eandem sententiam. Et numero ultimo Lectiones enim varia plurimæ sunt quibus frequenter textus 70 Interpretum confirmatur, quas ex ipsis antiquis manuscriptis, καὶ αὐτογράφοις, exscripsere qui scholia priora collegerunt. Idem confirmat quod tota fere præfatione probare contendimus, in Iudæorum libros plurimas mendas irrepsisse, linguamque Hebræam præ cæteris huic incommodo esse*

obnoxiam, idque Iudæorum Rabbinos non diffiteri, ac proinde ridiculum esse Iudæorum scribis scribendi ἀναμαρτησίας imputare. Hoc tota præfatione contendimus, nunquam autem de Scribarum Latinorum aut Græcorum ἀναμαρτησία cogitauimus.

Verum quoniam nobis res est cum pecoribus non modo stolidis, sed etiam furiosis, forsan nobis objicient quæ scribimus n. 14. *Aduersus ea quæ de diuina & canonica 70. Interpretum autoritate, eorumque textus ἀλθεσία & ἀναμαρτησία, ex omnium Patrum sententia differuimus, oppositionem validissimam præsentio eorum qui codicibus Heb. nihil non tribuunt.* Quod ad ἀλθεσίαν attinet, manifestum est ex iisdem verbis, & multò magis ex toto contextu de ista translatione ut antiquitùs extabat nos verba facere. Quod vero ad ἀναμαρτησίαν, nos eam referre ad maximum illud miraculum, cum 72. duo seniores illam verterrunt, perpetratum quod paulò ante omnium Patrum & Iudæorum consensu demonstrauiamus. Non autem sequitur primum illud translationis exemplar diuinitùs & cum ingenti miraculo scriptum ἀναμαρτητον est. Ergo & hinc exscripta

germanum, & genuinum auctoris foetum. Si enim supposititius esset, ut Annij Viterbiensis deliria, Ciceronis de consolatione liber & eiusmodi, industria sua indignum iudicaret Critica. Adeo autem euidenter de hac re in præfatione nostra locuti sumus, ut, licet non suspicaremur aliquid tam bardum aut malignum futurum ut verba nostra aliter interpretaretur, eadem tamen translationis Græcæ epitheta sic ipsissimis verbis explicaremus. Num. 13. Postquam de vetustissimo codice, quem præcipuè secuti sunt illi editioni Præfecti, verba fecimus, *Quis igitur tam euidenti argumento conuictus, hanc veram esse & germanam Septuaginta interpretationem inficias ibit. Nemo cum optimæ notæ antiquum codicem nactus est, ut adulterinum repudiat, sed auctori quem præfert, statim illum vendicat. Cur id quod prophanis pariter & Ecclesiasticis auctoribus concedimus diuino huic operi a tam multis tamque vetustis codicibus approbato denegabimus? Alia insuper eiusdem rei argumenta proferimus, deinde ea quæ de variis codicum lectionibus reulimus.*

Præterea in Præfatione nostra Lectorem nonnunquam ad ea remittimus quæ hac de re scribunt in præfationibus isti

K.

editioni Præfæcti. Quid verò illud est? hæc tantum referemus. Cum tamen in aliis omnibus, nisi ubi manifestus apparebat Librarij lapsus, ne latum quidem unguem, ut aiunt, ab huius libri autoritate discessum sit; ne in iis quidem, quæ si minus mendo, certe suspitione mendii videbantur non carere. Satiùs enim visum est, locos vel aliquo modo suspectos (nec enim fieri potest, ut in quantumvis expurgato exemplari non aliqua supersit macula) quemadmodum habentur in archetypo, relinqui, quàm eos ex alicuius ingenio aut coniectura emendari, &c. Postea scribunt illius editionis autores studium illis non fuisse ut editio sua velut ea quæ à S. Hieronymo *καὶνὴ* dicitur, Hebræo textui ad verbum responderet, sed ut ad eam quam *Septuaginta Interpretes Spiritus sancti autoritatem secuti ediderunt quantum per veteres libros fieri potest, quàm proximè accedat.* Alià plura ibidem & in aliis præfationibus, ut omittam doctissimas, & copiosas satis adnotationes quæ singulis capitibus Bibliorum adtexuntur.

Romanam editionem authenticam esse nos asseruisse unde id acceperunt nescio; nisi quod sæpe dixerimus 70. Interpretum translationem diuinam esse & canonicam,

id statim ad editionem Romanam traxerint : quod tantum intelleximus de ea translatione qualis extabat quatuor aut quinque primis seculis , quibus sola tunc in vniuersa Ecclesia vsurpabatur , & de Romana etiam quatenus cum illa consentit. Cum autem omnium quæ nunc vulgo feruntur , ad antiquam illam & primigeniam editionem Romana proximè accedat , necessariò consequitur eam ad *αὐθεντία* , omnium Græcarum editionum proximè accedere ; sed hætenus non legi editionem istam eadem qua Latina fruitur prærogatiua ab Ecclesia donatam. Scribit quidem eruditissimus ille Cardinalis Baronius apparatus n. 119. de hac editione *opus esse planè diuinum, ac diuinitus inspiratum quod à S. D. N. Sixto V. Romano Pontifice meritò comprobatum, ac magnopere laudatum ; vt Ecclesiæ Catholicæ esset vsui, eundem sacro diplomate in fronte eius affixo, cunctis fidelibus significasse.* Sed esse authenticum & canonicum non pronuntiavit, vt nec Sixtus Pontifex in diplomate suo, sed tantum vt *ab omnibus reciperetur ac retineretur.* Itaque omnibus editionibus illa præfertur, non tamen disertè authentica pronuntiatur. Verum quidem est ex ver-

bis diplomatis nihil esse in ea editione contra fidem bonosque mores, manifestè consequi; verumtamen augusta illa majestas τῆς αὐθεντίας illi non tribuitur. Si quis tamen huic editioni hanc prærogativam deferret, ei non magnopere repugnarem, licet ab ea ei deferenda semper abstinuerimus. De hac editione, eiusque præcæteris excellentia, autoritate, sinceritate, cum antiquis exemplaribus conformitate, & varietate, aliisque eiusmodi ad eam spectantibus multis capitibus scripsimus tota Exercitatione ix. Biblica.

Postrema calumnia quæ passim per totum libellum aspergitur, est, me Hebræum textum pro depravatissimo habere, atque omni mendarum genere plenissimo, adeo ut omnium pedibus abjici & proculcari debeat. Tantùm abest ut hoc scripserim, ut textum Hebræum corruptum nūquam dixerim. Multas quidem mendas in eo esse, & à Iudæis adnotari, multa quidem loca deprehendi in quibus corruptelæ inessent, sæpius scripsi. Sed textum corruptum nunquam pronuntiaui. Sunt autem hæc longè dissimillima. Res aliqua talis denominatur vel à nobiliori, vel à maiori sui parte. Non maior pars, non nobilior

deprauata est. Multis in locis sunt mendæ; nonnullæ nullius momenti, nonnullæ de quibus difficile est iudicare vtra sit sincerior & textui conuenientior: Nonnullæ quoque magni momenti sunt corruptelæ. Illa tamen omnia si cum reliquo textu integro comparentur, & paucissima sunt, & minimi momenti. Ideo nec vnquam scripsi textum istum simpliciter corruptum, nec talis nisi admodum improprie dici potest. Mendæ sunt plurimæ in textu Græco noui Testamenti; mendarum myriadas solus Beza suppeditabit: Num ideo absolutè dicetur textus ille corruptus? Vulgatæ codices antiqui inuicem comparati multas varietates exhibent, qui tamen Vulgatam absolutè corruptam præter Hæreticos infano odio aduersus eam frementes affirmabit? quum igitur textum Hebræum ne corruptum quidem dixerim vnquam, qua argumentorum complexione nisi prorsus sycophantica & insana, eum deprauatissimum & pedibus conculcandum me scripsisse demonstrabunt?

Sæpius quidem scripsi & in præfatione mea, & in Exercitationibus in Hebræo textu mendas esse & varietates multas il-

lorumque risi fatuitatem qui Iudeorum
 Scribas aberrare non posse credunt, &
 eorum peruicaciam cum stoliditate con-
 iunctam insectatus sum qui innumeras
 varietates oculis conspicientes, & mani-
 bus contrectantes ad mysteria confugere
 malunt, quàm mendam yllam confiteri,
 Sed hinc colligere textum Hebræum esse
 corruptum, multò minus deprauatissi-
 mum & pedibus conculcandum, eorum
 sanè est qui rationis impotes quęcunque
 dictat furor, effutiunt; quique Scarabęis
 similes vt scribit Plutarchus, τὸ μύρον ἀπολί-
 πονσι, τὰ δὲ δυσώδη διώκουσι.

Tam dispar Aquila columba non est,

Nec Dorcas rigido fugax leoni;

Quàm fonti suo istud consequens.



DIATRIBES ELENCTICÆ

De Sacri Textus, Hebræi & Græci
sinceritate dignoscenda.

PARS POSTERIOR.

*Nihil de Hebræo textu scripsit autor, quod
antea Iudæi, & Hæretici complures non
scripserint. Calumniarum lerna, argu-
menta ἀνεμώρητα.*



ICET his tribus verbis, mentimi-
ni impudentissimi sycophantæ,
tam immanes calumnias dissipa-
re potuissemus; cum accusati ne-
gatio longè sit fauorabilior accusantis af-
firmatione quæ nullo testimonio confir-
matur; imò eiusmodi accusatio lege talio-
nis vindicetur: euidenter tamen demon-
strauimus absterfis calumniis nihil nos de
hac re docuisse quàm quod Hæreticorum
doctissimi, & Iudæorum maxima pars de
sacris libris profitentur, naturaque veluti
duce docti omnes, præsertim Critici de
quibusvis libris affirmant. Itaque Lectori

K iij

cumulatè satisfactum est, necnon etiam
 vt mihi quidam videtur, sycophantis no-
 stris, nisi forsàn calumniarum lernam *κα-
 μωπηνίαν* animo condant, quæ velut Au-
 giæ stabulum ab Hercule solo purgari
 possit. Insuper tamen alterum sed breuif-
 simum opus aggrediemur; Eorum libel-
 lum, quem examen præfationis Morini
 inscripserunt, incudi reddemus, ipsumque
καὶ ποῦνα sequemur, vt quàm limis oculis
 colliment tenebriones isti facilius conspi-
 ciat Lector. Rectè quidem experientia
 doctus scripsit Horatius,

*Nec semper feriet quodcunque minabitur
 arcus.*

Horrenda minantur illi, belluas, canes,
 monstra, furias intentant nobis. At ne se-
 mel quidem feriunt Hermodori isti; tela
 omnia ἀνεμωδόντα. Ab ipso titulo exor-
 dium faciamus.

TITVLI ELENCHVS.

Aduersar. μακρόνδεα, barbaries, fallacia.

Libelli titulus est, *Examen præfationis
 Morini in Biblia Græca de textus Hebraici
 corruptione, & Græci autoritate. κακόνδεας*
 eorum paucis verbis duplex argumentum.
 Parturiunt montes, vt vulgo dicitur, na-

scitur ridiculus mus. Examen præfationis
meæ spondent. At eorum quæ in ea expli-
cantur maximam partem, ne legisse qui-
dem videntur. Cætera quæ eorum bilem
potissimum commouerunt, licet numero-
sissima, vnico excepto præterierunt. Illite-
rati homines, atque è triuio Barbari quo-
modo doctrinam aliquam refellerent,
quum quid sit refellere non teneant? Al-
terum *ἡ ἀποδείξις* argumentum, falsi cri-
men est. Præfationem meam mentiuntur
esse de textus Hebraici corruptione. Ti-
tulus est textui superpositus *De textu Græco
& Hebræo*, & in ipso exordio expansior,
*causas explicat propter quas ab Hebræo textu
moderno tantopere dissentit*. De corruptione
nec in titulo nec alibi verbum vllum. Men-
das esse & corruptelas multis in locis cum
Hæreticorum doctissimis, & Iudæorum
magnâ parte scripsimus, sed hinc absolute
colligere textum Hebræum esse corru-
ptum, & à ratione, & à rectè & consideratè
loquentium consuetudine alienum est.
Quidquid sit hanc propositionem nun-
quam asseruimus.

*Calumniæ in libelli dedicatione assertæ
Elenchus.*

Eandem calumniam sed tragicè exag-

geratam recoquunt. Verba supra retulimus, & refutauimus. Monstrum præterea scribunt me esse quod ipsi Iudæi execrentur. An hoc verum sit capite nono disputatum est.

Præfatiuncula ad Lectorem Elenchus.

Paucis verbis illa præfatiuncula totius suæ disputationis fundamentum faciunt, me asserere, quidquid in nouo Testamento citatur è veteri per omnia & verbo tenus deprehendi debere in veteri, vte est in nouo citatum, alioquin corruptionis in veteri Testamento argumentum esse. Vix est aliquid in vniuersa illa disputatione, seu potius ieiuna & exucca hemistichiorum veteris & noui Testamenti exscriptione quod huic potissimum fundamento non innitatur. Calumniam quam ignorantissimi ac audacissimi homines nullo meo dicto probant, cap. 1. 2. & sequentibus absterimus. Considera, Lector, quale futurum sit ædificium quod tam caduco & ruinoso fundamento superstruitur,

SECTIONIS I. ELENCHVS.

*De umbra sua triumphant aduersarij,
eorum impostura.*

HOciactō fundamento ad pugnam sese accingunt, umbram suam repetitis ictibus feriunt, eamque angunt triumphabundi. Conuasant igitur vndique in eum finem ea loca veteris Testamenti quæ bis cum aliqua varietate in nouo Testamento referuntur. Postea limaces viri bicornem argumentationem instituunt. *Alterutratestimonia*, inquit, oportet falsitatis teneri cum utraque non possint verbis Hebraici textus ad amussim respondere. En Morinus habet, captus est. Bona verba quæso vos. Quis præter vestri similes fungos credidit vnquam aliquem mentis tam emotæ fuisse, vt sibi persuaderet quidquid è veteri Testamento in nouum refertur, prorsus $\chi' \lambda \epsilon \xi \iota \nu$ esse referendum, etsi secus, corruptionis in Hebræo textu esse argumentum. Præterea quod Apostolus vnus citauit, alterum compendiosius aut cum casuum vel personarum enallage citra cuiusmodi periculum citare non posse? Vires igitur in ventum effunditis. Si mens Mo-

rino tam læua fuisset, non paucissima sed innumera huius generis argumenta nullo negotio collegisset: imò ea nulla in hypothefi exscripsisset, cum vbique per singula N. Testamenti capita prostet, & ad marginem omnium fere N. T. codicum adscriptum sit, vnde è veteri excerpta sint, neminique prorsus, modo alphabetarius sit, ignota esse possint. Non est adeo excors Morinus & vestri similis, vt millies millies actum iterum agere velit, crambenque centies coctam & recoctam per vniuersum librum variis sed insipidissimis condimentis recoquere. Cerebri vestri saniem curate, tum demum alios huius insanix criminari desinetis.

SECTIONIS 2. ELENCHVS.

Nulli textui, originario, aut verso nunc tribui debet παντοδαπή ἀκρόβηλια. Aduersarior. duplex impostura, laruata pugna libido.

REm grandem sibi hac sectione proponunt ridicula capita; exagitandam scilicet, *summam quidem & incredibilem, sed perpetuam tamen, ac quasi fatalem Morini stupiditatem & vecordiam. Quamobrem verò? quia Græcæ versioni ineuitabile*

exitium importat. Nam, inquit, loci in nouo Testamento citati, atque à Græca versione diuersi, etiam in quibus illa versio cum Hebræo consentit, non sunt pauciores iis qui cum ea consentiunt, & ab Hebræo dissentiunt. Si igitur corruptus est ideo textus Hebræus, ergo & 70 Interpretum interpretatio. Eadem e chorda aberrant. Nos scilicet existimare quidquid vel tantillum à verbis in N. T. relatis variat, corruptionis certum esse indicium. Deinde alia impostura fundatur eorum consequentia quam nobis imponunt ignorantius nescio an impudentius. *Quandoquidem, inquit, enixissime contendit Morinus Versionem Græcam veram ac genuinam, qualis ab ipsis Interpretibus profecta fuit editione Romana, & Parisina representari, &c.* Quo loco hoc enixissime contendit, ô impostores stolidissimi, indicate. Hoc enixissime contendit Morinus ! qui ubique in præfatione illa, & aliis suis scriptis quàm enixissime contendit, fatuos esse & cæcos qui hoc asserunt. De Hebræo textu & Græco noui Testamenti pro viribus id demonstrare ubique adnixus est. De Græca versione & Vulgata non item; quia hactenus nemo, quod ego quidem audiuerim,

tantæ fuit fatuitatis & stupiditatis vt Versionem Græcam & Vulgatam Latinam ex omni vel minima sui parte & literula eadem prorsus assereret, quales ab ipsis autoribus primùm conditæ sunt. In id autem absurdum magno argumentorum apparatu insurgere, quod à nemine asseritur, Num ridiculus esset conatus? atque vt dicitur, βορβόρω ὕδωρ λαμπρὸν μίμνειν? Cum laruis luctari stultorum est, & vestri similibus

Tutius est multò verbis contendere fictis

Quam pugnare manu.

Hæc sunt omnibus qui recta ratione vtuntur longè diuersissima: In Versionibus illis Vulgata Latina potissimùm quam Ecclesia disertè pronuntiauit authenticam, nihil est contra fidem bonosque mores, si sanè intelligatur; Et, nulla est vel minima dictio & literula in illis versionibus quæ non sit ipsissima quam scripserunt earum autores. Prius asserunt omnes Catholici, virique cordati: Posterius, hætenus asseruit nemo, nec asserere potest harum rerum expertus & sui compos. Quanquam maximum esset discrimen inter eos qui hanc prærogatiuam his versionibus vendicarent, & Hæreticos qui Originariis texti-

bus illam tribuunt. Priores enim id bono quodam zelo, sed non secundum scientiam facerent: Posteriores autem in odium Ecclesiæ Catholicæ, & omnium quæ approbat opprobrium, id magnis animis contendunt. Quapropter prius miseratione & indulgentia, posterius graui reprehensione & pœna dignum est. De istius calumniæ falsitate iam peculiari capite dictum est, quare plura dicere supersedemus. Huic calumniæ & præcedenti innituntur futilissimæ quæ sequuntur citationum comparationes, quarum nuda & exanguis relatione vniuersum ipsorum opus absoluitur.

SECTIONVM, 3. 4. 5. 6. ELENCHVS.

Magno molimine probandum suscipiunt aduersum nos quod negare absurdissimum esse sæpius scripsimus. Eorum fœda orationis inconsequentia; in Apostolos blasphemia, inscitia, æxerōia.

SECTIONE secunda sibi proposuerunt ad maximum absurdum nos cogere, ad fatendum scilicet in 70 Interpretum translationem mendas, corruptelasque irrepsisse: Quasi verò id absurdum existi-

maremus, quòd verum esse adeo sæpe confessi sumus. Conuictionis autem eiusmodi hanc viam sibi eadem sectione in-
eundam proponunt. In quatuor classes digerunt ea testimonia quibus citationes N. T. sequuntur 70 interpretationem ab Hebræo textu deflecentem, & vnicuique classi suam sectionem tribuunt. Sectione enim tertia referunt ea testimonia in quibus citationes sequuntur Græcam interpretationem Hebræo textui addentem. Sectione quarta, vbi eam sequuntur aliquid omittentem: sectione quinta, vbi leuiora tantum permutantur, vt numeri, personæ, &c. Sectione sexta, vbi 70 minus accuratè vocabula Hebræa Græcè vertunt. Quid inde colligant his quatuor sectionibus non aperiunt: illud iam fecerunt sectione secunda cui responsum est; nos scilicet, id vniuersum cum ipsis fateri. Sed apertius sectione 7. Vbi nos iterum ea de re verba faciemus. Interim trium Lector monebitur.

Primum, trium priorum sectionum & consequens & antecedens nos facile admittere, imò eum fatuum aut harum rerum imperitum iudicare qui non admittat: Consequentiam autem non ita vniuersè.

uersè. Hoc est, facilè admittimus; Versionem Græcam & hanc secutas Apostolorum citationes, aliquid addere vel demere, vel in eo permutare; Præterea ex hac additione vel defectu, aut etiam permutatione aliquando probabiliter, aliquando necessariò consequi mendas in Hebræum textum irrepsisse. Sed consequentiam in sectionibus illis subductam non semper admittimus; Hoc est, non admittimus ex omnibus illis locis quos indicant sectiones illæ colligi posse etiam probabiliter corruptelas Hebræum textum inuasisse. Certum est enim Interpretes præsertim 70 Seniores illos in interpretationibus suis multis de causis nonnulla præterire, aut addere, aut etiam leuiter permutare. Itaque ex quacunque eiusmodi varietate colligi non potest in textum archetypum irreptio, nisi forsan archetyporum codicum accederet suffragium, aut plurium versionum variis seculis factarum conspiraret consensus: variis enim archetypis æquiparari posset eiusmodi consensus.

Secundùm, quartam testimoniorum classem iuxta Aduersarios aliquid habere peculiare. In quibusdam enim exemplis

talis dictionum, vt ipsi loquuntur, fit permutatio quæ corruptelam aut in textum Hebræum necessario infert, aut non modo in 70 Interpretum textum, verum etiam in ipsissima Apostolorum verba, vt res ipsa textus comparantibus manifesta est, & alibi demonstrauius. Audi verò quid eos cogat veritas confiteri, *Restat*, inquit, *quarta & vltima classis, vocabulorum nimirum quæ minus accuratè interpretati sunt Septuaginta.* Sed ipsi fatentur hanc minùs accuratam interpretationem Apostolos esse secutos. O egregios Apostolicæ autoritatis defensores! En quanto labore omnem lapidem mouent, vt Apostolicum dictum ab omni iniuria vindicent!

Πρόδε δὲ οἱ δόρυτ' ἔσχα, καὶ ἀσπίδα πάντοτε ἱστω.
 ô summam hominum qui se Christianos
 profitentur non dicam impudentiam, sed
 impietatem!

Horum nequitias iocosque nonis

Aurem qui modo non habet

Batauam.

Minus accuratè interpretatos non modo Lxx Seniores, sed etiam Apostolos ipsos fateri malunt, quam Iudæorum Scribas in textu Hebræo vel leuissimam mendam commisisse. Ipsos vt monstra non quidem

execrabunt Iudæi, verum quotquot Iesu Christo nomen dederunt.

Postremum Lector cuius te monitum velim, est, Plerasque ipsorum ex Hebræo testimoniorum comparationes, & interpretationes licet de re sint facillima, atque ab omnibus φιλεβραίοις trita, ex mera tamen eaque crassissima inscitia, aut ἀκροσία ortas esse. Tria verba sacri textus post tot dictionaria, tot interpretationes Latinè vix reddere possunt, & Lxx Seniores, & Apostolos omnes minus accuratæ interpretationis criminari audent? Minutas istorum comparationes, nec quâ ex iis colligunt aliquid, nec quâ interpretantur, persequi non fert animus. Nihil enim sententiæ nostræ officiunt, cum lubentes admodum quæ hinc concludunt amplectamur. An autem ex futile ratiocinatione verum eliciant, quid ad nos? Num reipublicæ literariæ interest, rectene an secus argumententur nugipolyloquides isti, καὶ κρουνοχρητολόγοι?

ELENCHI SECTIONIS 7.

Pars prior.

Græcam Interpretationem Hebræo textui præferendam esse, ex eo quod eam ab Hebræo deflecentem Apostoli secuti sunt, nunquam dixit Morinus. Quid verbum אַרְבֵּי significet. Græca versio contra Aduersar. imperitam temeritatem asserta. Eorum μωρολογία, audax & nefaria correctio, rationum ἀνακολουθία.

HAc sectione primùm explicant quem in finem quatuor præcedentes testimoniorum catalogos texuerint. *Sed frustra, inquit, ex his queri talem isti versioni auctoritatem, ut ipsi Hebræica veritati debeat præferri, id quod hic canis contendit, clamant quam plurimi loci in quibus Hebræico textui contra illam subscribunt ydem sacri auctores, atque eum suis ipsi verbis exprimunt, relictis 70 ab eo aberrantibus.* Non scripsimus ex his testimoniis colligendum esse Græcam interpretationem Hebræo textui esse præferendam; sed in Hebræum textum locis illis mendas esse illapsas, & consequenter fontes Hebræos non ubique absolute puros fluere, ut Hæretici hætenus

tam peruicaciter contenderunt. Consequentia autem ratio est euidentissima, & eiusmodi quæ ab Hæreticis, si modo Christianorum nomen non horreant, negari non potest. Apostoli locis illis cum Septuaginta Interpretum versione consentiunt. Sed versio ista cum Hebræo textu neoterico consistere non potest. Aut igitur neotericus Iudæorum textus in illis locis ab antiquo variauit, aut Apostolicus textus simul cum Græca versione ibi deprauatus est. Alterutrum necessario eligendum. Non posterius, cum longè probabilius sit in vnum codicum genus mendam aliquam irrepere, quàm eandem omnino mendam in duo codicum genera omnino disparata sese insinuare. Deinde illis in locis Apostolicum textum & Græcam versionem eodem modo semper habuisse constans est Patrum traditio: Itaque mendæ illapsæ nulla suboriri potest suspicio. Denique de verbis aut sensu textus non simpliciter vertitur quæstio, sed de Iesu Christi & Apostolorum eius in Aduersarios ratiocinatione, quæ si textui Hebræo nitari nulla est, aut debilissima; si verò Græcæ interpretationi & Apostolico textui validissima.

Verum nunquam simpliciter diximus, ideo Græcam versionem Hebræo textui esse præferendam, sed illis in locis esse præferendam. An Græca versio ut nunc extat, Romæque & Parisiis edita est, Hebræo textui absolutè sit præferenda, alia quæstio est, de qua non memini me aliquando verbum vllum fecisse. Versionem Septuaginta Interpretum Patres omnes, si S. Augustinum excipias qui illi Hebræum textum æquavit, & S. Hieronymum qui ea de re variis temporibus variè scripsit, & paucos forsan alios, Hebræo textui prætulisse ex eorum scriptis evidens est. Verum hanc quæstionem nunc discutere nihil ad rem nostram facit. Iterum autem, Lector, notes peruehim quum diximus ex iis testimoniis colligi Hebræum textum illis locis esse deprauatum non omnia illa loca quæ quatuor sectionibus præcedentibus retulerunt, nos intelligere. Adeo dementes non sumus, ut tam futiliter argumentemur; sed eorum nonnulla quæ in præfatione enarrauimus, paucaque forsan alia à nobis prætermissa.

Sed plura videtur colligere Aduersariorum argumentum. Si enim, inquiunt, ex illis locis colligere licet versionem Græ-

cam textui Hebræo esse præferendā; Ergo cōsimiliter ex illis locis in quibus Apostoli Hebræum textum relicta versione Græca sequuntur, colligetur Hebræum textum versionī Græcæ esse præferendū. Hinc iterū occasionem arripiunt toto illo capite testimonia ista alium in modū versandi, ut aduersum frontata manifestum sit Hebræum textum secutos esse Apostolos non versionem Græcam. Longo igitur catalogo contexto tandem sectione 8. animum argumentationemque suam recolligunt, *Hiscæ omnibus in locis quum noui fæderis scriptores Hebraica veritati adstipulentur contra Græcam versionem, nihil dicere potest Morinus quo minus vitiosa hæc sit & corrupta, si recipiatur eius argumentum quo istam labem inurere conatur Hebraicis archiuis, quia interdum non ista, sed deflecentem ab ijs Græcam versionem sequantur iidem autores sacri: Par est enim utrobique ratio.*

Hos libet interrogare, qua de re disputatis? περὶ τοῦ πόλεμος ὑμῶν ἐστὶ; περὶ ὄνου σκίας, ut faceret Comicus. Verūm noli mirari Lector, si asini cum sint, de asini umbra tam acriter depugnant. Duplex illud consequens, atque etiam consequentiam admittimus, atque in scriptis nostris iam-

dudum est cum hæc admisimus. Fatemur igitur quibusdam in locis Hebræum textum Græcæ versioni esse præferendum: fatemur Græcam versionem quibusdam in locis esse corruptam: fatemur eo argumentationis genere colligi in Græcam versionem mendas irrepsisse, fatemur denique parem esse utrobique rationem. Quanquam id postremum disputari possit, Christianos Græcam versionem diligentius conseruasse quàm Iudæi Hebræum textum. Chimeram vobis finxistis deinde magno conatu in eam irruitis. Eadem cautio quæ supra adhibita est, hîc etiam est adhibenda. Licet enim admittamus consequens, & consequentiæ rationem, non tamen admittimus varietates illas iis testimoniis quæ referunt inesse quas sibi fingunt. Nam ex tanta testimoniorum turba vix est vnum aut alterum ex quo aliqua cum probabilitatis specie concludi possit in Græcam versionem corruptelam aliquam sese insinuasse. Sed leuissimi homines perpetui σκινδαλμοφράσαι, & syllabarum aucupes rei melioris penuria testimonia illa velut τῶν νεκροῦ ἀναθομὴν minutissimè dissecant, & particulas particulis comparant, vt ratiocinationi suæ fucum

aliquem facere possint, ne si integra referrent μικρολογίας imperitia statim elucesceret. Sed quid ad nos ea quæ ineptissimi isti συλλαβοπευσιλάβηται μικρολογουῦνται, cum sententiam nostram inuiolatam prætercant? Qui loca illa è textu sacro integra excerpterit, fucum statim sentiet.

Verùm huc mentem aduerte Lector, magnum quid te volo. En pecora nostra Hebraicè loqui incipiunt. Quid portendit casus tam rarus & inopinatus? Rabbinos quod alibi nusquam faciunt, hac in causa sollicitant. Diu te suspensum non terrebo. Paucis difficultatis ambages replico. Dictionem vnam Hebræam de secundo versu cap. 42. Isaia, cum eius interpretatione Græca, & citatione apud Matt. c. 12. v. 19. conferunt. Hebraicè legitur, כִּשׁ כִּלִּי. Septuag. & δὲ ἀήσει, neque dimittet. Matthæus, & δὲ κραυγᾷσει, neque clamabit. Ipsi hac in causa sic argutantur, Vox Hebraica propriè significat, tollet, siue leuabit; sed est ellipsis nominis כִּלִּי, Non leuabit vocem suam. Omnes autem sciunt quod leuare vocem, & vociferari idem sunt. Estque כִּשׁ synonymum τὸ κραυγᾷ clamabit quod præcessit. Propheta enim diuersis vocabulis bis idem dicit ad maiorem Emphasim, quod & Kimhi annotat in

commentariis, sic inquit, **ובפל הענין לחזק**
Geminatur significatio emphaseos ergo. Quippe
dixerat prius, ita hoc verbum debere expo-
ni, quomodo nos exposuimus, ולא ישא פירוש,
Non leuabit, explicandum est,
non leuabit vocem suam, Et sic quoque enarrat
Salomon Iarki, ולא ישא ולא יגביה קול,
& non leuabit, id est, & non eleuabit vocem.
Istis etiam consentit antiquissima translatio
Chaldaica, quæ vertit ולא יגביל, & non vo-
ciferabitur. Haftenus eorum Rabbinismus.
 Tanto igitur conatu probant post **ולא ישא**
 & non attollet, subaudiendum, **יקולו**, vocem
 suam, in hoc versu, *Non clamabit, & non*
eleuabit ולא ישא, neque audire faciet foris
vocem suam, & consequenter aut malè in-
terpretatos Septuaginta, aut errorem co
loco esse in eorum textu in quo legitur,
ὃς δὲ ἀνῆκει. Ô Gordianum nodum, ad quem
dissoluendum quod antea non fecerant,
nec postea fecerunt, necesse fuit eos à
Rabbinis & Paraphraste Chaldaeo auxi-
lium accersere! Quis dubitare potest, in
isto versu si dictionem ישא, interpreteris,
eleuabit, vocem suam subaudiendam, vel
potius quum in textu exprimatur, regiab
vtroque verbo, & eleuabit, & audire faciet?
 Si linguæ Hebraicæ cognitione leuiter

tincti fuissent, labore tam sollicito quem nunquam alibi susceperunt facile abstinuissent. Nec errauerunt Interpretes, nec in eorum textum menda irrepfit. Rectè S. Hieronymus, rectè Rabbinii isti, rectè 70 Interpretes reddiderunt. **אשן**, verbum est homonymum quod admodum multa significat, atque inter cætera, accipere, vt S. Hieronymus explicauit; attollere, vt Rabbinii; dimittere & condonare vt Septuaginta: atque etiam decipere, vt vertit Symmachus, In re tam manifesta exemplis non est opus. Si quis tamen ea requirat, dictionaria sollicitet. Nullum est à quo rei tam vulgatæ non moneatur. Inueniet tantum in vltima significatione **אשן** scribi per **ש** cum puncto in dextro cornu. En quàm argutè & peritè colligunt aut 70 versionem Apostolos non esse secutos, aut eorum textum corruptelas inuasisse.

Post tam difficilis ænigmatis explicatiōnem, quid non audere par erat homines tam doctos & ingeniosos? Primùm igitur hac sectione erroris arguunt 72 seniores, & erroris stolidissimi, vtpote, qui legere nescierint; *Errauerunt hic.* (Malach. 3. 1.) *vt alibi sapissimè in punctis, & sic ex coniugatione secunda **אשן** fecerunt coniugationem pri-*

nam נָפַח, quæ saepe aspiciendi & intuendi significationem habet. id est, cum legendum esset *pinah* legerunt *panah*; & stolidissimus hic error non semel illis contigit, sed sæpissimè. Quamobrem verò? verterunt enim, ἐπιβλέψαι, respiciet cum vertendum esset, κατασκευάσει, preparabit. Miserrimam Dei Ecclesiam ante exortos Lutherum & Calvinum, quæ nulla alia translatione quingentis annis vsa est quàm 72 seniorum, hominum adeo linguæ Hebraicæ imperitorum, vt testibus Taylora & Bootio, altero Anglosaxone, altero Batauo, Hebraicè ne legere quidem sciuerint! An mentis compotes erant Apostoli qui solam hanc interpretationem Ecclesiis publicè & priuatim legendam & explicandam tradiderunt? Num Phrenetici Patres omnes qui eam interpretationem ingenti cum miraculo editam vnanimi consensu scripserint, quam homines ἀναλφάβητοι condiderunt? φεῦ τῆς φλυαρίας! Apage te fatuos istos & insulsos homines. Solet S. Hieronymus, solent Iudæi, necnon Hæretici in eiusmodi discrimine lectionis varietatem non lectionis ignorance causari. Quid? ideo ne licebit illis 72 seniores à Iudæorum Principibus cum res eo

rum Hierosolymis florent ad vertenda Biblia electos, tam stolidæ ignorantia accusare, eo quod ex Kimhio tria verba non plura, ex Salomone Iarhi totidem non plura, ex Paraphraste Chaldaeo vnicum Latine reddiderunt?

At leones istos adeo ferocientes ne refugiamus, cominus eos intueamur: Asinos enim suspicor Leonis exuuium indutos; Ab exuuiio emicare mihi videntur auriculæ. Ab iis primùm quæro, quid discriminis est in ea sententia de qua sermo habetur inter hæc, *inspiciet viam ante faciem meam,* & , *preparabit viam ante faciem meam.* Mittitur Nuntius ante regis alicuius aduentum ἔπιβλεψόμενος ὁδόν, itinera inspecturus. Quid est aliud quàm paraturus? Omnes micrologiæ suæ meandros scrutentur, nullum vnquam discriminẽ fingent, quo Interpres vel minutissimi erroris argui possit. Imò Interpretis prudentia maxima, quicquid verbi Hebraici, duplex esset significatio verbum Græcum elegit quod utramque significationem amplecteretur. Quo argumento freti colligunt legisse, *לֵךְ* potius quàm *לֵךְ*? Lector, crimine ab vno disce omnes; disce quàm peritè, & prudenter Septuaginta Interpretes tantæ

nam פִּנָּח, quæ saepe aspiciendi & intuendi significationem habet. id est, cum legendum esset *pinah* legerunt *panah*; & stolidissimus hic error non semel illis contigit, sed sæpissimè. Quamobrem verò? verterunt enim, ἐπιβλέψαι, respiciet cum vertendum esset, κατασκευάσει, preparabit. Miserrimam Dei Ecclesiam ante exortos Lutherum & Calvinum, quæ nulla alia translatione quingentis annis vsa est quàm 72 seniorum, hominum adeo linguæ Hebraicæ imperitorum, vt testibus Taylora & Bootio, altero Anglosaxone, altero Batauo, Hebraicè ne legere quidem sciuerint! An mentis compotes erant Apostoli qui solam hanc interpretationem Ecclesiis publicè & priuatim legendam & explicandam tradiderunt? Num Phrenetici Patres omnes quicam interpretationem ingenti cum miraculo editam vnanimi consensu scripserint, quam homines ἀναλφάβητοι condiderunt? φεῦ τῆς φλυαρίας! Apage te fatuos istos & insulsos homines. Solet S. Hieronymus, solent Iudæi, necnon Hæretici in eiusmodi discrimine lectionis varietatem non lectionis ignorationem causari. Quid? ideone licebit illis 72 seniores à Iudæorum Principibus cum res eo-

rum Hierosolymis florent ad vertenda Biblia electos, tam stolidæ ignorantia accusare, eo quod ex Kimhio tria verba non plura, ex Salomone Iarhi totidem non plura, ex Paraphraste Chaldaeo vnicum Latine reddiderunt?

At leones istos adeo ferocientes ne refugiamus, cominus eos intueamur: Asinos enim suspicor Leonis exuvium indutos; Ab exuvio emicare mihi videntur auriculæ. Ab iis primum quaero, quid discriminis est in ea sententia de qua sermo habetur inter hæc, *inspiciet viam ante faciem meam,* & , *preparabit viam ante faciem meam.* Mittitur Nuntius ante regis alicuius adventum ἑπιβλεψόμενος ὁδόν, itinera inspecturus. Quid est aliud quam paraturus? Omnes micrologiæ suæ meandros scrutentur, nullum unquam discrimē fignent, quo Interpres vel minutissimi erroris argui possit. Imò Interpretis prudentia maxima, qui cum verbi Hebraici, duplex esset significatio verbum Græcum elegit quod utramque significationem amplecteretur. Quo argumento freti colligunt legisse, *הָיָה* potius quàm *הָיָה*? Lector, crimine ab uno disce omnes; disce quàm peritè, & prudenter Septuaginta Interpretes tantæ

stoliditatis accusant. Deinde ita sit, פנה legerint, quum dictio vtramque lectionem ex æquo patiatur, quid erroris commiserunt? Ergo arguendus erroris S. Paulus cap. 11. Epist. ad Hebræos v. 21. qui referens locum ex 47. Genes. v. 31. legit מטה match *virgam*, vbi nunc scribitur מטה mittah, *lectus*. Quanto modestius Beza in hunc locum. *Ego verò fateor Græcos unum idemque vocabulum aliis punctis vocalibus expressisse ut pote, qui מטה match legerint, non מטה mittah, ut scriptum habemus.* Nec aliquid durius hæresiarcha pronuntiat. Innumera sunt eiusmodi, ex quibus, ut qui inter hæreticos docti sunt fatentur, nec mendæ debent accusari Iudæorum codices, nec erroris qui aliter legentes interpretati sunt. Vides igitur rem ita se habere ut suspicabamur, istos scilicet nihil aliud esse quàm asinos personatos, iuxtaque genium suum de asini prospectu, ut dicitur, reuerà cauillatos.

Antequam de hoc errore imaginario finem dicendi faciamus, hoc ipso exemplo quàm rectè in scopum suum colliment, periculum faciemus. Sectione hac 7. sibi proponunt loca enarranda, *in quibus Hebraicam veritatem, non versionem Græcam*

ab ea deflectentem sequuntur ijdem scriptores
 noui Testamenti. En Hebraicam veritatem,
*Ecce mitto Angelum meum, & preparabit
 viam ante faciem meam.* En Græcam ver-
 sionem, *Ecce mitto Angelum meum, & inspi-
 ciet viam ante faciem meam.* Nunc iudica,
 an S. Matthæus Græcam versionem de-
 seruerit, & Hebræum textum secutus fue-
 rit. En S. Matthæi verba, *Ecce ego mitto
 Angelum meum ante faciem tuam, qui præ-
 parabit viam tuam ante te.* Sic in præce-
 dente citatione Hebræus textus, *Non cla-
 mabit, & non נשי, neque audire faciet foris
 vocem suam.* Græca versio, *Non clamabit,
 neque dimittet, nec audietur foris vox eius.*
 Nunc iudica, an S. Matthæus Græcam
 versionem deseruerit, vt Hebraicum se-
 queretur, *Non contendet, neque clamabit,
 neque audiet aliquis vocem eius.* Verbum
 נשי non sumus interpretati, eo quod, &
 dimittet, & clamabit, & alia vt dictum est,
 ex æquo significet. Notandum tamen est,
 נשי, absolutè positum clamorem nun-
 quam significare, sed tantum ratione an-
 tecedentium, & contextus orationis; sed
 dimittere & condonare absolutè sæpe si-
 gnificat. Quapropter quidquid locutuleij
 isti garriant, dictionem Hebraicam ex-

pressiùs hoc loco, *καὶ λέγει* reddit versio Græca, quàm ipse Matthæus. Cognoscis, Lector, velut ex vngue Leonem quàm futilibus & ridiculis argumentis, homines ineptissimi veritatem propugnent. Fate-mur enim Apostolos Hebræum textum à versione Græca dissentientem in citationibus suis nonnunquam secutos; siue quod 70 aliquid mutassent, quod Apostòli tum sequi nollent, siue quod vim textus Hebræi versio non satis exprimeret, siue quod menda aliqua locum illum versionis insedisset, siue quod lectio codicis Hebræi tum Vulgata magis ad eorum scopum faceret, siue aliis de causis id tandem fecerint. Sed paucissimi sunt eiusmodi loci. Vbique enim fere 70 Interpretes sequuntur Apostoli, aut cum ab iis discedunt, ab Hebræo quoque textu secessionem faciunt. Verùm brutorum istorum hominum syllogismi cum id concludunt, ἀσυλλογίστατοι sunt, si vlli vnquam fuerunt.

ELENCHI

ELENCHI SECTIONIS 7.

Pars posterior.

LXX. Interpretes scelestissimè sacrorum codicum falsationis accusari. Prophetia de Christo quas Aduersarij dicunt 70 Seniores peruertisse asseruntur. Critica Masorethica τοῦ מוקדם ומאחר exempla, LXX. & S. Hieronymi interpretationibus illustrata. Quid significet קדם, Quid אחר. Aduersar. arrogantia Gigantæa, ἀρρογαντία, ignorantia impudens, & sacrilega. Præpostera & insulsa versus Græci cum Hebræo comparatio.

HOrrendam temeritatem, & arrogantiam triobolarium istorum hominum planè Gigantæam præterire non possum. Ter ista sectione terræ filij isti Septuaginta Interpretes sacrum textum peruertisse, corrupsisse, indignis modis tractasse blasphemāt. Leonem canes velliant, aquilam infausta cornices. Solent Patres diuinæ prouidentię erga religionem Christianam tribuere, quod 72 illi Seniores regis ethnici precibus persuasi nonnullis ante Christum seculis Iudæorum libros sacros Græcè transtulerint, ne si post

M

Christum natum id fecissent, Christianis nimium fauisse Gentiles crederent. Cum autem opus suum trecentis ante Christum annis absoluerint, ab omni inquit, fauoris & odij suspicione liberrimi sunt. Quem in finem, quæso vos, sacros codices ubi de Christo venturo verba faciunt, peruertissent? Quid in ipsos inde redundabat, lucri, spei, periculi? Aiunt quidem Aquilam, Symmachum, alios Apostatas odio Christianismi aut sectarum à quibus descuerant, in versionibus suis multa peruertisse, sed 70 Interpretes non modo id non fecisse, verum etiam apud omnes esse extra istius facti suspensionem. Ideo si quid apud Hebræos de Iesu Christi diuinitate, aut sanctissima Trinitate clarius quam apud 70 Interpretes enuntiatum deprehendebant, illud vniuersum piis causis tribuebant, vt in Exercitationibus nostris Biblicis multis hoc explicauimus. Soli omnium hominum post nouemdecim secula inuenti sint Taylor & Bootius terræ intestina, & humanæ naturæ retrimenta, qui sanctissimos Interpretes foedissimæ & sceleratissime falsationis criminarentur.

Quibus argumentis ad tantum nefas prouocati sunt, consideremus. Matt. 12.

v. 18. citatur versus 1. cap. 42. Isaïæ. Hunc
versum ita describunt 70 Interpretes, *Ia-
cob puer meus, assumam eum: Israël electus
meus. Suscepit enim anima mea.* Hebræus
textus ut verit S. Hieronymus, *Ecce ser-
uus meus, suscipiam eum: Electus meus. Com-
placuit illi anima mea:* Tota difficultas ver-
titur in additione duarum dictionum *Ia-
cob, & Israël*, quibus fieri videtur, ne ista
prophetia de Christo intelligatur. Mat-
thæus illas dictiones præterit: *Ecce puer
meus, quem elegi, dilectus meus in quo bene
complacui anima mea.* Hinc occasionem na-
cti sic scribunt Aduersarij, *illustrissimam
hanc de Christo Prophetiam planè peruerte-
runt 70, atque ad Israëlitas Dei verba de-
torserunt, vertendo, Ιακωβ ο παῖς μου.* Sed S.
Hieronymus quem citant, nihil tale de 70
Interpretibus suspicatur, licet adnotet
Hebraicam lectionem Christo Iesu magis
fauere. 2. Sequentia manifestè docent
hanc prophetiam de gente Iudaica intel-
ligi non posse, sed de particulari aliqua
persona. Itaque sub nominibus Iacob &
Israël non intelligendam gentem Iudai-
cam, sed Messiam. En locum planè simi-
lem citat Matthæus c. 2. 15. ex Oseæ cap.
11. v. 1. ubi sermo est de Israël, sed figu-

ratè de Christo ab Apostolo intelligitur. *Puer Israël, & dilexi eum; & ex Ægypto vocavi filium meum.* 3. Quid impedit asserere locum istum in versione Græca à Iudæis esse corruptum, cum S. Iustinus Martyr, alique Patres, de similibus versionis Græcæ locis id Iudæis tanta cum fiducia exprobrent. 4. Quid impedit quominus variam fuisse olim textus Hebræi hoc loco lectionem affirmemus: Vnam secutos 70 Interpretes, alteram Matthæum. Denique si locum hunc perverterunt, quamobrem tantum scelus? an gratis sceleratissimi fuerunt, & 72 viri sanctissimi in tantam impietatem nemine eorum refragante consenserunt?

Secundum huius rei argumentum est eiusmodi. Ioan. 19. v. 37. citatur locus ex Zachar. 12. v. 10. *Videbunt in quem transfixerunt:* ita Hebræus textus, & Euangelista, sed 70 Interpretes, *aspicient in me pro eo quod insultauerunt.* De hac varietate sic isti loquuntur, *Qua sanè indigna est, & planè intoleranda nobilissima de passione Domini nostri Iesu Christi prophetia peruersio. Quem in finem 70. hunc locum pervertissent, edisserant.* Iam multis de hac varietate disseruimus, Exercit. Biblica 3. c. 5.

Breuitè dico, 1. Manifestum esse 70. non רקר , sed רקר , in codice suo legisse, quod duabus de causis factu facile fuit. Prima, ob litterarum traiectionem, resch in locum daleth, cuius rei exempla Masorethæ notât in textu Hebræo sexaginta duo, ad cap. 4. v. 4. Ecclesiastæ, ubi similis est traiectio. Est enim in textu, יכרר , *eligitur*, & ad marginem legendum adnotant, יחבר , *coniungetur*. Vt etiam legit & interpretatur Chaldeus Interpres. 70 Interp. & S. Hieronymus dictionem quæ nunc est in margine secuti quoque sunt. Recentiores Interpretes Pagninus, Iunius, & Tremellius textualem vertentes, *cuiusque electo inter omnes viuentes*, &c. vt Pagninus & alij, *uter sit qui eligatur*, &c. Hanc traiectionem vocant Masorethæ in Critica sua, מיקרם ומאוחר , *antertus & posterius*: & similium traiectionum exempla sexaginta duo referunt in magna Masora in seriè litteræ vau.

Sed iuuat paulò fusiùs hæc exempla persequi, vt quanta sit calumniatorum istorum impietas & stupiditas magis innotescat. Ezech. c. 36. v. 14. legitur in textu וניך לא תכשלי עור , & *gentes tuas non facies amplius impingere*. Notant Masorethæ

literis traiectis legendum esse, תשכלי, *orbabis*. 70 lectionem quæ nunc est in textu, aut non habuerunt, aut marginalem prætulerunt, vertunt enim, gentem tuam, ὅρα ἀτεχνώσεις ἔτι, *liberis non orbabis amplius*. Eandem quoque secutus est Chaldæus, לא תתכלין עוד, *non orbabunt amplius*. Sed priorem & textualem lectionem secutus est S. Hieronymus qui vertit, *gentem tuam non necabis ultra*. Hic placuit neotericis Interpretibus, Pagnino, Iunio & Tremellio marginalem lectionem textuali præferre, sed non Ariæ Montano. An ideo falsationis accusabit quis 70 Interpretes, quod in versione sua dictionem non sunt interpretati quæ nunc textum occupat? quin potius totum illud discrimen codicum Hebraicorum varietati imputabit?

Jeremiæ c. 9. v. 8. contrarium observatur, 70 Interpretes, & Chaldæus dictionem textualē ut & S. Hieronymus sequuntur, non marginalem. חץ שוחט לשונם, S. Hieron. *Sagitta vulnerans lingua eorum*. Ita 70 Interpretes, Chaldæus, *Sicut sagitta acuta*. כנר די מחרף, Iunius & Tremellius, *Culter iugulans*. At Masorethæ legendum adnotant שחוט, *extensum*, Pagninus & Arias, *Sagitta extensa*, ita Salo-

mon Iarki, sed Kimhi vtramque lectionem cōmentatur. Sic primo Paralip. c. 27. v. 29. nomen proprium, שטרי, Setrai, Masorethæ dicunt legendum שרטי, Ser-tai, traiectis literis, sed dictionem quæ est in textu imitantur 70 Interpretes & S. Hieronymus. Denique Hieremiæ, cap. 17. v. 23. res aliter contingit: omnes Interpretes dictionem textualem deserunt, & marginalem interpretantur; scribitur in textu שמע, restituant שמע Masorethæ, quæ omnibus placuit, etiam interpreti Chaldæo. Nec mirum, prior enim manifestissimam mendam continet.

Cum igitur exemplis tam multis, & simillimis nitamur, quid impedit quominus dicamus 70 Interpretes in codice suo legisse literis traiectis רקרו *insultauerunt*, non autem רקרו, *transfixerunt*, aut tum temporis codices Hebræos eo loco lectionem duplicem exhibuisse, quarum vnam interpretati sunt Septuaginta, alteram Ioannes Apostolus, & S. Hieronymus. Dices forte, sed hanc non exhibent Masorethæ. Quasi verò omnes quotquot sunt exhibuerint. Post Masorethas Iudæi Orientales collegerunt plusquam ducentas quas Masorethæ aut ignorauerunt, aut

præterierunt. Ante Masorethas multæ & in Talmude, & in antiquis Midraschim, & in tractatu Scribarum occurrunt quas non commemorant. Plurimas quoque adnotant Biblia Veneta quas Masoretharum catalogi non continent. Sed de his nos alibi. Si Masorethæ hanc varietatem omiserunt, non omisit Chaldæus Interp. qui vertit, ויבעון מן קרמי על די אטלטלו, *Et deprecabuntur cum in quem motitarunt, & agitarunt se.* Sanè aliud non legit quam רקדו, salierunt, saltauerunt. Hoc propriè Chaldæis טלטל, vnde Rabbinis מטלטלים bona mobilia. Illa autem motus & agitationis significatio cæterarum huius verbi quæ multæ sunt, basis est, & radix. Nunquam enim significat, vagari, transferre, auellere, dispergere, expellere, sed nunquam transfigere.

Secunda variæ lectionis seu mendæ causa est facilis permutatio literarum ר & ד propter similitudinem, cuius permutationis Iudæi ipsi scribunt in sacro textu innumera exempla, vt hoc libello, & alibi docuimus. De hac varietate sic Drusius in notis ad parallela. Πορρο ἐξερένθησαν, *id est, Daceru*, ἡ ἀπορχήσαντο, *id est, Racedu.* Error ex affinitate literarum Res & Daleth nihil

certius. Hanc mendam vir Græcè & Hebraicè doctus 70 Interpretum impietati acceptam non refert, sed ut faciunt quicunque non furunt, codicum propter literarum affinitatem varietati.

2. Dico, incertum esse quid 70 scripserint : Antiquorum enim codicum alij habent ut adnotatum est, alij utramque lectionem coniungunt. Quod factum esse in hac causa, & fieri posse notat Sixtus Amama in dissertatione de istis varietatibus. *Non dissimulabo tamen, loca quadam, licet admodum pauca, occurrere, in quibus utriusque lectionis in unam versionem conflatio non admodum incommoda videri possit.* Ex Gr. Ps. 22. 17. Chal. vocem כָּאֲרִי reddidit, *momorderunt sicut leo quasi scriptum esset, כָּאֲרִי כָּאֲרִי.* Deinde alia suorum exempla refert qui versionibus suis utramque lectionem inseruerunt. Alij codices tantum, *transfixerunt*, exhibent. Deinde Cyprianus ita legit, & Tertullianus nullam aliam lectionem agnouisse videtur, qui tamen ubique 70. Interpretum versionem sequuntur. 3. Mendam in 70 Interpretes irrepisse quid prohibet dicere? Quis enim nisi fatuus, aut rerum istarum imperitus hoc nunquam contigisse affirmavit? Denique,

vtraque lectio siue Apostolica, siue Græcorum Interpretum non modo pia & sancta est, sed etiam vtraque & contextui Prophetæ, & Passioni Domini nostri Iesu apprimè conuenit, vt res per se manifesta est, & explicat S. Hieronymus in hunc locum, & tractatu de optimo genere interpretandi. Quapropter vt graphicè & integrè non mutilatè Passio Domini nostri per Prophetam depingatur, vtraque lectio coniungenda est. Iudica nunc Lector, an hæc sit intoleranda Prophetiæ peruersio, quæ tot mysteria Passionis Christi ἀπλεῖς complectitur, atque etiam illud generatim quod S. Ioannes de transfixione exprefsit. Hinc manifestum est istis hominibus aduersus omnem antiquitatem odio efferratis non rationem, sed furorem arma ministrasse, eosque ἢ ὡς φροεῖν ἐπεδόν, ἢ κορυβαῖν, vel potius vtroque pathemate præcipites agi & ferri.

Sed nullibi id euidentius apparet quàm in hoc postremo loco, seu potius postrema blasphemia. Comparant, non dicam verum 13. cap. 40. Isaïæ, sed istius versus dictionē vnicam, אִישׁ עֲצָהוּ, *vir consilij eius*, & Iobi 41. v. 2. hæc verba, מִי־הִקְדִּימִנִי וְאֶשְׁלֵם, *Quæpræcessit me, & perficiam*, cum versu

35. cap. 11. ad Romanos, scribuntque de Iobi verbis, *Hunc locum indignis modis tractauerunt Sept. sic vertentes, & δίδωας, ὅτι ἡτοίμασάν μοι.* Nonne times quia mihi paratum est. An sanæ mentis illis superlit vel minima facula, considera Lector. Versus integros ob oculos tuos, representabo, Rom. 11. 35. *Quis enim cognouit sensum Domini? aut quis Consiliarius eius fuit? aut quis prior dedit illi, & retribuetur ei?* Ita loquitur S. Paulus, Isaias autem ubi illum citant, sic scribit, ut Latinè vertunt Iunius & Tremellius Hollandi Doctores. *Quis expendit spiritum Iehoua? ut vir à consiliis ei docuit eum?* Iob verò hoc modo, *Quis præuenit me, & rependam, quidquid subest toti celo, meum est.* Dici non immeritò potest S. Paulum hæc testimonia non citare, nec iuxta Græcos, nec iuxta Hebræos, imò nec iuxta aliquam aliam versionem, aut auctorem sacrum. Nihil enim prorsus eo loco citat Apostolus, sed tantùm in arte proprio loquitur, planèque coniunctus est versus ille 34. cum 33. & 35. in eandem sententiam, & in eundem finem. Quare simili ratione istos versus citationem oporteret esse alicuius Prophetæ cum in 34. versu non magis quàm in illis duobus citationis

mentio fiat. Nego igitur Apostolum eo versu vel loco aliquid citare, quod ex textu primùm apparet, deinde ab experientia probatur. Nec enim si auctoris vnius dictio vna aut altera in periodo forte fortuna cum alterius auctoris antiquioris verbis, eadem aut similis occurrit, ideo statim fingenda est citatio; alioquin omnia citationibus plena essent.

Non inuiti tamen concedimus illis.

Apostolum ad cuiusdam Prophetæ verba alludere. Quisnam ille sit cum non explicet, nec vlla coniectura se alludere aut citare significet, si allusio illa cum libris Prophetarum quos habemus non quadret, ad libros qui perierunt non modo Sanctorum Patrum exemplo, sed etiam hæreticorum & Iudæorum commodè referri potest. Sed tamen eiusmodi allusiones concedere nullo modo necesse est. Verùm alludere concedamus: Prior pars non ad Hebræum textum, sed ad versionem Græcam alludet, cum utrobique non modo sit idem sensus, sed eadem verba; sic 70. *πὺς ἐγνω τοῦ κυρίου, καὶ πὺς αὐτῷ σύμβουλος ἐγένετο.* In posteriori pericope si ad verba Iobi allusit Apostolus, ea Paraphrasticè est interpretatus: nec enim cum 70 Interpretibus,

nec cum Hebræo textu conueniunt. Ut blasphemiam suam fucum facerēt, מִי הִקְדַּמְנִי vertunt, velut verbo tenus, *quis ante dedit mihi*, contra verbi notionem quod dare nunquam significat, nisi contextus orationis præuentionē illam clarioris intelligentiæ causā sic interpretari suadeat. Sic quidem vertit S. Hieronymus, *Quis ante dedit mihi, & reddam ei*. Sed in loco obscuro sensum verbis conformem periphrastice secutus est.

Ego vero plura dico, & demonstrabo, Versionis Græcæ istum hemistichium magis $\pi\rho\lambda\acute{\iota}\sigma\tau\epsilon\rho\alpha$ cum textu Hebræo ut nunc hîc se habet, conuenire, quam sancti Pauli pericope. Omnis difficultas in duarum dictionum explicatione consistit. Prior est verbum קָדַם, quod ut plurimum significat, præuenire, antecedere, præire. Nonnunquam tamen occurrere explicari debet, ut Deuteron. 23. v. 4. לֹא קָדַמוּ אֹתְכֶם לא קדמו אתכם , *Non occurrerunt vobis in pane & aqua*. Sic interpretatur S. Hieronymus eo loco. Septuaginta, $\mu\eta\sigma\omega\sigma\alpha\iota\ \tau\eta\varsigma\sigma\alpha\iota\ \alpha\upsilon\tau\omicron\upsilon\tau\omicron\upsilon\varsigma\ \epsilon\upsilon\mu\iota\alpha\iota$. Sic Iunius & Tremellius; sic Paraphrastes Chaldaeus, $\text{לא ערעו יכון בלחמא}$, ובמא . Sic & Saadias in versione Penta-teuchi Arabica, resque ipsa interpretatio-

nem istam exigit. Eadem est ratio Nehem-
 iæ 13. 2. Sic vertunt 70 Interpretes, S.
 Hieronymus, Iunius & Tremellius. In
 hunc librum nulla est Paraphrasis Chal-
 daica. Item Isaïæ 21. 14. res ipsa id postu-
 lat, sicque vertunt 70 & S. Hieronymus,
Occurrentes sitienti ferte aquam. Qui habi-
tatis terram Austri cum panibus occurrite fu-
gienti, בלחמו קדמו נדר. Kimhi in hunc
locum sic interpretatur, אומר דרך משל
למים שיבאו לקראת צמא כי בני קדר יהיו
גולים ונודדים במדבר ולא ימצאו מים
לשתות וישבי ארץ תימא כשימצאום גולים
ונודדים צריך שיקדמום בלחמם, Hoc dicit
de aquis per modum prouerbij ut eant obuiam
sitienti, Nam filij Cedar migrant & vagan-
tur per desertum, nec inueniunt aquas ad bi-
bendum. Ideo cum incola terra Thema inue-
niunt eos errabundos necesse est ut illis occur-
rant cum pane suo. Præuenire non signifi-
cat, nam ait incolas Cedar iam Arabes in-
uenisse. Denique idem necessario signifi-
cat Amos 9. v. 10. Gladio peribunt omnes
peccatores populi mei, dicentes, לא תניש
ותקדים בערינו הרעה, Non appropinquabit
neque occurret aduersum nos malum. Thar-
gum לא תיתי ותוחי עלנא בישתה, Non ve-

nite neque festinabit aduersum nos malum.
 Ita R. Salomon in hunc locum; Sed Kimhi expressius id explicat, על אותם הטאים שבדורו אמ' הנביא ולא כל החוטאים כי רבים מהם נלו אלא החוטאים שהיו אומרים לא תעש ותקדים בעדינו הרגה שהיו מתאשים מן הפורענות והיו אומרים לא תקרב ותמהר בעדינו הרעה ונעשה כתאות לבינו ואם הבא הרעה לא תבא בעבור מעשינו אלא מקרה הוא בעולם כמו *Hac dicit Propheta de ijs peccatoribus qui eo tempore uiuebant & non de omnibus peccatoribus. Eorum enim multi in captiuitatem abducti fuerant. Sed de peccatoribus qui dicebant, Non appropinquabit, nec occurret nobis malum, & contemnebant retributiones, ideoque dicebant, non appropinquabit, neque festinabit aduersum nos malum, ideo faciemus iuxta desiderium cordis nostri. Quod si ueniat malum, non ueniet propter opera nostra, sed accidens erit quale hominibus solet accidere. Simile est quod dicitur in lege, & ambulaueritis mecum temerè & ex aduerso. Comparat hanc phrasim בערני ותקדים, Kimhi cum ea quæ sæpissime vsurpatur. Leuit. 26. הלך בקרי, ire temerè in alterius occursum, vt*

omnes Interpretes eo loco sic explicant:

Manifestissimum est igitur eleganter
 מי הקריבני, explicari, Quis ibit in occur-
 sum meum, Quis temerè mihi occurreret,
 siue, quis mihi resisteret? temerariam & per-
 uicacem resistantiam significat. Verbi
 שלם; significationes sunt notissimæ: fre-
 quentissima est complere, perficere, absol-
 uere. Visitata, sed minus frequenter retri-
 buere, rependere, salutare, pacem habere.
 Eleganter igitur Iobi hemistichius ille sic
 redditur, Quis aduersum me ibit, & perfici-
 et, siue absoluet, scilicet, opus suum.
 Nunc Septuaginta interpretationem
 compara Lector, *Quis resistet mihi, & susti-
 nebit?* Græcè ὁ ὑπομνῶν, quod eleganter de
 eo qui hostilem impetum sustinet, dicitur.
 Quibus verbis non modo expressius sed
 elegantius verba mentemque Prophetæ
 explicare poterant sancti illi Interpretes?
 S. Paulus τὸν שלם, secundam significatio-
 nem secutus est, cum vertit, *& retribuetur*,
 addiditque sensus causâ, *ei*. Verbi verò
 קדם, priorem significationem cum vertit,
quis prior dedit illi, tacitè subaudiens *dono*,
 vel quid simile. Quis præuenit cum dono;
 hoc est, quis prior dedit illi. Eandem in-
 terpretationem secutus est S. Hierony-
 mus.

mus. Huius igitur hemistichij duplex est & elegans sensus literalis : vnum secuti sunt 70 Interpretes, alterum S.S. Paulus & Hieronymus; sed 70 Interpretes literæ pressius inhæserunt; Paulus & Hieronymus ad periphrasim magis diuerterunt. Quàm exactè verba sensumque reddiderint, 70 ex præcedente hemistichio cuiusdentiushuc apparet; *Quis enim resistere potest vultui meo.* Aut ut illi vertunt, *Quis enim qui mihi ex aduerso steterit? vel quis resistet mihi; & sustinebit?* S. Paulus vsus est duplici personarum enallage, 70 vna, S. Hieronymus nulla. Personarum enallagen vsurpasse videntur Septuaginta, quia וְאֵשׁ, legerunt in hiphil, hoc est, & perficere faciam eum, seu; & sustinere faciam eum, quod ineleganter Græcè & Latine diceretur, sed eleganter, *quis sustinebit?*

In istis hominibus, Lector, quid nunc magis mirère, an ignorantiam, an impudentiam? Ignorantissimi sanè sunt, ut tot argumenta demonstrant: Vix enim garruli homines de rebus paulò reconditis aliquid pronuntiare possunt, quin fere tot euomant ignorantie monstra, quot verba, sed ignorantiam longè superant temeritas & impudentia. Viros sanctissimos & inte-

gerrimos quos hætenus nulli Iudæi, nulli Hæretici criminis accusarunt, præuagationis & sacrorum codicum adulterationis reos agunt Taylor & Bootius omnium bipedum & quadrupedum impudentissimi. Qui Septuaginta istis senioribus infensissimi fuerunt, erroris & ignorantiae eorum versionem insimularunt, sed bilis suæ acorem ultra non sunt eiaculari. Alij non personas, sed versionem tantum vellicarunt; Versionem olim fidam & integram fuisse, nunc Hæreticorum fraude, & temporum iniuria passim esse mendosam, adulteratam, lacunosam. Nunc primum post bis mille fere annos exorti sunt homines *ῥωμολοχοὶ* qui sacra, prophanaque fuscque deque habentes os in cælum ponunt, & sacrilegè aperiunt, ut illius incolas & fulgentissima sidera blasphemiiis, sed in ipsorum caput ruituris, conspuant.

Quibus argumentis freti tanta verborum scelera deblaterarunt, audisti Lector; quàm caduca, quàm futilia, quàm nulla fuerint, vidisti. Antequam tamen de hac impietate finem dicendi faciam, alijs stolidissimæ, & ignorantissimæ hallucinationis te admonebo. *Hunc locum*, inquiunt Iob 41. 2. *indignis modis tractauerunt Sept. sic*

vertentes, Οὐ δίδωξας, ὅτι ἡτοιμασάμην μοι.
Nonne times, quia mihi paratum est. ὁ in-
 fultam versuum comparationem. Ista 70
 Interpretum verba non sunt interpretatio
 versus 2. cap. 41. sed prioris hemistichij ver-
 sus primi. Sequitur enim iuxta Pagnini
 versionem, *Et quis est qui coram me stet?* Et
 iuxta versionem Græcam, *quis enim qui*
mihi ex aduerso steterit? Deinde sequitur
 versus secundus iuxta Pagninum, *Quis*
præcessit me & perficiam, quod est sub omni cæ-
lo meum est. Iuxta 70. *vel quis resistet mihi,*
& sustinebit, si uniuersa quæ sub cælo mea est,
 subaudiunt terram. Discriminis quod est
 in priori pericope ratio reddita est. Hæc
 sunt verba quæ secundo versui respon-
 dent, non quæ retulistis. Cuius rei vos ad-
 monere poterat editio Parisiensis, cui nota
 2. versus apposita est. Eos fefellit initium
 capitis, quod ab ultimo versu præcedentis
 capitis iuxta Hebraicum, incipit. Accidit
 hoc, ut opinor, quod verba ista vix cum
 versu 28. cap. 40. conuenire videantur.
 Hebraismi igitur tyrunculi ultimum ver-
 sum præcedentis capitis quia initium du-
 cit in editione Romana capitis sequentis,
 compararunt cum primo versu cap. 41 iux-
 ta Hebraicum, & consequenter primum

cum secundo, & secundum cum tertio. Quàm temeraria est istorum hominum ignorantia ! Verba Hebræa cum Græcis & Latinis conferre nequeunt; & 72 Seniores Iudæos quibus Hebræa dialectus erat vernacula, erroris accusare audent homines Septentrionales ! Sic Atini horrendum

----- *strident Aquilone rudentes.*

Si quis interroget, Vnde ergo Septuaginta desumpserunt hæc verba, *Non timuisti quia paratus est mihi*, Hebraica verba paulò attentius consideranti, facilis responsio. Interpretatio sunt iuxta versuum & dictionum ordinem, istorum, **לֹא אֶכֶזְרִי בִּי יְעִירֵנִי**. Quæ S. Hieronymus sic vertit, *Non quasi crudelis suscitabo eum*. Pagninus pressius ad neotericum textum, *Non est fortis qui suscitetur eum*. Vix minus accuratè sensum verborum istorum reddit versio Græca. **אֶכֶזְרִי**, rem terribilem, & horrendam significat, & consequenter etiam crudelem pro materia subiecta. Radix autem **עִיר**, non modo excitare & euigilare, sed etiam, suscitare, restaurare, reficere, vt ex Dictionariis manifestum est. Sensus igitur est, *Num timendum tibi quod instaurauerit eum*, vel, *suscitauerit eum*, scilicet, Deus.

Cui propositioni est planè ἰσοδυναμοῦσα hæc, *Non timuisti, quia paratus est mihi.* Hæc Septuaginta Interpretum occasione dicta sunt. Non est enim nobis animus camarinam istam, ἡ μωρμυρία commouere, & istorum hominum ἀκρίβειας, ἀπορίας, & innumera supinæ ignorantie portenta quæ passim in istis testimoniorum collationibus occurrunt, propalam edere. Ex τῷ χειρῶν, ut dicitur, οὐκ ἔστι τῷ ὑπάματι; iudicium ferto. Cum enim in iis omnibus nulla sit mica salis, & præfationem nostram non attingant, sed ab ea toto cælo aberrent, nec est, nec esse debet nobis curæ quid friuoli homines ineptiant.

SECTIONIS 8. ELENCHVS.

Loci in Hebraeo à nobis corruptela notati longè, plurium specimina sunt. Ex ijs rectè colligi non potest textum Hebraum esse corruptum, sed rectè ad Hebraum textum solum versiones antiquas non esse exigendas. Assertio sinceritatis loci famosi in Ps. 39. confutatur. Aduersar. strophæ perpetua, blasphemia in 70 Interpretes, mens lingua ἡλεγκτική. Catalogorum iocularis ὀπρῆμα.

INitio sectionis ex testimoniorum catalogo ratiocinationem collegerunt, cu-

ius vim excussimus sectione præcedente. Deinde bifida hinc argumentatione in nos insurgunt. *Siue de pauculis testimonijs ferenda est sententia contra ipsorum codicum vniuersitatem ita vt absolutè pro corruptis habenda sint illa volumina in quibus nonnulla extant quæ non satis conueniunt cum allegationibus in N. T. factis, cum Hebrais libris condemnandi pariter sunt & Græci.* Consequentiam admittimus lubentes: Sed hoc absurdum nunquam nobis venit in mentem vt ex paucis illis testimoniis codices Hebræos pronuntiaremus, vel omninò corruptos, vel absolutè corruptos, vt iam multis testati sumus, nec nobis vllum verbum excidit quo id probari possit. Per-
gunt, *Siue hoc examen non vltèrius quàm ad ipsos locos citatos pertinet, Non hîc quidem peius agitur cum Hebraica veritate, quàm cum Græca versione.* Ex allatis corruptis testimoniis nec mens nostra fuit vniuersos codices Hebræos corruptionis accusare, nec in illis quæ attulimus testimoniis subsistere, quasi mendarum vlcus ultra non se diffudisset, aut diffundere posset.

Præfatio nostra hoc eidentissimè docet numeris 40. 41. 42. vbi Eliam Leui-

tam 848. lectionum varietates enumerare scripsimus : RR. Præterea Kimhium & Mosén filium Maimonis aliosque in eundem finem retulimus. Sed egregiis istis scriptoribus quibus ex fulgore fumum dare solemne est, sic semper rhetoricari lubet. Verùm mens nostra fuit ex illis testimoniis velut ex stipula demonstrare codices Hebræos non esse prorsus integros, sed eorum Scribas non secus ac Græci, aut Latini nonnunquam scribendo *ωδὴν ἀφαιρῶν*; atque ideo ut in notatis locis corrupti sunt, sic & in aliis id contingere potuisse. Itaque perperam omnes hæreticos facere qui vulgatam Ecclesiæ versionem ubicunque ab Hebræo differt, aut corruptelæ arguunt, aut ipsius autorem, erroris. Si enim Hebræus textus, ut nunc se habet, multis locis conuincitur vitiosus esse, manifestum est ipsum solum, ut nunc se habet, omnium antiquarum interpretationum regulam esse non posse, nec eas ad illius libellam & præscriptum esse ubique dirigendas & exigendas. Imò ulterius manifestè sequitur ipsum Hebræum textum meritò nonnunquam ex ipsis antiquis interpretationibus corrigi posse. De novis interpretationibus aliud est iudicium.

cum ex Hebræo textu ut nunc extat de-
promptæ sint. Duplicis istius consequen-
tis demonstratio mens fuit nostra prima-
ria, imò solus & vnicus scopus non modo
in præfatione illa, sed etiam in aliis quæ
de Hebræi textus mendis & corruptelis
scripsimus. Sapius in scriptis scopum no-
strum euidentissimè expressimus : sed
nescio quis præceps furor quo semper
aguntur, eorum oculos sic excæcauit,
ut quod legunt non videant : aut hoc
malignè dissimularunt, ut effrænatus
caninæ suæ loquacitati habenas laxa-
rent, *ὡς τῷ σκότῳ*, ut dicitur, *ὁρχούμενοι*.
Addunt, *non hic peius agi cum Hebraica
veritate, quàm cum Græca versione*. Istam
comparationem nunquam instituimus,
Mendas plurimas Hebræum textum in-
uasisse scripsimus : An plures an pauciores
Græcam versionem inuascerint nunquam
vel verbulo innuimus.

Iterùm blasphemiam suam in 70 Inter-
pretes euomunt, *Diuersas*, inquiunt, *illu-
strissimas de Christo Iesu Prophetias planè
peruerterunt Sept. quas propterea non ex ipsis,
sed ex Hebraica veritate allegant Apostoli &
Euangelista*. Hoc vnum nunc illis respon-
debo quod olim aliquis Catonem ebris-

tatis accusanti respondit; facilius ebrietatem persuadebis esse virtutem quàm Caronem ebriosum. Idem illis responsum esto, facilius ea loca quæ in 7º Interpretibus adulterationis insimulant sincera esse persuadebunt, quàm 7º Interpretes adulteratores. Ut axiomati suo colorem aliquem inducant homines ignarissimi illud effato absurdissimo fulciunt, quod & experientia teste, & suorum suffragiis evidentissimæ falsitatis convincitur, Nimirum, in iis testimoniis ubi Græcum textum non Hebraicum Apostoli sequuntur nullum reperiri posse, *in quo aliquid plus aut expressius de Christo dicatur, quàm in Hebraica veritate.* Si sincerum amicum isti sinceritatis Hebraicæ zelotypi nacti fuissent, hoc antiquum monitum eorum auribus sæpius ingeminasset,

Quam quisquis norit artem in hac se exerceat.

Hanc artem nunquam didicistis; humeri vestri his armis parës non sunt, eorum usum non habetis: diu discite quod eloquamini. De istius propositionis temeritate iam verba fecimus prioris partis c. ii. fusiùsque de ea dicemus in conclusione Diatribes nostræ. Nunc locum ab iis quo

id probent, electum examinemus.

Hic solum sectione aliquid præstant eorum quæ toto libro sibi proposuerunt agenda. Ante hanc sectionem & post eam extra oleas semper vagantur, neque cælum neque terram attingunt. Hic semel tantum scopum suum ut sphaera planum in unico scilicet puncto feriunt: Quam dextrè, examinemus. Ut propositionem suam confirment ex multis locis quos in præfatione nostra obieceramus, unicum opponunt sibi Psal. scilicet 39. aut 40. versus 7. 8. quos citat Apostolus cap. 10. Epist. ad Hebræos. Verba quibus hæret difficultas hæc sunt, sic refert Apostolus, *corpus autem adaptasti mihi*, Hebraicè autem nunc legitur, *Aures autem fodisti mihi*. Dixeram in præfatione nu. 29. argumentationem Apostoli qua colligit, voluntaria corporis Christi oblatione nos esse sanctificatos, si iuxta verba Hebraica perpendatur penitus labefactari. Illi verò contendunt non modo non labefactari, sed *iis validius & apertius confirmari quam iis qua 70 pro illis reposuerunt*. Sic assumunt, *Verba illa corpus adaptasti mihi nihil amplius significant, nisi Christi εὐσποπνῶν, & assumptionem naturæ humanæ, in qua seipsum pro sacrificio obla-*

turus esset. Ast illa aures forasti mihi, præterquam tantundem indicant, insuper etiam adsignificant perfectissimam Christi obedientiam quæ & in illa psalmi parte præcipuè inculcatur, quod vel v. 9. docet, facere voluntatem tuam Deus mi concupiui, & Apostolicæ demonstrationis unicum est fundamentum. Itaque solutionis ipsorum duo sunt fundamenta: Prius, verba Psalmi ut ea refert Apostolus non magis Christi Incarnationem significare, quàm ut in Hebraico loquuntur. Posterius, Apostolicæ demonstrationis unicum fundamentum esse ea verba quæ obedientiam Christi significant.

Ante omnia ipsos rogo, si validiùs & apertiùs verba Hebraica demonstrationem Apostolicam confirmant, quamobrem Apostolus cum Hebræis agens Psalmographi verba iuxta 70 Interpretes citavit, non iuxta Hebraicum, si modo, ut isti tam peruiaciter contendunt, aliter tum in Hebraico non legebatur, quàm nunc legitur? relege in eundem finem quæ prioris partis c. 11. ex Iunio adnotata sunt. Deinde si peruerterunt 70 Psalmographi verba, atque ex clavis & perspicuis obscura & perplexa reddiderunt, quamobrem Apostolus ea referendo pristino nitore non

restituit? Denique quomodo constare potest id quod paucis antea verbis dixerant, Apostolos Hebraicam veritatem non 70. textum allegare vbi aliquid in Hebræo textu peruerterant?

Sed duo ipsorum fundamenta examinemus; Vix enim vnquam aliquis contra manifestissimam veritatem, atque vt ita dicam, contra solem ipsum impudentius oblocutus est. Volunt hæc verba, *aures perforasti mihi*, incarnationem Christi ex æquo cum istis, *corpus aptasti mihi* indicare. Ipsorum ratio est, *ista enim phrasis nisi de homine dici non potest*. Egregia ratio. Quidquid de solo homine dici potest ex æquo Christi incarnationem significat cum his verbis, *corpus aptasti mihi*. Ritus de solo homine dicitur, ergo incarnationem Christi ex æquo cum his verbis significat. Præterea fallissima ratio. Phrasis illa de Angelis dici potest quibus scriptura manus, brachia, vocem, cum hominibus sermocinationem perpetuò attribuit, & quod hîc maximè considerandum, perfectissimam Deo obedientiam. Quapropter cum phrasis illa de homine ipso intellecta, sit prorsus metaphorica, quidni & eâdem metaphora de Angelo ex æquo dici possit. Demon-

strant verò de solo homine phrasim istam enuntiari posse. Nam inquirunt, *apertè minorem se Deo facit, qui hæc loquitur*. Infulsè. Nūquid Angelus Deo minor non est? Sed Ariano quid respondebunt asserenti hoc de incarnatione Domini nostri non esse explicandum? An Christum fateri reformidabit Patre minorem? Quid aliis multis hæreticis qui sacrosanctam Iesu Christi *ἐνανθρώπησιν* blasphemant? Quid denique Iudæis aduersantibus respondebunt? Eorum enim hîc potissimum est habenda ratio. Illi Messie incarnationem & diuinitatem non modo negant, sed etiam purum putum hominem futurum, at maximum Prophetam prædicabant, atque etiam nunc prædicant. Aduersus eos ex his Psalmi 39. verbis iuxta 70 editionem, *hostiam & oblationem noluisti, corpus autem aptasti mihi, &c.* probat Apostolus *ἐνανθρώπησιν* filij Dei necessitatem, vt abrogatis sacrificiis Leuiticis corpus suum Deo Patri in sacrificium consecraret, validissimo, vt vides, argumento: Euidenter enim Messiam ante corporis assumptionem apud Patrem extitisse conuincunt, corpusque vt illud in sacrificium offerret, assumpsisse, quod posterius infra pluribus explicabitur. Si

verò legas, vt fert textus Hebræus, *Aures autem perforasti mihi*, Messia ante *ἐκείνου* subsistentis necessitas ex hoc loco prorsus euanescit, cum hæc verba de quolibet homine pio nedum de Propheta dici possint. Deinde tota ruit argumenti Apostolici moles qui Messiam hominem factum probat hoc loco, non vt ibi subsistat, sed vt hinc corporis Messia in sacrificium oblationem qua cessant omnia Leuitica, demonstret. Sed textus Hebraici verba, vt palam est, minus adhuc ad verum sacrificium quàm ad incarnationem pertinere possunt, cum solam, vt ipsi fatentur, Deo præstandam obedientiam demonstrent infra de hoc argumento.

Aduersus Iudæos, & eos Hæreticos qui Christi incarnationem negant, argumentum ex hoc loco iuxta Lectionem Hebraicam petiitum dixi nihil prorsus colligere. Nam si quis hoc religionis Christianæ mysterium confiteatur, licet ad id ex huius loci verbis adigi non possit, facile tamen ex religionis affectione per, *aures*, synecdochicè totum corpus esse intelligendum fatebitur, vt nonnulli Commentatores lectionem S. Pauli cum Hebraica conciliaturi interpretantur. Quanquam enim hæc

lectio instituto Apostolico eo loco per se non conueniat, sancta tamen est, & pia, & ad eam quam Apostolus expressit, tropicè quodammodo referri potest. Tropus autem necessario duplex inest huic phrasi de Christo hoc loco enuntiata, synecdoche qua aures pro toto corpore sumuntur; & metaphora qua aures forare pro obedientia. Virum quemcumque cordatum, cuius mens furore, aut alia animi impotentia turbata non est, interrogo, Num argumenti ex propria atque ex figurata locutione petiti idem sit robur, eadem consequentiæ necessitas? Num ex æquo Domini Iesu incarnationem significant, & sacrificium Corporis Christi taurorum sacrificiis opponant hæc dux propositiones, *Hostiam & oblationem noluisti: corpus autem ap-
tasti mihi, Et, Hostiam & oblationem nolui-
sti, aures autem forasti mihi.* Vides, Lector, quo iure mihi insultent. Nam quæ de loco Psalmi 40. gannit Marinus nihil aliud nisi stulticiam eius ac vecordiam produnt. & paulò post, *Hæc, inquam, ut omnia Morini ma-
nifestissima atque impudentissima falsitate laborant.*

Denique falsum est phrasin illam, ut Hebraicè nunc legitur, de diuinitate in-

telligi non posse. *Ista, inquit, phrasis nisi de homine dici non potest; neque in diuinitatem ullo modo quadrat, &c.* Verbum enim כרה quod exhibet Iudæorum textus, homonymum est. Fodere quidem significat, & forare, sed etiam sæpe, emere, comparare, præparare, ut videre est, Genes. 50. 5. Deuteron. 2. 6. 4. Reg. 6. 23. 2. Paralipom. 16. 14. Iob 40. 25. Osee 3. 2. Si, quis igitur interpretetur, *aures autem comparasti mihi*, vel *præparasti mihi*, hoc est, Hostiam & oblationem noluisti, Pater, sed fecisti ut obedientia mihi præstaretur. Tunc dixi, Ecce venio, &c. Quid impedit quo minus hæc de Christi diuinitate ἀρωποπαῖς intelligantur? Omnia & sensui & verbis textus appositè quadrant, nec ulla est incarnationis mentio siue metaphoricè, siue synecdochicè. hoc intelligas; multò minus si propriè. Hanc interpretationē respexisse videtur S. Hieronymus in vulgata Psalmorū versione quum sic vertit, *Aures autem perfecisti mihi*. In Scriptura autem aures Deo passim tribuuntur, & aures, auditusque obedientiam significant. De hac כרה, דא significatione ita Iunius 1. 3. parallel. *Si quis illius verbi, quod perfodere vel perforare exponitur vulgò, hanc neget esse significat.*

significationem aptare, comparare, & similia, is se imperitum Hebrææ linguæ demonstraturus est.

Alterum solutionis eorum fundamentum excutiamus: volunt vim omnem demonstrationis Apostolicæ in verbis obedientiam Christi significantibus inhærere. Quo iacto fundamento priori sanè non erat opus. Vt sententiam suam demonstrarent, textum integrum primò Græcè, deinde Latinè referunt. Sed procul dubio cum ista scripserunt, iis contingit istud Platicum in Theæteto ex Euripide, ἡ μὲν αὐτῶν γλῶττα ἀλέγκτος κῆ, ἡ δὲ φρεὶ ὄν ἀλέγκτος. Procacissimæ igitur stultitiæ eorum linguam, verbaque conuincamus.

Scripsimus in præfatione nostra Apostoli mentem fuisse ex hoc loco demonstrare nos volūtaria corporis Christi oblatione fuisse sanctificatos. Itaque duo demonstrat ibi Apostolus, & oblationem corporis Christi efficacem fuisse, non autem sacrificia Iudaica, & oblatione illa summam Deo Patri obedientiam præstitisse, hoc est, voluntariam fuisse: sed ea verba, ut nunc in Hebræo textu leguntur, de Christi sacrificio nullam faciunt men-

tionem, quod tamen potissimum sibi proponebat Apostolus. Non est igitur idem nunc Hebraeus textus eo loco, qui erat cum scribebat Apostolus. Aduersarij contendunt eo loco de sacrificio corporis Christi nihil prorsus agere Apostolum, sed obedientem Patri Christum fuisse sibi tantum demonstrandum proponere. Nemo dubitare potest praeceptum Apostoli scopum tota Epistola fuisse, omnia sacrificia Leuitica vnico Iesu Christi sacrificio fuisse completa & consummata; Illa tantum huius vmbram fuisse & figuram. Idem capite nono asseruit, & multis verbis repetit Apostolus eo capite quod est nobis prae manibus, legem bonorum vmbram fuisse, hostias quotannis offerri solitas, eo quod conscientias mundare non possent, *Impossibile enim, inquit, sanguine taurorum & hircorum auferri peccata.* Hinc Apostolus sacrificij Christi necessitatem aduersus sacrificia Leuitica ex Psal. 39. demonstraturus immediatè praecedentibus verba de quibus disputamus subiungit, *Ideo ingrediens mundum dicit, Hostiam, & oblationem noluisti; corpus autem aptasti mihi.* Quam hostiam Deus noluisse dicitur? sanè Leuiticam, de qua quatuor immédia-

tē præcedentes versus loquuntur. Nam aut Leuiticam intelligit, aut Iesu Christi. Posterius dicere nefas est; Ergo prius ascendendum. Deinde quò refertur, *ideo*, nonne ad antecedentia. Quia scilicet sacrificia umbra sunt, *nunquam possunt accedentes perfectos facere*, &c. Ideo ista noluit Deus, sed corpus Christo aptauit, quo posset veram & perfectam oblationem Deo Patri offerre, summa obedientia & gratitudine corpus quod à Deo acceperat Deo in sacrificium offerens. Nam ut argumentatur Apostolus eadem Epistola c. 8. 3. *Omnis Pontifex ad offerendum munera & hostias constituitur. Vnde necesse est & hunc habere aliquid quod offerat.* Quid autem illud est? Explicat Apostolus corpus quod illi Deus aptauit, Hircorum & Taurorum loco offerendum. Opponitur igitur hîc sacrificium Christi Leuiticis sacrificiis.

Ea quæ sequuntur id magis ac magis demonstrant. *Holocausta pro peccato non tibi placuerunt. Tunc dixi, Ecce venio, incipite libri scriptum est de me, ut faciam Deus voluntatem tuam.* Quæ est illa Dei voluntas respectu Christi quæ sacrificiis Leuiticis opponitur, illaque abrogat? quam Deus repudiatis antiquis sacrificiis gratif-

simam habuit? Voluntaria corporis Christi pro nobis in sacrificium oblatio. Ioan. 10. *Sicut nouit me Pater, & ego agnosco Patrem, & animam meam pono pro ouibus meis, &c. Propterea me diligit Pater, quia ego pono animam meam, &c. Hoc mandatum accepi à Patre meo.* Hæc est voluntas Patris & laus Domini nostri ἀλάλτος quæ præcipuè commendatur, Isa. 53. *Oblatus est quia ipse voluit, & non aperuit os suum, &c. Si posuerit pro peccato animam suam, videbit semen longæuum, &c. Fortium diuidet spolia pro eo quod tradidit in mortem animam suam.* Quid verbis Pauli 2. cap. Epist. ad Philipp. *Humiliauit semetipsum factus obediens usque ad mortem, mortem autem crucis, Propter quod & Deus exaltauit illum, &c.* Illa igitur Dei voluntas, est qua Deus Filium suum mori voluit. Obedientia illa Christi est, qua corpus quod illi traditum fuerat iuxta Dei voluntatem in sacrificium pro nobis obtulit.

Verùm quid opus aliunde huius rei testimonium quærere cum in eo ipso loco comparisonis redditio, & testimonij applicatio id meridiana luce multò clarius explicent, En verba immediatè sequentia, *Superius dicens, Quia hostias & oblationes,*

& holocausta pro peccato noluiſti, nec placita ſunt tibi, qua ſecundum legem offeruntur, tunc dixi, Ecce venio ut faciam Deus voluntatem tuam. Redditio igitur & loci allati applicatio, eſt oppoſitio hoſtiarum Leuiticarum voluntati Dei, & earum abrogatio. Sed id quod ſacrificia Leuitica abrogat, eſt Chriſti ſacrificiū. Succedit in textu, *auferit primum ut ſequens ſtatuat*, primum, ſcilicet teſtamentum, & ſacrificium Leuiticum, quod ſæpius ſic vocatur capite præcedente v. i. 6. 15. 18. ut ſequens ſtatuat, ſacrificium ſcilicet corporis Chriſti, in quo & per quod nouum teſtamentum ſtabilitum eſt. Itaque nihil aliud hîc ſignificat, aut ſignificare poteſt voluntas illa Dei & Chriſti obedientia quàm crucis ſacrificium; nec ſermo hîc fit de obedientia Chriſti, niſi qua ſacrificium illud reſpicit. Quid verbis explicantibus opus eſt, cum ea quæ immediatè ſequuntur omni explicatione clariora ſint, *In qua voluntate ſanctificati ſumus per oblationem corporis Ieſu Chriſti ſemel.* Semel adiicit, ut opponat iis quæ initio capitis cum de hac materia dicere orſus eſt, ſcripſerat, ſacrificia Leuitica propter ſui imperfectionem ſæpius offerri oportuiſſe. Id quod iterum verbis im-

mediatè sequentibus reperit, vt & redditionem quam contendimus, *Et omnis quidem Sacerdos præsto est quotidie ministrans, & easdem sæpe offerens hostias, quæ nunquam possunt auferre peccata. Hic autem vnâ pro peccatis offerens hostiam, in sempiternum sedet in dextera Dei.* Quæ eodem modo dixit & applicuit toto capite præcedente, & præfertim in fine v. 25. 26. 27. 28. & hîc repetit, nouoque argumento probat ex Psalmo 39. petito.

Vides igitur Lector quàm falsò dixerint, *In hisce verbis Christi obedientiam significantibus totum demonstrationis illic à se instituta robur cubare*, & consequenter lectione Hebræa argumenti Apostolici hoc loco aciem prorsus esse hæberatam. Vnas suæ absurditati suppetias quærunt ex v. 5. cap. 50. Isaia, *Dominus Deus aperuit mihi aurem, ego autem non contradico, retrorsum non abij.* Non negamus aperire aurem, & aures fodere obedientiam significare. Sed dicimus Apostolum crucis obedientiam ex Psalmo 39. probare, in quo si corporis nomen cum dictione *aures*, commutes, nulla crucis supererit mentio. Solet autem Scriptura cum de obedientia Domini nostri Iesu Christi verba facit corpus in cruce

oblatum semper commemorare, ut vel eo ipso loco quem produnt; sequitur enim apud Isaiam v. 6. *Corpus meum dedi percutientibus, & genas meas vellentibus, faciem meam non auerti ab increpantibus, & conspuentibus in me.*

Eadem omnino est Iunij in parallelis sententia. Res ait rebus & actiones actionibus opponi. *Rerum inter se oppositio hac est, sacrificium & oblationem Deum noluisse, sed tantum voluisse, & acceptum habuisse seruum suum cui aptauit corpus, ut convenientes actiones voluntati Dei in eo perficeret. Actionum oppositio fit consimiliter, quum holocausta quidem & hostias pro peccato fuisse oblatas ostendit Christus; sed inani & irrita effectu, ac propterea Christum videntem ut legis impotentia nihil potest in carne, se ipsum in suo illo corpore, quod per spiritum ipsi aptauit Pater, simile carni peccati stitisse coram Deo & Patre ut in eodem suo corpore faceret voluntatem Dei, id est, suum illud corpus vel carnem exhiberet, in qua condemnaretur peccatum nostrum, & nos in perpetuum sanctificaremur unica oblatione illius.* Paulò post idem alio modo explicat. Scribit in Psalmo membra duo à Dauide prædicari, subiectum & prædicatum. Subiectum esse personam Christi

qui corpus sibi assumpsit in vnitatem personæ ut per illud nos à maledictione redimeret. Prædicatum, quod illa persona Patri ultro se stiterit ad perficiendum in æternum voluntatem ipsius, ut olim seruis ad constantiæ argumentum auris fibula pertundebatur. Sed Apostolum de priori membro agere non de posteriore duabus de causis, *tum quia membrum illud prius ad hunc locum & argumentum propriè pertinet, alterum non item: quandoquidem hîc præcipue agitur antithesis rerum quæ offerebantur in lege, & sacrificij quod Christus obtulit in hæc temporum plenitudine, &c.* Ait hanc interpretationem bonis omnibus & minime *φιλοσένοις* satisfacturam. Nunc ad obiectionem quod Hebraicè legatur *aures*, ait synecdochicè corpus humanum significari, Sed ex rationibus euidentissimis iam allatis manifestum est argumentum Apostolicum ista dictionis mutatione prorsus debilitari. Licet enim hæc synecdoche Fideli & incarnationis crucisque mysterium credenti satisfacere possit, Adversario tamen & præsertim Iudæo fluxum semper & prorsus caducum videbitur argumentum; imò videbitur illi Apostolus imponere velle, si tunc ut nunc, aliter hæ-

buit textus Hebraeus quàm Euangelicus, quum validum opponat argumentum dictione *corpus* substituendo, quod inspecto textu Hebræo statim redditur infirmum.

Ex tot argumentis quæ ad sententiæ nostræ confirmationem in illa præfatione protuleramus, tamque variis rebus de quibus ad eam illustrandam disserueramus hunc vnum locum elegerunt, quem suis testimoniorum catalogis *καὶ ὁμιλίαις* immersum tantisper exagitarent. Itaque exhibilata insulsissima responsione nihil amplius ad vniuersi operis nugacissimorum hominum refutationem nobis superest; nisi forsan trium istorum verborum expressio, mentimini impudentissimi sycophantæ; cum hoc loco excepto ea nobis semper imputent, quæ vbique non modo euidentissimè pernegauimus, sed etiam quæ asserere aut absurdum, aut omnino fatuum semper existimauimus. Ipsorum tamen catalogos, vt cœptum est, persequemur; jocularis est eorum disputatio. Homines enim illiterati opinionum nescio quæ portenta sibi finxerunt, deinde cum iis non modo ignarissimè, sed etiam joculariter prorsus depugnant. Nudas enim ieiunas & aridas testimoniorum ci-

tationes sibi inuicem opponunt, comparant, decussant distribuunt, distributas iterum in partes diuidunt, diuisas minutissimè dissecant, dissectas ἐπαλήλως, χαλ-
 λήλως, ἀχαπαλήλως, ἐναλλάττουσι, ἀλ-
 λάττουσι, ἀντιἀλλάττουσι, atque eiusmodi parallaxibus non quidem cœlestibus, sed magna ex parte phantasticis, nugatoriis, & crassissima linguæ Hebraicæ ignorantia perfusis magnum operæpretium se fecisse arbitrantur. Sese digito monstrari volunt, festiui homines, & dicier hi sunt, eo quod Latinè balbutientes Græcè citationes illas exscribere potuerunt, & nonnunquam Hebraicè.

SECTIONIS 9. ELENCHVS,

*Putida Aduers. Lycophantia, labor
 insanus.*

HAc sectione noua catalogorum genera sibi proponunt componenda. Quem in finem? ut tantò magis appareat Morini infinita stoliditas ac dementia exigentis absolutissimam omnium Hebraica veritatis verborum concordiam cum iisdem citationibus, & immensa atque sacrilega audacia eam de vitio ac corruptela infamantis,

quia hoc non ubique fiat. Quàm effrænis & putida sit hæc calumnia sæpius iam & demonstrauiamus, & protestati sumus. Imò infinitè stolidos & dementes eos esse oportet, qui tam stultam sententiam homini non dementi imponunt. Quis enim nisi planè demens sententiam quam oppugnant, asseruit vnquam? Quod si planè dementis sententia hæc est, vt reuera est, quàm importunè stolidos & dementes eos esse oportet, qui tam operosè librum conscribunt, vt eam sententiam oppugnent quam solis cachinnis vir cordatus explosisset. Hac sycophantia conuitiis exaggerata iterum ad catalogos suos reuertuntur, & sequentium seriem ita disponunt. *Dupliciter, inquit, dissepiscuntur hæc, quæ nunc proposituri sumus testimonia; ita vt in nonnullis omnes tres Textus, Hebraicus, Græca versio, & scriptores noui fæderis inuicem distordent verbis: in aliis verò quorum longè maior est numerus, Hebraicus textus, & Græca versio vnanimè inter se consentiant, Nono Testamento ab iis variante.* Deinde nouas sectiones inchoant.

SECTIONIS IO. ELENCHVS.

Irritus conatus, λεπτολογήματα, ineptia.

PRæcedentis diuisionis prius membrum hac sectione probant longo testimoniorum catalogo. Thesim siue rem ipsam admodum lubentes amplexamur: Consequens etiam non inficiamur: Hinc scilicet probari, mendas & corruptelas in Græcam versionem, si ipsis ita libuerit, irreplisse. Imò si mihi credere volunt, mendas in illos tres textus incidisse hinc colligi posse non horrebunt affirmare. Eligant quod libuerit, An vnum textum, an duos, an tres mendæ inuaserint, omnia concedo. Nunquam, vel verbulum scripsi quod huic optioni repugnet. Si huic assertioni subest aliquis scrupulus, is maximè Græcum textum N. T. spectat. Sed nunquam suis catalogis peruenire poterunt ad centesimam mendarum partem quas Beza ex variis codicibus in textu Græco N. T. adnotauit: cuius sanè in hoc diligentiam non vituperamus, sed laudamus. Si tam multæ mendæ in nouo Test. Græcoprehenduntur, Quidni in versione Græ-

ca 70 Interpretum ? Quidni in Hebræo textu ? de primo id fateri, de duobus aliis id negare fatuum est. Putant se nos ad absurdum egregiè adegisse, ad confitendum scilicet in Græcam versionem mendas & corruptelas incidisse. At fatuum aut rerum istarum omnino imperitum semper credidimus eum qui aliter edixerit.

Eadem cautio sæpius iam repetita hîc etiam est obseruanda. Admittimus antecedens, admittimus consequens, sed non omnia media per quæ illud colligunt: imò paucissima. Minuti enim isti Philosophi ratiocinantes adeo λεπτολογουῦται, nugantur, & plerumque ineptiunt, ut ridiculum murem pro leone fere semper ostentent. Quum rem ipsam quam concludunt, teneamus, deridicula argumenta quibus eam colligunt, nihil curamus, nec esse Lectori curanda censemus. His accedit quod scarabæo facilius persuaseris κόπρον μηκέτι κωλινδεῖν, quàm ineptulis istis sciolis non amplius procaciter nugari & conui- tiari.

SECTIONVM, II. 12. & 13. ELENCHVS:

His sectionibus ut & præcedentibus magno conatu probant quod ipsis conceditur. Vbiq̃ue cupressum simulant, Asini in paleis.

HIs sectionibus alios catalogos texunt, qui specie à præcedentibus differunt. In eos enim citationes illas cogunt quæ ab Hebraico quidem dissentiunt, cum illi 70 Interpretes consentiant. Speciem autem istam in tres alias diuidunt. *Prima*, in-quiunt, *erit eorum*, *ubi aliquid de suo addiderunt*, Apostoli: *Secunda habebit locos in quibus aliquid omiserunt*: *tertia eos*, *ubi aliquid extulerunt aliter quàm ipsa verba Hebraica sonant*. Nonnulla esse eiusmodi nemo sanus qui his mentem aduerterit, diffitebitur. Adhibita cautione solita nihil horum inficiamur. Notabit Lector in his tribus sectionibus, viros illos doctissimos eadem edere reconditæ suæ doctrinæ specimina, quæ in aliis omnibus præcedentibus ediderunt. Pro sua enim exquisitissima eruditione exscribunt istorum testimoniorum verba præcipua Hebraicè, Græcè, & Latinè, & ne γὰρ quidem verbis textualibus superaddunt. Cum igitur cœptis tam

arduis egregiè defuncti sint, numquid iniquum esset ab iis aliquid aliud exigere ?

Nonnihil tamen miramur perpetuos illos & pertinacissimos citationum indices, etiam cum iis nihil opus est, ut in his tribus sectionibus potissimum contingit. Quid enim ad rem facit, hoc est, ad calumniam quam nobis inurere volunt, citationum istarum repertorium ? In locis nonnullis aliquid addunt Apostoli, in quibus 70 nihil addunt, sed Hebræo textui conueniunt. Ita sit, quid inde sequitur ? In alijs locis aliquid omittunt Apostoli quod cum Hebræo textu exhibent 70. In alijs denique quædam dictiones permutantur. Quis hoc negat ? Quid inde ? Catalogorum istorum ratio est in promptu ; ut Pictor ille Horatianus sciebat simulare cupressum, ita & illi citationum catalogum. Ideo ut Asinus paleis occurrens exultat.

Ὅρος βαδίζου εἰς ἄχραντα πρηνεύματα

Sic indices istos auidè texunt homines nugiuenduli, utpote qui tum materiam suis humeris æquam, & in qua diu sese exercuerunt, fortiuntur.

SECTIONIS 14. ELENCHVS.

Insulsarum calumniarum nimbus. Catalogis omnia expediunt : Catalogorum ludicra versiones, & πωλοεσχία.

SECTIONIS istius initio ex iis catalogis colligunt quemcumque percipere posse desperatissimam Morini uerborum exiguam ut Hebraica ueritas in omnibus dictionibus ad unguem congruat cum allegationibus N. T. & ubicumque id non fit eam pro corrupta condemnantis, &c. Animum nostrum nunquam insedit opinio tam stulta; nec aliquem puto unquam tam dementem fuisse ut rem adeo insulsam & ab omni ratione abhorrentem sibi persuasit. De hac calumnia multis supra dictum est, Aliam statim cum præcedente nectunt. Græcam versionem nos prædicare incorruptam. Istam calumniam sæpius explosimus. Tertiam calumniam fingunt sycophantiarum feracissimi homines, *Morinum solam illam versionem quæ est in editione Romana agnoscere pro Authenticâ.* Editionem illam nunquam scripsimus authenticam, quomodo solam? de hac re supra multis.

Agunt præterea illa sectione aduersus
sodales

sodales suos qui affirmant Versionem Græcam ante Apostolos magnam apud Hellenistas, hoc est, Græco-Iudæos auctoritatem fuisse consecutam; atque ideo Apostolos auctoritatem istam reueritos eam vsurpasse cum ab Hebræo textu discedit, ne Iudæo-Græci huic versioni assueti nouitate offenderentur. Hæc sententia ipsis displicet, eo quod, inquit, si hoc sacris Scriptoribus cordi fuisset, multò magis eam retinuissent ubi cum Hebraico optimè concordat, quod eos non fecisse, amplissimus ille locorum catalogus in quibus contrarium fit, aperte testatur. Ne autem existimes tantis vnus rei catalogis ipsorum vim κατὰ λόγῳ prorsus esse exhaustam, subiiciunt. Imò & alius adhuc non paruus catalogus restat, quo amplius etiamnum confirmatur id ipsum, &c. Hinc arrepta occasione alterius simulandi cupressi conuasant multa testimonia quibus autores sacri verba sua substituunt verbis 70 Interpretum cum tamen utraque ex æquo Hebraicis vocibus respondeant, atque eodem fere redeant.

Verè Taylor & Booti laureolam, ut dicitur, in mustacæo quæritis, Versatoresque estis magni in re pusilla. Ista testimonia iterum aliis modis versant, mutantque qua-

drata rotundis, vt suos homines honorificentius quàm par erat de 70 Interpretibus fensisse demonstrent. Punctum vnicum extra terram efflagitabat Archimedes, quo concesso eam è centro suo versus cœlum se sublaturum & vibraturum pollicebatur. Sed instrumentis & ferramentis multis sibi opus esse fatebatur. Verùm homines isti tam ingeniosi sunt artifices, & in artificio catalogico tantopere exercitati, vt si semel illis vel sola ista *δυνάμει κατalogική* concedatur nihil non possint

Omnia transformant sese in miracula rerum.
Aliis ferramentis opus non habent, sed catalogo solo velut Mercurij caduceo freti omnia recludunt, reuellunt, refellunt,
--- agunt ventos, & turbida tranant
Nubila.

Nunc si testimonia illa sigillatim ad in-
tudem reuoces, vix erit aliquid magis ridiculum. Num Apostoli scribentes è Græca versione memoriter multa non retulerunt? Num memoriter aliquid referentes dictionem dictione eiusdem significationis permutare potuerunt, verbi gratia, *ἀποκλαμομένη, κλαίοντα; ἀπετέλω, ἐξαποτέλω, &c.* Num potuerunt tum temporis in versionem Græcam varietates incidisse, ita vt

codex vnus eo loco dictionem vnam vsurparet, alius aliam? Num in nouum Testamentum Græcum multæ post Apostolos varietates irrepsérunt? Num iterum aliæ post idem tempus in Græcam versionem? Qualis est igitur ista ratiocinatio. Nonnulla sùnt loca in textu Apostolico è veteri citata in quibus eædem numero dictiones non deprehenduntur quæ nunc in 70 versione occurrunt: Ergo Apostoli illius auctoritatem parum curabant, & ea neglecta aliam interpretationem aut condebant, aut sequebantur. Sed cum hac in causa suis ludibrio sint, cur in eadem nobis erunt existimationi?

ELENCHI SECTIONIS 15. Pars prior.

Eliduntur calumniarum portenta repetita. Maledicentiarum noua seges exurgens suffocatur. Disputatur quæ textus sinceritas ad aduersariarum requiratur. Aduersariorum fatuitas, dementia, Iudaismus, calumnia, ardua, Cadmeæ pugna.

REpetunt primùm hac sectione duas illas propositiones quas aduersum nos toto opere sibi proposuerant probandas. Quàm portentosa cum calumnia no-

bis illas imputent, antea pluribus demonstraui-
mus. *Utrumque*, inquit, *iis quæ dicta hæcenus sunt, fecimus quàm planissimum*. An id ex catalogis vestris sequatur, parum aut nihil curamus. Quod ad rem ipsam attinet quam demonstrandam vobis proposuistis, illius veritas est euidentissima; ad illam demonstrandam argumenta congerere, nihil aliud est quam insani more ligna in syluam ferre, aut facibus soli meridiano lumen commodare. Itaq; obscuro isto & importuno labore vestro catalogico superfedere poteratis. Quis enim adeo demens fuit vt propositiones quas eiusmodi verbis describunt, negauerit, *Non debere exigi, vt loci qui in nouo Testamento citantur è veteri, utrobique se habeant eodem modo ad verbum: At si id statueretur, in detrimentum Græcæ versionis aquè ac Hebraicæ veritatis redundaturum*. Addamus & hoc, quid enim sententiæ nostræ officiat non video, *Neque hanc magis quàm illam hoc argumento vitij ac corruptelæ condemnandam fore*. Imò quis vnquam præter Taylorum & Bootium tam demens fuit vt alicui tam fatuarum propositionum assertionem imputauerit? *Quare euersum funditus est Morini argumentum quod tanto apparatu*

in sacrilega ista præfatione in scenam produxit, infamanda Hebraica veritati. Non est euerfum argumentum meum, sed calumnia vestra, sed larua quam vobis finxistis, nihil enim meum toto libello vestro impugnatis. Hebraicam veritatem infamem reddere nobis nunquam fuit animus. Nihil de ea diximus quod Catholici omnes non dixerint, quod plerique homines vestri publicè non docuerint. Nihil de Hebræo textu diximus quod de Græca versione & Græco noui Testamenti textu non dixerimus, & nobiscum dixerint, omnes Catholici, & quotquot fere sunt Hæretici. Hoc vnum de Hebræo textu diximus, & dictum voluimus, Iudæorum Scribas in eo describendo non modo errare potuisse, sed etiam re ipsa errasse; Præterea temporum iniuriâ aliisque fortuitis de causis mendas istum textum non modo inuadere potuisse, sed re ipsa inuasisse. Vno verbo, Scribas, codicesque Iudaicos Græcis, Latinisque Scribis & codicibus hac in causa non esse præferendos. An Hebraicum textum infamat qui eum Græco & Latino textui cum de integritate agitur, docet non esse præferendum?

Horrendæ sunt calumniæ quas tota

disputatione hac audisti, sed omnium virulentissimas in finem, ut fecem in fundo referuarunt. Multis indiciis aiunt se detexisse, *Bellua istius rabiem non contra Hebraica duntaxat archiua, sed contra sacra in uniuersum oracula directam fuisse, quae in totum ex hominum manibus excutere, pro summo quidem voto habuerit.* Examinemus indicia ista, ut quàm sint sagaces innotescat. Primum est, Elegit versionem Græcam pro sincera & incorrupta deprædicandam quæ plurimis, miserrimisque ac fœdissimis modis deprauata atque adulterata est. Falsissimum est, ut iam sæpiùs dictum, versionem Græcam pro sincera & incorrupta nos deprædicasse, si sincerum & incorruptum vocant id quod ex omni sui vel minima parte est integrum & inuiolatum. Multas mendas in eam irreplisse, atque etiamnum nunc inhærere & diximus, & demonstrauiamus; id quod ante nos & monuerunt, & sæpiùs adnotarunt viri illi docti qui eam Romæ primò ediderunt, & notis illustrarunt. Ipsos interrogo, si ille qui docet Hebraicos codices ab omnibus mendis non esse usquequaque immunes, negat tamen ideo corruptos dici posse, eò quod corruptelæ istæ, & paucae sint nu-

mero si totum codicum corpus consideretur, & vix aliquæ reperiantur quæ aliquid impium contineant, pro summo voto habet diuina oracula ex hominum manibus excutere. Quid de illis dicendum qui codices Græcos non à perfidis Iudæis, sed ab Ecclesia Catholica quæ iuxta eadem oracula diuina columna est & firmamentum veritatis conseruatos, prædicant plurimis miserrimis, ac fœdissimis modis deprauatos & adulteratos? Impia, fœdissima, sceleratissima quæque in Græcos, Latinosque codices impunè per eos euomantur, At qui vel leuissimè Hebræorum codicum virginitatem attigerit, impius & sacer esto.

Alterum indicium quod omni conatu codices Græcos *pro authenticis & canonicis obtrudimus reiecta ac damnata non Hebraica duntaxat versione, sed ut Latina editione quam vniuersa Romana Ecclesia pro canonica agnoscit.* Si interrogentur, vbi dixit Morinus versionem Græcam editione Romana exhibitam esse canonicam, illis aqua statim hærebit. De Græca versione, ut legebatur quinque primis seculis id sæpius scripsi, nec aliquem Christianum existimabam inuentum iri qui mihi contradiceret. Aut enim ista, fuit Canonica, aut

nulla fuit; quod posterius asserere absurdissimum est. Sed de hoc iam sæpius. Si verò interrogentur, quo in loco Latinam editionem damnavimus, quid, ut tam atram sycophantiam colorent, respondebunt? Si loca quibus eam sanctam, canonicam, authenticam, diuinam esse & diuinitus inspiratam, illius verò autorem in ea condenda Prophetam fuisse & speciali Spiritus sancti afflatu ductum asserimus, passim & in præfatione, & in reliquis scriptis meis illa deprehendent. Quid passim dico? ubique aut hoc dicimus, aut ut certum & indubitatum dicendis assumimus.

Id confirmant spurcissimâ aliâ calumniâ. *Ignominiosè, inquit, & priuata auctoritate posthabendam censuit.* Latinam scilicet Vulgatam Græcæ versioni, *nihil ob aliud nisi quod longè ac lōge magis hac quàm illa soleat ab Hebraica veritate abire.* Vbi nam Latinam Græcæ posthabendam scripsi? Locum notent in quo vel minima huius rei coniectura lateat. Antiquam Græcam versionem Latinæ parem censui: Romanam editionem 70 Interpretum omnibus quæ nunc extant editionibus præferendam esse scripsi. Sed Vulgatæ nunquam æquaui, multo minus prætuli.

Quamquam si æquassem non improbabili-
ter id fecissem propter Sixti V. summi
Pontificis auctoritatem, qui ut ab omnibus
reciperetur ac retineretur diplomate ca-
uit, néve quis addendo vel demendo ali-
quid in ea mutaret, prohibuit. Sed cum
disertè Sixtus Pontifex eam canonicam
aut authenticam non pronuntiet, ab eiuſ-
modi verbis semper abstinui. Deinde, hoc
dato, quod Latinam Græcæ posthabédam
duxerim, num inde sequitur Latinam me
reieciſſe ac damnasse. Quodnam est illud
ratiocinationis monstrum? Sed ego ni-
miùm credulus qui à tam brutis homini-
bus rationem exigam. Denique quo Pro-
phetiæ afflatu diuinant Græcam versio-
nem Latinæ me præferre eo solum nomine
quod illa longius quàm hæc ab Hebræo
textu dissentiat? Si fingere & mentiri suf-
ficit ad innocentiam opprimendam, quis
impiorum manus effugiet?

Tertium & postremum indicium quo
sceleratum animum meum detexerunt ex
duobus præfationis meæ locis eruunt in
quibus scripsi dictiunculam irrepsisse in
versionem Græcam. Quid? Morinus qui
omnes nervos contendit ut huic versioni
sacroſancta ac authentica majestas aſſera-

tur, mendarum eam non accusaret, si persuasum ipsi fuisset de ista additione id quod aliis de ea persuadere tantopere contendit, &c. Quidni verò Taylor & Booti omnium qui vnquam animum ad scribendum appulerunt, imperitissimi, aure simul & mente & oculis caci, mendæ in authenticum & sacrosanctum textum irrepere non poterunt? Quis præter vos hanc tam fatuam sententiam, & quotidianæ experientię repugnantem amplexus est? Tantisper agite mecum, N. Test. Græcus textus num est vobis authenticus & sacrosanctus? At non vnā aut alterā mendam, sed mendarum myriades ex variis N. T. codicibus collegit Beza, collegerunt Robertus Stephanus, Camerarius, Piscator, Casaubonus, Ludouicus de Dieu, & alij plerique Sectarij de quibus nos & hīc & alibi diximus. Ipsimet celeberrimam illam Oxoniensem Bibliothecam lustrate. Est in ea antiquissimus ille codex Bezae, sunt & alij codices manuscripti: Ipsimet codices illos horulam vnā versate, comparate; Video enim vos characterum & lectionis Græcæ non esse planè ignaros. Statim experientia cognoscetis id quod hebes vestrum ingenium hactenus capere non

potuit mendas plurimas easque non vnius dictiunculæ sed plurium, sed hemistichiorum, sed versuum sacrosanctum textum nonnunquam inuadere. Quid de Hebræo textu dicam in quo Iudæi tam multas lectionis varietates adnotarunt, ut qui vestrum sunt doctissimi experienciâ rerum magistrâ docti sponte confitentur? relegite, si lubet, autores quos supra retulimus. Si igitur scelerato animo it oracula diuina perditum qui in textum quem canonicum non prædicat, dictiunculam vnâ aut alteram irrepsisse scripsit, dicite quo animo in authenticum & sacrosanctum textum affecti sunt sodales vestri qui mendarum myriadas in eum sese insinuasse scripserunt? Quid ipsi experientiæ obloquimini, quæ omnibus varias Græci textus interpretationes, aut varios manuscriptos codices lustrantibus, & conferentibus rem ita se habere dicat?

Existimant Aduersarij, ut qui ex eorum sodalibus rudiores sunt, textum authenticum cum esse in quem nullæ mendæ sese insinuant. Sed hoc sensu nullus erit textus authenticus: Experientia enim quotidie huic assertioni refragatur, cum præsertim de Græcis N. T. codicibus agitur, quid

enim mendis & corruptelis fertilius? In Hebræis codicibus, quanquam Iudæi plurimas adnotauerint, res tamen Christianis, non ita nota est: cuius dissimilitudinis multæ rationes assignari possunt. 1. Codices illi non tam tractabiles sunt quàm Græci. 2. Codices eiusmodi apud Christianos reperiuntur, quàm paucissimi, ijque à Iudæis auro redempti. 3. Nulli apud Iudæos reperiuntur quingentis annis antiquiores, ijque admodum rari. 4. Vix vnus aut alter in tota Europa istius antiquitatis in Bibliothecis Principum & Magnatum celebrantur, & quis illos lustrat, & cum vulgo editis comparat? 5. Certum est Iudæos post Masorethas in sacris suis libris describendis diligentiores quàm antea fuisse, omnesque à Syria & Ægypto in Galliam & Hispaniam vsque, iuxta exemplaria & præscripta Masorethica scrupulosè libros suos exscripsisse. His de causis nullas alias Hebræi textus varietates ex antiquis codicibus excerptas habemus præter eas quas Iudæi collegerunt, id est, quas vel Masorethæ, vel Babylonij, vel quas paucissimi quidam Iudæi ante paucos annos aliud agentes indicauerunt. Attamen mendæ illæ non ita raræ sunt vt mille & sexcenta-

rum numerum non longè excedant. Quid si antiquos codices Christiani ipsi versarent? Quid si codices versarent ante Masorethiarum censuram descriptos, hoc est, ante octingentos annos, ut Beza, Robertus Stephanus, alijque codices N. T. Græcos hanc ætatem superantes multos penes se habuerunt, & secum & cum vulgo editis contulerunt? Quam mendarum & varietatum copiam nobis exhibuissent?

Aliud est, nihil libros aliquos continere fidei, bonisque moribus contrarium, nihil falsum, nihil absurdum. Aliud est, nullum versum, nullum hemistichium, nullam dictionem, nullumve dictionum ordinem & situm continere, nisi quem primitus autor scripserit, digesseritve. Prius de libris canonicis rectè prædicatur, & sine his conditionibus canonici non possent pronuntiarì. Quanquam propter autorum gravissimorum autoritatem duas postremas conditiones esse scrupulosissimè necessarias nolim admodum contendere. Forasan enim sufficit, ut ex isto falso, aut absurdo, si tamen aliquod irrepsisse concessum fuerit, quod librorum antiquorum comparatione purgari non possit, nihil fidei aut bonis moribus perniciosum colligatur. Multa

enim in libris sacris admodum difficilia, præsertim quæ numeros spectant,prehenduntur, quibus conciliandis nullam viam inire possunt viri quique doctissimi, nisi in alterutrum locum mendam irrepsisse concedatur. Vide quæ scripsimus Exercit. 7. Biblica c. 3. 4.

Posterius autem si libris canonicis tribuatur, iam multa sæcula præterierunt, cum nulli sunt libri canonici? Vbi que tamen hanc sententiam velut concessam & apud omnes ratam sermonibus & ratiocinationibus suis assumunt, eamque ipsissimis verbis de textu Hebræo sectione 16. pronuntiant, *Sicuti enim certissimum est Hebraicam veritatem ad manus nostras pervenisse sinceram & planè sicut à principio fuit incorruptam, &c.* & quod admodum iniquum est, eo quod mentiuntur versionem Græcam nos prædicare canonicam, colligunt etiam nos illam ab omni menda credere immunem, quasi duæ hæ propositiones essent ἰσοδυναμοῦσαι, Canonicum esse, & ab omni menda purgatum. Sed ut omittam quæ de varietatibus illapsis in Hebræum & Græcum textum ex Beza aliisque hæreticis iam sæpius docuimus, si vera esset hæc sententia quomodo Græcus

N. T. textus erit authenticus non modo
 rotmendarum myriadibus scatens, sed in
 quem Beza toties ait marginalia glossema-
 ta irrepſiſſe, cui toties ait omnes ſuos ma-
 nuſcriptos codices ſimul iunctos velut ag-
 mine factò contradicere. Huius rei testi-
 monia multa retulimus Exercit. Biblica 2.
 c. 1. & 4. ſine, pluraque paſſim vt cæteros
 ſileam in Bezæ adnotationibus proſtant.
 Noluît providentia diuina textus authen-
 ticos ab omnibus omnino mendis conſer-
 uare, quod facilè potuiſſet. Huius rei mul-
 tæ ſunt rationes quarum hæc non eſt po-
 ſtrema, Ne occidenti literè nimium atten-
 deremus, ſed Eccleſiam quacunque in re
 audiremus, reminiſcentes perpetuam Spi-
 ritus ſancti gratiam, καὶ ἀναμνηſίαν, Eccle-
 ſiæ, non Iudæorum aut Græcorum ſcribis,
 nec codicibus veruecinis aut vitulinis, eſſe
 pollicitam. Hæc eſt, inquit Apoſtolus Heb.
 8. *teſtamentum quod diſponam domui Iſrael
 poſt dies illos, dicit Dominus: Dando leges
 meas in mentem eorum, & in corde eorum
 ſuperſcribam eas, &c.* Hæc obiter monita
 ſunto.

SECTIONIS 15. ELENCHVS.

Pars posterior.

*Exemplis & Hereticorum testimonis docetur
 quæ textus sinceritas ad authenticam necessariam
 sit. Restitutio v. 19. Psal. 67. vindicata.
 S. Hieronymo sua coniectura reddita. Ad-
 uersarij desipiunt, umbris territant, incon-
 ditè & rusticè loquaces, φιλόμαυοι, diobola-
 res scioli.*

AD hypothesim nunc descendamus.
 Prius exemplum quo velut indicio de-
 texerunt rabiem meam non contra Hebræos
 duntaxat archiua, sed contra sacra in uniuersum
 oracula directam fuisse, est, quod scripsimus
 Amos 5. v. ult. dictionem *Damascum*
 pro *Babylonem*, in textu Hebræo positam
 esse: sic enim legit Stephanus Actor. 7.
 v. 43. resque ipsa id suadet cum de decem
 tribubus agat, quæ ultra Babylonem in cap-
 tiuitatem relegatæ sunt. 4. Reg. 17. 6. &
 18. 10. Insurgunt, at 70 hanc dictionem
 exhibent: Ergo non credis versionem il-
 lam esse canonicam quod aliis persuadere
 conaris. Hoc vnum responsi loco eos in-
 terrogabo. Si qui mendam vnam aut alte-
 ram agnoscit in textu quem fatetur cano-
 nicum

nicum impius est, quid de Beza dicendum
 qui in eundem versum Actor. sic adnotat,
Apparet igitur in Græcis perturbatum esse or-
dinem, ut qui priore loco legerint, כוכב
אלהים, id est, stellam deorum vestrorum.
 Deinde pro Chiun quod nomen est idoli subie-
 ctum fuisse aliud nomen, in quo etiam scri-
 bendo plurimum variant codices, quum alij
 ρεμδαν, alij ραμδαν, alij ραμδαν, alij ρεδαν, ut
 Syrus & Arabs Interpretes, & Iustinus hunc
 locum citant, alij denique ρεφᾶ scribeant, ut cor-
 ruptum esse hoc saltem nomen facile appareat.
 Lineis quatuor post hæc verba in eiusdem
 versus interpretatione, Substituerunt πο-
 σωμεν αὐτοῖς, ad adorandum eas, nisi hoc
 fortassis quemadmodum & alia multa, ex
 alijs locis annotatum postea in contextum irre-
 pfit. Id autem ita esse apparet ex Iustino, qui
 in dialogo πρὸς τὸν Ἰουδᾶ, hunc locum citans le-
 git, οὐς ἐποίησατε ἑαυτοῖς, nec quidquam addit
 amplius. Si Bezæ ita licuit sentire & gene-
 ratim & speciatim de textu Græco N. T.
 quem canonicum profitebatur, Num-
 quid nobis non licebit esse multò mode-
 stioribus de textu quem canonicum non
 profitemur verba facientibus?

Posterius exemplum impieratis nostræ
 est, quod Psal. 67. v. 19. dictionem לקחת

Q

irreptitiam pronuntiantes, idem pronuntiandum censuimus de dictione ἐλαβε eodem loco in 70 Interpretum editione. Ita est. Quid tum? Num impius Beza, qui eodem eiusdem Epistolæ capite v. 16. cum in Græco textu vulgato scribatur μέγας vertit *membri*, legens μέλγς, vt & vulgata: cuius rei rationem reddit, *Sic legunt veteres Græci summo consensu, & ita etiam Scholiastes Græcus, vt apparet ex interpretatione*, v. 29. πρὸς οἰκοδομῇ τῆς ἁγίας, *ad edificationis usum*, Vulgata, *ad edificationem fidei*. Numquid error in Vulgata, aut Interpres sensum secutus verba neglexit? Horū nihil prorsus: Verba textus Græci καὶ λέγειν secutus est. Legebatur in codice Interpretis πίστεως, nō ἁγίας. En fidem facit Beza qui adnotat in præclarissimo, & antiquissimo suo codice Claromontano scriptū fuisse πίστεως. Quid igitur impietatis si scripsi in versione Græca olim scriptū fuisse ἔδωκε, vbi nunc ἐλαβε?

Rationes paucis repeto. S. Paulus hunc locum referens legit ἔδωκε. Deinde eodem modo Iustinus Martyr in dialogo cum Tryphone Iudæo, S. Hilarius in textu huius Psalmi, Psalterium Romanum, qui omnes Græcam interpretationem sequuntur. Insuper res ipsa id postulare videtur,

Quid enim sibi vult, *accepisti dona in hominibus*. Nihil est tam absurdum quod oratione leniri non possit. Sed nullum idoneum malagma huic asperæ locutioni illi ni potest. Tam genuinus & natiuus sensus est, si cum Apostolo, *dedit*, legas: Vt quid ad ambages sensus conficiendi causa recurritur. Denique cur non in textum Hebræum mendula irrepsisse dicetur, cum literarum traiectione propter punctorum absentiam in ea lingua sit facillima. Quidni igitur Scriba literam traiecerit *לקחת* pro, *לקחה*, *ᾠδὴν ᾠσάμενον*, cum tot validæ rationes id suadeant? His accedit Paraphrastæ Chaldæi autoritas, qui vertit, *יהבת, dedisti, אלפתא פתנמי אוריתא יהבתא להון מתנן לבני נשא*; *docuisti sermones legis, dedisti bona hominibus*. Licet tamen tantis rationibus & exemplis niteremur, En grande scelus! pronuntiauius, nihil definientes, *ἔλαβε, vox irreptitia videtur*.

Denique aiunt se de loco Commentar. S. Hieronymi in 4. cap. Epist. ad Galatas agere nolle, vbi conjicit S. Hieronymus Iudæos Deuter. 21. 25. in contumeliam Christi textui Hebraico inseruisse, à Deo. Scribunt igitur nos S. Hieronymi coniecturam veram asserere, licet fateamur &

codicem Samaritanum & 70 Interpretes pro Hebraico stare. Ex quibus verbis præfationis meæ hæc colligant, diuinare non possum. De hac corruptela hoc tantum scripsimus, *Eodem capite in hæc verba, Maledictus omnis qui pendet in ligno, conijcit in contumeliam Christi in textu Hebræo additum à Deo. Coniecturam suam multis argumentis persequitur. Septuaginta tamen Deut. 21. legunt, Maledictus à Deo, & codex noster Samaritanus ab Hebræo nihil differt. Quid non mortalia pectora cogunt, & furor, & rabies? An his verbis coniecturam illam asserimus veram? ne verbum quidem de sensu nostro pronuntiamus, quin potius illius coniecturæ vim plurimum verbis nostris eleuamus. Quanquam id quod criminantur si fecissemus S. Hieronymi eo loco mentem assecuti fuisset, ut locum integrum lustranti, & sancti argumentationem attentè perpendenti omnino constabit. Hanc enim coniecturam S. Hieronymus duabus aliis quas retulit, non modò præfert, *Aut quod magis est estimandum post passionem Christi, & in Hebræis, & in nostris codicibus ab aliquo Dei nomen appositum, &c.* Verum etiam multis argumentis veram esse demonstrat: *Auda-**

ci, inquit, pede ad hoc procedo certamen, ut ad libros prouocem, nullo loco scriptum à Deo quenquam esse maledictum, & ubicumque maledictio ponitur, nunquam Dei nomen adiunctum: Deinde multis argumentis demonstrationem istam persequitur.

His bellis impietatis exemplis obiter propositis sectionem illam finiunt his verbis, *Sed cum hoc hominis monstro luctati iam sumus; quare missum illum faciemus, donec orium dederit Deus, ad reliqua quæ contra ipsum cogitamus, scripta in manus sumenda.* Non mecum, Lector, ut vidisti, sed perpetuò cum laruis & animi sui figmentis luctati sunt; Duabus rationibus fretus istorum hominum libellum præterire poteram. Nam si titulum excipias qui præfationis meæ examen pollicetur, ut iam sapiùs monuimus, & res ipsa demonstrauit, vnicum ex innumeris argumentum leuissimè adoriuntur. Alibi enormes calumnias quas totis animis exhorremus perpetuò nobis imputant. Dicitur solet, Mortalium neminem omnibus horis sapere; sed mortales isti nullâ horâ sapiunt, semper desipiunt: scopum quem sibi proponunt, nunquam attingunt; etiam opinionum portentosa quæ sycophanticè fingunt, ferire

nesciunt. Itaque tutò nobis licebat eiusmodi Aduersarios præterire, & risu excipere; nec enim vmbrailes laræ, & μορμολυχεῖα nos territant. Huic rationi accedit alia, summa scilicet istorum hominum imperitia, in quorum toto libello nusquam extat tantillæ eruditiunculæ vestigium. Quid eruditionem nomino? ne eloqui quidem didicerunt. Phrasim eorum prætereo. Quid sit periodos circumscribere, & eas vt perspicua fluat oratio cum sensu distinguere iuxta cum ignorantissimis nesciunt. Sæpius cum argumentationem instituunt, orationis partes dissimillimas aggregant, rationes rationibus, exempla exemplis, anticipationi responsionem, aliaque multa in vnâ periodum velut in manticam accumulânt, superimponunt, confundunt. Eandemque insuper periodum ne nimium macra videatur, & ieiuna variis parenthesisibus inferciunt. Quæque tamen μομήσαιθαι malunt illiterati homunculi quàm μιμήσαιθαι: Sed prius vbi que tam stolidè faciunt, vt cum arguunt eos in aëre piscari, aut in mari iaculo venari cum Comico meritò diceret; dum augurantur, οὐτὼ δεξιῶς εὐτοχεύσει, vt illis asinus semper iudicetur auis.

Aliæ tamen rationes ad Elenchum hunc scribendum nos impulerunt, quarum præcipuæ huius Diatribes initio iam enarratæ sunt, & incassum hîc repeterentur. Nisi rationes istæ, nonnullæque aliæ nos commouissent, quid de me sentirent diobolares isti scioli, ne manum quidem vertissem; plebeia & bruta ipsorum conuitia tacitûs despexissem. Diffusio-rem contra me scriptionem minantur; Non dubito quin perfriictissimæ frontis blaterones calumnias calumniis defensori sint crassamque imperitiam crassiore cumulaturi. Inest eorum præcordiis sat scio muscæ improbitas, quæ ut ait Homerus repulsa, impudentiùs redit aculeum infixura,

Ἡ τε καὶ ἐργομένη μάλα παρ' ἑσὸς ἀνδρομήσιοι
 Ἰσχανάα δακέειν.

Sed cum istius opusculi editione superiores rationes cessaturæ sint, illis anticipata responsione tribus verbis satisfactum esto;
 τῶν ὄντων οὐ μοι μέλει.



DIATRIBES APPENDIX

Qua

Nonnulla Diuinitatis & Incarnationis Iesu Christi D. N. illustrissima testimonia in Hebræo textu nunc corrupta, Talmudis, Masora, & antiquissimorum Rabbiorum auctoritate pristina sinceritati restituantur.

CAP. I.

Quintuplex v. 10. c. 40. Genes. dictionis Hebraicæ Lectio enarratur.

1. Patres hunc locum ut inuictum Iudæi opponunt. 2. Ex eo loco Messia aduentus iuxta Græcam & Latinam translationem euidenter colligitur. 3. Iudæi post captiuitatem Babylonicam distinxerunt inter regnum & principatum. 4. Quintuplex Lectio refertur. 5. Siloh missum significare non posse. 6. Ex quinta Lectione Iesu Christi de Virgine natinitatem necessario colligi.



APITE vndecimo prioris partis, & posteriore parte in elencho sectionis octauæ nonnulla loca retulimus & enarrauimus ab Apostolis ex 70 Interpretum translatione desumpta quibus præcipua mysteria quæ ad Christum Dominum nostrum spectant, multò validiùs & euidentiùs de-

monstrantur, quàm si ex Hebræo textu ut nunc extat, colligerentur. Imò quæ ex Hebræo textu ut nunc iacet collecta, aut nihil prorsus ad scopum Apostolicum faciunt, aut cum leuissimè adiuuant, cum ex ijs ut in Nouo Testamento referuntur, & in 7o editione leguntur, contradicentium etiam peruiacissimorum os facilè obturetur. Hinc emicuit horrenda Aduersariorum impudentia qui sectione 8. sui libelli scribunt, *inter omnia illa testimonia nullum reperiri posse, in quo aliquid plus aut expressius de Christo dicatur, quàm in Hebraica veritate.* Nunc in appendiculæ vicem aliquot loca enarrare iuuat, ex quibus licet Apostolica citatione non illustribus, insigniter tamen iuxta 7o editionem & Vulgatam præcipua Christi mysteria confirmantur: iuxta verò textum Hebræū, ut nunc legitur *οὐδὲν ὡπὸς ἔπος* ex ijs colligere possis; aut id facias adeo molliter ut prima cum Aduersario velitatione argumenti tui acies nullo negotio retundatur. Rem hanc viris doctis non ingratam fore speramus. Quid bruta nostra animantia, Franciscum Taylor, dico, & Arnoldum Bootium oblocuturi sint, nihil moramur. Quid enim Graculis cum fidibus, aut asinis cum lyra? Vitiligatores

istos quibus cum Gratiis & Musis nullum
vniquam fuit commercium, nulla consue-
tudo æternum valere securi iubemus.

I. Primus locus est Genes. 49. 10. Qui sic
se habet secundum 70 interpretationem,
*Non deficiet Princeps ex Iuda, & dux de fe-
moribus eius donec veniant quæ reposita sunt
ei, & ipse est expectatio gentium.* S. Hiero-
nymus sic vertit, *Non auferetur sceptrum de
Iuda & dux de femore eius, donec veniat qui
mittendus est, & ipse erit expectatio gentium.*
Locus est illustris, Patrumque citatione
quum aduersus Iudæos aut Ethnicos dis-
putant, admodum celebris. Eo vtuntur,
Origenes in cap. 49. Genes. S. Cyprian. l. 1.
aduersus Iudæos, Tertullian. de Trinitate,
Iustin. Martyr Dialogo contra Trypho-
nem Iudæum, S. Athanas. oratione de In-
carnat. & de Cruce & Passione Christi,
S. Ambros. c. 4. de benedictionibus, Eu-
seb. Cæsariens. lib. 8. de demonstr. Euan-
gel. S. Cyrillus l. 8. in Iulianum & in Gla-
phyris, S. August. l. 16. c. 41. de ciuit. Dei,
& lib. 12. in Faustum Manichæum c. 42.
S. Hieron. in Epitaphio Paulæ, S. Leo ser.
3. & 5. de Epiphan. pluresque alij quos
enarrare longum esset. Omnes 70 Inter-
pretum editionem quam descripsimus re-

præsentant. In eo tantùm differunt quòd nonnulli, vt SS. Ambrosius, Hieronymus, Leo, Athanasius de Cruce, in singulari legunt, cui repositum est, *ὡς ἀπόκειται*, quæ alij cum editione Romana pluraliter efferrunt. Origenes testatur suo tempore codices vtramque hanc lectionem exhibuisse, quod etiam ex Cyrillo in Iulianum colligitur. Sed vtriusque eadem ratio, idem sensus.

II. Duo prædicite euidenter celeberrima ista Prophetia; & Messiaæ aduentum, & tempus aduentus. Messiam venturum his verbis, *donec veniant quæ reposita sunt ei*, quibus manifestè Messias significatur, qui omnium Dei promissionum, & antiquorum sacrificiorum finis est & complementum, in quem Iudæi, gentesque sperant, Eundem sensum habet Vulgata, *Donec veniat qui mittendus est: καὶ ἔρχεται* enim & per antonomasiam dicitur, *qui mittendus est*, vt &, *quæ reposita sunt ei*. Quis autem ille qui per excellentiam & antonomasticos mitti dicitur, nisi Messias. Quis alius est expectatio gentium, quàm ille qui ab Aggeo dicitur desideratus cunctis gentibus? Sic Moyses Exod. 4. *Obsecro Domine, mitte quem missurus es*, certa quædam per-

sona ad hoc munus apta intelligitur : & Isaias c. 16. *Emitte agnum Domine dominatorem terra de Petra deserti ad montem filie Sion.* Quis ille agnus à Deo emissus, nisi Messias? Ideo legimus in Evangelio singulis fere paginis Christum se à Deo missum testantem. Hæc adeò vera sunt, ut Iudæi antiquiores omnes, & recentiores plerique, Messiam his verbis significari fateantur, quorum testimonia hûc referimus.

Clarissimè quoque eodem versu aduentus Messie tempus notatur, *Non deficiet princeps de Iuda, siue, non auferetur sceptrum de Iuda, donec veniat, &c.* Sceptrum igitur siue dominatio Iudaica subsistet, donec veniat Messias: Tum igitur veniet Messias quum apud Iudæos extincta fuerit dominatio. Nunc autem evidens est Herode regnante omnem dominationis temporalis auctoritatem ab iis esse sublatam. Herodes enim non modo erat alienigena, & Romanorum beneficiarius, sed etiam Iudeorum supremum cõcilium quod sanhedrin siue *סנהדרין* vocabant penitus extinxit, omnemque regiæ auctoritatis potestatem sibi, suisque iudicibus attribuit. Hanc auctoritatem mortuo He-

rode sibi vendicarunt Romani, unde Iudæi clamant in Euangelio, *Non habemus regem nisi Cæsarem: Et, Non nobis licet interficere quenquam.* Id præter Iosephum testantur etiam Talmudici. Si quid aliter ab iis post illud tempus factum est, id tumultuariè, aut vigente rebellione contingit. Denique omnis prorsus dominationis species & umbra simul cum templi, vrbisque Hierosolymæ ruina apud eos evanuit. Hæc euidencia sunt, atque à Iudæis negari non possunt: Venisse igitur oportuit Messiam ante Hierosolymitanum excidium. Nihil autem ad rem istam confert disputare an per sceptrum Iuda, intelligatur tribus Iuda, an natio Iudaica, an familia Dauid, an Hasmonæa quæ per mulieres Dauidicæ inserta erat, An syndrium cuius caput iuxta Iudæos è Dauidica familia semper eligebatur. Siue enim horum vnum, siue plura, siue diuersis temporibus omnia hæc intelligantur, semper verum est, & à nemine hactenus negatum, gentem Iudaicam ad Herodem vsque scepro potitam esse, merumque imperium in suos habuisse, quod vnum ad argumenti vim astruendam & confirmandam sufficit.

III. Qui ad tribum Iuda & synedrium simul ista contulerit, ad Iudæorum multorum placita propiùs accedet, qui distinguunt Hasmonæorum & Herodis tempore **בין מלכות ובין שררה**, *inter regnum & inter principatum*, Regnum Hasmonæis & Herodi attribuunt, principatum synedrio. Synedrij autem duo fuerunt capita, primū è familia Daudica electum quod dicebatur **הנשיא princeps**: Alterum ab eo secundum, quod **אב בית דין**, *Pater domus Iudicij*, dicebatur, & præ cæteris sapientia insignis habebatur. Ita Abraham Levita in Cabala, & Abarbinel in libro Nachalath Aboth. Rabbini tamen, Serira, Zachuth, & Gedalias licet cum aliis de istius synedrij autoritate, & Præfectorum distinctione conueniant, negant tamen Hillelem & eius posteros qui annis centum & ultra synedrij principes fuerunt, paternum genus à Dauide, aut à tribu Iuda duxisse, nec de aliis qui Hillelem præcesserunt, id affirmant. Quidquid sit, constat etiam ex Talmude & aliis antiquis Iudæorū libris non modo regiam autoritatem Herode regnante à Iudaica natione penitus defecisse, sed etiam nouo synedrio post antiqui interuencionem omnem gladij potestatem an-

nis ante excidium vrbis quadraginta esse abrogatam, cuius rei luculenta testimonia videre est apud Porchetum quæ à Galatino repetuntur lib. 4. c. 6. Si status Iudaicus ita se habuit integris vrbe & templo, quid contigit iis dirutis; & tota natione sedibus expulsa?

IV. Argumentum istud quo tam euidenter & validè Iudæorum perfidia ex Latina Græcaque editione reuincitur, debile planè & caducum est ex Hebræo textu ut nunc legitur desumptum. Varietatis ratio in vnius dictionis שילה, *Siloh*, diuersa lectione tota consistit. *Non recedet sceptrum de Iuda, &c. donec veniat Silo.* Quintuplicem istius dictionis lectionem colligo. Prima videtur antiquissima; Est enim 70 Interpretum, Onkelos, auctoris paraphrasis Hierosolymitanæ, & aliorum quos referimus. Aliter nec legerunt, nec legere potuerunt 70 quàm שילו, *quod*, vel; *quæ ipsi*, suppleuerunt sensus commodioris causa, Σπορεύμενα. Sic legit Onkelos quum sic vertit, לא יעדי עבד שולטן מדבית יהודה, וספרא מבני בניה עד עלמא עד דייתי משיחא, דדילה היא מלכותא וליה ישתמעון עממיא, *Non recedet dominationem exercens à domo Iuda, & Scriba de filijs filiorum eius usque in*
seculum

saeculum donec venerit Messias cuius est regnum, & cui obedient populi. Prophetiam explicat de Messia, additque regnum ut sensum compleat, donec venerit Messias *שׁלּוֹ* cuius est regnum. *שׁלּוֹ* enim pro ratione antecedentium & consequentium explicatur non modo, quod, aut, quæ ipsi, sed etiam, cuius, vel, cui est. Textus solitarius hoc habet tantum, *Non auferetur sceptrum de Iuda, &c. donec veniat cui est*, reticentia est prophetica, quæ elegantem continet sensus *עֲזָזָה*; Reticentiam interpretatione sua explicant 70 & Onkelos. Sic Salomon Iarki, & textum & Onkelos interpretatur, commentario in hunc locum, *מדּוּד וּאֵילֶךְ אֵלּוֹ רַאשֵׁי גְלוּיּוֹת שֶׁבְּבֵבֶל שְׂרֹוּדִים אֶת הָעָם בְּשֶׁבֶט שִׁמְמוֹנִים עַל פִּי הַמַּלְכוּת וְהַמַּחֲקֵק אֵלּוֹ תַלְמִידִים וְאֵלּוֹ נְשִׂאֵי אֶרֶץ יִשְׂרָאֵל עַד כִּי יָבֹא מֶלֶךְ הַמָּשִׁיחַ שֶׁהַמְּלוּכָה שֶׁלּוֹ וּבֶן תְּרִימּוֹ* à *Dauide, & deinceps. Hi sunt capita captiuitatis quæ sunt Babylone quæ dominantur populo cum scepro, quia gubernant ad modum regni. Et legislator de pedibus eius. Hi sunt discipuli & principes terra Israël, donec veniat. Rex est Messias, quia regnum est ipsius, & sic interpretatur Onkelos, &c.* In editione Thessalo-

nicensi quam exscripsimus utrobique est
אלו ; in exculis Venetis semel , post
תלמודים , sed perperam. Per sceptrum in-
telligit Iarki eos qui Babylonicæ captiui-
tati præerant quod è tractatu Sanhedrin,
desumpsit.

Thargum Hierosolymitanum legit eo-
dem modo שלו , ut de Messia interpretatus
est , לא פסקין מלכין מדבית יהודה אף לא
סכרין מלפי אוריתא מבני בנוי עד זמן דייתי
מלכא משיחא דדידיה היא מלכותא וליה
עתידין דישתעברין כל מלכותא דארעא .
*Non deficient reges de domo Iudæ, neque etiam
cohibebuntur docentes legem de filijs filiorum
eius, usque ad tempus quo venerit rex Messias,
quia huius est regnum, & futurum est ut ei
subijciantur omnia regna terra.* Quomodo
legerit Jonathan paraphrastes non est om-
nino evidens , illius tamen verba huc refe-
ram , quod hanc prophetiam de Messia in-
terpretetur, לא פסקין מלכין ושלטינן מדבית
יהודה וספרין מאלפי אוריתא מורעיה עד
זמן די ייתי מלכא משיחא זעיר בנוי ובדיליה
יתימסון עממא . *Non deficient reges & do-
minantes de domo Iudæ, nec Scribae docentes
legem de semine eius usque ad tempus quo ve-
nerit rex Messias parvulus filiorum eius, &*

quam Septuaginta Seniores lectionem collegerunt. Paraphraſtes autem Chaldaeos & conſequenter alios qui interpreta- ti ſunt, *cuius eſt*, vel *quod ipſi*, legiſſe in textu Hebræo של, vt nos colligimus teſta- tur R. Aben Melek in libro Miclal Iophi ad hunc locum, המתרנס על-המשיח ותרגם, שילה כמו שלו דריליה' וכן כבר עד כי יבא שילה עד שיבא מי שהמלכות שלו. *Qui interpretatus eſt hoc de Meſſia, interpretatus eſt quoque Silo, veluti של, cuius eſt. Et ſic in bereſith rabba, Donec veniat Silo, Donec veniat ille cuius eſt regnum.* Refert ille ad Dauidem, ſed eorum ſententiam improbare non audet qui ad Meſſiam referunt. Locus quem citat in Tanchuma legitur, & infra ex eo integrum referemus.

Secunda iſtius diſtinctionis lectio eſt S. Hieronymi qui legit, שלוח. Præteritum Pahul à themate שלח, *miſit*. Interpretatur enim *Donec veniat qui mittendus eſt*. Exprefſit per futurum propter prophetiam quod legebat in codice ſuo per præteritum paſſiuum, *miſſus*: Meſſias enim per antonomafiam ille eſt qui à Patre miſſus eſt. Non mirari non poſſũ viros duos Hebraicè doctiſſimos Nicolaum de Lyra, & Galatinum teſtari nonnullos Iudæos

hanc dictionem שִׁלַּח missionem interpretari, & per eam Nabuchodonozorum intelligere, quasi qui mittendus fuerit ut Iudæorum peccata puniret. Verum cui harum rerum scienti incognitum esse potest שִׁלַּח missionem siue mittendum nulla ratione significare posse? Quomodo Iudæis illis, si vlli vnquam fuerunt qui sic hanc dictionem interpretati fuerint, assentiri potuerunt? Per Siloh quidam Iudæi à Iudæo Karaita cuius opus in legem habeo manuscriptum Nabuchodonozorum intellexisse perhibentur. Eundem in illa Prophetia intelligere videtur Iulianus Apostata apud Cyrillum lib. 8. in ipsum. At interpretationis suæ rationem non à significatione Grammatica istius dictionis, quodcunque tandem illa significet, sed ab urbis, templique ruina, & Sedeciæ regis filiorumque captiuitate deriuant. Hanc interpretationem vterque improbat, & meritissimè. Prædicit enim Iacob non Iudæorum calamitatem sed gloriam, ut ex singulis pericopis non modo illius versus, sed & antecedentium & consequentium qui ad Iudam spectant. Deinde non omnino recessit sceptrum à Iuda quum è Dauidis familia in ipsa captiuitate principes

habuerint Salathielem Iechoniæ regis filium, & Zorobabelem qui Iudæorum è captiuitate redeuntium caput, princepsq; fuit. Ipsis præterea suis legibus in media Babylone viuere licuit, & earum præuicatores morte punire, vt Susannæ testatur historia.

Denique hæc omnia cessasse demus; breuissimum est tempus quo elapso auctoritatem pristinam recuperarunt, atque adeo breue vt hominum memoriam non excefferit. Plerique enim eorum tria illa tempora viderunt, Reges sceptro potiuñtes, & Hierosolymam cum templo integram; populum Babylone captiuum; & eundem captiuitate liberatum, urbem, templumque ædificantem, Esdræ cap. 3. & Aggæi 2. Adeo autem est ista sententia absurda, vt ex plurimis Iudæorum interpretationibus quas legimus nulla nobis occurrerit eiusmodi, præter istam à solo isto Karaita commemoratam, & improbatam: Ideo vñde Lyra. & Galatinus eam acceperint, diuinare non possum. Rationem verò è textu petitam cui inniti volunt hanc sententiam Iudæorum nullus in medium protulit.

Tertia lectio est textus Hebræi Sama-

ritanorum cuius iam in præfatione nostra mentionem fecimus. Illi legunt **שלה** tranquillus, pacificus, seu potius transitiuè, pacificans, tranquillans, sic se habet ver-
sus, **אֲנִי הַשָּׁלוֹם אֲנִי הַשָּׁלוֹם אֲנִי הַשָּׁלוֹם** *Non auferetur sceptrum de Iuda, nec dux de medio vexillorum eius, donec veniat Pacificus, & ad ipsum congregabuntur populi.* Sanè per antonomasiam Messias re-
ctissimè dicitur pacificus, siue pacificans, & sic vocatur Dominus noster. Matt. c. 21. *Ecce rex tuus venit tibi mansuetus, &c.* Inter-
pres Samaritanus dictionem **שלה** retinuit, nec explicauit, **אֲנִי הַשָּׁלוֹם אֲנִי הַשָּׁלוֹם אֲנִי הַשָּׁלוֹם** *Non auferetur sceptrum de Iuda, nec dux de ordinibus eius, &c.* vt supra. Charactere Assyrio sic scribendum est, **לא יסתי שבט מיהודה ומנדר מבין סדריו עד הלא ייתי שלה ולידה** *Itaque* **מתקק**, interpreta-
tur, *ducem*, & verbum **יקהתו**, per **יתנגדו**, *adducentur.*

Quarta lectio, Neoteritorum est Iu-
dæorum **שילה**, Siloh, de qua plura capite
sequenti.

Quinta lectio dictionem in duas diuidit

R iiij

שִׁי לֵה, schai, loh, hoc est, munus siue donum ipsi. Istius lectionis mentionem facit ex antiquo Midrasch R. Salomon Iarki loco iam citato. **וּמִדְרַשׁ אֲנֵרָה שִׁי לֵה שֶׁנֶּאֱמַר יִבְיִלוּ שִׁי לִמְוֵרָא**. *Midrasch autem mysticus interpretatur schai lo munus ipsi, sicut dictum est, afferent munus Deo terribili. Psal. 76. 12.* Itaque legit antiquus ille commentator שִׁי לֵה, per vau, non per he, vt nunc Iudæi, dictionemque præterea in duas dispescuit. Eam enim per He legere barbarismus esset, seu potius solæcismus quo genus fœmininum pro masculino enuntiaretur. Iudaica tamen lectio, in duas dictiones diuisa, vt vult ille Midras, mirabilem & verè Christianum sensum complectitur; quo nullus solæcismus aut solæcophanes committitur. Sic enim legendus versus, *Non auferetur sceptrum de Iuda, &c. donec veniat munus siue donum ad ipsam*, id est, donec Messias in Virgine Maria concipiat, seu, donec Spiritus sanctus qui est Patris maximum donum, Mariam Virginem obumbret, ipsaque illius virtute Saluatorem mundi in vtero concipiat. Sic verum hîc contingit esse quod Græcorum pro-
 uerbio iactatur, *Νῦν εὖ πεπλόγηται, ὅτε γενναία γίγνηται.*

CAP. II.

Eiusdem dictionis שִׁילֹה, decem è Rabbi-
nis originationes, & totidem signi-
ficationes eruuntur.

1. שִׁילֹה, *Siloh*, vox barbara sacro textui inusitata.
2. Duplex in Masora notatur error.
3. Dictionis istius quinque etyma, & tot significationes tradit Abenesdra.
4. Hæreticis quæ magis placeat, & quam-obrem.
5. Quæ ratione ista lectio Christum è Virgine nasciturum prædicit.
6. Rabbinicis etymologiis duæ superadduntur.

I. **D**E hoc loco nobis est agendum, ut in Hebræo Iudeorum textu nunc legitur, & examinandum an æquè validum ex eo pro aduentu Messię argumentum elici possit, ac ex eodem iuxta 70 Interpretes aut Vulgatam desumpto. Textus neotericus est, *Non recedet sceptrum de Iuda, &c. donec veniat שִׁילֹה siloh*; Ex quo nullum validum Aduentus Messię argumentum elici potest. Ratio est in promptu evidens & planè necessaria. Nescitur quid sit Silo: dictio est in scripturis inusitata, quæ alibi præterquam hoc loco nus-

quamprehenditur, cuiusque ut vocis barbaræ ignoratur significatio. Huius dictionis etymologias nouem, aut decem, totidemque significationes tradunt Iudei, Vnde certissimè probatur ex hoc loco nihil colligi posse, cum per se dictio illa nihil significet, & ratione habita ad varias originationes in tot sensus distrahi possit. A sensu incipiam qui iuxta Grammaticam mihi videtur probabilior.

Masorethæ existimarunt dictionem illam esse nomen proprium vrbis Silo, in qua tabernaculum fœderis, arca, & alia quæ ad Dei cultum pertinebant, conseruabantur. Comparant enim istam dictionem & hunc locum cum iis scripturæ locis in quibus Silo nomen propriū legitur. Sic Masora magna ad hunc locum, שִׁילָה ל' בתי' בן וח' כתי' שלו וסי' הנה הנ' " בשלו' הביארו בית " שלו' כי גלה שלו' ואחיה בן אחיטוב' כאשר עשיתי לשלו' מדוע נבית בשם " ויבאו אנשים משכם ויטש משכן שלו' ושאר שלה ככי. *Non amplius scribitur sic, שִׁילָה, octo autem scribuntur, שלו.* Quæ sequuntur sunt indices istorum octo scripturæ locorum in quibus vrbis Silo fit mentio, & sic scribitur, שלן, Iudic. 21. 19.

1. Reg. 1. 24. & 3. 21. & 14. 3. Ierem. 7. 14. & 26. 9. & 41. 5. Pf. 78. v. 60. Postea addunt, & reliqua scribuntur שלה. hoc est, in ceteris locis ubi fit mentio urbis Silo, scribitur per He, sine vau & jod. Itaque iuxta celebres illos & accuratos sacrorum librorum Censores dictio illa prout in Hebræo textu, nunc iacet nomen est proprium urbis Silo. Masorethas sequuntur multi Iudæi: Cum enim reliquæ dictiones Silo defectiuè scribantur, שלו vel שלה, hic plenè scribitur, expresso scilicet jod sub chirik latente, hoc modo שלה. Quod millies & millies in textu sacro contigit, dictionem semel, bis, terve plus minus esse plenam, hoc est, exprimi jod vel vau, & aliis omnibus in locis deficere, vel è contra. V. g. paulò superius v. 8. יודוך *laudabunt te*, adnotatur כול מל, *omnes plena prater unam*, quæ scilicet scribitur יודך defectiuè. E contra versu 25. ad dictionem ברכת adnotatur ו' ה' חם', *sex sunt, quinque deficiunt, una plena est*, scribitur scilicet ברכות, &c. Hoc autem semel concessio hanc dictionem esse urbis Silo nomen proprium ruit penitus Christianorum argumentatio. Itaque errorem in textum irrepsisse illis necessariò fatendum est, quod textus circumstantiæ.

non difficile Iudæos euincunt. Nam ex שילה nec שלו nec שוה confici potest.

II. Antequam ulterius pergam Lectorem notare velim duplicem Masoræ inter columnaris errorem. Notat ad dictionem שילה hoc modo ל כ כ ו ה ד ש י ל ו כ ת י ב , *Non est amplius sic, & unum scribitur ש י ל ו*. Nam nulla dictio scribitur in textu Hebræo ש י ל ו sed octo scribuntur ש ל ו fine jod , & vna scribitur ש י ל ה fine vau. Itaque sic corrigenda Masora , ל כ כ ו ה ' ש ל ו כ ת ו ב , Iterum corrigenda sequens nota Masorethica , ל ו ה ' ל י ק ה ת . *Non extat amplius, sed octo scribuntur ל י ק ה ת*. Nam semel tantum legitur , ל י ק ה ת , Pro. 30. 17. Itaque reponendum , ל ו ה ד ל י ק ה ת . En quàm bellè ex istis notulistextum Hebræum emendares ?

III. Abenetsdra hanc Masorethicam interpretationem plurimum approbat, illi tamen quatuor etymologicas interpretationes superaddit. Breuiter ista enarrat, ש י ל ה , י ש אומרים בדרך המתרגם ארמית כטעם שלו . ויש אומרים שהוא מנזרת ובשילה ויש מי שהוציאו מלשון קרמונונו זל שליל . ויש מי שפירש אותו על עיר שילה ויפרש יבוא כמו ובא השמש או עד כי יבא קץ שילה כי בן כתוב ויטוש משכן שילה ואחר

בן ויבחר ברוד עבדו גם זה איננו רחוק : או
יהיה שילה כמו בנו והה' תחת ויו' כמו בתוך
אחלה מגורת לא תשלה אותי שפי' לא תוליד :

*Sunt qui interpretentur hanc dictionem iuxta
Interpretem Chaldaicum eodem sensu quo
שלו, cuius est. Alij dicunt quod derivatur à
significatione istius nominis, ובשליחה, Deu-
ter. 28. v. 57. & in secundina eius. Alij à dia-
lecto antiquorum nostrorum f. m. שליל, quod
abortivum significat. Est qui interpretetur di-
ctionem istam de ciuitate Silo, & interpreta-
tur, יבוא, occidat, veluti, & venit Sol, id est,
occidit vel donec veniat finis Silo. Sic enim
scriptum est, & deseruit tabernaculum Silo, &
postea elegit Dauidem seruum suum, Quod
quidem non est longè petatum. Aut denique erit
Silo veluti filius eius, & he loco vau, veluti in
Genesi אהלה בתוך, ubi pronomem femini-
num est pro masculino, à derivatione signifi-
cationis quam verbum שילה habet. 2. Reg. 4.
28. לא תשלה אתי, Ne parere facito me.*

IV. Præ cæteris secunda significatio pla-
cet hæreticis. Hanc etiam approbant ple-
rique Iudæi, Kimhi in radicibus, Bèchai,
Bengerfom, Arama, Aben Melek, & alij.
Est igitur sensus iuxta hanc interpretatio-
nem, *Non auferetur sceptrum de Iuda, &c.*

donec veniat secunda eius. Quum autem horrorem legenti incutiat hæc propositio, eam emollierunt substituendo, *filius eius.* Mirificâ metaphoriâ secunda puerperæ pro ipsius filio sumitur, aut si mauis metonymiâ qua continens pro contento. Geneuenses dictionem homonymam Silo in textu Gallico relinquere maluerunt, vt & qui Anglicè Biblia verterunt, *The scepter shal not depart from Iuda, &c. until Schiloh come.* Sceptrum non recedet à Iuda, donec veniat Schilo.

Non est difficile conijcere quamobrem tantopere placeat hæreticis vt & fere Iudæis ista interpretatio. Vtrique virginitatem Matris Messiae negant, hi ante & post partum, illi post partum. Fauet vtrique opinioni neoterica textus Hebræi lectio, Hac de re differentem audiamus R. Bechai in hunc locum. Dictione שילה, Silo, scribit primùm significari Moysen; Deinde ait appositè magis Dauidem intelligi, Denique & Messiam. Verba quæ hoc postremum colligunt, referemus, לא יסור שבט מיהודה על מלך המשיח הגואל האחרון וזה שאמר עד כי יבא שילה כלו' בנו היוצא מזרעו וטעם מלת שילה שלא אמר בנו

עשה זה יעקב בכוונה בנגד אמונת אדון כי
ידע ברוח הקדש טעם אמונתם ועל כן
הזכיר המשיח בשם שילה כלומר בנו שנולד
משלית אשה בדרך כל הנולדים מלשון
. ובשליתה היוצאה מבין רגליה. *Non rece-*
det sceptrum de Iuda, de rege Messia postremo
redemptore intelligi potest, & hoc est quod di-
citur, donec veniat Silo, quasi diceretur, filius
eius egrediens de semine eius. Ratio autem di-
ctionis Silo, quare non dixit filius eius? Hoc de
industria fecit Iacob aduersus fidem Christia-
norum. Cognouerat enim per Spiritum san-
ctum sensum rationemque fidei eorum, & ideo
Messia mentionem fecit sub nomine Silo, quasi
dixisset, filius eius qui nascetur de secundina
mulieris iuxta consuetudinem omnium qui
nascuntur. Deriuatur hac significatio ex Deut.
28. v. 57. ubi dicitur, Et secundina eius, Bes-
chil-jatah, quæ egreditur de medio pedum
eius.

De istius corruptelæ etymo id Iudæis
& hæreticis obijcere possumus quod Iose-
phus à fratribus malè acceptus respondit,
Vos cogitastis de me malum, sed Deus vertit
illud in bonum. Hinc enim illustrissimum
sanctissimæ Virginis Mariæ elogium colli-
gere possumus : Nec solœcismum com-

mittere, vt illis pro secundina sua, nobis erit necesse. V. Naturalem enim & genuinam dictionum syntaxim sequemur. **שׁוּלִי** igitur iuxta illos filium significat: Dic si ita placet, secundinam, **שׁוּלִי**, ergo est filius eius fœminæ, αὐτῆς, sicque legi debet **שׁוּלִי** schilah, He enim est relatiuum fœmininum. Ista igitur dictio **שׁוּלִי** si pro nomine proprio non sumatur, & quid sine solœcismo significare debeat, Messiaë matrem non quamuis sed insignem quandam, & antonomasticè sic vocatam; *Non recedet sceptrum de Iuda, nec dux de femore eius donec veniat filius istius mulieris.*

Αὐτὴ ἡ γὰρ εὐπίσταται οἱ διὸς κύριοι.

Sextam significationem & etymologiam docet Abarbinel in hunc locum, Silo significare dolum & fraudem, & deriuari à significatione dictionis **שׁוּלִי**. 2. Samuel. 3. 27. vbi dicitur de Ioab quod locutus fuerit cum Abner **בְּשׁוּלִי**, *in dolo*. Ita vertit etiam S. Hieronymus, alij vertunt pacificè. Textus vtramque interpretationem patitur. Ait igitur, *Non recedet sceptrum de Iuda, &c. donec veniat fraus & dolus*. Istud etymon excogitauit vt suorum sententiam confirmet qui Prophetiam illam referunt ad Ieroboam aut Hasmonæos. Affirmant enim

enim dolo & maximo cum peccato sceptrum à tribu Iuda ad se deriuasse, & ideo grauitèr à Deo punitos, malignam autem illam vsurpationem Patriarcham designasse. R. Abraham Seba autor Commentarij in legem cui titulus Tseror Hāmōr ab eodem verbo deriuat, sed alio nomine & significatione; à nomine של, quod semel reperitur in Scriptura, 2. Sam. 6. v. 7. & à multis redditur error, imprudentia, vt ab eo, à Kimhio, Salomone Iarki, paraphraste Chaldaeo, necnon S. Hieronymo.

Septimam interpretationem tradit Karaïtæ Commentarius in legem. Quatuor modis explicat dictionem Silo; primus qui illi valde placet, est, vt intelligatur vrbs Silo, suppletque post הנוש שבת nomen הנוש hoc sensu, Non recedet virga exactoris ab eo donec deferatur tabernaculum Silo, quod supra ab Abenefsdra explicatum. Secundus & tertius de Dauide & Messia; vtrumque approbat, nouamque hac occasione etymologiam profert, דים שילה הוא מלך המשיח אשר יצא ממנו מלש' וגם שול השול, *Nonnulli interpretantur Silo regem Messiam qui ex eo egreditur significatione desumpta ex schol thasolu, soluendo soluetis.* Ruth. 2. v. 16. sensus est; Non auferetur

virga exactoris ab eo donec veniat Messias qui dissoluat illam. Idem ad Dauidem commodè referri posse scribit. Denique eorum improbat sententiam qui per Siloh Nabuchodonozorum intelligunt.

Octaua est antiqui Midras qui dictionem in textu vnicam in duas diuidit hoc modo *וְשִׁי לִי*, de qua capite præcedente dictum est.

Nona est Talmudistarum tractatu Sanhedrim fol. 98. pag. 2. qui scribunt Silo vnum esse è nominibus quibus Messias appellabitur. Quid autem significet, aut quare sic appelletur, non explicant; sed ex eorum sententia tantum colligitur, nomen esse Messiae proprium. Locum integrum capite sequenti referemus.

Denique liber antiquus Tanchuma siue jilmadenu, dictionem Silo interpretatur veluti scripta esset, *וְשִׁי לִי* ut legerunt 70 Interpretes, & Paraphrastæ Chaldaei. Verba ipsius huc referemus, לא יסור שבת זה כסא מלכות כסאך אלהים עולם ועד שבת מישור שבת מלכותך ומחקת מבין דגליו כשיבא אותו מלך שהמלכות שלו שבתוב בו בדגלים תדמסנה עטרת גאות

שכורי אפרים · ער כי יבא שילה שהמלכות
 שלך. *Non recedet sceptrum, hoc est solium re-*
gni, thronus tuus Deus in aeternum, Et adhuc,
Virga rectitudinis, virga regni tui. Et dux de
pedibus eius, Cum venerit rex ipse cuius est
regnum, de quo scribitur, Pedibus cōculcaban-
tur corona superbia, Ebriorum Ephraim. Do-
nec veniat Silo, ille cuius est regnum. Itaque
 vel simpliciter legit autor ille in textu He-
 braeo Biblico, שלך, quod nunc scribitur,
 שילה; vel si legit, שילה, vt scriptum vide-
 mus in ipsius commentario, existimauit
 jod esse adscititium vt in תיעשה, *Exod. 25.*
 דברתי, *Psal. 109.* & alibi, atque ה pro, ו,
 positum esse: vel addidit jod Rabbinico
 more, vt doceret legendam dictionem per
 vocalem, e, & ש, relatiuum esse: vel de-
 nique scriptum est in ipsius textu שילה, ab
 Amanuensi ex solita istius dictionis in tex-
 tu Biblico scriptione. Vt vt sit, disertis ver-
 bis dictionem illam interpretatur שלך *cuius*
est, & supplet, regnum. Hanc interpreta-
 tionem ד שילה non improbant RR. Sa-
 lomon Iarki, & Abenēsdra, vt supra di-
 ctum, & de Aben Melex capite sequenti
 docebitur.

VI. Has istius dictionis originationes, &
 terpretationes literales & Grammaticas

è Iudæorum libris collegimus, pluresque non minùs idoneæ fingi possunt. Quum enim dictio illa, vt nunc in textu Hebræo legitur, nihil per se Hebraicè significet, sitque prorsus inusitata, quisque eam pro libitu ad suum scopum mentemque facilè trahet. Sanè si hanc dictionem à radice שיל, deriuemus optimè omnium etymon istud Grammaticæ criticæ & consuetæ nominum Hebraicorum deriuationi & formationi conueniet, siue שיל legas, ita vt ה, sit pronomen; siue שילה, ita vt ה pertineat ad formationem nominis. Sic à גול, lætari, גיל, & גילה, lætitia; à שור, canere, שיר, & שירה, cantus, à שוח, meditari, שיח, & שיחה meditatio, & alia quæ vsurpantur vtroque genere, vel alterutro, vt à צור, arctauit, ציר, dolor; à רוב, litigare, ליס, à פוח, flauit, פיה fauilla, à פוק, titubauit, פיק, titubatio, & pleraque alia. Genere quoque fœminino nonnulla קון lamentari, קינה, lamentatio; חור, ænigmaticè loqui, חידה, ænigma. Vix exemplo simili ex quiescentibus tertia ה deriuari docebitur, ista dictio, vt pleræque Rabbiorum notationes deriuant; nam שיבה ad rem non faciet; deducitur enim à שוב, vt significat captiuitatem reducem, & à ישב, vt ses-

tionem, & ad has radices à Kimhio aliisq; refertur, vt שיב & שיבה cum puncto in sinistro cornu à שוב canescere. Verùm שוי, vt verbum, non est in vsu, vt nomen, fimbriam significat. Itaque שיל, siue שילה, ex hoc etymo fimbriam significaret, vt ex nomine שליה à Rabbinis eiusdem dictio- nis interpretatio arcessitur. Etyma ex ver- bo שלל magis Grammaticæ conueniunt quàm à, שלה, dicitur enim per chirik, זמם à זמה, חתת à חתה, סבב à סבה. Dedu- ci etiam posset à נשל eiecit, excussit, vt שני, à נשן. Quapropter firmissimum illud Chri- stianæ fidei propugnaculum quod ex hoc versu aduersus Iudæos Patres promere so- lebant, hodierna lectione prorsus debili- tatur & labascit.

CAP. III.

Referuntur testimonia Rabbiorum antiquo- rum & recentium qui per Siloh Messiam intellexerunt, quorum autoritate argumen- tum Christianum, quod in neoterico textu Hebræo labefactatum est, instauratur.

QVanquam è textu Hebræo illius versus vt nunc legitur, nullum vali- dum aduersus Iudæos argumentum elici

possit, Christianis tamen non omninò periiit : suppetias enim venit constans Iudeorum antiquorum traditio , quæ fert locum istum de Messia intelligendum esse. Ex quo non inevidenter colligi videtur corruptelam istam non Iudæorum malignitate , vt nonnulli viri docti existimant , factam esse, sed casu fortuito irrepsisse : Malignitatem saltem si qua fuit , Iudæi plerique non approbarunt, cum antiqua traditione vt antidoto vsi, totum illum versum, dictionemque istam potissimum de Messia interpretentur. Christiani igitur aduersus Iudæos disputantes, quoties dictionis Silo homonymiâ & insulitate freti diuerticula & suffugia captabunt, illis antiquam suam traditionem vt Gorgonæ caput obtendere poterunt, cui vix ac ne vix quidem auctoritatem derogare audebunt. Quod si qui fecerint, Christianos saltem ille ipse locus tam constanti hostium fidei nostræ traditione corroboratus mirificè confirmabit, & religioni Christianæ nondum initiatos faciliè persuadebit.

Supra retulimus trium Paraphrastarum disertum hac de re testimoniū, necnō R.R. Salomonis Iarki, Bechai, Aben Melek, & Karitæ eiusdē interpretationis approba-

tionem. Nonnulla alia testimonia maximi apud eos momenti præcedentibus addere iuvat. A Talmudistis incipiam. In tractatu Sanhedrin capite vndecimo fol. 98. pag. 2. Interrogat R. Iochanan quale sit nomen Messia. Varij varia respondent, sed primùm ad nomen Silo recurrunt, דבי רבי שילא אמרי שילה שמו שנאמר עד כי יבא שילה דבי רבי ינאי אמרי ינון שמו שנאמר יהי שמו לעול לפני שמש ינון שמו דבי ר' חנינא אמר חנינא שמו שנאמר אשר לא יחן לבם חגיגה ויש אומר מנחם בן חזקיה שמו וכו'. *Familia R. Sila respondit, Silo nomen eius, ut dictum est, Donec veniat Silo. Familia R. Ianei respondit, Ij non nomen eius, ut dictum est, erit nomen eius in seculum ante Solem (Ijnon) propagabitur nomen eius. Familia R. Chanina, dixit, Chanina nomen eius, sicut dictum est, Quia non dabit vobis (Chaninah) gratiam. Est qui dicat Menahem filius Ezechia, &c. Plura referunt quæ nihil nunc ad nos spectant.*

In libro Ialcuth citatur explicatio istius versus desumpta ex tractatu Talmudico Horioth c. 3. Percurri totum illud caput nec citationem deprehendi. Forſan percurrentes eam transilij, aut alio è loco de-

scripta est. Commentarius est in vniuersa Biblia è Talmude & antiquis Commentatoribus totus contextus, Prædicatoribus inseruiens, magnæque apud Iudæos auctoritatis. Sic ille refert numero, 160. לא יסור שבט מיהודה זה משיח בן דוד שהוא עתיד לרדות המלכות בשבט שנאמ' תרעם בשבט וכו' עד כי יבא שילה שעתידין כל האומות להביא דורין לישראל ולמלך המשיח שנא' ויבילו ליוני צבאות. *Non recedet sceptrum de Iuda, hoc est, Messias filius David, quia dominaturus est regno in scepro, ut dictum est, reges eos in virga. Paulo post. Donec veniat Silo, Quia populi allaturi sunt dona Israeli & regi Messia, ut dicitur, afferent Domino Sabbath. Diuidunt illi dictionem Silo in duas, ut supra de quodam antiquo Midras dictum est.*

Antiquissimus commentarius in Pentateuchum qui Rabboth dicitur, commentario in Genesin qui Bresith Rabba vocatur sect. 98. sic refert, לא יסור שבט מיהודה זה מכירנו ומחקק מבין רגליו שבא ונתחבט לפני רגליו עד כי יבא שילה זה מלך המשיח. *Non recedet sceptrum de Iuda, hic est Machir, &c. & dux de pedibus eius, quia venit, & incuruatur ante pedes eius. Donec veniat Silo,*

hic est Rex Messias. Quare hîc de Machir filio Ammielis de quo 2. Reg. c. 17. qui Dauidi fugienti obuiam venit, diuinare non possum. Quidquid sit Silo Messiam interpretatur.

R. Moses Bar Nachman in hunc locum,
 אבל ענינו שלא יסור שבט מיהודה אל אחר
 מאחיו כי מלכות ישראל המושל עליהם
 ממנו יהיה ולא ימשול אחר מאחיו עליו וכן
 לא יסור מחקק מבין רגליו שכל מחקק
 בישראל אשר בידו טבעת המלך ממנו יהיה
 כי הוא ימשול ויצוה בכל ישראל ולו חותם
 המלכות עד כי יבא שילה ולו כל יקחת
 העממים לעשות בבולם כרצונו והוא
 המשיח כי השבט ירמו לדוד שהוא המלך
 הראשון אשר לו שבט מלכות ושילה הוא
 בנו אשר לו יקחת עמים. *Sed sensus est quod*
non recedet sceptrum de Iuda, ut transferatur
ad unum è fratribus eius, quoniam regnum
Israëli dominans ex ipso erit; nec alter è fra-
tribus eius dominabitur ei. Eodem modo non
recedet legislator de medio pedum eius; quia
legislator omnis in Israële in cuius manu est
annulus regis, ex eo erit: Nam ipse regnabit
& imperabit uniuerso Israëli, & ad ipsum per-
tinebit sigillum regium donec veniat Silo, &

ad ipsum erit stupor & debilitatio gentium ut in omnibus faciat iuxta arbitrium suum: Ille autem est Messias. Nam sceptrum denotat Davidem qui primus est rex, ad quem pertinet sceptrum, & Silo filius est eius, ad quem spectat populorum ille stupor, & debilitatio. Dictionem יקהר, deriuat à verbo קהה, obstupefcere, hebetare, idque probat ex Talmude, & antiquo Midras, cui iungere possumus librum Beresith Rabba loco iam citato: Ideo vult jod esse hemanticam ut in יעהר, eosque arguit qui congregationem aut obedientiam interpretantur.

R. Arama commentario celebri & diffuso in legem qui inscribitur עקירת יעהר, ligatio Isaaci multis aduersus Christianos hanc prophetiam exagitat, fatetur tamen per Siloh Messiam intelligi, עד בי יבא שילה והוא הבן הקטן העתיד לצאת מבן הגליו לקץ ימים רבים כמו שתרגם אנקלוס ובשליטה ובזעיר בנהא כי הוא אשר יקהל אליו כל הגוים וימלך עליהם מלכות שלמה כמו שאמר וישתחוו לו כל מלכים וכו' ומשם ואילך לא יוסף לברוע אבל כלם לפניו וברעו ויפילו רכתוב לפניו יברעו ציו' *Donec veniat Silo. Ille est filius paruulus qui egressurus est de medio pedum eius, post multos*

dies, ut interpretatur Onkelos, ובשליחה. Deuter. 28. paruulum filium eius. Nam ille est ad quem congregabuntur omnes gentes, & qui regnabit super eas imperio pacifico, ut dictum est, & adorabunt eum omnes reges. Deinceps autem non prosternetur iterum, sed omnes ante faciem eius prosternent se, & cadent, ut scriptum est ante faciem eius curuabuntur insula, &c.

Multis quoque dum Abarbinel de hoc loco disputat commentario in legem, remque in multas partes versat, in duas præcipuè, eam quæ de Dauide Siloh explicat, & eam quæ de Messia, & vtramque docet Patriarchæ proposito conuenire, conaturque insuper argumenti aciem quæ Iudeos iugulat, eludere. R. Moses Alsich in hunc versum pauca habet, sed quæ sermoni nostro apprimè quadrent. עד כי יבא שילה הוא מלך המשיח הוא דוד והוא גמר הרמז שענין יהודה הוא דונמת דוד העתיד והוא מלך המשיח. *Donec veniat Siloh, Iste est rex Messias, ipse est quoque David: & hoc significat clarè quod causa, & ratio qua agitur his de Iuda exemplum est mysticum Davidis futuri, qui est rex Messias.* Denique autor libri celebris Arba turim in notulis margi-

nalibus ad Biblia notat, *יבא שילה*, *veniet Silo*, idem esse Ghematricè quod Mefsias. Vtrumque enim *בשיה*, & *יבא שילה* numerum 358 componit. Licet igitur ex vi textus Hebraici, vt nunc legitur, nullum possit aduentus Mefsiae argumentum eliciri, id tamen, vt demonstratum est, ex constanti Iudæorum traditione textui coniuncta validissimè probatur.

C A P. IV.

Locus Psal. 21. de Mefsia crucifixione in Hebræo textu corruptus, ex Masora & antiquis codicibus restituitur, & argumento Christiano vis redditur.

Locus secundus è versu 17. Psalm. 21. Vel iuxta Iudæos 22. desumitur. Secundum 70 Interpretes & Vulgatam sic se habet versus hemistichium, *foderunt manus meas & pedes meos, dinumerauerunt omnia ossa mea*, quibus modus, formæque mortis Christi per crucifixionem euidentissimè denotantur; nec est opus argumentum texere, cum per se manifestum sit. At secundum textum Hebræum vt nunc legitur, inde nullum planè argumentum confici potest. Sic enim se habet textus,

Tanquam leo manus mea, & pedes mei. Corruptela est in mutatione literæ vau in jod. Legerunt 70 Interpretes in textu hebræo, כָּאֲרִי vel כָּאֲרִי, nunc legitur, כָּאֲרִי. Non citatur disertè hic versus ab Apostolis; euidens tamen est integrum hunc Psalmum de Messia esse intelligendum, & toto Psalmo mortis Christi circumstantias graphicè depingi. Deinde versus sequens in causa mortis Christi à Ioanne Euangelista c. 19. allegatur, & v. 23. in Epist. ad Hebr. c. 2. profertque Christus in cruce iam moribundus illius Psalmi initium. Denique textus corruptela est adèò manifesta & peruersa, vt hætenus nullæ Iudæorum glossæ illi colorem inducere potuerint. Eas hûc referre nihil ad rem nostram confert.

Non tamen omninò periit testibus ipsis Iudæis tam euidens Christianæ fidei argumentum. Adnotat enim parua Masora ad hanc dictionem, ב' קמטצין בתרי ליש' שויתי, ער בקר, *Duo scribuntur cum Kamets duplici significatione, sperabam vsque ad mane.* Postrema verba notant caput Isaia 38. v. 13. vbi similiter legitur כָּאֲרִי, *Kaari*, tanquam Leo, caph affecto Kamets. Autor istius adnotationis scribit duas illas dictiones

scribi cum Kamets in duplici significatio-
 ne. At dictio illa apud Isaiam nihil aliud
 significare potest quàm Leonem, Ergo
 Psalmo 22. docente isto autore Leonem
 non significat. Quid igitur aliud quàm, fo-
 derunt aut fodientes? Verbi gratia, Iob 27.
 11. ad dictionem אֹרִי, adnotatur, ב' בְּתָרִי
 לוֹשׁ' צִירָה, *Do sunt in duabus significatio-
 bus, ad latius, hoc est, 1. Sam. c. 20. 20. vbi*
eadem dictio similiter punctata reperitur,
sed alia significatione, Nam in priori signi-
ficat docebo, in posteriori, iaculabor. Sic
Deuter. 32. 27. ad dictionem אָגוּר Agur
idem notatur, & innuitur versus 1. c. 30.
Prou. vbi Agur est nomen proprium, & in
Deuter. loco significat, timebo. Idem vide
Genes. 39. 12. כְּנָגְדוֹ in veste eius, adnotatur
in duplici significatione sumi hîc & Exodi
21. 8. In Exodo enim significat, cum ille
prauaricauerit, Pleraque à Masorethis ad-
notantur eiusmodi. Quum igitur illarum
notularum autores adnotent בְּאָרִי, aliò
modo significare. Isaia 38. v. 13. alio modo
Psalmo 22. & leonem necessariò significet
in loco illo Isaia, juxta ipsorum mentem
in illo Psalmi loco Leonem non significat.
 II. Non modo notulæ istæ Masorethicæ,
 verùm ipsa Masora magna à Iudæis sum-

mo cum labore olim collecta idem nos docet. In Alphabetis siue catalogis ordine alphabetico constructis præambulis seriei Aleph, Vnum est quod sic inscribitur **אב** **מן בב ותרורהון בתרי לישני**. *Alphabetum ex binis dictionibus, & amba in duabus significationibus.* In isto autem catalogo recensetur **בארי**, & notantur loci Psalm. 22. & Isaia 38.

Objiciet forsan Iudæus; Ex dictis saltem colligitur Masorethas Psalm. 22. legisse **בארי**, Quid autem aliud significare potest quàm, *sicut leo*? Respondeo primum esse posse participium præsens plurale in regimine cum nomine sequente, & explicandum *fodientes*. Eleganter autem participia præsertim pluralia regunt genitiuum cum forma nominum: vel esse nomen verbale à participio præsentē formatum quod vocant Grammatici, **שם התיאור**, quod explicari debet, fossiles, vel etiam fodientes. Denique Masorethas in codicibus suis legisse quidem **בארי**, sed reponendum censuisse **בארי**, vt in serie literæ jod ipsi adnotant viginti quatuor esse dictiones quæ scribuntur in textu per jod, & leguntur cum vau; Econtrà dictiones esse quadraginta & vnā quæ scribuntur in

textu per **vau**, & legi debent per **jod** quas enumerat Masora textualis initio Samuëlis. Quidni igitur habuerint **jin** ipforum textu **כארי**, & legendum esse docuerint **כארו**, **vau** pro **jod**, atque hac ratione dictionem istam inter eas quæ vario sensu sumuntur recensuerint.

Objiciet iterum, si, **כארו** legerunt, id deduci non potest à verbo, **כרה**, nam tertia persona pluralis à **כרה**, est **כרו** sine Aleph. Respondeo, post omnem motionem magnam exprimendam esse vnam è literis **אהו**, aut saltem vnam ex his tribus, **או**; aut si non exprimatur sub ea latere; ideoque ab ijs vocari, **אמות הנשימה**, matres pronuntiationis: Aleph autem rarò admodum apparet inter duas consonantes, apparet tamen aliquando, notaruntque Masorethæ 48. eiusmodi dictiones, veluti **וַיֵּאָצֵּל**, Numer. 11. 25. **הַמְּלָאכִים** *reges*. 2. Sam. 11. 9. **קָאֵם** Osee 10. 14. **כָּדָאֵם**, in sanguine, &c. similiter **כארו** pro **כרו**. sæpissimè apparent **vau** vel **jod**; Hinc Masorethis dictiones plenæ & deficientes dictæ.

Objiciet tertio Iudæus literas eiusmodi à Masorethis non punctari, atque ideo titulum sic inscribi, **מִלֵּי נִסְכֵּי אֵל בְּאִמְצֵעוֹ**, *Dictiones qua recipiunt Aleph*

'Aleph in medio dictionis, & illud non legunt.
 Respondeo duplices fuisse Masorethas, ut docet Elias: Priores dictiones & literas recēsisse, multasque animaduersiones quę ad dictiones literas & versus spectant, elucubrasse; Posteriores puncta & accentus notasse, & eorum quę ad hæc spectant, auctores esse. Priores igitur cum puncta illis essent incognita, eorum rationem habere non potuerunt, sed literis tantum attenti fuerunt. Superuenerunt Punctatores qui libros non conferentes, sed ratione sua sensum Biblicum metientes puncta inscripserunt, quos sæpius primi Grammatici castigarunt, eorumque inuentis addiderunt, ut non semel monet Elias & harum rerum scientibus manifestum est. Illi igitur sensum dictionis, כֹּאֲרִי prout scribitur, & nihil aliud attendentes, כֹּאֲרִי punctauerunt, existimantes dictionem esse אֲרִי leonem, & כֹּ notam similitudinis. Verum ego vicissim interrogo, quamobrem contra morem & regulam tam gutturalium quam seruilium literarum Kamets scribitur sub caph: Nihil enim est quod istam motionem producere potuerit? Vix alia est causa quam quod primi punctatores existimantes כֹּאֲרִי esse idem quod כֹּרִי foderunt,

T

punctarunt כָּאֵרִי, Aleph vt epentheticum legentes. Alij postea opus Biblicum recensentes opinati sunt, כָּאֵרִי significare tanquam leo: ideo iudicarunt אֵרִי Aleph punctationem hoc loco aut antecessorum diligentiam fugisse, aut errore Scribæ omisissam: Punctarunt igitur Aleph vt dictioni radicalem, vt alias punctari solet. Cum autem constanter viderent Kamets sub Kaph, illud antiqua sede non mouerunt. Deinde cum aut ijdem, aut alij viderent hunc locum cum illo Isaïæ 38. 13. à Masorethis comparari, Kamets etiam isti contra regulas suas inscripserunt. Denique obijcere possunt, Quare igitur istam dictionem כָּאֵרִי non inseruerūt catalogo earum quæ Aleph recipiunt, & non legunt? Huic obiectioni in argumenti tertij explicatione satisfiet.

Antequam illud aggrediar notabit, Lector, Eliam Leuitam Grammaticum, & criticæ Masorethicæ peritissimū, quum animaduertisset Masorethas retulisse hæc duo loca in catalogum lectionum quæ duplici significatione leguntur, eos damnare maluisse, quàm approbare. Illius verba referemus: habentur in postrema parte libri Hammasoreth quam inscribit, שִׁבְרִי

לוחות *fractiones tabularum* ad תל abbrev-
 uationem , רת תרי לישני וכן במס' גדולה ,
 אלפאביתא מן תרי ותרין ותרויהון בתרי לישני
 כמו אורה אתכם ביד אל' החצנים צדה אורה
 וכן כלם על סדר האב והם בנגד מאה זוגות
 כלם בתרי לישני . והאמת יש בהן הרבה
 נראה שאין הפרש ביניהן . והנה אזכיר
 החמור שבכולן והוא כַּאֲרִי כֵן ישבר כַּאֲרִי
 ידי ורגלי ומי יתן ואבין ההפרש שביניהן .
Notaricum est quod significat, duas significa-
tiones. Sic est in Masora magna Alphabetum
ex binis dictionibus quae in duabus significa-
tionibusprehenduntur, ut, אורה, Job 27. II.
& 1. Sam. 20 20. Et sic cetera iuxta ordi-
nem Alphabeticum. Ista sunt ex opposito, & in
vicem centum parium quae duabus sumuntur si-
gnificationibus. Profecto sunt multa inter quae
non videtur esse discrimen. Ecce autem com-
memorabo turbidum lutum quod est in his om-
nibus. Illud autem est כארי Psal. 22. esse di-
uersa significationis à כארי Isaia 38. Quis
mihidabit ut intelligam discrimen quod est
inter ista. Pupugit vehemēter ipsius animū
ista dictionis in diuersis sensibus compara-
tio. Punctat regulariter dictionem כארי ,
Nescio an sit σφάλμα μνημονευτικόν.

Tertium argumentum desumitur ab

T ij

autoritate R. Jacob Ben Chijam Masoræ instauratoris, qui testatur se in nonnullis libris Bibliorum correctis vidisse scriptum in textu בארי, *foderunt*, & in margine adnotatum, legendum esse בארי, *tanquam Leo*. Sic ille in Masora magna serie literæ Aleph vbi de ארי adnotat ad dictionem, בארי. בקצת ספרים מדוייקים מצאתי כתוב בארו וקרי בארי אמנם בקשתי באינן מלין דכתיבו בסוף תיבו וקרי' ו' ולא מצאתיו נמנה בחשבונם וגם בחלוקה המקרא דיש בין מרינחאי ומערבאי ולא נמנה שם עכ'.

In quibusdam libris correctis inueni scriptum בארו, & ad marginem adnotatum legendum esse בארי. Certè perquisiui & recensui catalogum earum dictionum quæ scribuntur in fine per vau, & leguntur per jod : sed non inueni dictionem istam in earum numero supputatam. In ea quoque varietate scriptura qua viget inter Orientales Iudeos, & Occidentales non computatur.

Quod notat varietatem istam lectionis se nonprehendisse in catalogo Masorethico earum dictionum quæ scribuntur cum vau, & leguntur cum jod argumenti nostri vim nullo modo minuit. Multa enim eiusmodi Masorethas fugerunt;

multa quæ codices varios conferendo animaduenterant, catalogis suis inferere omiserunt; multa quæ vni catalogo inferuerant, alteri aut inferere noluerunt, aut id facere obliti sunt; multa denique post ipsorum opus in textum irrepserunt. Verbi gratia, ne exempla alibi quàm his ipsis locis quæramus, adnotat ille ipse Masoræ instaurator Isaia 38. v. 14. in margine ad dictionem סוס, בקצת ספר' כתי' כסים, וקרי כסוס' אמנם לא מצאתי שנמנה עם אותות הכתוב' יור באמצע תיבות וקרי וי'.

In quibusdam libris scribitur in textu, כסים, & ad marginem adnotatur כסוס. Verum non inueni illud computatum inter literas quæ scribuntur cum jod in medio dictionum, & leguntur cum uau. Antiquissima lectionis varietas; sic enim scribit S. Hieronymus in hunc locum. *Pro pullo hirundinis siue hirundine, ut 70 transfulerunt in Hebraico scriptum est, סוס עגור, quod interpretatus est Aquila, equus Agor: Theodotio סיס עגור; media enim vocalis litera, si ponatur inter duas ס, legitur סוס, sus, & appellatur equus; si ו legitur סיס, sis, & hirundo dicitur. Symmachus autem ita transtulit, sicut hirundo inclusa, sic cantabo, &c. Vides 70. Theodotionem &*

Symmachum legisse סים, Aquilam & S. Hieronymum סוס.

Innumera eiusmodi obseruauimus, potissimum conferentes quæ de his rebus refert autor tractatus Scribarum cum animaduersionibus Masorethicis, & utrasque cum iis quæ in Bibliis Veneris cum nota קרי, seu variæ lectionis adnotantur. Exempli causa, ut in eodem varietatis genere maneamus. Octodecim loca notant Masorethæ in quibus vau in medio scribitur & legitur jod super ea quæ refert autor istius tractatus. Refert præterea idem autor septem aut octo eiusmodi loca quæ non commemorant Masorethæ, nec amplius in Iudæorum libris comparent. Insuper Masorethicis eiusdem generis varietatibus Biblia Veneta quinquaginta duas superaddunt. De cæteris varietatibus par est ratio. Imò plurima sunt variarum lectionum genera à Masorethicis sigillatim enumerata, quorum in tractatu Scribarum nulla mentio. Sed de his alibi.

Chaldaus Interpres utramque lectionem forsan coniunxit cum vertit, מכאישין, אקפוני נכתין היך כאריא אידי ורגלי. *Impij circūdederunt me, mordentes ut leones manus meas & pedes meos.* Forsan etiam legens

tantum כְּאַרִי, more suo paraphrasticè explicuit leonini furoris effectum.

His testibus addendus est S. Hieronymus in interpretatione Psalterij quod ex textu Hebræo sui temporis exactè in Latinum sermonem transtulit. Vertit enim, foderunt, quod nunquam fecisset in illa interpretatione quam relictis prorsus 70 Interpretibus ad Hebræi textus libellam condidit, si aliquid aliud quam, כָּרִי, legisset. Addendus denique Ioannes Ifacus ex Iudæo Christianus, qui lib. 2. aduersus Lindanum testatur apud auum suum Psalterium Hebraicum se vidisse & legisse in cuius textu scriptum erat, כְּאַרִי, & in margine כְּאַרִי. Ex dictis igitur manifestum est locum istum, licet vt in textu Hebræo nunc legitur, nihil prorsus conducat ad genus mortis Messiae inferendæ demonstrandum, coniunctum tamen Masorethicis obseruationibus, vim suam recuperare, quod nobis erat probandum.

C A P. V.

Locus cap. 9. Isaia de Messia diuinitate Masoretharum peruersa punctatione corruptus ex Talmude & aliquot Rabbiniis reponitur, & argumenti Christiani vires reficiuntur.

Tertius locus ex Isaia cap. 9. v. 6. depromitur. Testimonium est diuinitatis Messia fulgentissimum. Illud sic effert S. Hieronymus, *Paruulus natus est nobis, & factus est principatus super humerum eius, Admirabilis, Consiliarius, Deus, fortis, Pater futuri saeculi, Princeps pacis.* Vulgatus 70 Interpretū textus ut à S. Hieronymo legebatur, omnia illa magnifica epitheta refecabat præter vnum quod his verbis exprimebatur, *Vocabitur nomen eius magni consilij Angelus.* Existimat S. Hieronymus Interpretes tantorum epithetorum maiestate attonitos ea de puero dicere non ausos, ne Ptolemæo regi ethnico offendiculum aliquod crearent. Hunc locum ut à S. Hieronymo legitur referunt S. Cyprianus l. 2. aduersus Iudæos, Ambrosius l. 3. in Lucam c. 3. Eusebius de Demōst. Euāg. l. 7. & 9. Basilii, & Procopii in Esaiam. Probabile tamen est hæc epitheta ab Hæ-

reticis Christi diuinitatem negantibus, aut etiam à Iudæis erasa fuisse. Illa enim refert S. Ignatius in Epist. ad Antiochenos qui Interpretes Græcos Aquilam, &c. tempore præcessit, S. Irenæus lib. 4. c. 66. qui Theodotioni æqualis fuit. Ille certè è 70. editione testimonia sua hauriebat, non è turbidis coætaneorum Apostatarum translationibus. Deinde disertè testatur Eusebius lib. 7. eiusdem demonstrationis nonnullos codices ista epitheta exhibere, quæ ille ex iisdem codicibus profert. Editio quoque Veneta, & Argentoratensis, vt cæteras omittam, illa epitheta eodem contextu cum præcedente coniungunt.

Vt sit, scopo nostro satis est Vulgatam editionem inuictissimum diuinitatis Christi argumentum nobis suppeditare. Hebræus textus, vt nunc legitur, illud nobis è manibus excutit. Ita enim dictionem vnā punctarunt Masorethæ vt ea omnia epitheta vltimo excepto ad Deum patrem referantur. Cum enim punctare debuissent, יְקָרָא Iikare, *vocabitur*, punctarunt יְקָרָא jikra, *vocabit*, hoc sensu, & *vocabit nomen eius Admirabilis, Consiliarius, Deus, fortis, Pater futuri sæculi, principem pacis*, monentque diligenter R.R. Salomon, Kimhi, &

Aben Melek hæc epitheta esse ad Deum referenda ; postremum verò ad puerum de quo verba facit Propheta, quem existimant esse Ezechiam filium Achas. Eadem videtur fuisse Chaldæi Interpretis sententia : Ita enim vertit, **ואתקרי שמה מן קדם מפליא עצה אלהא גברא קיים לעלמא** , *Et vocabitur nomen eius ab Admirabili, Consiliario, Deo, forti, subsistente in secula, Messias, qui pacem multiplicabit super nos in diebus suis.* Est enim **מן קדם** , præpositio , quæ æquipollet Latinis præpositionibus, a, ab, ex, itaque regit sequentia Epitheta aut saltem primum : Nec vnquam absolute ponitur. Dicitur quidem sæpe **מן קדמי** , à facie mea, à me ; sed nunquam **מן קדם** , nisi sequatur aliquod nomen quod ab ea regatur, non secus ac præpositiones illæ Latinæ.

Ista tamen maligna punctatione non perit nobis hoc argumentum. Vt enim omittam Aquilam & Symmachum qui verterunt, *vocabitur* , & hæc epitheta ad puerum de quo loquitur Propheta retulerunt, vt ex eorum interpretationibus quas enarrant Eusebius l. 7. de demonstratione Evangelica, & Ambrosius l. 3. in c. 3. Lucæ ; vt omittam 70 Interpretes sanctum-

que Hieronymum, præsto nobis sunt Talmudici, qui hoc testimonium citantes verbum, de quo nobis est sermo, passivè intelligunt, omniaque illa epitheta ad puerum, de quo propheta loquitur, referunt. Sic illi differunt cap. ultimo, tractatus Sanhedrin fol. 94. p. 1. ad finem, מאי משמנו רזון

אמר הקב"ה יבא חזקיהו שיש לו שמנה שמות ויפרע מסננה ריב שיש לו שמונה שמות חזקיה דכת' כי ילד ילד לנו בן ניתן לנו ותהי המשרה על שבמו ויקרא שמו פלא יועץ אל גבור אביעזר שר שלום והאיכה חזקיה שחזקו יה דבר אחר חזקיה שחזק את ישראל לאביהם שבשמים סננה ריב דכתיב ביה חגלת פלאזר פלמנא שלמנא פולסרגין סרגין אסנפר רבא ויקרא והאיכה סננה ריב שסיחתו ריב דבר אחר שפח וניהר דברים בלפי מעלה.

Quid est in pinguibus eius macies? Isa. 10. 16. Dixit Deus benedictus, Venit Ezechias cui sunt octo nomina, & vindicavit se de Sennacheribo, cui quoque erant octo nomina. Ezechia, sicut scriptum est, Quoniam puer nobis natus est, filius datus est nobis; eritque principatus eius super humerum eius, & vocabitur nomen eius, Admirabilis, Consiliarius, Deus, fortis, pater, aternitas, princeps, pax, & insu-

per Ezechias quia corroborauit eum Deus. Aliter, Ezechias quia conseruauit, & corroborauit Israellem Patri suo qui est in cœlis, Sennacheribo, quia scriptum est de eo, Tiglath-Phalazar, Phalmana, Salmana, Phulsarghin, Sarghin, Asnephaz, Raba & Iekira, & insuper Sennacherib, quia extirpauit eum contentio: aliter, quia oblocatus est & infremuit verbis contra maiestatem, &c. Vides Talmudistas, hoc verbum passiuè vt S. Hieronymus aliique interpretes, intellexisse, nec aliter eorum verba sumi posse, אבי ער, quoque & שר שלום, vt numerum suum ineant absolutè sumere non constructè, vt Masorethæ, & Interpretes Græci & Latini.

R. Abarbinel vtramque interpretationem amplectitur. Fatetur omnes Interpretes Deo omnia illa elogia vno excepto tribuere, & verbum יקרא actiuè legere: fretus tamen Talmudistarum autoritate scribit passiuè intelligi posse, & vnicuique quo libuerit modo interpretari potestatem esse. Verùm cum Iudæorum more hæc epitheta in Ezechiam confert, quanta sit vis argumenti Christiani & veritatis manifestè colligitur. Hæc enim epitheta nulla ratione, nullo colore filio Achas tri-

bui possunt, sed tantum illi qui verus est Deus. Ergo puer ille, de quo loquitur Propheta, verus est Deus. Quam absurdè hæc emolliat, & peruertat Rabbinus ille, ut Ezechia conueniant sola quorundam enarratione, luce meridiana clariùs fulgebit. Dicit enim Ezechiam vocari, אֵל, Deus, quia ipsius nomen Ezechias ex ה' vno de nominib. Dei cõponitur, scribitur enim הוּקִיָּהוּ. Quasi verò, Elias, Ieremias, Sedecias, Godolias, Nathanas, Sophonias, &c. Vnusquisque eorum dici posset absolutè אֵל, Deus fortis? Istud Epithetum אבִי עַד, pater æternitatis crudeliter ipsum torquet. Ait separari posse, vel coniungi, & utroque modo עַד, prædam & spoliū significare, vocarique Ezechiam Patrem, & prædam, vel Patrem prædæ ob Sennacheribi spolia deportata. Quam egregiè hæc vel hoc epithetum tam magnificis elogiis miscetur? Nec minùs ægrè fert verba quæ sequuntur, *pacis non erit finis, &c. à modo & usque in sempiternum*, per, sæculum, intelligit Ezechia vitam quæ inquit tota pacifica fuit. Vtrumque falsissimum. In sæculum enim de vita hominis non dicitur. Deinde Ezechia regnum variis & ingentibus bellis est quas-

fatum, ut videre est. 4. Reg. c. 18. multoque magis tempus illud quo vixit, antequam Rex inauguraretur. Ait præterea sæculum de iubileo dici, & vixisse annos 65. Omnia falsa, nihilque ad rem. In sæculum de iubileo non dicitur, & si diceretur de tam brevi spatio, hîc locum habere non posset hæc æternitatis significatio, quæ tam multis nunquam finituri temporis circumstantiis describitur. Annos autem vixit Ezechias tantum 54. regnavit viginti novem.

Hæc ex Abarbinele qui Iudæorum primus post Talmudistas hoc verbum passivè intellexit, ut cognoscas Lector quàm validū ex eo loco Christianæ fidei propugnaculum construatur. Autor Commentarij in legem qui inscribitur Tseror hammor, licet Talmudistarum non faciat mentionem, sponte sua tamen istud verbū passivè quoque interpretatur, omniaque hæc epitheta in ultimam legis sectionem in Ezechiam torquet, sed insulsiſsimè. Masorethæ argumentum Iudæis tam molestum perversa unius apiculi mutatione totum concusserunt, & propè nullum reddiderunt. Verum licet ex textu Hebræo ut nunc punctis subest, nullum commodum ar-

gumentum confici possit, iuncta tamen Talmudis autoritate adeò validum instauratur, vt Iudæorum contradicentium, & hæc ad Ezechiam referentium ora facillimè obturentur, & pertinacia contundatur.

C A P. V I.

Nonnulla axiomata docent Talmudiste, Rabbinique antiqui & recentiores, quibus colligitur Iudaicos sacri textus Censores eam lectionem & punctationem elegisse quæ Christiana fidei officeret: atque etiam non esse improbabile ei manus sacrilegas nonnunquam attulisse.

EX appendice nostra duo corollaria Lectori colligere promptum est, quæ viri docti literarum Hebraicarum studiosissimi ante nos magno consensu docuerunt. Prius, Masorethas nonnunquam eam punctationem elegisse quæ Christianæ fidei magis officeret. Posterius, idem in variarum Lectionum electione præstitisse, hoc est, è variis Lectionibus quasi iis exhibebant varij codices, eas nonnunquam prætulisse, & textui, marginique inscripsisse quæ minùs Christianis fauerent.

Vtrumque corollarium pluribus exemplis demonstrari posset. Sed nolim iam decurso spatiolo nostro à calce ad carceres reuocari. Rei vnus quæ superiora plurimum illustrat. Lectorem monebo, cuius explicationem legisse eum ni fallor, non pœnitebit.

Porchetus victoriæ contra Iudæos parte prima cap. 15. dictum seu axioma Talmudicum his verbis refert, *Notandum quod hoc quod Sofrim, id est, Scribæ fecerunt, persuadent & suis discipulis faciendum in libro Ieuamoth in fine Pereq Haerel. Dixit R. Iochanan ex nomine R. Simeon, Bonum est ut euellas literam vnā de lege, & sanctificetur nomen cæli in publico. Nec plura Porchetus. Galatinus idem refert testimonium l. 1. c. 8. iisdem verbis, Quod non solum ipsi Sofrim, id est, Scribæ faciebant, sed suos quoque discipulos facere docebant. Vt enim habetur in libro יבמות, id est, fratriarum in calce capituli הערל, sic dixit R. Iohanan ex nomine R. Simeonis, Bonum est ut auferas literam vnā de lege, & sanctificetur nomen cæli in publico. Cæteri qui hoc testimonium vsurparunt, illud à Galatino mutuati sunt: Quapropter ab iis frustra plura requires. Quum tantum hoc apud Galatinum aliosque*

que legerem, parum mihi videbatur probabile hoc in Talmude haberi; aut si quid aliquo modo simile legeretur, longè alio sensu dici, qui facilè ex antecedentibus & consequentibus deprehenderetur. Sunt enim eiusmodi, nonnulla ex Rabbinis & Talmude referri solita. Verùm quum hoc apud Porchetum legi qui à Raimundo Martino, viro in Iudæorum libris supra omnium hominum fidem exercitatissimo omnia sua exscripsit, laudato tamen initio libri Raimundi nomine, non ingratissimè vt Galatinus, qui Porcheti nomine præterito librum eius mutato ordine & Latinitate interpolata pro suo venditavit, euoluendi Talmudis incescit me cupido, vt quibus verbis, quave occasione axioma à sensu communi tam abhorrens Rabbinis illi euulgarent, mihi esset perspectum. Illud reperi non in fine capitis Haerel, sed longissimè à fine: quum enim caput quatuordecim magna folia contineat, initio decimi axioma deprehendi, hoc est tractatus Iebamoth cap. 8. quod incipit *הערל*, Haerel, *incircumcissus*. fol. 79. p. 1.

Verba Talmudica paulò fusiùs referemus: Ea enim continent quæ videntur sententiæ eorum qui Iudæos malignitatis ac-

cufant, magnam probabilitatem conciliare. Agunt eo loco Doctores Talmudici de filiis Saul quos suspendendos Dauid concessit Gabaonitis, eò quod Saul Gabaonitas afflixisset contra fidem olim iis à Iosua datam, cum se suaque ei dediderunt. Traditioni quam fecit Dauid Saulitarum & eorum supplicio duo opponunt, & axiomatica freti quo de verba facimus, ea dissolunt. והא כתיב לא ימותו אבות על בנים

ונו' אמר ר' חייא בר אבא אמר ר' יוחנן מוטב שתעקר אות אחת מן התורה ואל תחלל שם שמים בפרהסיא ותחק רצפה בת איה את השק ותטהו לה אל הצור מתחלת קציר עד ניתך מים עליהם מן השמים ולא נתנה עוף השמים לנוח עליהם יומם וחית השדה לילה והא כתיב לא תלין נבלתו על העץ אמר ר' יוחנן משום ר' שמעון בן יהוצדק מוטב שתעקר אות אחת מן התורה ויתקדש שם שמים בפרהסיא. *Eu scriptum est non morientur Patres cum filijs, &c. Dixit R. Chajja filius Aba, Dixit R. Iochanan, Bonum est ut euellatur litera una de lege ut non prophanetur nomen cælorum in publico. Accepit autem Ritspa filia Aja saccum, & extendit sibi super petram ab initio messis donec stillarent*

aqua super eos è cælo, Et non permisit aues cælorum quiescere super eos de die, nec bestias agri de nocte. 2. Sam. 21. 10. En prætere a scriptum est, Non pernoctabit cadauer super lignum. Dixit R. Iochanan nomine R. Simeonis filij Iehosedek, Bonum est ut euellatur litera una de lege, ut sanctificetur nomen cælorum publicè. Pluribus non agunt de hac materia.

Duo legis præcepta Talmudistæ referunt quæ Dauid videtur transgressus; Ne videlicet filij cum Patribus puniantur; Neve suspensi cadauer in ligno pernoctet. His præceptis contraria perpetravit Dauid, aut saltem perpetrari permisit, ut manifestè ex locis citatis demonstratur. Quid adhuc Talmudistæ? Argumento à maiori ad minus Dauidem hoc iure fecisse probant. Licet, ut nomen Dei sanctificetur literam è lege auellere: Ergo multo magis licitum fuit Dauidi ne nomen Dei prophaneretur à gentibus & Profelytis Saulis filios ignominiosæ morti propter Patris crimen exponere, eosque in ligno suspensos diu noctuque ostentare. Inquies, quare ratione nomen Dei prophanatum fuisset, si Saülitæ Gabaonitis traditi non fuissent? Licet nullam huius rei rationem probabi-

lem reddere possemus, satis nobis esset hac in causa Talmudistas id pronuntiasse, cum quid faciant, non autem quàm iusta ex causa id faciant, aut decernant, inquiremus. Quis enim nescit eiusmodi homines permulta nullis de causis aut admodum ridiculis agere, aut decernere? Verùm causa in promptu est. Iureiurando Gabaonitis promiserant Iosue & Israëlitarum principes, vitæ & bonorum incolumitatem. At contra fidem illam Gabaonitis datam eorum multos occiderat Saül, cæterosque variis afflictationibus attriebat. 2. Sam. 21. Nisi igitur vindicta subsequuta fuisset, nomen Dei prophanatum fuisset, resignato & violato iureiurando in nomine Dei præstito. Sed Saül criminis autor è viuis erat exemptus: Ad illius igitur posteros spectabat vindicta.

Huius rei rationem paulò aliter explicat R. Salomon glossa in hunc locum, ואל ותחלל שם שמי' שיהיו האומן אימ' אין אומה' זון ראוי' לירבקה שהרי פשטו ידיהם בגרי' ליטול מזנותיהם ולא עשו נקמה בהן. *Ne prophanetur nomen cælorum, Quia populi dixissent non erat iusjurandum hoc legitimum & observatione dignum: Ecce enim extenderunt manus suas in Profelytos ad au-*

ferendum eis victui necessaria, & de iis vindictam non sumpserunt. Videtur rationem prophanationis ad ipsum Iosux iusjurandum referre ; Dauidem scilicet nisi Gabonitis permisisset de Saülitis supplicium sumere, visurum fuisse Iosux iusjurandum improbasse, quod tamen Deus ratum habuerat. Quidquid sit, ut probent Talmudistæ Dauidi licuisse contra legis præcepta facere, hoc apud eos vsitatum axioma vsurpant, *Bonum est literam unam è lege euellere, ut nomen Dei publicè sanctificetur.*

Idem fere quod Talmudistæ docent antiqui recentioresque Iudæi qui Scribarum correctiones explicant. Tradunt enim omnes octodecim loca (nescio unde Porchetus & post eum Galatinus quindecim tantum scribunt ; ego varios autores conferendo vnum & viginti deprehendo) à Scribis correctæ fuisse ut diuinæ maiestatis honori consulerent, eo quod de Deo non satis honorificè loquerentur, atque ideo vna litera mutata factam esse à Scribis personarum enallagen. V.g. cum scriptum esset Psal. 106. v. 20. כבודי, gloria mea, correxerunt כבודם, gloria eorum. Numer. 11. 15. ואל אראה ברעתי, Non vi-

V iij

deam afflictionem meam, Scribæ correxerunt, ברעתי, afflictionem eorum. R R. Ioseph Albo, & Azarias ineptissimam suorum autorum interpretationem commentantur. Aiunt Scribas nihil in textu mutasse: Quando autem Rabbini sic locuti sunt, dicere tantum voluisse, Mosén, aliosque Prophetas Scribarum more, qui cum multa habeant in mente quibus animi sensa exprimant, illum loquendi modum Deo inspirante elegisse, qui personis, de quibus verba faciebant, erat conuenientior. Sic ex eorum sententia mutatio illa facta est in mēte Prophetarum antequam manum textui scribendo applicarent.

Verumenimuerò Rabbiorum plurimi adeo manifestè & perspicuè de hac mutatione loquuntur velut diutissimè post Prophetas facta, vt nullo commento in alium sensum torqueri possint. Ita liber antiquus Tanchuma, Salomon Iarki nonnullis locis Commentariorum in Scripturam, R. Nathan in Aruk, Moses Bar Nachman, Elias Orientalis, & Aben Melek, necnon ipse Kimhi, & Karaita noster. Azarias Tanchumæ & Salomonis auctoritatem sibi opponit, sed ea ita obruitur, vt dicat ab aliquo ad marginem quæ de illa correctione

habent, adnotata fuisse, & postmodum in textum irrepsisse. R. Iacob Ben Chijam vult istas correctiones Mosis esse traditionem à monte Sinai, cum tamen maxima pars earum de textu prædicetur, qui post Mosen diutissimè scriptus est. Verùm hoc de Iudæorum more qui omnia deliria sua ad Mosen referunt in monte Sinai.

Obijciunt illi tres, si Scribæ hæc loca corripissent, seipsos non deferrent: Quis enim iactat se quod librum corruperit? Hæc obiectio est alicuius momenti aduersus eos qui malignè Iudæos asserunt libros suos corrupisse. At contra illos qui corruptelas istas casibus fortuitis attribuunt, nihil prorsus probat, Non enim libros corruptos dicuntur eiusmodi, sed fortè fortuna corruptos pristino nitori restituisse; quod omnium hominum laudibus celebratur, tantùm abest vt vituperium mereatur. Nec etiam iis officeret qui sincerum textum obipium finem immutarent, quod à maxima Iudæorum parte Scribæ illi fecisse dicuntur. Denique cogita Lector, an quid absurdius Albonis & Azariæ solutione fingi possit. Moses & Prophetæ illis in locis ipsissimi libros suos correxerunt non alij: Imo antequam dictiones illas in charta

pingerent, emendarunt. Vt quid igitur Scribis tam constanter tribuitur ista correctio? Quis, eo quod librum scripturus meditatur qua periphrasi & verborum decore hoc & hoc enuntiet, idque tandem apud se definit, dixit vnquam Scribas illius textum verbaque correxisse? Hæc nunc paucis, aliàs plura: longioris est enim operæ correctiones illas enarrare, & Rabbiorum, quorum mentionem fecimus, verba, sententiasque referre & explicare.

Eandem mutationem bono zelo sibilicitam esse saltem in sacri textus translatione credunt omnes Iudæi: Omnes enim tredecim illas mutationes probant & laudant quas 70 Interpretes in translatione sua fecisse commentantur. Iudæorum plurimorum hac de re testimonia si curiosus es, lege in Exercitationibus nostris Biblicis cap. 8. Exercitat.

Huic axiomati finitimum est id quod Talmudistæ decernunt de iis quæ in Scriptura existimant turpia pronuntiata, sarcasmata, & iocularia, aut in idolorum vel impiorum laudem dicta. Ista enim non modo legere prohibent, verum etiam alia verba, alias phrasas in eorum locum substituere iubent. Sic illi suos docent in tractatu Me-

ghilla cap. 3. fol. 25. in fine, תנו רבנן כל
המקראות הכתובין בתורה לגנאי קורין
אותן לשבח כגון ישנלנה ישכנה בעפלים
בטחורים הריונים דביונים לאכול את
חוריהם ולשתות את מימי שיניהם לאכול
את צואתם ולשתות את מימי רגליהם
למחראות למוצאות רבי יהושע בן קרחה
אומר למחראות בשמן מפני שהוא גנאי
לעבודה זרה אמר ר' נחמן כל ליצנותא
אסירה בר מליצנותא דעבודה זרה דשריא
דכתיב כרע כל קרם גבו וכתיב כרעו קרסו
יחרו ולא יכלו מלט משא וגו' ר' ינאי אמ'
מהבי לעגלות בית און יגורו שכן שמרון כי
אבל עליו עמו וכומריו עליו יגילו על כבודו
כי גלה ממנו אל תקרי כבודו אלא כבירו
אמר רב הונא בר מנוח משמיה דרב אחא
בריה דרב איקא שרי ליה לבר ישראל
למימר ליה לגוי שקליה לעבודה זרה
ואנחיה בשין תיו שלו אמר רב אשי האי
מאן דסנאי שמעניה שרי ליה לבזויה בנימל
ושין האי מאן דשפיר שומעיה שרי לשבוחיה
ומאן דשבחיה ינחו לו ברכות על ראשו.
*Tradiderunt Rabbini, omne textus scripti in
lege in turpem modum leguntur in honestum*

& laudabilem, veluti, ישגלנה, legitur,
 & dormiet cum ea : בעפלים, legitur,
 & hamorrhoides, חריונים, legitur,
 fluxus columbarum : דביונים, לאכול את
 & ad comedendum egesta sua : חוריהם, legitur,
 ולשתות את מימי, & ad bibendum aquas pedum suorum :
 Egestionis loca. R. Iosua filius Karacha dixit, למחראות, legitur,
 למחראות, sic legitur, quod est idolo sarcasma fa-
 ctum. Dixit R. Nachman, omnis iocus & sar-
 casma prohibitum est excepto sarcasmate quod
 infertur idolo, quod permissum est, ut scriptum
 est, Confractus est Bel, contritus est Nebo, &
 iterum, Confracta sunt & contrita simul, &
 non potuerunt saluare portantem, &c. Dixit
 R. Ianaus. Inde est, Vaccas Bethanen colue-
 runt habitatores Samaria, quia luxit super
 eum populus eius, & aditui eius super eum
 exultauerunt in gloria eius quia migravit ab
 eo. Ne legas, כבורו, gloriam eius, sed, כבירו,
 onus graue eius. Dixit Rab Hona filius Ma-
 noach nomine R. Acha filij R. Aika, licet Is-
 raelita dicere genti quod vilis sit, & reputetur
 ut idolum, & eam vocare per Schin & Tau
 (hoc est de ea dicere quod dicitur Isaia
 c. 20. 4. חפשי שת, quod sint nates disco-

operti.) *Dixit R. Ase, Quid verò de ijs qui malè audiunt? licet eos contemnere, & opprobrio afficere per Ghimel & Schin (id est per ג' פ' א, vocare eum adulterum infanum.) Quid verò de illo cuius est honesta fama? licet eum laudare. Cuius verò est laudabilis fama, capiti eius imponuntur benedictiones.*

Cum igitur in libris sacris occurrant plurima eiusmodi quæ ex eorum præcepto aliter scribantur, aliter legantur, quæ de idolis & gentibus laudabiliter efferantur, quid facilius quàm longa consuetudine errores mendasque in eiusmodi textus illabi? Quanta mutationum seges hinc oritur, cum scilicet lapsu temporis substituta verba in originariorum vicem Scribarum negligentia subrepunt, aut etiam longa consuetudine verbis substitutis, & Scribæ & Lectores assuefiunt? Deinde Epithetorum istorum inuerecundorum, aut honorificè de idolis dictorum quis finis, cum rerum quæ opinione hominum constant, modus tam sit varius & incertus.

Dixi verborum istorum & phrasium inuerecundiam hominum opinione constare. Planè enim nego vllam verbis phrasi-

busque istis obscœnitatem inesse, aut inuerecundiam. Id imaginati sunt Talmudistæ, & quieos aliquot sæculis præcesserunt Rabbinî, siue linguæ ignorantia seducti, siue quod ex usu aut affinitate linguæ Chaldaicæ & Talmudicæ quæ illis erat vernacula, verba phrascsque istæ, ut in linguis vernaculis nonnunquam fieri solet, in obscœnam significationem degenerauerint. Quapropter non possum non ridere id quod scribit Elias Leuita de iis dictionibus agens quæ obscœnitatis vitandæ causâ non leguntur, ferm. i. secundarum tabul. libri Masoreth, והכלל העולה כלמה שהוא בלשון ננאי שנו אותו לשבח כרי שלא יציא האדם דבר מנונה מפיו. *In summa colligitur quidquid inuerecundo sermone dicitur (in Scriptura sacra) conueriti in uerecundum & laudabilem, ut non proferat homo verbum inhonestum de ore suo.* O pudibundos homines, & virgineo suffusos ora rubore, qui ea pronuntiare metuunt, restitant, refugiunt, quæ scripsit Spiritus sanctus, prædicauerunt Prophetæ. Quasi verò protulerint Prophetæ indigna ore pudico, atque à Rabbinis meritò castiganda! Alius Rabbinus propter istam scripturæ inuerecundæ castigationem opinatur lin-

guam Hebræam meritò dici sanctam,
 וַיִּשְׂא מִי שֵׁאֲמַר שְׁבַשְׁבִּיל כִּךְ נִקְרָא לְשׁוֹן
 הַקֹּדֶשׁ לְפִי שְׁכֻלָּה קֹדֶשׁ וְאֵין בָּהּ מִגְנָה שֶׁהָרִי
 לֹא הִוְנָה בָּהּ שֵׁם מְיוֹהָר לַעֲרוֹת הָאִישׁ אוֹ
 הָאִשָּׁה גַם לֹא לְשִׁתָּן וּלְצוּאָה אֶל־הַכֹּל בְּכַנּוּי
Est qui dicat quod ideo vocatur lingua sancti-
tatis quod tota sancta sit, & non sit in ea quid
turpe dictu: Quia in ea non est relictum no-
men proprium pudendo hominis vel fœminæ,
ne quidem mingendi, aut alium exonerandi,
sed omnia paraphrastice efferantur. Rabbini
 igitur illi egregia hac dictionum à Prophe-
 tis scriptarum mutatione, & cognomina-
 tione linguam Hebraicam sanctificaue-
 runt. Ergo Moses & Prophetæ dictiones
 illas pronuntiati inhonestas scribendo il-
 lam prophanauerant, nisi que Talmudici
 doctores exorti fuissent, aliterque quàm
 Prophetæ scripserunt, legere docuissent,
 obscœnis istis verbis in æternum sor-
 duisset.

De dictionibus quæ à Iudæis obscœnæ
 putantur, plura quàm propositum no-
 strum ferat, iam dicta sunt. Ex iis quæ to-
 to hoc capite explicauimus, hæc duo cre-
 dimus non ineuidenter colligi, Masorethas
 nonnunquam in librorum sacrorum re-

cenfitione eam punctationem aut codicum lectionem elegiffe quę Chriftianę fidei magis officeret : Præterea ipsis Iudæis teftibus non effe omnino improbabile quod virorum doctorum tantus numerus afferit, Iudæos odio in Chriftianos & perfidiæ fuę zelo transfuerfum actos manus facrilegas in facros fuos codices nonnunquam intuliffe.

IOANNIS MORINI
B L E S E N S I S

Congregationis Oratorij Domini
Nostri IESV CHRISTI
Presbyteri

ANIMADVERSIONES

*In Censuram Exercitationum Ecclesia-
sticarum ad Pentateuchum
Samaritanum.*

M. DC. XXXIX.



ANIMADVERSIONVM

In Censuram Exercitationum Ecclesiasticarum ad Pentateuchum Samaritanum pars prior.

IN QVA

Censoris calumnia abstergantur.

LECTORI.



Peræpretium esse duxi, Christiane Lector, dissertatiunculam hanc seu potius admonitionem de quodam libello abhinc annos fere septem in Exercitationes meas Samaritanas virulenter scripto velut appendiculam præcedentibus adtexere. Libellum nihili meritò feci, nec ulla responsione aut animaduersione dignatus sum. Totus enim quantus est nihil aliud est quam variarum calumniarum textura Rhetoricis schematis utcunque ornata, sed conuitiis & theatricis nugis ubique perfusa. Si certamen aliquod ineundum est, non calum-

X

niæ cum calumniis, aut conuitia cum conuitiis, sed res cum re, causa cum causa, ratio cum ratione certare debent. At in illo libello nec rebus, nec causæ, nec rationi vsquam locus est: calumniis totus nititur, & conuitiis turget. Verùm cum eiusmodi rebus nec dissidium volumus esse nobis, nec commercium. Quos ista delectant, aut ridemus, aut miseramur. Cætera per nos illis impunè cedunt. Præterea non videbatur nobis satis humanum hominem ira tum feruentem, lauroque ardente clamosiorem verbis coercere, ne crescente animi impotentia cum iræ mederemur, furorem concitarem. Reminiscebamur enim comicæ istius sententiæ,

Baccha bacchanti si velis aduersarier

Ex insana insaniorem facies.

Nunc autem non nihil reformidamus ne suspicetur aliquis eas calumnias vt veras nos admittere quas libellus ille nobis tam insolenter inurit, si tot refutatis eiusdem generis calumniis istas tamē non minùs graues & iniquè confictas statua taciturnius prætereamus. Huic rationi accedit alia, quod scilicet ad refellendas & retundendas calumnias illas licet multiplices, omniaque hinc eruta argumenta li-

bello non opus est, sed paucis paginulis quæ commodè huic elencho appendentur, incommodè separatim ederentur. Respondebimus igitur, sed quàm brevissimè, nosque infra legitimæ defensionis terminos continebimus

Nam mihi de nullo fama rubore placet.

Si quid tamen existimet in se dictum inclementius, quod nobis excidisse non iudicamus ----- *sic existimet*

Responsum non dictum esse, quia la sit prior
Calumniæ septem sunt diuersæ, quarum prima velut virus acerbissimum per totum librum spargitur, & libro cum secunda quæ planè iocularis est & comica, occasionem dedisse videtur. Hæc & alia eiusmodi non infestiva, vniuscuiusque calumniæ enarratio quæ sequitur, edocebit.

C A P. I.

Primæ calumnie absterfio.

PRima calumnia est, Nos in Exercitationibus nostris asserere Iudæos de industria in odium religionis Christianæ sacros suos libros corrupisse. Scimus hanc sententiam grauissimorum autorum esse, imò omnium fere Patrum, & Doctorum

X ij

nix cum calumniis, aut conuitia cum conuitiis, sed res cum re, causa cum causa, ratio cum ratione certare debent. At in illo libello nec rebus, nec causæ, nec rationi vsquam locus est: calumniis totus nititur, & conuitiis turgēt. Verum cum eiusmodi rebus nec dissidium volumus esse nobis, nec commercium. Quos ista delectant, aut ridemus, aut miseramur. Cætera per nos illis impunè cedunt. Præterea non videbatur nobis satis humanum hominem ira tum feruentem, lauroque ardente clamosiorem verbis coercere, ne crescente animi impotentia cum iræ mederemur, furorem concitarem. Reminiscebamur enim comicæ istius sententiæ,

Baccha bacchanti si velis aduersarier

Ex insana insaniorem facies.

Nunc autem non nihil reformidamus ne suspicetur aliquis eas calumnias vt veras nos admittere quas libellus ille nobis tam insolenter inurit, si tot refutatis eiusdem generis calumniis istas tamē non minùs graues & iniquè confictas statua taciturnius prætereamus. Huic rationi accedit alia, quod scilicet ad refellendas & rerundendas calumnias illas licet multiplices, omniaque hinc eruta argumenta li-

bello non opus est, sed paucis paginulis quæ commodè huic elencho appendentur, incommodè separatim ederentur. Respondebimus igitur, sed quàm brevissimè, nosque infra legitimæ defensionis terminos continebimus

Nam mihi de nullo fama rubore placet.

Si quid tamen existimet in se dictum inclementius, quod nobis excidisse non iudicamus

----- *sic existimet*

Responsum non dictum esse, quia laesit prior
Calumniæ septem sunt diuersæ, quarum prima velut virus acerbissimum per totum librum spargitur, & libro cum secunda quæ planè iocularis est & comica, occasionem dedisse videtur. Hæc & alia eiusmodi non infestiva, vniuscuiusque calumniæ enarratio quæ sequitur, edocebit.

C A P. I.

Prima calumnia absterfio.

PRima calumnia est, Nos in Exercitationibus nostris asserere Iudæos de industria in odium religionis Christianæ sacros suos libros corrupisse. Scimus hanc sententiam grauissimorum autorum esse, imò omnium fere Patrum, & Doctorum

X ij

Catholicorum neotericorum maiorem partem in eam inclinare. Quapropter nemo potest sine impietatis nota conuitiis eam insectari. Semper tamen nobis placuit magis aliorum sententia, qui mendas & corruptelas illas Librariorum incuriæ, oscitantia, hallucinationi, temporum iniuriæ, & aliis fortuitis casibus tribuunt. Hanc sententiam vbique, nusquam aliam, amplexi sumus; imò aliam nobis non probari nonnunquam disertè significauimus: Ideo passim in Hæreticos inuehimur qui codicibus Hebræis illibatam prorsus integritatem vendicare solent. Istius fatuæ hæreticorum assertionis confutatio vnicus semper fuit scopus ad quem collimauimus. Sententiam autem nostram adeo sæpe & euidenter explicueramus, vt si quid inde nobis metuendum fuit, exprobratio erat importunæ sensus nostri reiterationis; sed nihil minùs quàm eiusmodi calumniam metuissimus. Nam sub finem Exercitationum nostrarum Samaritarum, hoc est c. 5. Exercitationis postremæ de Hebræi textus varietatibus differere cœpimus. Sed paucis paginis saltem octies & decies sententiam nostram, disertè expressimus, & declarauimus vnicum propositum no-

strum esse eorum opinionem conuellere qui Iudæorum Scribas ἀναμαρτήτως prædicant, scelusque existimant inexpiabile de Iudaicorum codicum illibata sinceritate vel tantillum dubitare. pag. 303. 306. 307. 311. 314. 315. 317. 321. 325. 330. 335. 337. 341. 346. 349. 355. 360. 363. Antea quoque data quauis occasione non semel idem testati sumus. In præfatione nostra obscurius non sumus locuti. Initio disputationis de ista re Thesim eandem proposuimus, & sæpius repetiuimus, vide Præfat. n. 14. 35. 38. 43. 40. 41. his duobus numeris sententiam nostram multis verbis explicamus. Dicimus insuper n. 42. & probamus Iudaicas correctiones quæ Scribarum dicuntur, non esse Iudæorum audaciæ imputandas, sed codicum varietati. Bis quidem disiunctiuè locuti sumus n. 25. 27. certas quasdam varietates tribuendas esse corruptelis siue deliberatis siue fortuitis. Hoc fecimus duplici de causa, primùm eo quod sententia illa magis adhuc opponitur hæreticorum sententiæ quàm nostra: Deinde ne nimium præiudicemus alteri sententiæ quam probabilem iudicamus, licet contrariæ vt nobis probabiliori adhæreamus. Notabit præterea Lector ita

cautè de hac re nos esse locutos, vt cum Patrum sententiam qui Iudæos passim malignæ falsationis accusant, nos referre contingit, semper scribamus, Hæc est Patrum sententia, Ex sententia S. Hieronymi colligitur, &c. ne quis vlllo argumento hanc sententiam nos amplecti conijceret.

Censor tamen inuentus est qui non solum crederet, aut credere se fingeret à nobis scriptum esse, Hebræos codices à Iudæis malignè corruptos esse, sed etiam aduersum nos ideo vehementissimè excandesceret,

O quàm mirabiles exarsit pronus in iras!
 Quantos in libello suo ciet in me clamores, qualia excandescentiæ παθήματα mouet, quot conuitia iaculatur, dum vnumquodque exemplum quod ad fortuitas mendas demonstrandas attuleram, ipse ad causas malignæ deprauationis examinat? Vno verbo multò aliter quam sperat illi responsum esto. Ridicula est vbique consequentia, fateor, Parum est. Planè stulta est & fatua consequentia. Nec hoc ad rei fatuitatem sufficit: Qui ex mendis quas in Exercitationibus illis protuli, licet in vnum fascem omnes coniungantur, colligit Iudæos malignè & data opera codices

suos adulterasse, fatuus est, carceribus & repagulis coercendus, ne furore aliquando abreptus quadrupedum more mortaliū cuipiam pauperiem faciat. Iudica, Lector, quale oporteat esse illius Censoris ingenium qui licet decies & octies paucis paginis disertè exposuissem me de fortuitis mendis & Scribarum incuria verba facere, memet tamen per vniuersum librum aduersus malignas deprauationes argumentantem inducit, atque eo nomine singulis periodis in me furibundus & minabundus insurgit.

CAP. II.

Secunda calumnia abstersio.

SECUNDA calumnia est planè comica & iocularis. Existimat in Censura ad cap. 5. Exercitationis quartæ in eum me scripsisse, & caput illud in eius scripta fuisse præsertim compositum. Ideo bilem ebullientem continere diutius non valens, hoc loco

--- omnes irarum effundit habenas.

At ego sincerè testor me hætenus nullos illius libros legisse, præter libellum quem in Exercitationes meas Samarit. scripsit;

X üij

& foliolum in præfationem meam ventis temerè creditum : imò Commentarios ipsius in Psalmos quos intelligit, nō modo me non legisse, sed ne quidem vnquam tetigisse, ingenuè iterum profiteri possum. Scripsit etiam nescio quæ in Exercitationes meas Biblicas. Sed librum istum consimiliter nunquam legi : semel tantum in Amici Musæo ipsius rogatu duas aut tres paginas percurri, sed in ea contigit me incidere quæ de scriptis meis nihil agebant. Quid in ipsius scriptis reprehendere me contigit, non indicat; neque ego qui illa nunquam vidi diuinare possum. Illius capituli initio multa ἡθικῶς in Hæreticos scribo qui studium Ecclesiæ Christianæ in conseruandis libris sacris nihili faciunt, licet oraculo diuino constituatur columna & firmamentum veritatis, & Iudæos Iesu Christi hostes tanti faciunt, vt ab eorum hac in re dictatis ne latum quidem vnguem discedere velint. Nihil est in toto sermone quod Hæreticis non conueniat, etsi quædam ex sermonis contextu abrupta possint aliis quàm hæreticis conuenire. Ipsum capituli initium perspicuè demonstrat de eo me nihil prorsus agere. Scribit enim libelli sui multis locis men-

das fortuitas & innumeras in Iudæorum codices facile irrepere posse, imò fieri aliter non potuisse, seque si aliter diceret sanum non fore, sic pag. 143. 165. 170. 189. Alibi paratus est communibus armis eum adoriri qui aliter edixerit. At nos caput illud post tres aut quatuor lineas sic incipimus: *Hac ijs qua dicturi sumus intelligendis necessaria sunt, & complurium precipitem sententiam frangebunt, qui codicum Ecclesiæ Catholicæ integritatem vellicare & traducere non erubescunt, sed de Iudaicorum sinceritate vel tantillum dubitare, scelus nullis sacrificijs expiabile existimant.* Quî potuimus aduersus eum stylum nostrum hac in causa stringere, qui illud passim scribit & credit de textus Hebraici mendis, quo nihil vnquam asperius de eodem textu cogitauimus, nedum scripsimus. Imò longè asperius in Iudæos inuehitur, quàm nos vnquam fecerimus. Scribit enim pag. 143. eos in fraudem & damnum Christianorum vnum aut alterum locum corrupisse, quod de nullo vnquam loco scripsimus, nec eos tantùm scelus prudentes aliquando perpetrasse credimus. In hunc hominem non inficetè quadrant Amphitruonis ista,

*Ea quæ sunt facta, infecta esse acclamat:
Quæ neque sunt facta, neque ego in me ad-
misi, arguit.*

Atque id me susque deque habiturum putat.
Non malè auguratur; ea susque deque ha-
beo, & habiturus sum.

CAP. III.

Tertia calumnia abstersio.

Tertia calumnia ex maligna dictionis,
immaniter, intelligentia oritur. Men-
tionem feceramus breuissimam variarum
mendarum quæ in libros Hebræos post
Masoretharum correctionem irrepsent,
Orientalium scilicet & Occidentalium;
earum quæ satis magno numero collegit
tam de literis, quàm de punctis R. Menahem
in solo libro legis; earum præterea
quæ ex variis codicibus excerptæ sunt, &
interioribus marginibus Bibliorum Vene-
torum adscriptæ. His, paucisque aliis rela-
tis statim subieceramus, *Apud te perpende,*
Catholice Lector, si tam immaniter post Ma-
soretharum correctiones, emendatissimi Ju-
daorum libri inter se dissentiunt, quid accidit
ante Masorethas, & in ipsa omnium gen-
tium barbarie? dictionem, immaniter, ad

mendarum qualitatem & grauitatem refert, quam de quantitate intellexi, id est, si tam multis locis dissentiunt Iudæorum libri, &c. significatio ista plurimum vñtata est, immanitas pretij eleganter dicitur, immania templa, immania saxa; Eleganter quoque de quantitate discreta, immanis annorum numerus, diuitis ingenij est immania Cæsar's acta condere, &c. Censor dictionem illam semel loco dicto positam, in Censura octau'i capitis primùm ad mendarum grauitatem & pondus torquet, deinde ad duodecim exempla mendarum trahit, quæ tantùm explicare incipimus post sesquipaginam à loco quem occupat in textu meo illa dictio. Hæc calumniosa interpretatione primæ iunctæ tam ridicula exurgit ex vnoquoque exemplo argumentatio, vt neminem, opinor, tam insulsè aliquando argumētatum fuisse. Moriones illi qui in Principum aulis risum mouere solent, nunquam tam fatuè ratiocinantur, quàm Censor toto illo capite nos fingit ratiocinantes; Hinc illi jocularum & scommatum ampla seges nascitur.

CAP. IV.

Quarta calumnia absterfio.

CAlumniæ sequentes speciales sunt, nec vt præcedentes per vniuersum librum, aut illius magnam partem diffunduntur. In hac quam exaggerat in Censura capitis noni, quæstio est, de dictionum **נרצ**, aut **נרצ**, varietate Thren. 4. v. 18. scripti Abenesdram vtramque lectionem agnoscere. Vbique Censor, sed præsertim hîc, grauitatis Censoriæ obliuiscitur, & mirificè insultat mihi. Quamobrem verò? Non agnouit, inquit, Abenesdra vtramque lectionem, nam vnam refellit. Quasi verò Latinè agnoscere sit semper approbare: imò vtramque agnouit, quia vnam admisit, alteram improbauit. Hæc sunt verba mea, *Posterius à Masorethis animaduersum est, atque in varias lectiones relatum: sed Prioris non meminerunt, verùm Abenesdra in libro נרצ ad literam resch vtramque lectionem agnoscit, & contendit ex Prouer. 4. v. 12. recte dici gressus arctare, attamen textui de quo agitur venari magis competere.* Calepinum consule, & agnoscere primùm notitiam & cognitionem, aliquando etiam

In Censuram Exercit. Samarit." 333
 approbationem. Scripsit Varro, *Vere orne
 me quoque dum reuertero, prater canem agno-
 scat nemo.* An canis approbat Dominum?
 Sic Virgilius, *agnoscitque suos, letosque ad
 mœnia ducit.* Et quod magis mirêre: eo
 ipso loco dixi Abenesdram alteram vt huic
 Threnorum textui non satis conuenien-
 tem repudiare. Quid est Criticis familia-
 rius quàm è variis codicibus varias quę oc-
 currunt lectiones excerpere. Num tamen
 quia multas eodem loco nonnunquam
 agnoscunt, & adnotant, omnes tamen
 semper approbant.

C A P. V.

*Quinta calumnia abstersio, in qua de tradi-
 tionibus aduersus Karaitas ex libro
 Cozri differitur.*

QUINTAM calumniam explicat in Cen-
 sura capituli septimi. Eam peperit
 Centoris ingens audacia forsan hætenus
 inaudita. Scribit nos in testimonio quod è
 libro Cozri contra Masorethas attulimus,
 obiectionem pro assertionem obtrudisse.
 Testimonium est eiusmodi, *Numquid vi-
 des quod opus eorum in hoc vanum fuit, & su-
 peruacaneum & diligens occupatio in re dam-*

nabili. Scribit Cenfor hæc verba obiectionem continere Doctoris Iudæi Profelytum suum instruensis : Responſionem autem & rei aſſertionem mox ſequi regerente Profelyto, *Occupatio eſſet proſectò culpanda vituperandâque niſi ea pertineret ad conſeruandam legem, ne ullo vnquam modo poſſet interpolari.* Cenſorem librum Cozri non conſuluiſſe certum eſt : Nam id quod vt aſſertionem obijcit à Buxtorſio mutatum eſt ; nec plura refert quam ille retulerit, licet verba Cozri quæ ſequuntur, quæque omiſit Buxtorſius, ad periodum illam pertinerent, & Cenſoris ſententiam non nihil confirmarent. Audacter tamen & calumnioſè nobis imputat aſſertionis pro obiectione acceptionem. Alibi integram libri Cozri ratiocinationem eo loco explicuiſus. Illam hûc referre longioris eſt operæ. Breuiter tangam ſumma rerum faſtigia : Non enim tantùm propoſito noſtro conducunt, ſed etiam Hæreticorum noſtri temporis de traditionibus ſententiam conuellunt.

Libri autor ſermone, ſeu libro 3. capitulo ſiue numero 22. diſputationem incipit aduerſus Karaitas ſeu Iudæorum Hæreticos qui traditiones omnes repudiant, eam-

que usque ad cap. 53. continuat. à cap. 53. ad libri tertij finem Kabbalæ successionem ad maiorem Karaitarum confutationem enarrat. Capitulo igitur 22. inducit regem Profelytum quem Cozarem vocat, unde libro nomen datum, pro Karaitis ut pro aliis sectis iam fecerat, contra Rabbanistas arguentem. Rabbanistas vocat ceteros omnes Iudæos qui Talmud, וְרַבְּבָנִים Rabbanim traditiones & decreta sequuntur. Primum objicit Karaitas & cultui diuino, & literalis legis textui Rabbanistis diligentius attendere. Multis respondet Doctor zelum bonum non sufficere, & exemplis id demonstrat, sed legem ita explicandam ut docet Cabbala, fidelisque congregatio. Assentientem ex parte Profelytum, sed adhuc librorum necessitati nimium adhærentem interrogat autor quid faciendum ubi libri dissentiant. Respondet Cozar librorum multitudini inhærendum. Objicit autor cap. 27. quod supra ex Cozri & Abenefsdra retulimus. Quid ages in literarum permutatione difficili ut נפשי, נפשי, צרו, צרו. Librorum multitudo habet צרו, venati sunt, at legendum צרו, coarctauerunt. Sic נפשי, anima mea, at restituitur נפשי, animacius. Ratio est quod quæ Ma-

forethæ in textu reliquerunt, librorum tribuenda sunt multitudini, quod in margine, vbi vera est lectio, paucitati vt interpretatur Commentarius. Non igitur semper librorum multitudo sequenda, sed illi traditio iungenda.

Ridiculè Profelytus ex Karaitarum doctrina sententiam suam addit, per omnem Masoræ criticam locum illum examinandum, per literas, dictiones, puncta, accentus, versus, &c. Doctor occasione arrepta punctorum, &c. Profelytum interrogat, qualem putas legis librum fuisse quem filiis Israel reliquit Moses? Consentit Profelytus simplicem fuisse sine punctis & accentibus. Hinc multis cap. 31. colligit auctor aduersus Karaitas traditione vocales & accentus, à Sanhedrin, à viris piis, aliisque conseruatos fuisse. Quo dicto statim in eodem cap. nulla mora interiecta, Profelytum rogat, ומה תחשוב על אשר תקנו המקרא בפסוקים תחלה ואחר כן בנקוד ואחר כן בטעמים וכול' התראה שמעשיהם בזה לריק ולבטלה או השתרלות בדברי חובה. *Quid igitur senties de eo quod ordinauerunt & distinxerunt scripturam primum per versus, postea per puncta, postea per accentus, &c. quæ sigillatim enumerat quibus sub-*
iicit

jicit verba quæ retulimus: *Numquid vides quod opus eorum in hoc vanum fuit, & superuacaneum, & diligens occupatio in re damna- bili.* Dicamus similiter, Numquid vides quod hæc verba Doctoris sunt quæstio- nem decidentis & definientis, qui post probatam traditionis necessitatem ex communi principio quod liber legis sine punctis & versibus ad Masorethas vsque conseruatus sit, addit de opere Masorethi- co sententiam suam. Deinde quæ sit proba- bile Doctorem istum tam multis verbis discipulum experiri; discipulum verò pau- cis verbis quæ sequuntur rem determina- re? Denique discipuli verba Karaitarum sententiam confirmant, quam autor pro viribus refellit: Non sūt igitur decretoria.

Sed audiamus Profelytum regerentem ea verba quæ Censor assertionis vicem subire decernit: Antecedentia immediatè hæc sequuntur. Autoris sensum integrum referemus, sic incipit capitulum 32. אבל השתדלות בדבר חובה עם שמירת התורה שלא יהיה דרך לשנותה עם החכמה המופלאה כי נראה מקביעות הנקוד והטעמים סדר שלא יהיה אלא מחכמה נעזרת איננה מערך חכמתנו בשום פנים
Y

ולא יתכן שיהיה מקובל אצל ההמון אלא
 מרבים רצוים או מיחיד רצוי ולא יתכן
 שיקבל ההמון מיחיד אלא אם יהיה נביא
 או נעזר בענין האלהי. *Verum cum diligente
 ista occupatione in re damnabili coniuncta est
 admirabili sapientia conseruatio legis, ut nul-
 lomodo mutari possit. Videtur enim inscriptio
 punctationis & accentuum esse ordo qui insti-
 tuti non potuit nisi per sapientiam diuinis in-
 fusam, nec ullomodo per sapientiam nostram.
 Nec decuit ut à promiscua multitudine tradi-
 tione acciperetur, sed à multis Deo acceptis, aut
 ab uno Deo accepto: Neque etiā decuit ut mul-
 tudo ab uno acciperet nisi Propheta esset, aut
 supernè adiutus in negotio diuino. Hæc Ka-
 raitarum nomine pro legis textu profert
 discipulus aduersus id quod Doctor quæ-
 stioni præcipue de punctis Cabbala con-
 seruatis adrexuerat in opus Masorethi-
 cum, quo colligit oblique Cabbala opus
 non esse cum diuinis facta fuerit pun-
 ctorum inscriptio.*

Hic aduersus Censorem duo nota, Prius,
 illa omnia verba quæ diuinam asserunt ef-
 fe punctorum inscriptionem cum omisisse,
 licet apprimè eorum commemoratio sen-
 tentiam suam iuaret. Posterius, trēs illas
 ipsas dictiones, עם החכמה המופלאה,

cum admirabili sapientia, quæ ipsius proposito non tantum mirificè conducebant, sed etiam ad periodum quam retulit, pertinebant, præteruisse. Quamobrem verò? Librum Cozri nunquam consuluit: Periodum quam refert, à Buxtorfio in Commentarij Masorethici cap. 20. mutuatus est. Plura verba non excerpfit Buxtorfius, nec plura Censor. Tria illa verba licet ad periodum pertinerent ut res ipsa docet, & monet Cozri Commentator, Buxtorfius aliud cogitans omisit; ita & Censor. Denique totum Censoris studium in eo fuit occupatum, ut Buxtorfij Latina verba Latinis aliis commutaret: Quid ibi asseratur, prorsus nescit, nec unquam legit pulcherrimam illam Rabbinum istius aduersus traditionis hostes disputationem. Dicere tamen audet nos autoris objectionem pro assertionem exhibuisse.

Addit Censor, *Atque manet hoc apud illos ratum, nec repugnat Iudeus.* Non manet hoc apud eos ratum quum de eo quæstio non verteretur. Sed uterque & Rabbaniſta & Karaita de Masorethis sententiam suam data occasione paucis explicat, cui neuter infistit. Percurramus sequentia, Doctor relicta incidente illa quæstione de

diuina punctorum inscriptione quam Karaitarum defensor asseruerat, præcipuam resumit capitulo 33. & ex concessis ad angustias discipulum redigit. Si inquit ita est, hoc est, per Cabbalam puncta, &c. conseruata sunt, Nos & Karaitæ obligamur ad Cabbalam, & omnis qui fatetur quod lex ita scripta & disposita vocatur lex Mosis. His ad stipulari concedit karaitas Profelyt⁹, sed cum limitatione, **בן אומרים הקראים אבל אחר שמצאו התורה שלימה אינם צריכים אל הקבלה.** *Sic dicunt Karaitæ, sed postquam inuenerunt legem perfectam non est amplius illis necessaria Cabbala.* Respicit Profelytus ad laudem quam Masorethis dederat quum *legem perfectam* vocat; quo fit euidentius sex vel septem lineolis antea Masorethis laudes non ex auctoris, sed ex Karaitarum mente & sensu tributas fuisse.

Hoc firmissimè demonstrato, per Cabbalam scilicet, conseruata fuisse puncta, accentus, versuum distinctionem, siue eorum adscriptio, & literarum enumeratio fuerit inutilis, vt vult doctor, siue diuinitus à Masorethis facta vt volunt omnes Karaitæ, hoc enim ad ipsius propositum non refert, pulcherrimam aggreditur con-

tra Karaitas disputationem, & eam fusissimè per longa capitula prosequitur, cap. 35. & sequentibus. Illius autem fundamentum est, Si tot sunt in libro legis ad quæ obseruanda ex Cabbala seu traditione obligamur, Puncta, accentus, versus, Masorethicæ criticæ; Quanto magis obligamur ad res ipsas in libro legis contentas iuxta traditionem intelligendas. Deinde multa præcepta refert quæ sine Cabbala intelligi & explicari non possunt; alia scribit esse obseruatu necessaria quæ ab antiquis præter legem eiusmodi sunt iudicata, vt festum sortium, festum dedicationis templi post illud ab Antiocho prophatum. Respondet quoque Karaitarum obiectionibus è scriptura petitis, vt huic, Non addes verbo quæ ego dico, neque auferes ab eo. Multa alia edisserit quæ aduersus Catholicorum Karaitas vsui possunt esse maximo. Plura quam necesse erat, ex eo libro retulimus: Manum è tabula subducere proposita breuitas nos monet.

CAP. VI.

Sexta calumnia absterfio.

SEXTA calumnia ex eodem loco petita est, nos mala fide Ephodæi testimonium ex Commentario in librum Cozri retulisse. Præcedenti testimonio in eundem scopum aliud addimus, ut scilicet plures antiquos Rabbinos Masoram contempsisse demonstraremus. Hæc sunt verba nostra, *In eadem sententia fuisse plures Iudeorum Rabbinos, atque ipsum Aben-Esdram demonstrat ex Ephodeo Cozri Commentator.* Ephodæi verba sequuntur. Vides Lector nos non dicere Ephodæum in ea sententia fuisse. Quia autem Ephodæi liber præsto nobis non erat, illius verba ex Muscato Rabbino ~~no~~ Cozri Commentatore retulimus. En falsationis duplicis accusamur. Prior est, quod Ephodæi verba sequentia quæ Masorethas laudant, reticuiimus. Rectè quidem si Ephodæum Masorethas contempsisse dixissemus. At de hoc ne verbum quidem. Sciebamus enim Ephodæum Rabbinos Masoram contemnentes arguere. Sed ex ipso demonstrauiimus Rabbिनorum plurimos

contrariam sententiam amplexos, quia hoc, ut Censor fatetur, manifestissime dicit, רוב החכמים שראיתו שמעתי מפחיתים ומבהילים ומגנים את הקהירה הזאת המיוחסת לספרים. *Multi sapientes quos vidi & audiui despiciunt, traducunt, & vituperant studium hoc Scribis attributum.* Quis sic colligat, Refert Aristoteles, Parmenidem, Heraclitum, Platonem, &c. in eiusmodi fuisse sententia. Ergo qui hoc ex Aristotele retulit, scripsit Aristotelem in eadem fuisse sententia. Titius scripsit, SS. Epiphanium, Augustinum; Philastrium referre Valentinianos, Arianos, Aerianos, &c. Christi diuinitatem negare, Episcopi à Presbytero distinctionem tollere, &c. Ergo scripsit SS. Epiphanium, Augustinum, & Philastrium in eadem esse sententia. Quodnam illud est ratiocinationis portentum?

Secunda falsatio est, Morinum ea testimonia omisisse, quæ pro Masora facerent, licet כוזב Cozri Commétator, & post illum Buxtorfius multa eodem loco referant. Istud tragicè miratur Censor. At illius admiratione miratur Morinus. Nemini dubiū est Iudæos Masoram plurimi facere: Hoc non modo fatetur Morinus, verum etiam

scripsit ibidem æstimationem illam in superstitionem degenerasse. Sed contendit antiquiores Iudæos multos in contraria fuisse sententia. Quo iure tenetur ea conquirere testimonia quæ Masoræ autoritatem conciliant, ita ut nisi id faciat falsi reus sit peragendus? De Censoris æquitate iudicium, ferat Lector.

CAP. VII.

Septima calumnia abstersio.

Postremam in ordine nostro calumniam facit Censor in libello de Hebraicæ editionis veritate p. 30. & 31. Libellum hunc unà cum Censura sua in unum librum compegit. Criminatur nos veluti codicem Samaritanum qui in Oratoriana Bibliotheca conseruatur, pro ipso Mosis Archetypo venditaremus, eo quod purum putum Mosis Pentateuchum in præfatione nostra eum vocauerimus. Res sic se habet. Occasione data quam in Præfatione explico codicem istum euoluo, Læctionem Samaritanam disco, textum cum vulgato Hebræo plurimis in locis comparo, eundem textum comperio, eadem verba, eundem verborum situm, cas-

dem literas figurâ tantùm differentes, vt & S. Hieronymus adnotauerat, præfatione in libros Regum. Itaque in præfatione mea quam inter euoluendum illum codicem componebam, sic scripsi, *animum subiit codicis nostri Samaritici euoluendi desiderium. Statim autemprehendimus Pentateuchum nostrum Samaritanum purum putum esse Mosis Pentateuchum vulgarem Hebraicum literarum tantùm characteribus, ut testatur Hieronymus, ab Hebræo dissentientem.* Quum purum putum scripsimus, intelleximus non supposititium, non fictitium, vt autoribus multa supponi solent, de quibus nunquam cogitauerunt. Quàm multa Apostolis vt alios omittam falsissimè inscripserunt Hæretici? Scripsi multis indiiciis me deprehendisse codicem istum non continere eiusmodi Mosis Pentateuchum, id est, supposititium. Dictiones quoque *purus, putus* commodè & ex vsu linguæ Latinæ opponuntur simulato & supposititio. Neque etiam istæ dictiones significant id quod est ita purum quod nulla macula est contaminatum. Idem enim significant quod genuinum & germanum: Non omne autem quod genuinum dicitur, est ab omni labe purgatum. Si mihi antiquos co-

dices euoluenti occurreret codex cum hac inscriptione, Ciceronis de republica libri, &c. Deinde librum percurrente ex stylo iudicarem esse Ciceronis. Postea ulterius pergens varia testimonia è libris Ciceronis de republica à diuersis autoribus citata colligerem eaque eodemmodo in codice meo legerem, & his rationibus fretus pronuntiarem purum putum esse Ciceronis de republica librum. Num liceret hinc aduersum me colligere, illum codicem Ciceronis esse archetypum; aut etiam ab omni menda illum esse immunem me asseruisse.

Denique non scripsi codicem illum esse *purum putum Mosis Pentateuchum*. Nefanda est calumnia, cui ut fucus illinatur refecantur verba hæc sequentia prioribus ex orationis contextu necessario coniuncta, *Vulgarem Hebraicum, &c.* Ut quid igitur hæc Censoris verba, *Ettamen est hodie, qui, si Deo placet, pro Pentateuchi archetypo venditare audeat; imo, qua est fronte, nihil hesitans assermet, nescio quem Samaritanum, quem in manibus habet purum putum esse Mosis Pentateuchum.* Qua fronte Censor nihil hæsitans tam atrocem calumniam periodi mutilatione velut fuco subornatam incau-

to Lectori venditat? Neque præterea me illius codicis integritatem de ὁλοκλήρῳ integritate intellexisse satis superque doceant eadem verba quæ vocant istum Pentateuchum vulgarem Hebraicum. Quot enim istius Pentateuchi ab Hebraico varietates quæ non modo literas spectant sed dictiones, sed periodos tam in præfatione quàm in Exercitationibus Samaritanis enumero? Auet ubique Censor sincerum vas in crustare, quod hominum nulli licet, at Censori omnium minimè.





ANIMADVERSIONVM

In Censuram Exercitationum Ecclesiasticarum ad Pentateuchum Samaritanum, Pars posterior.

IN QVA

Censoris nota expunguntur.

ANIMADVERSIO

*In Censuram capitis primi Exercitationis
tertiæ, in qua de antiquis Patribus qui
Samaritanum codicem citauerunt.*



Alteris & summotis calumniis istis vix vllum nobis responsum superest quod causæ statum spectet. Cum larvis enim Censor perpetuò luctatur, & sententiæ nostræ ne semel quidem umbram attingit. Itaque potuit hic commodè finis animaduersionibus nostris imponi. Cætera tamen visum est breuiter perstringere, licet ad causæ principalis definitionem sæpe non pertineant. Iure an iniuria id fecerimus, Lector iudicabit.

Censuram orditur Censor à reprehensione laudis quam de codice Samaritano Europæ hætenus incognito dicturi, literis tribuimus; quod scilicet Dei, hominumque dicta, imperata, facta, cogitata, posteritati conferuent. Huius laudis occasio fuit, admiratio quædam maximi consensus istius codicis cum iis quæ ex eo S. Patres excerpserunt, quem ex comparatione illius cum antiquis fragmentis deprehenderamus. Censori videtur nimium diffusa, & Lectori tædium creare. Illi tantum responsum esto quod Cosconio respondit in causa simili Martialis

Non sunt longa quibus nihil est quod demere possis:

Sed tu Marota, disticha longa facis.

Eodem capite n. 3. 4. & seq. conqueritur quod ex discrimine textus Hebræi Samaritani à Iudaico corruptelas in Hebraicum irrepsisse iudicauerim. Arma, pugnas, prælia semper sibi fingit homo sui non compos. Nihil eo loco nec sequentibus in Hebræos codices colligo. Tota illa exercitatione enarro quæ à Patribus & antiquis scholiastis de codice Samaritano referuntur, & noto eadem verba siue hemistichios in codice meo deprehendi. Hinc colligo

codicem meum non esse supposititium, sed eundem quo vsi sunt olim S. Patres. Incipio ab eo quod ait S. Hieronymus q. in Genesim in Samarit. codice scribi Gen. 4. 8. *Transcamus in campum*. Noto sic legi in meo codice. Addo sic legere 70. Vulgata, Syrum Interpretem, & Thargum Hierosolymit. Masorethas insuper adnotare ibi esse lacunam, atque ideo locum vacuum ibi relinquere. An autem rectè an secus id expresserint Samaritani non definio, nec tota illa Exercitatione quid simile definire propositum erat. Hierosolymitano Paraphrastæ nunc addo Ionathanis paraphrasim, ואמר קין לוח הבל אחיו אתא, ונפוק תריון לברא והוה כר נפקו תריוהון לברא, *Et dixit Cain ad Abel fratrem suum, Veni & egrediamur nos ambo in campum, & factum est cum egressi essent ambo in campum, &c.* Quod ad Abenesdram attinet nihil scribit quod huic quæstioni vel proffit, vel obsit: Illam enim prorsus præterit. Scribit quidem S. Hieronymus in quæst. in Genesim à nobis citatis voces illas superfluas esse, sed hoc in Samaritani codicis contumeliam non scripsit, alias versionem Ecclesiasticam contumelia affecisset: Sic enim scribit, *Superfluum est ergo quod in Sa-*

In Censuram Exercit. Samarit. 351
maritanorum & nostro volumine reperitur,
Transeamus in campum. En Lector vt S.
Hieronymus senex Rufino responderet
eum accusanti quod de 70 Interp. detrahe-
ret, Apologia 2. Egone contra 70 Interpre-
tes aliquid sum locutus quos ante annos pluri-
mos diligentissimè emendatos, mea lingua
studiosis, quos quotidie in conuentu fratrum
edissero, quorum Psalmos ingi meditatione de-
canto? tam stultus eram, vt quod in pueritia
didici senex obliuisci vellem, &c. Multis aliis
verbis hanc calumniam à se sanctus amoli-
tur, sic prafatione in Iobum, Psalmos, li-
brosque Salomonis, & alibi.

Eadem est ratio testimonij ex S. Hiero-
nymo in v. 10. c. 3. Epist. ad Galatas. Lo-
cum attuli non eo quod S. Hieronymus
demonstrat ibi Iudæos codices suos cor-
rupisse, sed eo quod refert in codice Sama-
ritano vocem 𐤇𐤃 reperiri quæ ab Hebræo
codice abest. Afferro igitur in codice meo
illo ipso loco 𐤇𐤃 reperiri, quo indicio cum
aliis eiusmodi codicem meum non ^{potè} 𐤇𐤃
colligo. An rectè necne dictio 𐤇𐤃, adsit
Samaritano, absit à Iudaico non dispero,
sicut nec de aliis multis quas eo capite
enarro. Quid fenserit eo loco de codicibus
Hebræis S. Hieronymus docti in Exercit.

Biblicis Exercit. 3. c. 2. Quæ hûc referre nihil attinet.

Numero 12. indicat mihi locum S. Hieronymi in quo Iudæos coniicit Hebræum textum deprauasse, quem me fugisse miratur. Non erat admirationi locus, multa enim me fugiunt. Sed non me fugit hic locus, illum enim refero in præfatione n. 15. diu ante Samariticas Exercitationes edita. Eo autem capite illius non memini, quia id fuisset extra oleas vagari. Locus ille apud S. Hieronymum legitur eodem cap. 3. Epist. ad Galatas, in quo nullam prorsus mentionem facit codicis Samaritani. At in illo Exercitationum capite mihi tantum propositum est ea Veterum testimonia proferre quæ è codice Samaritano aliquid referunt, vt testantur, & capitis titulus, & quæcunque in eo referuntur. Quàm ineptè igitur illuc testimonium de quo quæstio retulissem? Facile assentior neutrum locum à Iudæis malignè fuisse corruptum, idque non satis euidenter probare S. Hieronymi rationes. Sed siue corrupti sint isti loci, siue sinceri de eo nihil prorsus agebam.

Tandem hæc ad finem censuræ istius capitis sic scribit, *In reliquis testimoniis, quæ à Morino*

à Morino proferuntur, in isto capite describendis absit ut tempus & operam abuti velim: Solum enim probant tale esse hodie Samariticum exemplar, quale ante mille & amplius annos; id quod ultro nunc illi concedo. Nihil ego amplius eo capite, imò tota illa Exercitatione probare volui. Exercitationis scopus est vnicus demonstrare codicem meum eundem esse quem Patres citauerunt. Id duobus argumentis demonstro, Prius ab iis locis quos Patres citauerunt è Pentateucho Samaritano qui differunt à Iudaeico: Locos istos refero capite primo. Posteriorius ab iis locis quos iidem Patres citant consentientes Hebræo Iudæorum: illos enumero capite secundo. Capite tertio & postremo istius Exercitationis examino ea testimonia quæ autores antiqui è codice Samaritano referunt, & cum neoterico non videntur consentire. De mendis textus Hebræi nec ago, nec tota illa exercitatione propositum fuit agere. Itaque quo iure Censor omisit Censuram secundi & tertij capitis, eodem potuit & primi.

ANIMADVERSI O

*In Censuram cap. primi & secundi Exercit.
quarta, in qua de utilitate Samaritani
codicis & autoritate illi tribuenda.*

QVo animo abreptus fuerit, quum Censuram scripsit in caput primum & secundum 4. Exercit. difficile dictu est: Nulla enim illi datur laruæ suæ refingendæ occasio. In utroque capite de utilitate Pentateuchi dissero. Utilitatem in eo consistere scribo quod eo codice textus authenticus adiuuatur & illustratur, idque duobus insignibus exemplis doceo, Prius annos vitæ Thare spectat quos 145. tantum fuisse dicit codex ille. In numeris Hebræi Latinique textus quanta sit difficultas, quàm insolubilis, omnes Chronologi sciunt. At iuxta numeros Samaritanos nulla prorsus est. Quid irâ Censoris dignum pronuntiaui? An quod dixerim eo codice adiuuari, & illustrari textum authenticum, id est, Vulgarum? Hoc antiqui Patres & de codice Samaritano, & de hæreticorum, Iudæorum & Apostatarum versionibus dixerunt? An quod dixerim, *Verum Hebrais Samaritanorum codicibus qui*

stare voluerit, nulla difficultatis umbra ter-
rebitur? Poteratne aliquis istum codicem
laudare modestius? Non dixi ei standum:
aliis codicibus ne quidem in hac quæstio-
ne æquavi, multò minùs prætuli. Imò
vbique de codice isto hoc obseruo, vt quo-
tiescunque ex eo solo aliquid refero, nihil
prorsus affirmem. Vt quid igitur Censo-
ris verba, me illum codicem ad sepem le-
gi faciendam adhibere, nunquam Iudæos
& Christianos Samaritanis cõsuros, &c.?
Nec sequitur S. Hieronymum codicem
istum flocci fecisse, eò quòd ad hanc diffi-
cultatem dissoluendam eo non est vsus.
Flocci non fecit S. Hieronymus versiones
Aquilæ, Symmachi, &c. nec Euangelium
Nazarænorum eò quòd iis ad omnes eno-
dandas difficultates non vtatur. Hac in
causa codicem Samaritanum adhibuerūt,
Iulius Africanus, & Eusebius.

Aliud videtur Censorem ad iram conci-
tasse: Scribit enim Exercitationes meas
Rabbinorum lectione esse superbas. Hactenus
inauditum crimen. Pudibundus Censor,
& humilitate Christiana insignis ne tan-
tum scelus perpetraret nullum è Rabbinis
testimonium referre voluit licet annum
vigesimalum & ultra literas Hebraicas Pa-

rifiis publicè tum professus esset. Contentus est pauca quædam ex iis quæ Latinè explicueram Latinitate mutata referre, tria tantùm nescio vnde illa excerpserit, obiter indicauit, sed horum duo indicatione falsa. Superbus nimis Morinus est & non ferendus qui ex centum & aliquot autoribus Hebræis vltra quingenta testimonia in solis suis Samariticis Exercitationibus retulit, quorum nullum, si forsan decem aut duodecim excipias, ab vllò vnquam Christiano indicatum est, ne dicam explicatum. Mihi tamen videtur Censor gloriolæ vitium vitare cupiens in aliud multò grauius incidere. Laborum enim suorum fructus eximios quos habet in thesauris literariis reconditos inuidet publicæ vtilitati, inuidia sanè pessima. Gazæ suæ Hebræicæ contra id quod profitetur, nimium avarus est. Pudet ipsum vbi pudor non mihi videtur tolerandus. Liceat mihi Horatianis verbis cum ipso expostulare,

--- *Quid enim differt, barathrone*

Dones quidquid habes, aut nunquam vitare paratis.

Iudæorum sapientum prudens est & frequens monitum, חבית של אפרסמון אל תנה באשפה אל א דמלמל אותו ממקומו כדי

שְׂרִיחוּ נִדְרָךְ וִיהִינוּ מִמֶּנּוּ בְּנֵי אָדָם, *Vas Balsami ne reponas in stercore, sed transfer illud de loco suo, ut odor eius diffundatur, atque ex eo homines utilitatem capiant.* Sanè non possum quin tibi melius precer, quàm maledico suo Martialis,

*Hoc tibi pro meritis, & talibus imprecor ausis
Ut facias illud quod facis inuideas.*

Nè ampliùs facias illud quod facis, ne labores tuos è Iudæorum Doctõribus expressos, vtilitati publicæ inuideas.

Posterius exemplum commorationem filiorum Israel in Ægypto spectat. Scribit Lectionem 70 Interpretum iamdudum illi cognitam fuisse. Non illi tantùm cognita est, sed omnibus qui ad difficultatem illam animum aduertunt. Nihil enim est apud omnes Chronologos magis decantatum. Sed nouum est argumentum quo Lectionem illam confirmamus, ex Hebræo scilicet Samaritanorum codice petitum. Deinde an vulgare est quod eandem Lectionem 70 Interpretum ex Talmude Babylonico, Hierosolymitano, & libro Mekilta antiquissimo confirmamus? Quod solutiones quinque istius difficultatis ex viginti duobus Râbbinis eruimus, ut ex multis aliis præcedentem? Nodum in scirpo quæ-

rit, necitque difficultatem ne ex 70 Interpretibus & codice Samaritano proposita difficultas dissolui posse videatur. Sed postremis Censuræ verbis temeritatem suam modestè castigat. *Quod ad me attinet, rem in medio relinquo, nihilque statuo, nec meum est.* Lubensque remitto quod subijcit, *difficultatem è codice Samaritano non penitus enodari.*

ANIMADVERSIO

In Censuram capitij tertij Exercitat. quarta, in qua de locis à Censore perperam allegatis, deque ratione colligendi è varijs translationibus codicum originariorū varietatem,

CENSURÆ capitij tertij eiusdem Exercitationis in primæ calumniæ absterfione est abundè responsum. Duo tantum notabimus. Prius, Censorem duo testimonia hîc indicare ex tribus illis quæ à nobis non accepit, quæ ambo ex autoribus ipsis non exscripsit, sed nescio vnde excerpfit. Prius ex Bechai desumptum est in v. 2. c. 7. Geneseos, vbi refert quidem vt adnotat, ex animantibus & auibus mundis septena & septena in arcam fuisse introducta ad sacrificiorum necessitatem, ex immundis verò

bina ad conferuandam speciem. Sed statim post illa verba quærit Bechai rationem illius rei, de qua Cenfor potissimum agit eo loco, quamobrem scilicet, dicit Scriptura de bestiis, vir & vxor eius; in auibus verò, mas & foemina. Causam reddit Cenfor ex Oleastro, *quòd membra coitus in animalibus sint similia genitalibus hominis, non sic autem in auibus.* Quid verò respondet Bechai? quoniam generatio bestiarum similis est generationi speciei hominum; Auium verò generatio fit ouorum ministerio. Quæsiuerat etiam Bechai immediatè ante verba à Cenfore allata, quare dixit Deus septena septena tolles tibi, Respondet, quod si dixisset, duo duo tolle, dubitare potuisset Noë hoc illi tantum dictum esse ad speciei conferuationem, sed Deum septena præcepisse, vt illi sacrificij necessitatem indicaret. Si Cenfor Rabbinum ipsum consulisset, an omisisset ea verba referre intra quæ concluditur id quod ex eo citat, quæque ad quæstionem quam maxima contentione agitat, multò magis conducunt quàm id quod profert? Quàm lubens Bechai testimonium cum Oleastri propter paritatem coniunxisset?

Alterum testimonium è libro Ialcuth

Z iij

petitur : *Est*, inquit, *in libro cui titulus Ialkuth, qui dicat, &c.* Non notat quo libri loco, in quem scripturæ versum scribatur id quod allegat : At liber Ialkuth qui est Commentarius in vniuersam scripturam ex Talmude & antiquis Iudæorum Midraschim contextus, liber est crassus in folio charactere admodum minuto, Quis percurrat hunc librum integrum vt tria aut quatuor verba quæ Latine refert Censor, quæque ad rem nihil pertinent, deprehendat. Facillima tamen erat citatio : Librorum enim scripturæ capita supra vnumquodque Gen. folium adnotantur, & præterea vnusquisque scripturæ liber in multo minutiones partes distribuitur, v. g. Gen. in 162. articulos, & tota lex in 963. Percurri verò totum Commentarium non modò in hunc versum sed in cap. 7. & 8. Geneleos, At nihil est eius rei quam refert. Deinde sic citat, *Est qui dicat in libro Ialkuth.* Quamobrem non expressit, quis ille? nam ad marginem libri indicatur ex quo autore seu libro vnumquodque sit excerptum.

Posteriorius quod notamus, Manifestum esse versiones 70. Vulgatam, & Syram ex variis codicibus Hebræis esse factas, hoc

est, certum esse Vulgatam nostram versionem è Septuaginta versione non esse expressam; Syram qua usus sum, & hîc excuditur ex neutra versione esse translatam; certum quoque S. Hieronymum vertendo non esse usum eodem codice quo 70 Interpretes, nec Syrum iisdem codicibus Hebræis quibus S. Hieronymus & 70 Interpretes. Tres igitur illæ versiones nobis repræsentant tres varios codices Hebræos, & perantiquos. His quartus accedit Hebræo-Samaritanus codex. Verum quidem est Interpretem nonnunquam verbum aliquod addere textui primigenio ut sententia clarius fiat, aut aliquam dictionem omittere quæ ex antecedentium contextu facillè intelligitur. Itaque ex eiusmodi additione aut omissione facta in vnica versione ineptè admodum quis originarium textum colligeret esse iis locis corruptum. Verùm id necessario colligitur ex variis versionibus cum omnes à variis autoribus ex variis codicibus originariis & diuerso admodum tempore conditæ sunt. Sed multò adhuc validius argumentum est, si tres illæ aut plures concordēs codici alicui originario antiquissimo consentiant. At eiusmodi sunt omnia nostra argumenta qui-

bus illo capite Exercitationis quartæ colligimus mendas in textum Hebræum irrepisse. Fieri enim non potest, ut 70, S. Hieronymus, & Syrus Interpres in eandem additionem aut omissionem consentiant; aut si hoc contingit, oportet esse admodum rarum. Deinde quomodo tam variis temporibus scribentes, omnes tamen simul id addiderunt aut omiserunt, quod tanto post tempore in codice Samaritanoprehenditur? Nulla est igitur alia consensus istius causa quàm codicum Hebræorum quibus vsi sunt illis in locis consensus. Quum igitur Iudæorum neoterici codices dissentiant, certum est nunc Iudæorum codices illis in locis ab antiquis differre; & consequenter Iudæorum neotericos codices versionum antiquarum corrigendarum regulam adæquatam esse non posse, quod vnicum omnibus libris, quos de his rebus scripsi, demonstrare contendì. Versionum antiquarum dico; Nam neotericarum versionum cum omnes è Iudæorum neotericis codicibus expressæ sint, regula sunt adæquatissima.

Itaque vanæ sunt omnes Censoris exceptiones, Versiones ex versionibus esse expressas; Interpretem aliquid addere sen-

fus dilucidioris causa, satis hoc ex versionis contextu colligi. Nec etiam vllius est momenti exceptio, sententiam non mutari, sensum integrum esse, &c. Nam diuersæ sunt mendæ quæ in libros irrepunt, quorum aliquæ sensum mutant, sed vitiosum non reddunt; nonnullæ, sed vt plurimum paucissimæ, sensum vitiant; frequentissime sunt eæ quæ sensum aut non mutant, aut quàm leuissimè, vt videre est apud omnes Criticos. Aut si quis sacros cupiat, legat Lucam Brugensem, varietates Antuerpiensium Bibliorum, Marianam in Biblia, Bezæ adnotationes in nouum Testamentum, Roberti Stephani testamentum Græcum, Masoretharum ꝛ Keri & Cherib in Bibliis Veneris & Basileensibus, &c. Quanquam postremæ illæ mendæ ab aliis differant, & periculi minus habeant, mendæ tamen sunt; & sacri textus corruptelæ, aut saltem, si hoc nomine vti non vis, mutationes. Hæc paulò fusiùs explicare visum est, licet euidentissimè in Exercitationibus nostris explicata sint, quia Censori placet non in tenebris, vt aliorum hominum mos est, sed in meridiana luce palpari.

ANIMADVERSI O

*In Censuram cap. quinti Exercitat. quarta, in
qua de Iudæorum erga codices
sacros religione.*

TRansit Censor ad capitis quinti censuram. Causatur me datâ operâ obsecrè exponere variarum Lectionum genus quod Iudæi vocant Keri Vchetib. Res sic se habet. Ex Elia Leuita initio secundarum tabularum vt adnoto, sex axiomata excerpo, quibus totum istud negotium exponit; Quod ad exempla attinet quibus axiomata sua illustrat Elias, Lectorem breuitatis causa, ista enim vt multa alia eo loco tantum obiter attingo, ad Eliam ablego. Quid verò Censor? illa eadem axiomata mea quæ excerpseram, eodem ordine, & iisdem fere verbis nec pluribus exponit. Sed quæ distinctè ego apposisis numeris, 1. 2. 3. &c. collocaueram, ille sublatiis numeris ita confundit, vt nisi attentè legantur à se inuicem distingui non possint. Quid igitur plura quàm ego? Exempla quæ affert Elias persequitur, quorum occasione de Imperatiuo Hiphil, de quiescentibus pe Iod, de accentu distinctiuo, de Seua

& Schurek differit. Quasi verò de his ageretur. Sed Censorē oportebat verbo tenus saltem aliquid Masorethicū sonare. Si tibi per otium licet, vtriusque scripta compara.

Digreditur postea ad Iudæorum erga codices suos fidem & religionem, atque in me velut data porta ruit. At ego eo ipso in loco Masoretharum fidem & religionem in codices sacros agnoui, & prædicaui, *Non ausos eos lectionem quam corruptam existimabant à texture secare quum multis exemplaribus confirmabatur, sed inuiolato textu correctionem suam ad marginem reposuisse.* Paulò ante in eodem capite dixeram, *Iudæorum Interpretes si codices Hebraeos de industria corrupissent, sese suorum ludibrio & Censura exposuissent,* bisque & ter eodem capite dixi fortuitas tantum varietates in codicibus Hebræis repertas esse, meque tantum agere aduersus eos qui absolutam integritatem, & ἀπαρτησίαν illis attribuant. Furiosè tamen in me debacchatur quasi Iudæos dixissem malignè codices suos deprauasse. Lubentes amplectimur, & laudamus quod affers Genebrardi testimonium de Masoretharum erga textum religione. Nunquam quod ei vel tantillum contradicat, scripsimus. Si scelus est

Iudæos malignæ deprauationis accusare , quod indignationem tuam mereatur , in teipsum Cenfor debacchare , & furiosus esto , qui hîc cum Genebrardo & alibi Iudæos accusas malignæ punctorum vocalium inscriptionis : Idenim Iudæis nec in præfatione mea, nec in Exercitat. Samaritanis vsquam imputaui. Tu libri tui initio scribis olim in ea te sententia fuisse vt existimares Iudæos passim libros suos in odium Christianorum malignè corripisse; illosque etiam nunc vnus aut alterius loci malignè corrupti reos peragis. At huius criminis ne semel quidem eos scripsi conscios esse , nusquam credidi , sæpiùs quantum in me fuit , eo crimine purgaui. Sed non licet (iterum dico) homini Catholico sine aliqua impietatis nota aduersus hanc de maligna Iudæorum deprauatione sententiam debacchari , cum tot antiqui Patres , tot Doctores Catholici , viri doctissimi , & Ecclesiæ acceptissimi istam sententiam priuatim & publicè docuerint. Istam sententiam ego , licet contrariam prorsus amplectar , & approbem , & honoro , & reuereor , probabilibusque argumentis niti fateor.

ANIMADVERSIO

*In Censuram cap. septimi Exercit. quarta.
in qua de Masora utilitate
& obscuritate.*

A Capite quinto Exercitationis quartæ ad septimum transilit, atque ab initio me inducit ineptissimè argumentantem. Hoc modo, Corruptè scripserunt Masoram Iudæi, ergo in Biblia ipsa peccauerunt, *Quasi*, inquit, *istud esset legitimum argumentum. Indices vel concordantia marginales Latinorum Bibliorum forte corrupta sunt: Ergo & ipsorum Bibliorum textus corruptus est.* Sic argumentatus sum toto illo capite non in codices Hebræos, sed in id quod Iudæi & nonnulli Christiani aiunt, Masoram esse sepem legi, & post Masoram non potuisse amplius legem corrumpi: Masora corruptissimè admodum scripta est, vt Iudæi testantur qui in ea instauranda, & purganda laborarunt, scilicet R. Iacob Ben Chaim & Elias Leuita, atque Buxtorfius qui hætenùs Christianorum primus & solus hanc Criticam intellexit. Verba eorum & querelas fusè exhibui: Præterea Masora scripta est stylo, & voca-

bulis difficillimis quæ nulli Iudæi intelligunt vt testatur Elias, & alius Isaacus Iudæo Christianus; Insuper Masorethica scribendi forma erroribus est admodum obnoxia. V. g. vt notent quandam dictionem bis legi, adhibent literam ם ea mutata in ן, vices legi notatur, &c. Ergo Masora non potest esse sepes legi, postquam inuentam lex non possit amplius corrumpi. Sed Censor calente irâ semper feruidus ne semel quidem in quid rueret, videre potuit.

Postea Masoram non esse corruptam, omnes illius codices esse sibi simillimos, diligentissimè fuisse conseruatam, longis Ariæ Montani testimoniis, probat. Ariam Montanum linguæ Hebraicæ valdè peritum fuisse non dubito, nec ipsius nec cuiuscunque gloriæ detrahere velim. Sed in Masorethica critica nihil prorsus intellexit. Alia multa egregiè sciuit, at non hoc. Iudicet Lector: Nonnulla Biblia scribit Arias eodem loco se vidisse annorum quadringentorum, aut etiam antiquiora: *In quibus omnibus, inquit, constantissima, & sibi omninò consentiens Masoreth adscripta est, eadem qua in Venetiis, & in Bombergianis codicibus circumfertur, & alia nonnulla in eundem*

eundem finem. De Bombergi priori editione quid iudicauerit Elias. Leuita , & post eum Buxtorfius audi referente Buxtorfio initio Rabbinicæ Bibliothecæ, *Hanc editionem vehementer reprehendit Elias in Præfatione libri tertij Masoreth* (scribendum erat tertia libri Masoreth) *propter notas Masorethicas isti editioni ad marginem adjectas, suadens ut nullus ad eas animum apponat. Nam, inquit, qui apposuit eas non potuit discernere inter dexteram aut sinistram suam, quia non fuit Iudæus, & in Masora nihil quidquam intellexit, &c. aliquando bonum posuit in textu & falsum in margine, aliquando contra palpsans sicut cecus in tenebris.* Et in secunda editione Veneta, licet à Iudæo doctissimo adornata sit, plurimos inesse errores affirmat in secunda præfatione. Si de Masora in antiquis Bibliorum codicibus descripta sermo, sit longè est corruptissima, ut testantur, & de hac re conqueruntur Iudæi qui de Masora scripserunt, quorum nonnulla testimonia retulimus cap. 7. Exercitat. 4. Longè sinceriores sunt separati Masoræ codices, sed eiusmodi codices nunquam vidit Arias. Verùm cæco colores omnes sunt iidem, sic Ariæ Masora in manuscriptis Bibliorum

codicibus scripta, & in excusis, & si vis in separatis codicibus, & vbique est eadem. Audet tamen Arias, qui hac in Critica ne Alphebetarius quidem fuit, sic colligere. *Hac igitur quicumque attentè, atque aequo animo legerit omnia, intelliget nimirum vel temporum iniuria, ut credere par est, vel Iudeorum inuidia, ut quidam accusare volunt, non tantam calamitatem esse allatam, quantam apud huius Mazzoreth antiquissima ignaros exclamari audimus.*

Multos Bibliorum antiquos codices quibus inscripta erat Masora vidisse & legisse Ariam non nego quum id testetur, sed nihil prorsus in ea intellexisse res ipsa demonstrat. Referam huc quod scribit Sixtinus in Antibarbaro lib. 3. ad Psal. 22. *Quod verò asserit (Arias) Masorethas asseuerare duas illas lectiones כֹּאֲרִי וְכֹאֲרִי, simul componendas esse, videtur respicere ad notam Masoreticam quæ est ad hanc ipsam vocem, ב' קמטצין בתרי לשני, Duo sunt Kametzata in duabus significationibus. Sequentia verba innuunt locum Isaiæ 38. 13. וְכֹּאֲרִי. Quid in hac doctrina insulsius pronuntiari poterat? Ista parux Masoræ adnotatio significat, כֹּאֲרִי bis legi cum Kamets, sic כֹּאֲרִי, in duabus significationibus, hoc est*

aliud significare in altero loco quàm in isto. Arias ignorat in dialecto Masorethica קמץ significare puncto Kamets notata, & בתרי לשנו, diuersas significaciones; Deinde verba sequentia, שויתי עד בקר, esse notam versus in quo alter locus reperitur, Quod est, Masorethicæ doctrinæ prima omnium elementa ignorare. Eadem & potior ratio Reuchlini quem citat Censor: Nam Reuchlino Critica Masorethica tantùm fama & Iudæorum commendatione cognita erat. Sed Ariæ Keri Vcheticum cognitum erat, quod Masoræ tantilla pars est, verùm vtilissima. Hæc testimonia exscripsit Censor è Buxtorfio cap. 20. Commentarij Masorethici: At excusandus Buxtorfius qui hæc & alia multa testimonia collegit, vt Lector virorum Hebraicè doctissimorum autoritate persuasus artificium Masorethicum in quo addiscendo plurimùm insudauerat, & quod explicare aggrediebatur, magni faceret.

ANIMADVERSIONIS

*In Censuram cap. octauæ Exercit. quartæ pars
prima, in qua varietatum in Hebræo
textu allegatarum scopus
explicatur.*

NVSquam magis pueriliter triumphat Censor quàm in capitis 8. examine. Laruata triumphalia reteximus in absterfione tertiæ calumniæ: multa tamen superfunt animaduersione digna, quæ doctrinæ causa in varias partes distribuimus. Quod ad primam attinet, res ita se habet. Propositum erat nobis eo capite agere aduersus eos qui negant post inuentam Masoram, vllam vel vnus literulæ mutationem in codices Iudaicos irreperere potuisse; in qua sententia sunt antiquiores Hæretici, & recentiorum plerique, plurimi quoque Iudæi, quorum vnus est Ioseph Albo quem ex Buxtorfio fusè hîc citat Censor. Contra hanc sententiam acturus ex sola Genesi duodecim exempla colligo in quibus literarum aut dictionum varietates deprehendit, & adnotauit Masoræ Instaurator, quas libris correctis niti & probari testatur. Deinde capite nono disputationem con-

cludo demonstratione duorum versuum, qui apud Iosue in plerisque Iudæorum codicibus expuncti sunt. Hinc necessariò & eidentissimè colligitur falsum esse quod illi asserunt, in codices Hebræos post Maforam nullam omninò mutationem incidere potuisse.

Primum exemplum petitur ex Genes. 19. 13. vbi scribitur אַתְּ הַמָּקוֹם alij libri habent לָא, Regerit, *Quid ad sensum interest?* Hoc non quæritur, sed an litera sit mutata: En tau in lamed mutata. Deinde probat ex Ieremiæ 4. 23. לָא sumi pro אַתְּ. Postea subiicit, *Si nescis forte, sollicitare hîc Lexicon ne pudeat. Quod si fecisses interdum, non ita ineptè quadam ex Hebræo reddidisses.* Lexica sollicitare mihi quàm sæpissimè necessarium fuit, qui in Exercitationibus Samariticis & Biblicis in materia hætenus intentata, & plerumque incognita, tot testimonia ex diuersissimis autoribus Hebræis refero. Istius sollicitationis nec me pudet, nec vnquam puduit. Eo sum animo vt Musarum ianuas referatas semper offendere malim quàm obseratas. Ne difficultatum obruar Oceano lubens quandoque possum nato cum cortice; Imò si possem cum Comico, scirpeam induerem

ratem. Verum Censor cuius longa ætas & experientia membra animumque durauerunt, his adminiculis non eget.

Addit quædam me ex Hebræo ineptè reddidisse. Non inficior; ideo non semel Lectorem monui, verba Hebræa me referre, & verbo tenus me interpretari vt interpretatione mea adiutus me faciliùs errantem corrigere possit. Sed tam grauis Censor, & linguæ Hebraicæ, vt apud suos se indigerat, Imperator, adnotare debuerat nonnullæ prauæ interpretationis loca. Sanè longè hoc vtilius Lectori fuisset quàm puerilia ista adnotamenta, לך aliquando pro את sumi, תהי, explicandum esse, fuit, atque aliud simile vnum adhuc aut alterum infantile monitum quæ vt ignorantix meæ documenta ostentat & traducit, ô grauiissime Censor,

Infanti melimela dato fatuasq; mariscas.
Ista viris non sapiunt.

Verùm quid hîc opus erat mihi lexica sollicitare, vt ignorantiam meam instruerem, cum neque de significatione תוד, לך, neque תוד את, agatur, sed de dictionis varietate siue idem significet siue diuersum. Quanquam Censor perperam exemplo suo ex Ieremiæ 4. v. 23. me docet. Nihil

enim cogitibi לֹא pro אֵל sumere. Sæpissimè enim אֵל iungitur cum præpositione לֹא, atque etiam cum non significat apparere, vt Genes. 46. 29. Poterat multò melius me docere ex v. 7. Psal. 2. Præterea euidenter falsum assumit Censor cum scribit eo loco Genes. 19. 13. ad sensum nihil interesse siue legas אֵל siue לֹא. Nam לֹא sæpius significat, *secus, iuxta*. Itaque si non obstant textus circumstantiæ non significatur Deus locum istum deleturus, sed quæ sunt circa locum istum. Denique varietates illas non attuli vt eorum qui eas collegerunt diligentiam aut fidem culparem, imò vt laudarem. Eorum sanè laudanda fides qui librorum suorum vitia non tacuerunt; & diligentia, qui ea variorum librorum comparatione collegerunt.

ANIMADVERSIONIS

In Censuram cap. octauæ Exercit. IV. Pars secunda, in qua docetur quantam præ cæteris linguis vnius literæ mutatio sensus varietatem in linguam Hebræam inferat.

SECUNDUS locus est, in vulgato textu Scribi וְלֹא אֵל in aliis codicibus abesse jod. Hic suo more mirificè exultat Cen-

for, & cachinnatur, tandemque addit, me eadem de cauſa falſi Iudæos accuſare, ac ſi quis eiufdem criminis alicui dicam diceret, eò quòd Gallicè forſan in archetypo ſcriptum eſſet *eſteindre*, & in ecſtypo ſcriberetur *êteindre*. Deinde exclamat, *Atqui non maioris, imò minoris momenti ſunt duodecim illæ varia lectiones, vel ſi manis immanes deprauationes quas ex Geneſi notas. Argue me ſi mentior. Arguant me tot huius rei teſtes, quotquot prima lingua Hebraica rudimenta didicerunt.* Arguam ſanè te, & te arguent quotquot prima linguæ Hebraicæ rudimenta didicerunt. Sed antea, iterum monebo Lectorem me neque hîc neque alibi vnquam Iudæos falſi accuſaſſe, quod olim atque etiam nunc; ſemel & bis feciſſe fateris: Deinde nunquam de immanitate tribuenda deprauationibus quas adnota- ta cogitaſſe.

Vt Lector Gallicæ linguæ ignarus quid exemplo ſuo, Cenſor ſibi velit, intelligat verbis Latinis ſcriptionem variantibus id docebo. Idem eſt igitur Gallis, *êteindre*, *eſteindre*, quod Latinis, adſiſtere, aſſiſtere, adſtipulari, aſtipulari, adſtare, aſtare, inreligioſè, irreligioſè, & cætera eiufmodi quæ fatiſ multa ſunt, & à Grammaticis adno-

tantur, aut si mauis, annotantur. Scribe igitur, adstare, vel astare, &c. eadem est omninò significatio quidquid antecedit vel sequatur, nec vnquam interpretaberis aliter *adstare*, siue solitarium, siue coniunctum quàm, *astare*. Videamus an minoris momenti sint varietates à nobis adnotatæ. Prima **א**, pro **את**. Si consulantur lexica docebunt **א**, significare, ad, apud, secus, iuxta, versus, contra, super, in, cum, sed; **את**, nunquam significat, secus, iuxta, versus, contra, super, in. Secunda varietas **ולאמים** & **ולאמם**, prior dictio nihil aliud significat quàm, *Et populis*, sed posterior dictio, propriè significat, *& matri eorum*: vel *& ancilla eorum*, vel, *& cubitui eorum*. Sed in eo Genesis loco vtraque dictio nomen est proprium, Masorethis *Leummim*, S. Hieronymo, *Loomim*. Si verò dictiones diuidas, ex priori facies **ולאמים**, *& non sunt aqua*, vel, *& non à mari*: ex posteriori verò nihil. Idem omnibus dictionibus pari data mutatione contingit. An idem præstabis Lector in dictionibus astare, adstare, inreligiosè, irreligiosè, &c. Argue me, Lector, si mentior.

ANIMADVERSIONIS

*In Censuram cap. octauæ Exercitat. quartæ,
Pars tertiâ, in qua de mendis textus He-
brai quæ solæcismum continent.*

IN sextæ varietatis examine Thraſonis
more insultat mihi & pæana canit. Re-
tuli ex nota Masorethica Genes. 26. v. 25.
vbi legitur אלה, nonnullos libros cor-
rectos habere, אלהי, Dixique in textu
Hebræo vt nunc vulgo legitur crassum
esse solæcismum qui teste Masora quater
in Genesi committitur. Hæc verba Cen-
soris hominis biliosi stomachum ita com-
mouerunt vt choleram continere non
potuerit. *Tum equidem, inquit, ostuum vi-
dere nimium vellem cum istud scriberes,
Morine, Auderete, te inquam perpetuum tot
codicum consensum arguere solæcismorum?
Vbi & quo præceptore artem Hebraicæ linguae
didicisti, vt de solæcismo iudicium ferre possis?
&c.* Ne Censoriterum stomachabundus
grauitatis obliuiscatur, te, Lector, com-
pellabo. Num in omni lingua eiusmodi
phrases crassi essent solæcismi, *virilla, mu-
lier ille.* Atqui, וישם אלהי phraseſis est
eiusmodi, ה enim est pronomen affixum

foeminini generis, sed refertur ad Abraham, & *tetendit ibi tabernaculum* אֹתָם, solœcismus procul dubio est, & legendum אֵהָלָם, אֹתָם, vt Genes. 31. 25. c. 33. 19. aliisque omnibus in locis fieri solet. Nugæ cachinni, scommata effundi quidem possunt, sed his nunquam efficietur, vt phrasis ista in omni dialecto non sit crassus solœcismus. Et si hac in causa os meum videret Censor, obmutesceret.

Causatur Censor codicum perpetuum consensum. Primum obstat perpetuò huic codicum consensui nota Masorethica à me allata: Cuius autor testatur se codices correctos vidisse in quibus אֵהָלָם scribebatur; deinde Masora ipsa, cuius libri vt idem adnotat in hac dictione per ה in fine scribenda diuisi sunt. Consulatur igitur Masora, docebit quinquies cum ה scribi, & referri in Sidra Noë. Adeatur Sidra Noë; ibi scribitur, ר' כתיבה וסי' *Quatuor scribuntur cum he quorum signa sunt, &c.* Ea autem signa refert quæ arguunt c. 9. Genes. v. 21. c. 12. v. 8. C. 13. v. 3. & cap. 35. v. 21. Locum de quo nunc agimus præterit. Quid verò Masora parua? In quatuor illis locis ad dictionem אֵהָלָם adnotat quater sic scribi; sed ad cap. 26. v. 25. quod nunc

vertitur, nihil adnotat. R. Menahem in editionum Venetarum correctorio, quod **אור תורה** inscripsit, & ex comparatione cum decem antiquissimis codicibus & alijs Iudæorum correctorijs collegit, simpliciter pronuntiat ad hunc locum, **אהלו**, dictio, **בואו לא בהא**, *cum vau non cum he*. R. quoque Nathan in Concordantijs ad dictiones **אהל** & **נטה** licet alia loca referat cum dictione **אהלה**, istum tamen semper cum vau; quibus omnibus consentit codex Hebræo-Samaritanus. Est igitur manifesta menda in textum illapsa qua crassus solæcismus conficitur. Aliorum quatuor locorum adnotatorum, quod ad mendam & solæcismum, eadem est ratio; in eo tamen differunt quod quatuor illæ mendæ à Masorethis adnotatæ omnes qui nobis famâ cogniti sunt codices inuaserunt, sed ista nondum maiorem partem.

Quid in verbis nostris Censoris animum tantoperè offendit? An quod in textu Hebræo solæcismos inesse dixerim? Num Iudæorum maxima pars id profiteretur cum variarum Lectionum quas Masorethæ adnotarunt, rationes scrutantur, vt supra videre est ex septem aut octo Rabbinis alle-

gatis? Perturbationes, barbarismos, phrases genio linguæ contrarias à Masorethis ad marginem castigatas & restitutas fatentur. Id de vniuerso Keri Vchetib pronuntiauit Abarbinel, In quo bis peccauit primùm quod barbariem & solœcismos vniuerso Keri Vchetib attribuit, cum sæpe id falsum sit. Sed potissimum & grande peccatum quod sic perperam scripsisse nolit Iudaicos Scribas, sed ipsos Prophetas linguæ ignorantia laborantes, & postea Masorethas dictiones illas iuxta linguæ genium ad marginem restituisse. Iudæorum autem nullus Abarbineli succenset quòd nonnunquam textui inesse barbarismos, solœcismos, dictiones insolentes, & à genio linguæ alienas scripserit. Num Catholici qui huius rei cognitionem habent idem profitentur? Num hoc tempore plerique Hæretici? vide quæ supra ex Amama & aliis retulimus. Quid? ipse Censor idem dicere non reformidat Censura in caput 5. n. 8. sed quid opus & rationibus & autoritatibus cum plerique barbarismi & solœcismi admodum euidenter se prodant, quos ad marginem Masorethæ castigarunt.

An ipsum offendit quod iis in locis solœcismos esse diximus cum Masorethæ 70

Keri ad marginem non adnotauerint?
 Hanc rationem Censor non vidit, nec in
 Critica Masorethica adeo profecerat, ut
 eam vel subodorari posset. Respondeo ta-
 men huius critices perito qui sic obijcere
 potest. Primum in Masora excusa me qui-
 dem non reperire collectionem earum di-
 ctionum quæ scriptam habent he, cum
 scribi debeant per vau cholem; reperire
 quidem catalogum dictionum quæ scri-
 buntur per he, & leguntur per vau schu-
 rek: refertur c. 4. v. 17. Lamentationum.
 Sed illa Masora & hæc & alia multa præ-
 terit. Deinde magna Biblia Veneta sæpe
 Keri marginale dictionibus prorsus simili-
 bus ijs quas adnotauimus, affigunt: v. g.
 Exod. 22. v. 26. כסותה, tegumentum
 אֹתָהּ, restituitur כסותו, tegumentum
 אֹתָם, ut scribitur eodem versu שְׂמֵלָתוֹ לְעוֹרָו
 codex Samarit. habet ut restituit Masore-
 tha. Sic Exod. 32. 17. ברעה in vocifera-
 tione אֹתָם, restituitur ברעו, אֹתָם, Sa-
 marit. ברעה ut Iudaicus, sed Interpres ex-
 plicat aliter בְּבִישָׁה, in malum. Itaque iux-
 ta illud he non est pronomen, sed ad di-
 ctionis formam pertinet: Eandem castiga-
 tionem adnotauit Arias in Bibliis interli-
 nearibus. Sic Leuit. 23. 13. ותסכה, libamen

אֲתִּי restituitur וְנִסְכּוֹ libamen אֲתִּי, Samaritanus habet vt est à Masoretha restitutum, וְנִסְכּוֹ; sic requirunt præcedentia, refertur enim ad כֶּבֶשׂ agnum, & eodem genere præcesserunt שְׁנָתוֹ וּמִנָּהּ. Plurimæ sunt aliæ per vniuersam scripturam eiusdem generis Masorethicæ castigationes. Cum igitur omnium fere tam Iudæorum antiquorum quàm Christianorum consensu istæ marginales criticæ sint mendarum in textu castigationes, genusque fœmininum quod hîc est in textu ad marginem mutetur in masculinum, quid aliud est locis adnotatis marginalis restitutio quàm solœcismi castigatio?

Sed occurrit Censor, *Antibi quoque solœcismus videtur* Exod. 32. v. 25. פָּרַעַה, nudauerat eum. Numer. 23. 8. קָבָה maledixit eum, Ps. 42. 9. שִׁירָה canticum eius. Vicissim interrogo, an tibi solœcismus videtur, si quis de viro dicat, nudauerat eam, maledixit eam? Respondeo Masoretham qui illis locis puncta adscripsit solœcismum iudicasse, ideo nulla habita ratione תִּי he punctauit veluti scriptum fuisset פָּרַעַי cum vau pronomine masculino, sic פָּרַעַה, vt fieri solet in Keri Vcheticib, vbi punctatio non fit analoga literis

textus, sed literis in margine restitutis, Aliàs punctandum fuisset פָּרַעַה *nudauit eam*. En Hebræo-Samaritanus codex habet קָבוּ, פָּרַעַי, analogicè ad punctationem Iudaicam. Deinde respondeo si literas tantùm spectemus non autem punctationem, quæ Masoretharum arbitrio inscripta est, exempla ista ad rem nihil facere, neque necessarium esse vau pro he legere, nam vtrumque textui conuenit; Subauditur enim dictio, עַם, populus, quæ Hebraicè communis est generis, licet masculini multò sæpiùs. Quod ad dictionem שִׁירָה, nihil cogit vt הּ sit affixum, sed commodè שִׁירָה canticum legi potest, vt alibi, & fauet sequens dictio תְּפִילָּה sine affixo. Septuaginta autem iuxta S. Hieronymi correctionem procul dubio legerunt שִׁירִי, vt & Aquila, sed Symmachus שִׁירָה, vertit enim, ὁ παρ' αὐτοῦ ὁ ἀρχιεπίσκοπος ἰσραὴλ, hoc est שִׁירָה עַמִּי. Hinc manifestum est duplicem olim fuisse lectionem שִׁירָה, & שִׁירִי.

Post theatricas exclamationes Censori parùm conuenientes tandem pronuntiat supercilio sanè censorio, me ignorare literas אֶהְיֶה esse inuicem permutabiles, *quod*, inquit, *tyrunculi omnes sciunt*. Ergone licbit Censor scribendo aut loquendo generā,

nera, personasque mutare? Cum Prophetæ scribere vellent נפשי, *animam meam*, scripserunt נפש *animam eius*, cum vellent dicere נפשי, *animam autē*, dixerunt נפשה *animam autē*, &c. Quamobrem Masorethæ quoties eiusmodi solæcismos aut barbarissimos prehenderunt aut Marte suo, aut etiam codicum ope eos ad marginem castigarunt, textumque non habitatione ad literas textus, ne perperam legeretur, sed ad marginalem correctionem punctarunt? Non eram nescius literas אהוי permutari, sed hoc fit in nominum formatione, in verborum & nominum coniugationibus & declinationibus ut docent non modo Iudæorum, sed etiam Græcorum & Latinorum, atque omnium Gentium Grammatici de peculiaribus suis vocalibus & diphtongis. Nonnunquam sed rarò contingit ut in eiusmodi formationibus præter ordinem vna pro alia substituatur quas permutationes Grammatici, & Lexicographi diligenter adnotant; sed his Masorethæ suum Keri non inusserunt. Quam Grammaticam edoctus Censor noster textus mendas confundit cum ea literarum mutatione quæ linguæ ex proprio genio, aut ex

quadam ἐπεροκλήσει Grammatica conuenit ?

Sperabas, inquit, *fortè me causaturum hîc mysteria, &c.* quæ multis persequitur. Nihil te causaturum sperabam, quia cum ista scriberem nihil prorsus de te cogitabam, nec tunc libri tui vel regumentum conspexeram.

Hîc & alijs in locis Censor præfationem quam editioni 70 Interpretum præposui solœcismorum accusat. *Præfatio illa tua in Septuag. Interpretum Biblia, qua undique solœcismis seu barbarismis scatet, declarat quantus solœcismorum sis artifex. Solœcissare igitur per nos liceat, non de solœcis indicare.* Facit indignatio versum, inquit Iuuenalis. Censor tamen noster licet de me indignabundus semper loquatur, turpemque solœcismorum messem ex præfatione mea se demessurum polliceatur, nullum tamen postquam diu parturijt, enixus est. Res ita se habuit. Cum legi & audiui stomachosissimi Grammaticuli in aula sua sese tam iuueniliter iactantis ventosas illas minas & ἰωδὲ πύρρ, nihil aliud quàm subrisi. Ille verò iram despumans rem seriò agere, præfationem meam legere, relegere, dispungere, quæque verba in inuidiam trahere. Edit

tandem grauiſſimus ille Cenſor, ὑπὸ πῶτον
partum, foliola duo, in quibus ſolæciſ-
mum nullum, barbariſmum vnicum nota-
uit. Cui, inquit, *perſuadebit* ותרו יראתם
Hebraicè dici, pro, & in vanum timuiſtis.
Procul à ſermone Hebraico Eſaia Propheta
praefertim, qui totus venuſtus eſt atque elegans,
tales barbariſmi. Cui perſuadebo Cenſor?
Id non modo Hebraicè ſed etiam elegan-
ter dici doctis omnibus & indoctis, tibi-
que ipſi Cenſor perſuadebo. Iſaias cuius ſermo
ſemper eſt elegans bis in eodem capite uti-
tur eadem phraſi, c. 45. v. 18. לא תהו בראה
Non in vanum creauit eam, & v. 19. תהו
בקשוני, in vanum queritis me. Vides Lector
Quid dignum tanto tulit hic promiſſor hiatu?
Nihil verò aliud à me feret quàm interro-
gationis qua mecum expoſtulauit, redhi-
bitionem, *Vbi & quo praeceptore artem He-*
braica lingua didiciſti, ut de ſolæciſmis &
barbariſmis iudicium ferre poſſis? Qui plura
de illa noſtra textus Hebraici hoc loco re-
ſtitutione ſcire cupit, legat quæ diximus
c. 12. prioris partis diatribes noſtræ aduer-
ſus Anglobatauos.

Verùm excuſandus Cenſor; quiſquis
enim alios ſibi ſimiles facilè fingit, & diffi-
cile credit alterum id eſſe conſecutum

quod ipse assequi non potest. Fatetur in signem se fuisse solæcismorum & barbarismorum artificem cum olim nonnulla in Psalmis Hebræis secundum Vulgatam restituere tentaret, *Pudebat*, inquit pag. 4. *solæcismorum & barbarismorum quos meis coniecturis ac mutationibus in librum alioquin elegantissimum inuexeram.* Quum lapsu temporis & amicorum admonitioneprehenderet industriam suam infeliciter succedere, in contrarium vitium præcepsscucurrit.

ANIMADVERSIONIS

In Censuram cap. 8. Exercit. IV. Pars quarta, in qua exemplis docetur in quem finem varia ista lectiones enarrentur.

AD locum octauū respondet, נִמְהָלִים significare, *circumcisos*, petitque cur reddiderim, *permisti*. Hoc non agitur, sed varietatem in codicibus Hebræis inesse hinc demonstratur, nam textus Vulgatus habet נִמְלִים, nota autem Masorethica monet in libris correctis legi נִמְהָלִים. Cur autem reddiderim, *permisti*, Ratio est in promptu. Verbum מָהֵל in significatione circumcisionis nusquam reperitur in scriptura, sed semel tantum Isaia 1. 22. in si-

gnificatione permistionis, vt testatur R. Kimhi in hac dictione, istamque significationem probat ex lingua Arabica, in qua idem significat. Sequuntur autem R. Kimhi interpretationem alij Lexicographi. Sed vt illi assentiar plurimùm me mouent antiqui Interpretes qui consimiliter reddunt, 70. S. Hieronymus, & Symmachus. Itaque Biblicam significationem omnibus antiquis & recentioribus Interpretibus & Commentatoribus Christianis & Iudæis acceptam secutus sum. Ais loco non conuenire; nihil ad rem. Quis enim præstet omnes librorum varietates textui conuenire. Id tantum contendo Iudæis auctoribus varietatem esse. Doces me *למה* apud Rabbinos esse circumcidere. Quæstio non vertitur de interpretatione textus Rabbinici sed Biblici. Deinde tu Censor *מאכיל* importunus semper me, Lectoremque doces ea quæ vel pueris perspicua sunt, vel pueris Lexica canunt.

In examine noni loci Censoris mens ab ipsius corpore aberat. *Quasi verò*, inquit, *ad sensum aliquid referat, scribatur sub ך* *schemma simplex, an compositum*. De punctis non agitur, sed de litera *vau* quæ in quibusdam codicibus ab illa dictione abest, eodem

cap. v. 25. In textu enim scribitur, כְּהִיּוֹתֶם, alij libri habent כְּהִיִּיתֶם.

Quæret forsan Censor in quem finem ista? Id sæpissimè declarauimus; vno tamen aut altero exemplo propositum nostrum hîc iterum explicabimus. Volunt Hæretici omnes, & quod quis stupere potest, etiam ij qui plurimas mendas textum Hebræum inuasisse fatentur, Vulgatam Ecclesiæ translationem ad Hebræi textus normam qualis nunc extat, semper exigere. At Iudæis solis testibus (eos enim solos hac in causâ interpello) mendæ, errores, καὶ ῥαῖματα, literarum, dictionumque immutationes, puncta missa facio, bis mille paulò plus minùsve in textum Hebræum irrepperunt. Numquid igitur solo naturalis luminis dictamine ridicula & fatua est ista consequentia: Aliter habet textus Hebræus quàm Vulgata, Ergo error est in Vulgata, vel Interpretis, vel Amanuensis, cum differentiæ istius culpa posthabitis circumstantiis ex æquo saltem & Vulgatæ & textui Hebræo attribui debeat. Si puri nunc vt olim fontes fluere probabilissimum esset argumentum, & ferè semper necessarium. At post tot mendas à Iudæis in textu suo confessas, quis contra Vul-

gatam præstare poterit ex solo vtriusque textus discrimine textum Hebræum tot locis temeratum hoc loco qui controvertitur, esse intemeratum.

Exempli causa Genes. 3. v. 15. S. Hieronym. vertit, *ipsa conteret caput tuum*. Quâtas ea de re Hæretici tragædias excitant, eo quod Hebraicè scribatur, אִשָּׁה, & Masorethæ punctum scurek inscripserint. Ipsos interrogo, Num sciebat S. Hieronymus, אִשָּׁה significare, *ipse*, vel, *ipsum*, & אִשָּׁה esse istius pronominis fœmininum? Cum igitur vertit *ipsa*, necessariò colligendum in textu suo legisse אִשָּׁה, non autem, אִשָּׁה, ut nunc legitur. Si dictionum *ἐκ τριτάδης* notarunt Masorethæ in quibus jod scribitur modo initio dictionis, modo medio, modo fine, & illis in locis legendum *vau*; vel è contra, *vau* scribitur, & legendum adnotant jod, Quid miraris hoc loco contigisse, quod millies alibi factum fuisse confiteris? Credis Masorethis de mille mendis testimonium perhibentibus, non credes Sancto Hieronymo translatione sua Lectionem sui codicis indicanti.

Obijciat Hæreticus hanc varietatem Masorethas non adnotasse: Quasi verò omnes adnotauerint, codicesque omnium

nationum penes se habuerint? Quis adeo demens est, ut id affirmare auit? Obijciat probabilius, Verbum sequitur Masculini generis, ergo legendum, **הוא**, non **היא**, Eadem chorda aberratur. Scriptum erat in S. Hieronymi codice, **תשופך**, non ut Iudæorum codices nunc exhibenti **ישופך**. Quam multas lectiones Masorethæ adnotant longè dissimiliores, **אשר**, **אשב**; **על**, **עליהם**, **עליכם**; **לבז**, **נה**, **זה**; multa quibus non continetur tantum sub eadem significatione personæ varietas, sed dictio, dictionisque sensus diuersissimus. Quidni igitur tanti Interpretis autoritate freti id de eo affirmabimus, quod omnes homines de quouis paulò celebri interprete solent prædicare? Quare rem Hebraicè intellectu facilem sic vertit, nisi aliter in suo codice legisset quàm nunc in Iudæis legitur?

Non est tamen omnino necesse ut Interpreter legerit **תשופך** quum apud Hebræos non infrequenter vsurpentur personarum enallagæ. Minus adhuc necesse est eum legisse **היא** pro, **הוא**, ut verteret, *ipsa*. Nam natua & consueta in lege scriptio istius pronominis ut sit fœmininum est **היא** non **הוא**, ut nos admonent Maso-

rethæ in Masora magna in litera ה ad dictionem היא; semperque הוא fœmininum sic scribitur in textu Mosi Iudaico locis vndecim exceptis quæ à Masorethis enumerantur ad cap. 38. Genes. v. 25. Hoc citarunt quidam Hæretici, sed perperam & contrario sensu. Cum igitur præcedat pronomen fœmininum זרעה, *semen* αὐτῆς, meritò ex nativa & consueta textus Iudaici scriptione legit Interpres noster pronomen sequens fœminino genere, referens illud ad magis vicinam personam. Quod ad verbum attinet, vel legit, תשופך, vel credidit esse enallagen.

Similiter Genes. 4. v. 7. secundum 70. sic Deus alloquitur Cain, *Nonne si recte offeras, non autem rectè distribuas, peccasti. Quiesce; ad te conuersio eius, & tu principatum habebis ipsius.* In hæc hæretici multis inuehuntur: Alij verò solliciti sunt, vnde hæc sumpserint 70? Facilis responsio, In eorum textu aderat lamed dictioni שאת, quæ nunc abest magna cum elegantia imminutione: deinde pro dictione לפתח, scribebatur לפתח, mutato ה in ת. Sic igitur vertendo legebant & eleganter, הלא אם תיטיב לשאת ואם לא תיטיב לפתח תטאת רבך. Cætera vt nunc iacent. Dictionem autem,

חֲשׁוּקָתוֹ, quæ verti solet, *appetitus*, rectè etiam redditur, conuersio; radices enim שׁוֹק, & שֶׁקֶק, commiscunt tempora, & vtrumque ex æquo significant, appetere, scilicet, & discurrere, motare se, eo quod forsan motus & conuersionis causa sit cupiditas. Vtramque interpretationem coniunxit Abenesdra. Sanctus Hieronymus textum Hebræum à neoterico diuersum non videtur legisse.

Idem est de omnibus aliis varietatibus dicendum, nisi aliæ circumstantiæ, vtpote rei absurditas quemadmodum docet Casiodorus, ad aliam viam ineundam nos adigat. Si enim testibus omnibus Iudæis mendarū chiliades, quot autem præterierunt, textū Iudaicum macularūt, quo iure translationes Ecclesiasticæ ad ipsius normam exigentur. Imò quoties de translationis integritate constabit, toties, si repugnet omnino translationi textus Hebræus, ex translatione meritissimè corrigetur, eritque tum correctionis sensus, si non singula verba, textui Hebræo conformis, qui tempore S. Hieronymi aut 70 Interp. vulgatus erat, vt passim videmus ea quæ in N. T. Latino variant à neoterico Græco, antiquissimorum codicum Græcorum autoritate confirmari.

ANIMADVERSIONIS

In Censuram cap. 8. Exercitat. quarta, pars quinta, in qua de differentia quam instituerunt Masoretha inter varias lectiones, siue Keri Vchetib, & dictiones plenas deficientesque; atque an litera punctis permulentur.

IN decimi loci examine plurimum excandescit Censor. Scripseram Gen. 36. v. 7. **וְכִתְּשָׁם**, plenè scribi, at in alijs libris defectiuè, hoc est sine vau. At Censor, *Quid hîc probas, Morine, aliud quam te prorsus ignarum rudimentorum Hebraica lingua, ac strenuum nugatorem, ut & alias. Disce igitur vau & facile inuicem permutteri, &c.* Respondeo primùm non hîc quæri an facile permulentur vau & kibbutz. Detur hoc, quod neque negaui, neque asserui, neque erat necesse de hoc vel vllum verbum facere: Ideo hinc ignorantiam meam in lingua Hebræa plusquam puerilem non potuisti colligere. Detur inquam hoc, Num hac assertione vel tantillum argumenti mei vires debilitantur? Hoc vnum mihi propositum est demonstrare ex ista varietatum collectione,

Iudæos non ita sacros suos codices inuiolatos conseruasse, sicut Hæretici antiquiores omnes & recentiorum magna pars nugantur, vt ne literula quidem ab iis perierit. En Iudaicorum codicum alij legunt רבשם, alij רבשם, vt non solùm monet marginalis illa nota, sed etiam R. Nathan in Concordantiis ad vocem רבש. Ergo falsissima illorum assertio; Et consequenter malignè & procaciter admodum Vulgatam erroris arguunt vbicunque cum neoterico textu Hebræo non conuenit, cum magna pars errorum quos notant literulæ vnius aut alterius repositione in gratiam cum neoterico Iudæorum textu redire possit. Culpandus igitur nunc potius Hebræus textus quàm vulgata versio, aut saltem, vt impiè faciunt, non semper culpanda versio Catholica. Quid ad hoc argumentum debilitandum præstat dicere, Vau & Kibbuts inuicem permu-
tari? Deinde quis kibbuts substituit cum vau abesse videret? Quid ad S. Hieronymi tempora, aut Talmudistarum seculum quo prorsus erat vel de nomine incognitum Kibbuts, & vniuersa punctorum λεπτολογία, ista τοῦ Vau & Kibbuts permutatio?

Scribit ad sensum nihil attinere, legatur כוושם cum vau necne. Quid tum? Periit litera hæc in ista dictione quæ sensum non mutat, expungi potest, alia quæ sensum omnino peruerteret. Ea est enim mendarum fortuitarum natura ut sensum aliquando vitient, aliquando magis efficacem reddant, aliquando sint ἀσχετοί.

Præterea ad sensum nihil attinere pernego. Ut hoc intelligas Lector de Masoretharum opere paucula breuiter enarro. Duo præstiterunt primi, ut opinor, Masorethæ quæ sunt vtilissima: Textum sacrum recensuerunt, mendas, errores, barbarismos, solœcismos castigarunt, & castigationes ad marginem adnotarunt, quæ fere omnes sensum immutant. Castigationes eiusmodi ultra mille & quingentas aut mille sexcentas collegimus. Aliud ex se quidem vtilissimum præstiterunt, sed quod propter vitiosam & perturbatam Masoræ scriptiōnem innumeros errores in textum sacrum inuehere posset, si quis in eo recensendo Masoræ potissimum incumberet. Illud est dictionum plenarum vel defectiuarum obseruatio, quoties scilicet sine vau vel jod, vel cum vau vel jod scribantur. Vau vel

jod in istis dictionibus absentia sensum necessariò non mutat, semper enim dictio defectiua idem significare potest quod plena. Sed tamen literarum istarum absentia semper reddit dictionem longè pluribus sensibus & interpretationibus obnoxiam. V.g. רכוש (Est enim dictio de qua quaestio vertitur istius posterioris generis) nihil aliud significat quàm *opes seu facultates eorum*, Idem & רכש. Sed hoc posterius si punctis aliis legatur plura alia significabit, רכשם *acquisiuit eos*, רכשם *acquirens eos*, רכשם *equis*, vel, *currus eorum celer*. Idem est de cæteris iudicium. Falsum est igitur ad sensum non referre vtro modo scribatur illa dictio, cum tibi liceat semper ex antecedentibus & consequentibus iudicare quænam istarum variarum significationum textui magis conueniat, & eam amplecti.

Denique quis docuit doctissimum nostrum Grammaticum literas punctis permutari. Literas literis, præsertim literas ידוא, puncta quoque punctis aliquando permutari scribunt Iudæorum Grammatici, sed literas punctis nullus vnquam Grammaticus scripsit, nullus sic locutus est. Num literarum permutationes è genio

linguæ oriuntur? Quæ punctorum cum literis permutatio erat S. Hieronymo, erat Talmudistis & tñs Midraschim cognita, apud quos nulla punctorum mentio? Verum quidem est Masorethas & priores Grammaticos ad notandam absentiam radicalis alicuius literæ, vel alterius literæ, aut etiam ׀ articuli, inscripsisse daghes, aut vocalem breuem infigi solitam produxisse. Sed hæ notæ artificiales sunt, & Grammaticorum industria inuentæ: Verum literarum permutationes à linguæ natura, & illius vsu quotidiano cum vernacula est, procedunt. Itaque ad literarum permutationes quas obseruant Grammatici nihil spectant. Quid igitur aliud ego facio rudimentorum Hebraicæ linguæ ignarus hæc à Censore si disco, quàm omnibus harum rerum scientibus me deridendum exhibere?

ANIMADVERSIONIS

In Censuram cap. 8. Exercit. quarta pars sexta, in qua traduntur intima rationes defectus & plenitudinis dictionum qua à Masorethis singulis paginis creberrimè adnotantur.

VERUM si præceptiones Grammaticas penitus inspiciamus & linguæ ge-

nium à Masorethis intimè perspectum, quid poterat magis indoctum grandiori supercilio proferri? Agitur hîc de dictionum quas Masorethæ, & ante eos Talmudistæ & מדרש Midraschim auctores plenas & defectiuas vocarunt, natura explicanda. Vno verbo Censor, *Disce vau & Kibbuts facile inuicem permutari, &c.* Longum esset, & à proposito nostro maximè alienum hoc mysterium Masorethicum quod omnes Iudæorum Grammatici, vno excepto Elia, ausi non sunt attingere, hîc integrè explicare. Pauca tantùm hîc delibabimus quibus fiet manifestum prima istius artis rudimenta Censori ne fama quidem cognita fuisse. Axioma est Grammaticorum Iudaicorum omnes motiones seu vocales magnas habere necessariò post se quiescentem, vel expressam vel latentem: post Kamets scilicet in medio dictionis quiescit aleph; in fine, aleph vel he: post tsere aut chirik jod; post cholem aut scurek vau. Ideo literas istas præsertim aleph, vau, iod, vocant matres pronuntiationis, protractionis, & sermonis. Ita liber Ietsiræ, Abenescra in libro צרות, seu elegantia, Commentarius in Grammaticam Iechuthielis dictus ליות הן, qui ibi notat literas יהוא cundem

eundem numerum præstare quem tetragrammaton, scilicet 22, quot sunt in vniuersum literæ: Kimhi initio tractatus de nominibus, Elias in capitibus suis Cantic. 2. Aben Iechaie in libro *לשון למודי* c.4. Arkeualti & alij. Vocem deficientem Masorethæ vocant cum post morionem magnam non exprimitur quiescens sed latet; plenam cum exprimitur & apparet.

Aleph autem vix vnquam post Kamets exprimitur, nisi cum radicalis est, aut formatiua dictionis: sed tum ad propositum nostrum non pertinet, sicut nec aliæ literæ quiescentes. Cum autem exprimitur, vt 2. Samuël. 11. v. 1. *המלכים*, *reges*, Osee 10. v. 14. *קאם*, &c. non notant Masorethæ, plena est, sed, *לא מפקין א*, *non pronuntiatur aleph*, vel, *יתיר א*, *abundat Aleph*. Nec cum deficit, notant *חסר* deficiens est dictio, quia semper fere deficit. Eadem ratio תהי, in fine, nam quiescentis ministerium illi tantum tribuunt in fine dictionum, nunquam in medio, aut principio. Itaque propter וואu aut jod præsentiam vel absentiam dictiones Masorethis tantum dicuntur plenæ vel deficientes. Neque deficientes aut plenæ dicuntur semper, sed tantum cum literæ istæ quies-

cunt intra dictionem, *vau* scilicet post *cholem* aut *schurek*, *jod* post *chirik* aut *tsere*. Istam autem regulam obseruant *Masorethæ*, vt quando plenæ plures sunt defectiuis numerent deficientes non plenas; Cum autem deficientes plures sunt plenis numerent plenas non deficientes. Itaque non semper *chirik* aut *cholem* absente *vau* vel *jod* dicendæ sunt vocales breues: Non enim vocalis longa in breuem mutatur vnquam propter absentiam literæ quiescentis, siue protractionis; aliàs *Kamets* vix vnquam esset vocalis longa, sed propter regimen aut affixa. Cum igitur absunt à dictione *vau* vel *jod* quod non tantum ex genio linguæ, sed plerumque ex Scribarum negligentia contingit, notantque *Masorethæ*, deficiens est dictio, *Chirik* illud vel *Cholem* non sunt vocales breues, sed longæ quia post eas tum latere intelliguntur *vau* vel *iod* matres pronuntiationis, non secus ac *Aleph* post *Kamets*; & non nisi imperitissime tum diceretur, *vau* vel *iod*, vel si mauis, *vau cholem* & *vau chirik* esse permutata cum vocalibus breuib; *Cholem* & *Chirik*. Idem esset ac si diceres *Aleph* esse permutatum cum *patah* quoties cum *kamets* non ex-

prim
E
bit
qu
pte
ist
va
mo
se
N
i
i

primitur Aleph.

Eadem est ratio literæ vau cum ei inscribitur punctum quod dicitur schurek. Aliquando enim vau deficit, nec tamen propter istum defectum censenda est litera ista in vocalem breuem mutari, sicut nec vau cholem, nec iod chirik aut tsere. Sed meritò dubitarunt Masorethæ qua figura seu nota defectum istum significarent. Nam punctum istud quod $\tau\omega$ vau schurek inscribunt sublato vau non erat æquum vt intra literas textus relinqueretur: dictionem enim in duas separasset. Non debuit superscribi, confunderetur enim cum vau cholem; non subscribi, ne idem illi accideret cum iod chirik, non duobus punctis notari, ne crederetur tsere vel scheua. Quid igitur vsurparunt? vocalem breuem eiusdem soni quæ kibbutz dicitur. Hac in causa igitur vau schurek non permutatur cum Kibbutz iuxta mentem Masoretharum: Nam Kibbutz illud nihil aliud est quàm punctum seu vocalis schurek quæ propter absentiam literæ vau in media dictione notari non potuit.

Nunc quæritur quomodo cum sit duplex Kibbutz, vnum quod idem est prorsus cum vau schurek; aliud quod est vocalis

parua, alterum ab altero discernetur?
 Hanc tradit regulam Elias in libro Ma-
 ſoreth Hammaſoreth, Notum eſſe ex
 Grammatica poſt omnem vocalem par-
 uam daghes ſequi aut ſcheua quieſcens.
 Quoties igitur deprehenditur Kibbutz, &
 illud ſequitur daghes aut ſcheua quie-
 ſcens, tum iſtud Kibbutz eſt vocalis parua,
 & ad illud non adnotant Maſorethæ vox
 eſt defectiua, vt in coniugatione Puhāl.
 At ſi neutrum ſequatur, tum eſt vocalis
 longa, & loco vau ſchurē. Tradit iſtud
 exemplum ex Ierem. 14. v. 16. יהיו משרכים
 בקצות ירושלים. Prius Kibbutz eſt vocalis par-
 ua, ſequitur enim ſcheua, ideo non tradi-
 tur חסר, ſed poſterius eſt vocalis longa,
 & ſuper illud traditur, חסר, defectiua eſt.
 Sic dictio cuius occaſione hæc diximus
 punctari debet רכש, & quia nec daghes
 ſequitur nec ſcheua quieſcens, illud Kib-
 butz notabit vau deficere, & plenè ſcribi
 debere. Quia autem plurimi alij libri ple-
 nè ſcribunt רכש, manifeſtum eſt in alte-
 rutris libris literam vau periſſe; niſi dicere
 velis cum ſtultis quibuſdam iudeis & hæ-
 reticis Moſen in textu, רכש, ſcripſiſſe,
 in margine verò רכש. Quanquam nec
 iſta ſolutio ſatisfacit, nam, רכש, non eſt

ad marginem appositum, quia varietas ista Masorethas fugit, & post eos vt cæteræ à nobis adnotatæ, obseruata. Neque si eam obseruassent Masorethæ, ab iis ad marginem restituta fuisset, dictiones enim plenas & deficientes ad marginem numerant non restituumt, sed tātum כֶּרִי Vchetib.

Hæc est artificij Masorethici ratio præcipua qua vsi sunt illi Iudæi in punctorum suorum inscriptione vt literas vau vel iod in scriptione deficere notarent, quæ tamen in pronuntiatione semper suppleuntur, V.g. מַמְלָכָה, cum est plurale semper pronuntiat, Mammelacoth siue adsit vau siue absit. Nec vnquam licet sine sacrilegio vau vel iod punctis suis affecta in sacro textu de industria omittere, & cum vocalibus seu punctis suis permutare. In proprio quidem textu vnicuique iuxta linguæ analogiam id licet: Sæpe enim illorum absentiam patitur non modò linguæ Hebraicæ, sed etiam aliarum Orientalium consuetudo. Hæc quidem post Masorethas, verum ante eas nulla istarum vocalium memoria: Id tantum commemorabatur, hæc, dictio ter quaterve deficiens est, ter quaterve plena, &c. Qua in re, vt etiam nunc, Iudæorum libri à se inuicem dissentiunt.

ANIMADVERSIONIS

In Censuram cap. 8. Exercit. quarta pars septima, in qua docetur exemplis quàm multæ textus Hebræi varietates à Masora eruantur, quàmque sit periculosum ex ea textum Hebræum corrigere.

ANtequam finiam, Lector, dissensionem longè maiorem tibi exhibebo, quam occasione exempli ab Elia allati deprehendi. Res sic se habet, Scribit **בְּחֻצוֹת** sic punctari & scribi, adnotarique à Masorethis **הַסֵּר**. Id quod citat habetur Jerem. 14. 16. eo loco Bibliorum Venerorum Masora textualis, & parua, non modò nihil prorsus adnotant, sed **בְּחֻצוֹת** plenè scribunt, vt & alia Biblia excusa. Magna Masora in fine Bibliorum sic ad dictionem **חֻצוֹת** notat **ב' כְּתו' כֵּן וְסִימ' נִמְסַר בְּפֶרֶש' בְּלֶק וְעֵשׂ**. duo sic scribuntur: *Index eorum traditur in parascha Batak. Vide ibi.* Video, & reperiò Numer. 22. v. 39. ad vocem **חֻצוֹת** adnotatum, **ב' כֹּכ בְּלִיש' וְחֻצוֹת תִּשִּׁים לךְ, בְּרִמְשָׁךְ**, *Duo scribuntur sic in hoc sensu*, reliqua denotant 1. Reg. c. 20. v. 34. vbi & **וְחֻצוֹת**, & ista verba leguntur. Masora verò magna textualis ad eundem locum Nu-

In Censuram Exercit. Samarit. 407
 merorum sic refert, ב' כתו' כן חס' ויו קדמ',
 וסימ' ויבאו קרית חצות' והצות תשים לך
 בדמשך' וכל ירמיה דכוו' חצות' וא' בחוצת
 כתיב חסרו' ותניין וסימ' ואל תבשרו בחוצות.
 Hoc est, duo sic scribuntur, deficientia priore vau. In-
 dex, Et venerunt ciuitatē platearū, Et plateas
 pones tibi in Damasco, (id est Num. 22. v. 39.
 & 1. Reg. 20. v. 34.) Et omnis Ieremias si-
 milis est חצות, Vnum autem scribitur בחוצת
 deficiens vau secundum, Index, Et ne annun-
 tietis in plateis. (id est, 2. Sam. c. 1. v. 20.)
 Reliqua autem scribuntur חוצות utrinque
 plenē. Iuxta Masoram igitur apud Iere-
 miam debet hæc dictio defectiuē semper
 scribi: sed in Bibliis Venetis, & aliis vulgò
 excusis quater plenē scribitur. Ierem. 5. 1.
 c. 7. 17. & 34. c. 14. 16. Præterea in versus
 nota Masora legit, ואל, nunc in textu ab-
 est coniunctio copulans.

Iterum eiusdem dictionis occasione
 monebo, Masoram magnam ad dictionem
 ב' כתובין כן בלישנ' וסימ', חוצתיה, notare,
 נמסר ביחזקאל סימן יא, Duo sic scribuntur,
 in hac significatione, Index traditur cap. 11.
 Ezechielis. Sed Ezech. c. 10. v. 6. Parua
 Masora notat, ג' כב בליש', tria sic scribun-

tur in hac significatione, Magna verò textualis, ג' כתיב בן בליש' וסימ' אל תנידו, בנת' מלאתם חוצותיה חגרו שק' וכל ירמיה רבוו חצות כתיב. *Tria scribuntur sic in hac significatione, ne annuntietis in Gath*, (2. Sam. 1. 20.) & *impleuistis plateas eius*. (Ezech. 11. 6.) *Cingite saccum*. (Isaia 15. 3. vel 8.) *Omnis autem Jeremias similis est, scribiturque חצות*. Quintuplex error, 1. Vna Masora tria enumerat, alia duo, licet ea quæ duo Lectorem remittat ad eam quæ tria. 2. Index primæ dictionis falsus, aut si sequendus, corrumpenda dictio Biblica, & legendum חוצותיה pro חוצות. 3. Apud Ezechielem in Venetis & Vulgatis excusis non scribitur, vt iubet Masora, חוצותיה, sed est dictio vtriusque plena. 4. Omittit Masora Ezech. 28. 23. בחוצותיה. Itaque si Masoræ inhærendum, ista dictio est è textu expungenda. Omittit Ps. 144. 13. בחוצותינו. Si dicas Masoram intelligi debere de dictione חוצותיה, regeo. Ergo malè allegauit caput Isaia 15. 3. nam ibi legitur nunc בחוצותי, aut erit iuxta ipsius præscriptum illa dictio mutanda in בחוצותיה. Denique confirmat Masoræ supra allatæ multiplicem in libro Ieremiæ errorem. Sat à proposito digressi sumus. Errores innumeri

confiniles in correctioni Masora passim ab iis qui istius artis non sunt imperiti deprehenduntur, quoties illius observationes examinantur. Excipio semper קריובתיב דע cuius observatio utilissima ab aliis omnibus plurimum differt. Id sepius in Exercitationibus nostris editis & edendis experti sumus. Nunc iudica Lector quàm tutum sacros codices ex Masora corrigere & restituere. Facile iactatur, Masora, sepes est legi; post Masoram lex corrumpi non potest. Qui sic iactat, id bis, terve tetter, statimque illi aqua hærebit.

ANIMADVERSIO

Incap. nonum Exercit. quarta, in qua de modo in correctione Ecclesiast. translationum adhibendo iuxta Censoris sententiam, deque variarum lectionum qua in Hebreo textu occurrunt gravitate & leuitate disferitur.

Censuræ cap. noni eiusdem Exercitationis iam responsum est in abstersione quartæ calumniæ: Nonnulla tamen præteriuimus quæ mihi videntur animadversione digna. Concedit cum autore libri Cozri quem citaueramus varietatem

lectionum in Iudæorum codicibus si omnis generis exempla consideremus, esse innumeram. Nihil vnquam durius de istis codicibus pronuntiauius. Sed addit, varietates illas quod ad sententiam attinet, nullius esse momenti. Mirum est quod cum librorum Iudaicorum mendæ vt ipse vult, sint innumeræ, nulla tamen alicuius momenti deprehendatur. Saltem illi vnus aut alter locus erat excipiendus: docet enim p. 143. Iudæos vnum aut alterum locum malignè corrupisse, præsertim v. 17. Psal. 22. quod nos de quocūque loco non satis probabile semper existimauius.

Est & aliud quod quiuis Catholicus mirari magis debeat. Nullam vult Censor esse in Hebræo textu alicuius momenti mendam. De Græca verò & Latina Ecclesiæ translatione quid censeret sic sermocinatur pag. 65. *Sed vtræque fortasse mendis & vitijs quibusdam infecta etiamnum conspiciuntur. Esto, an vestis maculis aspersa, aut perperam, præterque artem facta, statim est deponenda aut abijcienda, an potius eluenda aut corrigenda?* Versionum Ecclesiasticarum præclaræ laudes, perperam, præterque artem factæ sunt. Erga tamen earum autores beneficis est Censor, &

clemens. Abiiciendas non sancit, sed tantum eluendas & corrigendas. In ista autem correctione quis modus tenendus? Hoc etiam nos docet Censor pag. 66. alia similitudine quam notari velim, *Verum*, inquit, *teneatur modus, idque honoris antiquitati habeatur, Veteres ut illa versiones non subuertantur tota; sed quemadmodum in laccera naui fieri solet, in ijs solum quod opus erit, resarciatur, sic ut eadem manere dici possint, non secus atque naus eadem perseuerat ex Iurisconsultorum sententia, etsi puppis, prora, aliaque latera fuerint adtexta.* Quis hostium Vulgatæ Ecclesiæ translationi infensissimorum modum in ea corrigenda exegit vnquam tam immoderatum? Quis eorum antiquitati Ecclesiasticarum translationum honorem ampliorem non detulit? In hæc animaduertere aliorum est, non nostrum.

Sententiam suam quòd mendæ Hebraicæ nullius sint momenti, Cardinalis Bellarmini autoritate tuetur; quàm appositè Lector iudicet. Verba hæc refert ex c. 2. lib. 2. de Verbo Dei, *Totam variarum lectionum Hebraei textus discrepantiam plerumque in dictionibus quibusdam positam esse quæ sensum aut parum, aut nihil mutant.*

Quis harum rerum peritus negat id plerumque fieri, vt docet sanctus ille Cardinalis? Sed quo consequentiæ vinculo illa Cardinalis sententia hanc Censoris assertionem demonstrat? *Fatemur libenter varietatem lectionum in Iudeorum codicibus esse innumeram, sed eam qua nullius momenti sit, quod ad sententiam attinet.* Præterea verum est neminem de hoc variarum lectionum momento certò iudicare posse: Multæ enim sunt quæ nunc omnibus rectè iudicantibus nullius momenti videbuntur, quæ nouis hæresibus exortis maximi momenti esse incipient; quia vnā lectionem facilius alia in suam sententiam trahent, aut facilius iuxta alterutram Catholicorum argumentum eludent: futura autem omnia præuidere nulli hominum datum est.

Sæpissimè Censor me toto libro compellat, quasi aduersus eum scripsissem de qua ioculari compellatione dictum est in secundæ calumniæ absterfione. Hoc capite non semel, *Haud inficiati sumus unquam leuiculas mendas, aut si vis etiam errores fortè & casu, aut etiam Librariorum inscitia ac negligentia in textum Hebræum obrepisse, &c.* Quid affirmares aut negares,

Censor, cum Exercitationes illas scribebamus, non considerabamus, nec considerare poteramus, qui libros tuos non legeramus, nec hactenus præter istam Censuram legimus, nec vnquam te de hac re differentem audiueramus. Quod ad rem attinet, licet multis de mendis in Iudæorum codices illapsis aduersus Hæreticos & Iudæos egerimus, nihil tamen vnquam diximus quod sententiæ tuæ verbis iam relatis expressæ aliquid superaddat; vel etiam verbis quæ iterum ex Cardinale Bellarmino refers, mendas illas non esse tanti momenti, ut in ijs quæ ad fidem & bonos mores pertinent, Scriptura sacra integritas desideretur. Sed ista propositio ab ea multum differt quæ mendas istas omnes nullius esse momenti quod ad sensum attinet, operosè contendit.

Fatetur, Censor, duorum versuum cap. 21. Iosue in multis Iudæorum codicibus expunctionem, additque, *Neque porro Hebraicam editionem sic tueri est animus, ut nihil prorsus impuri habere affirmemus.* Quid nos aliud ex duorum istorum versuum expunctione collegimus? En disputationis nostræ hac de re conclusionem pag. 360. *Duo igitur illi versus ab Esdra in Paralipo-*

menis ex hoc loco exscripti fuerant, sed temporum iniuriâ, & Iudæorum incuriâ non secus ac multi alij, de librorum longè maxima parte deleti sunt. Quorsum igitur Censoris de actione falsi aduersus Iudæos institutæ tam dicaces querelæ?

ANIMADVERSIONIS

In cap. decimum Exercit. quarta, Pars prior, in qua de temporum breuiario à Samaritis ad Iosephum Scaligerum misso, eiusque cum Pentateucho Samarit. conciliatione.

Offendit etiam Censor in capite decimo & postremo Exercitationum mearum Samariticarum quod virgula sua Censoria notaret. Duo sunt quæ loco moueri iubet, quo iure consideremus. Exemplar Morini Samariticum, inquit, habet Mathusalam annorum fuisse sexaginta septem cum genuit Lamech: At Scaligeri exemplar habet Septuaginta septem. Ergo aliud erat Scaligeri, aliud Morini. Respondeo primùm, si propter vnam dictionem, imò propter duas, tres, quatuor, & multò plures Exemplaria dici non possunt eadem, non modò nulla Biblia, sed nulli libri cuiuslibet autoris antiqui

nunc dici possunt genuina & eadem. Quid de Bibliis Hebraicis colligere par erit, quibus innumeras varietates inesse capite precedente scripsit, vnamque non vnius dictionis, sed duorum versuum. Insulsa est igitur Censoris consequentia, quam ex animo stomachoso, iraque ebulliente expectorauit indignatio.

Sed rem ipsam consideremus. Scribit Iosephum Scaligerum Pentateuchum Samaritanum penes se habuisse ab ipsis Samaritanis acceptum, atque ex isto codice quæ de Mathusala refert, exscripsisse. Quis Censori dixit Pentateucho Samaritano Scaligerum usum? Quis hoc fando vnquam audiuerat antequam Censor id sibi persuaderet? Prostant Scaligeri libri Orientales & Hebraici in Academia Leidenfis Bibliotheca, omnibusque huius rei, curiosis ostentantur: inquirat an eiusmodi codex ibi conseruetur. Si quis oculis suis credere non vult, credat Scaligero, qui in fine adnotationum in computum Samariticum scribit tantum penes se fuisse magnam Chronologiam Samariticam, & *ἡγεμονία* sibi à Sacerdote seu Præfeto Alexandrinæ Synagogæ missum; & conqueritur de negligentia peregrinantium in

Palæstina, qui eiusmodi Pentateuchum aliosque libros ex quorum cognitione fructus vberissimi in sacram Historiam redundarent, à Samaritanis non comparant. Istud *ἡροτογὰφιον*, siue breuiarium temporum Scaliger edicurauit, in libris de emendatione temporum, Latinè vertit, notisque illustrauit. In fine istius breuiculi quod vna paginula constat, textitur quinque aut sex lineis Chronologia Samaritica ab Adam vsque ad Moysen, atque hinc hausit quæ de Samariticis epochis scribit Scaliger, vt quisque videre potest in libris de emendatione temporum.

At Censor testem profert Scaligerum ipsum in notis ad Græca Eusebij *παραδοξαίης ἱστορίας* fragmenta. Ne fidamus Censori Scaligeri nomen suppresso textu iactanti. Ipsius verba referamus, *In libris nostris de emendatione temporum produximus ἡροτογὰφιον quod ipsimet nobis communicarunt Samaritani. Id cum hoc in omnibus conuenit præterquam in annis Malaleel, Enoch, Mathusala, quod quidem discrimen vitio Librariorum hic commissum. Hæc fuit sola Scaligeri Samaritica supellex. An Samaritarum Pentateuchum reticuisset, qui vnus paginae cōpēdiolū ab iis ad se missū rātopere ostentat?*
Nunc

Nunc autem tentemus an breuiarium istud cum exemplari nostro in gratiam redire possit. Hic est integer chronologicus breuiarij contextus interprete Scaligero, *Ab Adam ad mortem eius 130. anni, Seth anni 105. Enos 90. Kainan 70. Malalcel 75. Jared 72. Henoch 65. Mathusala 77. Lamec 53. Noach 700. Arphaxad 135. Salach 130. Heber 134. Phaleg 130. Reu 132. Serug 130. Nachor 79. Thare 70. Numeri ad Abraham super quem sit pax anni 2267. Iunge istos numeros, deprehendes 2377. Excessus igitur superat Epilogismum Samaritani istius Sacerdotis annis 110. Tolle igitur crassum errorem annorum Noach ad Arphaxad, & errorem annorum Mathusalæ qui annis decem superat nostros, videbis omnia congruere. Falsus est igitur Scaliger in Lectione & interpretatione istius brevis Samaritici, & Samaritæ mentem non est afflictus, vt vel ex primis verbis manifestum est. Characteris & scriptionis difficultas & insolita figura de quibus Scaliger grauiter conqueritur, ipsius industriam superarunt: *Typus*, inquit, *computi conceptus est literis pene inexplicabilibus. Itaque dicam serio, Herculeum fuit facinus legere, & lecta explicare. Nam diuinandum planè fuit, & ve-**

reor ne in quibusdam hariolati simus. Huic difficultati accedit numeros illos in illo summario scribendi compendium. Animaduertit Censor numeros integrè non compendiosè scriptos esse, ne erroris occasionem causari quis possit. Cæca prorsus speculatio. Samariticum istud *γενογενάφιον* licet publicum non legit vnquam, nec Pentateuchum vidit. Quid cæco cum speculis, & Censori nostro cum eiusmodi rebus?

Iudica, Lector, an tanta æquitate quanto supercilio Censor codici nostro Samaritano *κεδνήλια* notam inurat. Codici nostro pulcherrimè scripto habebamus suffragantes Eusebij & Africani numeros ante mille trecentos aut quadringentos annos è codicibus Samaritanis exscriptos; his consentientem Georgium Syncellum hominem Græcum doctissimum ante circiter octingentos annos scribentem; alium insuper codicem integrum lingua & caractere Samaritano descriptum. Censor verò totam notæ suæ figendæ contra tot argumenta rationem, Scaligeri Pentateuchum Samaritanum, qui nullus vnquam fuit, & temporum Summarium inexplicabilibus literis & numerorum com-

pendiis exaratum à se nunquam lectum, imò nec vnquam visum.

Paulò postquam ista scripseramus tres codices Samaritanos ab amplissimo viro & de literis optimè merito D. Perefio supremæ Curix Aquensis Senatore integerrimo, cuius mortem paucis antehac mensibus Musæ omnes collachrymauere, Parisiis accepimus, quorum vnus integer eosdem numeros quos de exemplari nostro exhibuimus, repræsentabat, alij hac parte erant mutili. Alius præterea codex celebratur, & dicitur esse Archiepiscopi Armachani, & ab eo è Palæstina in Hyberniam exportatus, qui Leydensibus Academicis nonnullo tempore fuit commodatus. Istum codicem vir clarissimus & doctissimus Thomas Comberus Anglus, quem honoris & officij reddendi causa nomeno, cum textu Iudaico verbum è verbo, imò literā cum litera maxima diligentia & indefesso labore comparauit, differentiasq; omnes iuxta capitum & versuum ordinem digestas ad me misit humanissimè & officiosissimè. Hic codex integer eosdem redhibet numeros quos alij codices Samaritani antiqui & recentiores. Itaque manifestum est *ἡ θεωρογραφία* istud à Scaligero,

quod ipse non diffitetur, intellectum non fuisse, forsanque, vt in ætate τ̃ Malaleel, ab ipso Samarita perperam aliquid exscriptum esse.

ANIMADVERSIONIS

In cap. decimum Exercit. quartæ, Pars posterior, in qua de sententia S. Hieronymi quæ spectat epilogismum annorum Mathusalæ secundum Samaritas.

ALterum quod Censoris seueritas pati non potest, spectat ad cap. 3. Excitationis tertiæ, in qua de quibusdam S. Hieronymi verbis agitur, quibus ad calculum reuocans annos Mathusalæ secundum 70. affirmare videtur codices Hebræos & Samaritanos in annis Mathusalæ & Lamech concordēs esse. Responderam ex verbis S. Hieronymi prima facie videri sic omnino colligendum esse; scopus tamen eius si diligentius perpendatur, verba ista nihil nobis officere. Scopus sancti est demonstrare ex consensu codicum Iudaicorum & Samaritanorum errorem irrepsisse in 70 Interpretes vbi de annis Mathusalæ, qui iuxta illorum calculos annis quatuordecim diluuiο supervixit. Iudaici

enim & Samaritani numeri si dispungantur, ex vtrisque colligetur Mathusala eodem anno quo diluvium contigit mortem obiisse. Non inde tamen sequitur utrosque eodem epilogismo id præstare, & numerorum hypothese[m] ab eo allatam ad utrosque pertinere. Iudaici numeri noti sunt, eosque profert exempli causa S. Hieronymus. Ex Samariticis idem epilogismus subducitur. Mathusala in eorum codice dicitur annis 720. vixisse, anno vero 67. Lamechum genuisse, Lamechus autem Noachum an. 53, qui simul iuncti 120 conficiunt. Atqui anno Noachi sexcentesimo diluvium contigit: Ergo, eo ipso anno quo vitâ functus est Mathusala; quod erat aduersus Vulgatos 70 Interpretum numeros S. Hieronymo demonstrandum?

Quid adhæc Cenfor? suo more solens cachinnandi occasionem occupat. *Ficum*, inquit, *appello ficum*, addere debuerat, & ficulneum dictis meis auxilium procuro: *Nec quaro præter quod sonant verba*, Interpretationis genus Grammatico dignum; sed viris scientiarum peritis: plerumque insipidum. *Miratur tam callidas interpretationes, seque non ita perspicacem fatetur.*

Ridentem dicere verum , Quid vetat ? Quod ad rem ipsam attinet , nihil aliud quàm exscribit Hieronymiani testimonij antecedentia & consequentia. Sed ea difficultatis nodum non magis stringunt , quàm ea quæ citaueram ; imò laxant magis , quum S. Hieronymi scopum evidentiùs aperiant.

Solutionem difficultatis è solis S. Hieronymi verbis cum Samaritano Pentateucho collatis probabiliter à nobis erutam , firmissimis autoritatibus illo loco confirmaueramus. Eosdem enim numeros qui nunc in Samaritanis codicibus leguntur , ante mille & trecentos annos Eusebius ex codicibus sui temporis exscripserat , atque ante eum Iunilius Africanus ; longoque post eos tempore eosdem numeros in opera sua retulerunt Georgij duo Monachi , Syncellus & Cedrenus. Idem igitur illi numeri qui nunc leguntur , ante & post S. Hieronymum non modo legebantur , sed etiam erant virorum doctorum scriptis celeberrimi. Quî igitur potuit S. Hieronymus Samariticos numeros vt incognitos cum Iudaicis confundere ? Sed est quod vrgeat magis. S. Hieronymus Latine vertit illud ipsum opus Chronicorum Eusebij

canonum in quo referuntur , extatque etiam nunc in Temporum thesauro Scaligerano licet multis locis mutilum. Cui igitur fiet probabile S. Hieronymum numeros Samariticos eosdem cum Iudæicis credidisse?

Hæc aliaque eiusmodi à nobis adnotata præterit Censor velut omnibus mortalibus incognita : Audetque hæc addere , *Nunquam profectò D. Hieronymus diligentissimus scriptor siluisset diuersitatem inter Hebraicum & Samariticum codicem , si quantum fuisset. Iniuria , credo , fit D. Hieronymo si aliter credatur. An Censorem accusare debeas obliuionis , an ignorantiae , an temeritatis parum pudentis , Iudica Lector. Diuersitas si quantum fuisset?* At Africanus & Eusebius eandem Samaritarum & Iudæorum diuersitatem publicis & celeberrimis scriptis adnotarunt : At S. Hieronymus Eusebiana illa scripta Latine vertit : At ipse Censor initio Censuræ huius decimi capitis ex Eusebianis fragmentis apud Scaligerum extantibus eandem illam Samaritarum à Iudæis diuersitatem non agnouit modo , sed etiam restitutionem annorum Enochii à me factam , & Mathusalæ à Scaligero comprobauit.

Vtraque autem restitutio vt & deprauatio
erant à Iudaicis numeris diuersissimæ.

Censor, si sapis, crede mihi, Spartam
quam nactus es, hanc exorna. Analpha-
betos prima Grammaticæ Hebrææ rudi-
menta annis iam viginti quinque docuisti:
In hac palæstra senuisti, in ea te iacta; hinc
laudem consequi potes. Noli amplius dis-
cere, vt in hac causa temerè fecisti, *ὃς πίθω
πλὴν κεράμειαν*, ne quis tandem in te meritò
torqueat quod Apelles cuidam in officina
sua de picturis & imaginibus imperitè dis-
ferenti, non inficetè respondit, Num vides
verba, rationesque tuas, pueris qui hos co-
lores terunt, miscentque risum concitare?



FINIS.

1-7-1-2

